

3 1761 04239 0419





اقتصاد و صنعت

اخلاق و صنعت منازعه لری	۱۶۴
صنعت طبیعی تقلید ابتدیی جهتله بی اخلاقدر نظریه سی	۱۶۵
اعتباری ، حقیقتدن متباعد اولدینی جهتله بی اخلاقدر نظریه سی .	۱۶۸
حامل اولدینی هیجاندن طولانی بی اخلاقدر نظریه سی .	۱۷۳
صنعت نه اخلاقدر ، نه ده غیر اخلاقدر نظریه سی	۱۷۷
صنعتك اعتیادات و اخلاق اوزرینه تأثیری	۱۸۰
بی اخلاق ایله صنعت اجتماع ابدی	۱۸۸

صنعت و تقیید

تلفیات تقییده	۱۹۶
آثار صنعتده آهنك ، وحدت ، حقیقت	۱۹۷
تقیدده هیجان بدینی و مکملیت افاده	۲۰۱
تقیدده حسیات اخلاقیه واجتماعیه	۲۰۶
منقد	۲۰۸

رها

دها	۲۱۶
داهیلر	۲۰۸
دامی و هنرور آره سنده کی فرق	۲۲۴

شعر

شعر ك معنای عمومی	۲۳۰
شعر نه در ؟	۲۳۱
شرائط حسیه و تأثریه	۲۳۶
لسان شعر	۲۳۸
انواع ادبیه	۲۴۵
داستان	۲۴۷
نشیده	۲۵۲
تماشا	۲۵۵

صنعتده حسن بدیی	۶۳
طبیعت حسن	۶۵
غایهٔ صنعت	۶۸

تقلید مسئله سی

اصول مطلقه ، نقل تأثرات وتحسسات اصولی ، اصول تاریخی	۷۴
تخریبات تجریبه نتیجه سنده تقسیم صنعت	۷۸
تقلید	۸۰
اثر صنعت تقلید ناممیدر ؟	۸۷
وصف اساسی مسئله سی	۹۲
ایده آلیزم ، ره آلیزم ، شخصیت	۱۰۲
ادبیاتك ، صنعتك علوم ساثره ایله مناسبتی	۱۰۹

صنعت و تاریخ

صنعت اوزرنده تدقیقات تاریخی ده خطا	۱۱۷
موضوع اعتباریله آثار صنعتده معلومات ماضیه	۱۱۸
شخصیت صنعتکار اعتباریله معلومات ماضیه	۱۲۲
آثار صنعت اوزرنده زمانك تأثیراتی	۱۲۵
صنعتك حیات طبیعی بی ، حیات اجتماعی بی ، روح بشری	۱۳۰

اظهار والهامی

صنعتك وظیفه اجتماعی سی

صنعتك وظیفه اجتماعی سنك طرز و تلقیاتی	۱۳۱
تشکلاتی ، طبیعتی اعتباریله آثار صنعت اجتماعی	۱۴۰
صنایعی اعتباریله آثار صنعت اجتماعی	۱۴۲
حامل اولدینی حسن بدیی طولانی سیله اجتماعی	۱۴۵
حامل اولدینی حسیات اعتباریله اجتماعی	۱۵۰
تولید ابتدییکی هیجان اعتباریله اجتماعی	۱۵۴
صنعت بذاته اجتماعی	۱۵۷

فهرست

تعاریف و مراد اول

صحیفه

صنعت عضویت بشریه نك نتیجه طبعیه سیدر	۳
قبل التاريخ - صنعت	۵
لسان و یازی ایله صنعتك امتزاجی و بونلرك تشكندده خدمتی	۷
لسان تحریر و تكلمك ایکی یه انقسامندن باشلیجه اشكال صنعتك تولدی	۱۲
صنعتك علم و وظائف الاعضایه عائد شرائطی	۱۹
شرائط روحیه : وحدت منطقیه ، تنوع ، تضاد ، تكرار	۲۲
صنعتده حیات و اخلاق .	۲۴
خلاصه	۲۸

صنعت زور ؟

صنایع نفیسه ذن هر برینك انكشافات تاریخیه سی .	۳۲
صنعتك تعریف عمومیه سی	۳۸
صنایع نفیسه مختلفه آره سنده کی مناسبترلر ، مشابهلر	۴۱

زور نه در ؟

ذوقك تنوعی ، قابلیت تحویله سی .	۴۵
بونلرك اسبابی	۴۶
مودا	۴۷
ذوق نه در ؟	۴۹

صنعت زور ؟

فكر حسن	۵۲
طبیعتده حسن	۵۵
طبیعتده حسن شبه بدیعی	۵۹

ماخذ لر

فلسفۀ صنعت : Thilosophie de l'at : تن . — حکمت بدایع : L'esthé
 tique : وه دون . — معنای صنعت : Le sens de l'art : غولیه . بدیع
 حاضر مسائلی : Les prollèmes de lesthésiqrecon temparine
 کیو . — تبعات بدیعیه : S'sveres esshésique : ژورژ هوشالوس . —
 صنعتده دها اوزرینه تجربه قلمیه : Esoeris rur le Senie derns l'art
 غابریهل سه آئی . — اجتماعی نقطۀ نظر دل صنعت : l'ars an point de
 Introdnctiona l'esthethi مدخل بدایعه : une seoiacologique : کیو .
 epe : درلر .

اکرم بک و بالخاصه عبدالحق حامد بک کجی اعظم ادبا بو وادیده ده
صرف مساعی ایله دیلر. تاریخ ادبیات درس لرینه عائد اولار بومسئله یی
بالطبع موضوع بحث اتمه مکنه برابر، خاتمه مقال اولارق، مملکتتمزده
حالا ادبی و مدنی بر تماشای وجوده کله مدیکنی کمال تأسفله یاد
ایده جکنز!

ختم



استديلا . اولرك تماشاسى « هر شيشى عين زمانده هر صفحه سندن
كوسترمك » ايستين معظم بر محصول تركيب اوله جقدى ؛ فقط بو
جوق مشكل حتى امكانسز برشيدى : بناء عليه اوشاعرلردن هر برى
كندى كيف وهوسنه كوره بريول طوتدى : كيميسى اسكى هائله جيلك
يولنده دوامى معقول كوردى . كيميسى « مهلودرام » طرزينه
دوكولدى ، كيميسى تاريخى پيه سلا ، كيميسى ده فلسفى دراملر يازدى .
رومانتيكلر اسكى اعصارديده شكل تماشايى بييقارق مساعد بر زمين
حاضر لاديلر و اوزمين اوزرينه « الكساندر دومافيس » ك منشور ،
حقيقى ، اجتماعى دراملى قائم اولدى .

مضحكه طرزينك مختلف زمان ومكانلرده كي تظاهراتى اوزون
اوزون ايضاح ايده جك دكلز . بو خصوصدهده بر جوق تخالفات
وجوده گلشسهده ، بو ، مختلف مملكتلرده همان عين صورته تجلى
ايتمشدر . بوكون بوتون ادبياتلرده نمونه لرينه تصادف ايديله بيله جك
بعض عمومى مضحكه آموزجلرى موجوددر . عاداتى ، طبائع
خصوصيه يى ارانه ايدهن ، حتى بر طاقم مسائل اجتماعيه يى موضوع
بحث ايدهرك اولرله برر صورت حل بولان پيه سلا هر ادبياتده
موجوددر . بوكون قومه ديكرده اسكيدن اولديغى كې مضحكه عادات
و كلمات دكل ، حياتك مضحكه نرى موضوع بحث اولمقدهدر . اجتماعى
پيه سلا هركون داها متزايد بر مبذوليتله ساحه ادبياته چيقيور .

ادبياتمزه الك متروك قالان برنوع ادبى مع التأسف تماشادر . اسكى
طرز حيات و معاشرتيز ، تكامل ادبى مزك ماهيتى اوكا مانع اولمش
و ادبامز عصرلرجه بويله بر شيتك موجوديتدن غافل ياشامشدر .
شناسى ايله باشلايان دور تجدددن صوكرا نامق كمال ، ضيا پاشا ،

چو غالدی ؛ اونلرک هپسی ، حیاتک ایجابانه کوره ، مختلف ماهیتلرده تصویر اولوندی . بعض اثرلرده بوتون بر دوره تاریخیه نك تصویرینه تصادف اولونمقده در . بوتون بونلر هانله نك اسکی قواعد محدودده ومطلقه سنی قیردی و اوکا فیاض بر سربستی تأمین ایتدی .

فرانسه ده قلاسیق هانله تمامیه منطق بر بنایه بکزر ؛ اونک تأثیرات بدیعه سی ، و برچوق یرلرده حیاتی وضوح وحقیقتله تصویر ایتدیکی انکار اولوناماز . فقط اونک اصل وصف فارقی ، هیچ بر وجهله خللدار اولمایان تسلسلی ومختلف صحنه لرك دائمی صورته ایلرله مه سیدر . اونده دایما بر روح واردر : تا اثرک ابتداسنده حلی مطلوب بر مسئله اورتایه قونور ، وبوتون وقایع اوکا کوره ترتیب اولونور . وقعه یه یابانجی اولان بوتون تفصیلات حذف ایدیلیر . حتی اوقدر حذف ایدیلیرکه برچوق یرلرده نشیده ایزلری بیله بر اقیلماز . تاریخندن یالکیز بر چرچیوه و وقعه اصلیه ایچون لازم تالی بعض شیلر آلتیر . بویله بر هانله ده بر طاقم قواعد معینه یه متابعت مجبوری یك بدیهیدر . قطعیت و وضوح منطقیه مفتون اولان فرانسز روحنک تماشایه بیله بر شکل و ماهیت ویرمه سی غایت طبعیدر .

بویله بر تماشا فرانسز روحنه نه قدر تطابق ایده رسه ایتسون ، حیاتک و حقیقتک آنجاق ناقص ، سطحی و رنگسز بر تصویریه اولاجنی بدیهیدر . ایشته بو قلاسیق تماشایه قارشى رومانیکلر اذن دو قوزنجی عصر ظرفنده بر عکس العمل یاپارق او محذورلری ازاله ایتک ایسته دیلر سه ده تماماً موفق اولامادیلر . رومانیک تماشا شاعرلری ابتدا قاعده لری ، حدودلری ییقارق او سربست ساحه یه نشیده ، تاریخ وفلسفه دن استنطایدلش عمومی ومختشم بر بنا قورمق

اوکا صادق قالدی . مؤخرآ «شکسپیر» داها ایلری کیندی ویه سلرنده
نظم ایله نثری مزوج اولارق قوللانمغه باشلادی . فرانسوده منشور
اترلرک صحنه تماشایه چیقماسی آنجق اون یدی عصرده اولمشدر .
اون سکنرنجی عصرده نثرک غلبه سی داها آرتمش ایسه ده ، اون
دوقوزنجی عصرده هائله لرك داها زیاده منظوم ، مضحکه لرك ایسه
داها زیاده منشور اولماسی عادتاً بر تعامل حکمنی آلمشدر .

کچر دیکی متعاقب تکامل دوره لری انناسنده هائله طرزى مختلف
شکلر آلمشدر . اسکی یونانستانده هائله ، مختلف عنصرلردن مرکب
جسم بر محمول ترکیب طرزنده تلقی اولونیوردی که غایه سی اک بویوک
تأثیر بدیعی بی تأمین ایتمک ایدی . بونک ایچون تاریخندن یاخود خلق
آراسنده شایع افسانه لردن ماهیت قهرمانانه بی جائز بریسی آیینور ،
اونک اطرافه وقعۀ اصلیه ایله علاقه سی اولمایان بر طاقم صحنه لر ،
وقعه لر ، موسیقیه مزوج ترنملر ، تصویرلر ، حتی مصاحبات اخلاقیه
و فلسفیه جمع و مزج اولونیوردی . یونانیلر اصل وقعیه اهمیت
ویرمکده ایدیلر ؛ چونکه اونلر تیاتروییه بر دفعه سیر ایتمک ایچون
دکل ، کوزهل بر موسیقی دیکله مک ، لطیف مناظر سیر ایتمک ،
نفیس شعرلر ایشیتمک ، حتی برازده مسائل فکریه خصوصنده پرورده
ایستکلری ذوق مناقشه بی تطمین ایتمک مقصدیه کیدیورلردی .

اسپانیا و بالخاصه انکلترده هائله کوندن کونه حیات حقیقیه نك
معکسی اولمق استعدادینی کوسترمشدر . بو اعتبار ایله هائله بی ترکیب
ایدهن عناصر زنکیله شدی : اوراده یالکیز بر تک وقعه یاخود بر
قاچ وقعه دکل ، حیاتده اولدینی کی بوتون بر سلسله وقایع تمثیل
ایندیلوردی . بو نقطه نظرده محررک یاشاتدینی اشخاص عددی ده

ایشته بو تفصیلاتدن يك اپی آ کلاشیلور که تماشای طرزی نشیده و داستانن آیرملقه برابر ایکیسنه عائد عنصرلری ده نفسنده جمع ایدیور: یعنی نشیدهیه خاص اولان شیرلی طبقی بر داستان کبی تصویر و نقل ایلور. بناءً علیه اونک بو قاریشیق بنیه‌سینه باقارق، تکامل ادبی نك مؤخر بر دوره‌سنده و دیگر ایکی نوعدن اپی صوکر و وجوده کلدیکنه حکم ایده‌بیلیرز. بر مملکتده تماشای وجوده کلک ایچون اوراده رسم، معماری، تقلید، حتی موسیقی و غنا تعمم ایتمش اولمالیدر: تماشای، ایلك وطنی اولان یونان قدیمده، بو ذکر ایتدیکنز عناصرله مزوج اولارق بولونیوردی. فقط مسئله نك داهای دوغروسی، تماشای وجود بولمق ایچون دماغ بشرک مهم بر تکامله معروض قالماسی لازمدر: ابتدا حیات طبیعتله مشترک و اونک ایچنده لاقید و بی‌خبر بولونان موجودیت بشریه کندی وارلغنی ادراک ایتدکن صوکر، ایکنجی دفعه، فقط بوسفر پایدیغندن خبردار اولارق، کندی نفسندن، موجودیتندن مجرد ایتملی و هیئت مجموعهیه قاریشایلمه لیدر.

تماشای باشلیجه «هائله و مضحکه Tragedie comedie» نامیه ایکییه آریلور. فقط مختلف ادبیاتلرده بویکی طرز آیری ایکی طرز شاعرانه حالنی آلامشدر. اسکیدن تماشاده مطلقاً نظم استعمال ایدلمکده ایکن، مؤخرآ بو قاعده ده کیشمشدر: بر طاقم تماشای محررلری، پیه‌سارنده حیاتی داهای حقیقی بر صورتده تصویر ایده‌بیلیمک مقصدیه، فکرلرینه نظرآ حیات ایله مشابهتی ازاله ایدن منظوم افاده‌بی قالدیر مشلردر. هائله‌لرده نظم‌دن قورتولمخی ابتدا اسپانیولر تجربه ایتدیلر سده اسپانیانک اک مشهور تماشانویسی «لوب دووخوا»

۴

تماشا . — تماشا ، عین زمانده « داستان » طرزی کی « خارجی ، آفاقی ، ونشیده طرزی کی « داخلی ، انفسی ، برماهیتی حائزدر . طبق داستانده اولدینی کی ، تماشادهده حیات خارجیه تصویر وتمثیل ایدیلیر ؛ فقط او حیات عینیه تصویر ایدیلیر که نظر لر من اوکنده داها جانلاندیریر ، بعضی وقعه لر خذف ، بعضیلری تسریع اولونارک داها مؤثر و ذی حیات برشکه قونولور . اسکی زمانلرده تماشا نویسلیری اکیزاده اشغال ایدن مسائل ، احتراصات روحیه نیک ارائه سیدی ؛ حیات خارجیه بونک ایچون برواسطه ، بر چرچیوه ، علی العاده بر « ده قور » متابه سنده استعمال ایدیلیردی . تماشانویس وقایع خارجیه یی طویلار ، جمع وتکشیف ایدر ، وحیاتدن آلدینی اشخاصی بزه کوستریرکن ضمنی بر صورتده کنديسنک اونلر حقنده کی حکملرینی ، تقدیراتیده آکلاتمش اولور : بز بر اثر تماشایی او قودیفمز وقت اشخاصک طبیعی وضعیتلری آرقه سنده ، محررک طرز ارائه سندن ، اونلر حقنده کی نقطه نظرلرینی او کرشم اولورز . ایشته بو اعتبار ایله تماشا داستان طرزندن آیریلیر .

بونوع ادبی داستان طرزنده آیران دیکر برجهتده ، نشیدهیه مهم بر موقع تخصیص ایتمه سیدر . بر نشیده پرداز شعرلرنده صرف شخصیتنی ترنیم ایدر ؛ فقط تماشانویس صحنه یه جیقاردینی ، یاشاندینی شخصیتلرک آرقا سنده صاقلانیر ؛ بویله اولدینی حالده ینه تماشاده بر نشیده ماهیتی بولونور . چونکه اومختلف شخصیتلر مختلف وسیله لرله اظهار حسیات ایتمک ، کندی تمایلات نفسیه لرینی کوسترمک مجبوردرلر .

خود اندیشه‌انه و غیر اندیشه‌انه بیه بو نوع ادبی نك ساحه شموله
 کیرمشد. بو کون حس طبیعت ، حس عشق ، فردی عشق ،
 عالمه محبتی ، ملیت عشقی ، عشق الهی ، حسیات دینه و اخلاقه ،
 خلاصه حیات داخلیه مزك نامتناهی صفحات و تحولاتی نشیده طرزیه
 افاده اولومقدمه در . مافوق البشر بر قوتك زبون اراده‌سی اولدینی
 حس ایدن اقوام قدیمه نك نشیده لرنده بالخاصه مناجاتلر بك چوقدره
 ایسته نشیده طرزى حقنده ویریلن بو معلومات ، اونك ناصل
 بر محیطده مظهر انکشاف اولایله جگنی بك اعلا کوسته ریور :
 داستانلر ناصل حسیات فردیه نك غائب اولدینی اشتراك حیات جاری
 یرلرده وجوده ککشمه ، نشیده لره بالعکس انفراد حیاتك غالب
 کلدیکی ، حیات داخلیه نك وسعت و قیمت قازاندینی زمان و دورلرده
 ترقی ایتمشد. شرقده نشیده طرزینك بلکه هر یردن اول و چوق
 پارلاق بر صورتده ظهور ایتمه‌سی صرف بوندن ایلری کلمکده در . عجم
 ادبیاتی ایله عثمانلی ادبیاتنك اک بدیع آبدلری — حتی بلکه بوتون
 محصوللری — نشیده لرده . غزللر ، قصیده لر ، مناجاتلر ، نعتلر ،
 شرقیلر ، خلاصه بو ایکی ادبیاتك وجوده کتیردیکی منظوم و منثور
 همان بالعموم آثار نشیده ماهیتی کوستریر . تاریخ کتابلری کی
 آفاق و غیر شخصی بر ماهیتی حائز اولماسی ایجاب ایدن محصولات
 ادبیه مزك بیهله باشند آشاغی برر نشیده طرزنده اولدینی
 دوشونولورسه ، یوقاریکی مدعامنك صحتی میدان چیقمش اولور .
 تاریخ ادبیاتمك تدقیقه بك ایی آکلاشیله جنی وجهله یزده نشیده
 طرزینك بوترقیمی غایت طبعیدر .

طرزی ايشته اونلری آكلاتير. بويله اولديغی ایچون نشیده طرزی
اك طیبی واك اسکی بر شکل شعردر .

اقوام قدیمه و ابتدائیه نك محصولات ادبیہ سی حقندہ تدقیقات
عمیقہ دہ بولونانلر ، اك اسکی نوع ادبی نك نشیده اولدیغی اثبات
ایچون برچوق دلائل سرد ایدرلر: بوحادثه برچوق عوامل روحیه نك
تحت تاثیرندہ وقوعه کلمکده در. ایلک انسانلر فوق العاده خودبیندر :
اونلر هرشیدن اول کندی حسلرینی افاده ایتک و بونک ایچونده
لسانی بر واسطه مقامندہ قوللانیق ایسترلر . برحسی تکرار ایدن
بر کله بی ، بر جمله بی مثلا تکرار ایتک بیله اوکا بر شکل بدیی ، بر
نشیده ماهیتی ویره بیلیر . زنکار وکولککلرله دولو رایحه دار طرحرلر
آراسنده دولاشان افاق بر چوجوق بهار و ضیا چیچکلرینی امش
زمردین بر کله بک یاقالادیغی زمان ، سهوینجی داوخ ، کوزله
کله بک ! ، سوزلریله افاده ایدر . بو جمله بر شکل بدیی بی حائز
دکدر ؛ فقط چوجوق فرط محظوظیتندن بو جمله بی منتظم فاصله لرله
تکراره باشلار ، اوکا بر آهنگ مخصوص ویریرسه ، سوزینه بر شکل
بدیی اعطا ایتمش ، یعنی بر شرقی وجوده کتیرمش اولور . ايشته
اقوام ابتدائیه نك سرور و الملرینی افاده ایدن ایلک نشیده لر یعنی
شرقیلر ، عمومیتله بو چوجوغککنندن دها فرقلی عد اولوناماز .
فقط ماهیت اساسیه اعتباریله اونشیده ایله اك متمدن برقومه منسوب
برشاعرك بر منظومه سی آراسنده هیچ بر فرق یوقدر .

برحس وسیع و آهنگدارك موزون افاده سی دیمک اولان نشیده
طرزی بشریتك تکامل عمومیه سی ایله تکامل ایتمش ، کینشله مشدر .
یاواش یاواش حیات خارجیه نك صفحات خارجیه سی دکل ، حسیات

اولماسی ، « داستان » طرزی نك اصل اشتراکی ، تجمعی بر حیات کچیره ن قوملرده موجود بولونماسی بوندن ناشیدر . اعصار اولیده تجمعی بر حیات کچیره ن تورکلرک بر طاقم داستانلر وجوده کتیردکلری محقق اولمغله برابر مع التأسف بزه اونلردن هیچ برشی قالمامش کیدر . داستان طرزی نك بو عمومی تلقیاتندن باشقا بزده کی خصوصی مدلولی حقنده معلومات مختصره ویره لم : « سرای ادبیاتی » نامی آلتنده طوپلادیغمز باقیرلرک ، نفعیلرک ، ندیملرک ادبیاتنده « داستان » طرزی ، حتی بونام آلتنده هیچ برشی موجود دکلدر . صرف محصولات شخصیه دن عبارت اولان ، ملئک حقیقی حیاتله پک آز بر رابطه سی بولونان اوقلاسیق ادبیاتده غیر شخصی وملی بر محصول عد ایدیلن « داستان » طرزی نك موجود اولماسی غایت طبعیدر . اساساً یوقاریدن بری ویریلن تفصیلات لایقوله احاطه ایديله چك اولورسه ، عربلرک « معلقات سبع » یله ، « شهنامه فردوسی » یه بیله ، محدود عنوان علمیه سیله ، « داستان » اطلاق اولونامیاجنی آ کلاشیلیر .

۳

نیمه . — داستان ناصل حیات خارجیه نی تماميله غیر شخصی بر صورتده نقل وتصویر ایدهرسه ، نشیده طرزی ده بالعکس حیات داخلیه نك صفحات مختلفه سنی تماميله شخصی ، انفسی بر صورتده تصویر واحساس ایلر . حیات خارجیه نشیده طرزنده هیچ بر صورتله اهل ایدلر ، فقط داستاندن بوسبوتون فرقلی اولارق ، صنعتکار حیات خارجیه ایله تماسنك روحنده بر اقدینی ایزلری آ کلاتمغه چالیشیر . روح بشر خارجه کی شیلرله هر تماسنده نه کی حسیاتك تولدینی کورده شسه نشیده

داستانلرک اوچنچی برنوعی ده ، مشهور لاتین شاعری «ویرژیل» ک
«نه نید» ی کبی ، اسکی داستانلری تقلیداً یازلمش اثرلردر که فرانسز
ادبیاتنک همان اکثری داستانلری مثلاً وولتهرک «آزریاد» ی ،
«شاتوبریان» ک «شهیدلر» ی ، ویقتور هوگونک «افسانه اعصار» ی
بونوعنددر . ایتالیان شاعری «دانت» نک «الهی مضحکه» سی ،
«آریوست» ک ، «ناس» ک ، انگلیز شاعری «میلتون» ک بعض
داستانی اثرلری ده بومیانده تعناد اولونا بیلیر . بونوع داستانلرک
برنجی وایکنجی نوع داستانلر قدر حائز اهمیت اولمایاجنی بدیهیدر .
بشریتک ادبی تکاملنی تدقیق ایدن بعض ارباب تدقیقه کوره
«داستان» طرزی ، نسبتاً مؤخر بردور تکاملک محصولدر . انگلیز
حکیم شهری «سپنسر» سوسیولوژی پره نسیبیلری نامنده کی اثر
معروفده ، کندی اساسات تکاملیه سنه اتباع ایچون اشعار قدیمه ده
داستانی عنصرلرک ده بولندیغنی سویلیورسه ده «نشیده» ماهیتنده
اثرلرک ابتدا ظهوری وداستان طرزینک اونی تعقیب ایتمه سی دها
طبیعیدر . حسیات بسیطه دن و حیات خارجیه نک علی العاده صفحاتندن
باشلا یارق عشق و احتراض کبی خودپرستانه حسلری احتوا ایدن
وختی اساطیری ، دینی بر ماهیت آلان شرقلری متعاقب ایکنجی
بردوره کلیر . بشریت بودورده مختلف جدالر ، بحرانلر آراسنده
مدینه لر ، ملیتلر تشکیلنه یعنی یکدیگرینه آز چوق یاقین فردلری
طویلایارق اولنره بر روح مشترک ویرمکه باشلار : ایشته داستانلر
بوروح مشترک افاده سیدر . بر جماعتک تقدیس و تعزیز ایتدیکی ،
اطرافه طویلاندیغنی بویوک آدملر یا خودمهم وقعه لر اوداستانلره موضوع
تشکیل ایدر . ایشته داستانلرک بر ماهیت دینییه وقهرمانانه بی حائز

« ايلیاد » يونان اوردوسنده حکمفرما اولان بر « طاعون » تصويريله باشلار : معبود « آپوللون » قرال « آغاممنون » منفعلدرد ؛ چونکه قرال بومعبودك راهبهرندن برینی آلمشدر . « آغاممنون » راهبهری بر اقدقندن صوکر ا بویوک قهرمان « آشیل » ک اسیره سی « بریزه تیس » ی آلیر ؛ بونک اوزرینه « آشیل » کال انفعالنندن حرب صحنه سنی ترک ایدرک چادیرینه چکیلیر . فقط بویونانلیلر ایچون باشقا بر آفتدر ؛ چونکه « آشیل » چکیلنجه دشمنلر هر کون یکی موفقیتلره مظهر اولمقده درلر ... تکرار حربه کیرمه سی ایچون « آشیل » . ایدیلن رچالرك تاثیر اولماز ، فقط نهایت سلاحرینی دوستی « پاتروقل » ویرمه ک راضی اولور ، کندی رینه اونی یوللار . هیئات که فلاکتلر ا کسيله جک یرده آرتار : « پاتروقل » ترووالی « هقتور » طرفندن قتل ایدیلرک سلاحرلی دشمن اننه دوشمشدر . آرتق بونک اوزرینه « آشیل » داها فضيله صبر ایدمز ؛ میدان حربه آتیلیر ؛ بر حمله ده « هقتور » ی تولدوردکن صوکر ا جسدینی برظفر آراباسنه باغلایارق شهرک اطرافنده کال غضيله سوروکر ، سوروکر ... نهایت اختیار « بریام » ک آتشین کوز یاشلری قارشیسنده متأثر اولان جسدی اوکا ویرمک علو جانبی کوسته ریر ! ادبیات بشریه نك الك بدیع محصولی عدایدیلن بوشاه اثرده تصویرات تماميله یکی وجانلیدر ؛ قدرت افاده بوندن داها بلیغ اولارق کوستریله مز . بالخاصه بعض صحنه لر ، طاعون فلاکتی ، هقتورک زوجیه سی آندروماقه تصادفی کی صحنه لر هراعتبار ايله امثالهمزدر .

تصادف ایدیلن محاربات و مجادلاتک معکسیدر . شاعرلر یا خود برتک شاعر داعی ملی بر قهرمانک دیلارده کزن مناقب و مفاخرینی آلوب کسوه نظمه قویار . وجوده کلن بوکی اثرلرله موضوع بحث اولان وقایع آراسنده عصرلرجه فاصلهلر بولوندیغی تدقیقات اخیره نتیجه سنده ثبوت بولمشهده ، بو حال ، ماهیت مسئله یی ده کیشدیره مز . ملی بر قهرمانک مطلقا بر اساس حقیقیه ابتنا ایدن مناقب و مفاخری نسلدن نسله انتقال ایدره ک دیلارده دولاشیرکن دائما تزايد ایدره ، و نهایت کسوه نظمه کیردیکی زمان اک صوک شکل فوق البشریسیله تجلی ایدره ؛ ادوار قدیمهده ملی قهرمانلرک اکثریتله « نیم معبود » و صوک دورلرده ایسه « اعزه » میانه ادخال ایدیلرله سی اجتماعی وجدانک پک شایان دقت بر تمایلی کوستره بیلیر : خلق پرستش ایتدیکی قهرمانلرده کندی ملیتک شخصیت مغویه سنی ، تجسمنی کورمکده و اوکا پرستش ایدره کین عین زمانده کندیینه پرستش ایتکده در . داستانلرک غیر شخصی ، ملی اولماسی صرف بو اسبابه مبنیدر . معین بروحه ، مشترک بر مفکوره یه مالک بر جماعت ، کندی مغویتنک تجسم مادیمی عد ایتدیکی بر محصولی ملی داستان تلقی ایتمز .

یونان ادبیاتنک وجوده کتیردیکی اک مهم داستانلر ، « اومیروس » اسناد ایدیلن « ایلیاد » و « اودیسه » نامنده ایکی اثر در . بوتون یونان ولاتین ادبیاتی اوزرنده پک ده رین و عمومی تأثیرات اجرا ایتش اولان بوداستانلر بوتون لسانلره ترجمه ایدلش ، شاعرلر اونلردن اقتباساتده بولونمشلردر . داستان حقنده داها واضح بر فکر ویرمک ایچون « ایلیاد » ک موضوعنی بروجه آتی تلخیص ایدیورز :

اولونماسى بوديمكدر. « تام اولارق تصوير ايدلمه سى ، قيدينه كلنجه ،
 بوده صنعتكارك وقعيني حقيقتده اولديني كې مئادى برسلسله الواح
 حالنده عرض ايمه سى ، واشيانك حقايقنى دكل ، آنجاك طرز رؤيتنى
 ده كيشدير مه سيدر . بوايكي طبيعت اساسيه ، داستاني ديكر نوعلردن
 تفريق وتميزه كفایت ايدەر . حالوكة نشيده طرزنده محرر صرف
 كندى شخصيتنى ارأه ايلر ؛ تماشاده ايسه ، وقايى سیر طيبي
 وسر سريانه سنه كوره دكل ، ايجابات صنعته كوره ، بعض برلرينى خذف
 وبعضيلرينى تعديل ايله تصوير ايلر . غير شخصيت ، دها دوغرو
 تعبيريله « شيئت ، آفايت : objectivité ، داستانك اك بويوك وصف
 فارقيدر .

داستانلر حقنده اجراى تدقيقات ايدن متبعلر اونلرى مختلف
 نوعلره نظراً مختلف دورلره آييريورلر . مثلاً بر قسم داستانلر
 واردر كه صرف بر ماهيت دينيهي حائزدر ؛ اونده بر طاقم اله
 واله لرك افعال واحوالى دور و دراز تصوير ايديلير . بوكا اك اسكى
 واك كوزمل بر مثال اولمق اوزره هند ادبيات دينيه سنك ايلك
 محصوللرينى كوسته ره بيليرلر : « وءدا » دينلن واسكى هنديليرك
 اعتقادانه ، اخلاق وعاداته عائد قوانين و تمايلاتى احتوا ايدن اثرلره
 ينه هنديليرك « ماهاباراتا » ، « رامايانا » ، « پوراننا » عنوانلى آثار قديمه لرى
 كې . بو اثرلر اوروپا علماسى طرفندن لايقيه تدقيق ايدلمش وحتى
 « ماهاباراتا » نك مشهور بر هند شاعر قديمى طرفندن يازلديني
 آكلاشلمشدر .

داستانلرك ديكر بر قسمى آزچوق بر ماهيت دينيهي حائز
 وفوق البشر افعال و حركاى مصور اولمغله برابر ، حيات مللده دائماً

باشدن آشاغی بر نشیده حسیه در ؛ ینه عین محررک داستان طرز
وماهیتمده یازلمش اثرلری ده پک چوقدر . ایشته بیکلرجه مثال ایله
تأیید ایدیله بیله جک اولان بوجهنتر نظر اعتباره آلینیرسه ، انواع
ادبیه مسئله سنه بر قیمت مطلقه علمییه اسنادی قدر بوسه بوتون رد
وانکارینک ده معناسز اولدینی و هر ایکی نقطه نظری تألیف ایتک
ایجاب ایتدیکی آکلاشیلیر . بالخاصه تسهیل مطالعه خصوصنده بونک
فوائدی پک آشکاردر : بوخصوصده واقع اوله جق هر درلو افکار
مفرط بر فردیت ادعاسنه میدان آچارکه بوتقدیرده هر درلو فکر
تصنیفدن مجرد ایتک ایجاب ایدر . بر فکر علمییه مالک اولان
هر کس تحلیک لاتناهی تنوعاتی قبول وعین زمانده ترکیک بساطت
ولزومنی ده تسلیم ایله . تحلیل و ترکیب ، حقیقتک یکدیگری تشریح
واکمال ابدن ایکی جبهه سیدر . شوخالده محصولات ادبیه بی ال عمومی
بر تصنیف اولمق اوزره « داستان » ، « نشیده » ، « تماش » ناملریله اوچه
آیبریورز .

۲

داستانه . — داستان عنوان عمومی آلتنده طوپالانان محصولات
ادبیه نك موضوعی ، افعال قهرمانانه یعنی بر شخص و یا بر ملتک فعالیت
وسیع و قسریه سنک تظاهر ایتدر . بوفعالیتلر ، حرکتلر ، غیر شخصی
ونام بر حکایه شکننده نقل و تصویر اولونور . بر داستان او قوندینی
زمان اونده صنعتکارک شخصیته ، تأثرات و محاکمات خصوصیه سی
اصلاً حس ایدلمز ؛ او ، نقل و تصویر ایتدیکی وقعه لره قارشى شخصاً
لا قید قالمق مجبوریتده در : ایشته داستانک غیر شخصی نقل و تصویر

جديده» ناميله اوچ قسمة آيرارق ، ايلك دورك «نشيده» لرى ، ايكنجى دورك «داستانلر»ى ، صوك دورك ده «تماشا»ى وجوده كتىردىكنى سويلر ؛ و بوصولته انواع ادبيه نك عادتاً برتارنخچه سنى ياقمق ايستر . «فردينان برونتيهر» ، «ارنست بووه» كى انواع ادبيه نك موجوديته قائل اولان متفكرينك مدعالرى — داهان قاريشيق و داهان چوق دلائله مستند اولمغله برابر — همان همان بونقطه نظره مشاهدرد . بالخاصه «برونتيهر» تكامل قانون عمومى سنى تاريخ ادبيات ده تطبيقه قالشدينى ايجون نوعلر ك استقلال و تكامل و تالى نوعلر ك صورت تشكىل حقه ده مفرط برطاقم نظريه لر سردندن چكنمز .

انواع ادبيه نك بر عضويت كى موجوديته ، تكاملنه ، استقلالته قائل اولانلره قارشى ديكر بر طاقم متفكرلر نوعلر ك صرف بر اثر تجريد اولديغنى ادعايده لر ؛ ايتاليان بديعيون حاضر سنى ك معروفى عد ايديلن «بهنه ده تو غروس» انواع ادبيه مسئله سنى ك شدتلى عليهم دارلر نندرد . بوقدر ايلرى كى تمهين ديكر بر طاقم افكار معتدله اصحابى ايكى نظريه يى ده تاليف ايتك ايسترلر : فى الحقيقه هيچ بر اثر بوقدر كه يالكز برنشيده يا خود يالكز برداستان ماهيتنى حائز اولسون ؛ داستان طرزينه ك مكمل نمونه اولارق كوستريلن اثرلر ده بيله اويله نقطه لر واردرك شاعر اوراده الهامنك اجباريله نشيده طرزينه ميل ايتمش ، يعنى نشيده طرزيله تبليغ ايديلن برطاقم حسيات شخصيه ايله متحسس اولمشدر . كذلك ، مثلاً تماشاده ، داستان و نشيده طرزلى نه نمونه اولاجق جهتلر نامتاهيدر : نوروچ تماشانويس شهبرى «ايسه ن» ك اك صوك اثرى اولان «بز ثولولر اويانا جغمز وقت» عنوانلى تماشاسى

انواع ادبيه

انواع ادبيه : — داستان — نشيده — تماشا —

۱

انواع ادبيه . — على العموم شرق ادبياتلرنده — يعنى عرب عجم وتورك ادبياتلرنده — محصولات قلميه يي صرف شكله ويا موضوعه عائد فرقلردن دولايي مختلف برطاقم قسملره آييريرلر : نظم ويانثر ، غزل ، قصيده ، مرثيه ، مستزاد الخ ... كبي . كتابمذك برنجي جلدنده دور ودراز ايضاح ايديلن بوتقسيمات شكله ، بوكونكي تلقيات علميه يه كوره نظري و بديعي برقيمتي حائز عد ايديله ميه چكي جهتله ، اونلره يالكز برقيمت تاريخيه اسناد اولونا بيلير . غرب علما و بديعونى حالا كمال شدتله اشغال ايدن «انواع ادبيه Genres litteraires» مسئله سنك اوتقسيمات شكله ايله هيچ برمناسبتى يوقدر .

«ارسطو» زمانندن برى غرب بديعونى محصولات ادبيه يي اوج قسمه آييريرلر : «نشيده yLrisme» ، «داستان Epopée» ، «تماشا Drame» . بونوعلردن هيسنك آري آري تقيمات و تقسيماتى وحق اوتقسيماتك بيله ايكنجى درجه ده تقسيماتى موجود ايسده .

علمانك قبول ايتديكي اساس خطلري بونلردن عبارتدر .

«ويكتور هوغو» ، رومانتيزم مسلك ادبي سنك تمل طاشى عد اولونان «قرومول» نامنده كي معروف اثرينك مقدمه سنده بشريتك تاريخ عمومى تكاملنى «ادوار ابتدائيه» ، «ادوار قديمه» ، «ادوار

اولان لسانله تحلیلالات روحیه نك اینجه لکترینه ، تفصیل و تفرعاتنه نفوذ ایدر .

بوندن باشقه شعرك اك بويوك مزیتلرندن بری ده بلاواسطه ذکایه خطاب ایتمه سی ، طوغریدن طوغری یه فکری افاده ایله مه سیدر ، سائر صنعتلرده بوقوت یوقدر . یالکز برائر ، اثر شعری اوله بیلیمک ایچون فکرلری ده حساسیتدن کچیرمه یه مجبوردر .

رسمده ، هیکل تراشی ده فکری افاده ایدرلر . فقط ادا ایدیش طوغریدن طوغری یه دکلدر ، اونلر آنجق تداعی افکار قانوننه مراجعتله بونی الده ایدرلر . طوغریدن طوغری یه ذکایه خطاب ایتمک ایسته دکلری زمان کندی حدودلرندن چیقارلر .

شعرده فکر ایله حس يك قولایلقله برله شیر . بوندن دیکرینه يك قولایلقله کچیلیر ، وبو امتزاجدن خارق العاده نتایج حصوله کلیر . بر شاعر ملکات خصوصیه صنعتکارانه سنه فکرك علویتنی علاوه ایدمک اولورسه ایکی دفعه بويوك کورونیر . روحی بغدادینک ترکیب بندنده کی قوت فکر ایله حسی مزج ایتمه سندن طولاییدر . خلاصه فکیرلرکده بر شعری واردر ، شعرك اونلری ده احاطه ایتمکله ساحه سی يك واسعدر .



كشفتند ، بربرينه ربطندن دها تأثيرلى نه وارددر ؟ علم هيئت ، كيميا ، حكمت ، تاريخ طبيعى ، ميخانيك . بوتون مجادله حياتده اعما قوتلره قارشو بشرک ايجاد ايتمش اولديغى بوشيلر شعر ايجون قورومن منابع ، روح ايجونده مولده هيجانادر . علوم و فنون ايله صنعت بختنده ذكر ايدلديكى وجهله بونقطهده دوشونيله جك جهت شاعرك بونلرك حضورنده حس ايتديكى هيجاناتى نقل ايتمىسى ، برمتفنن كې حادثات حقيقه يى عينيله كوسترمه يه قالماسيددر .

بو اسباب طولاييسيله رومانى ده شعر داخلنه آلمايه مجبورز . رومان طبائع وامزجه نك ابداعندن ، احتراصاتى تصويردن عبارتدر . بوندن تقريباً قرق اللى سنه اول رومان حقنده ديمك سوز برامازلردى . حتى اوروپاده بيله رومان عدم توجه مظهردى ، اك بويوك منقدرلر رومانلرك تدقيقيله اشتغالى كنديلرى ايجون بر ذل عدايدرلردى . فقط بونقطه نظر توجه عامه يه مظهريته مانع اوله مادي . چونكه انسانلرك حسنه ، صميميته پك بويوك احتياجلرى وارددر . بالاخره كتابمзде روماندن بحث ايديله جكي جهتله شمديلك بوقدرله اكتفا ايديبور ، رومانك ده شعر داخلنده بولنديغنى ذكر ايديبورز .

شعرك شعبات سائر صنفه اسباب تفوقندن اك باشليده سى حدودنده كى بو وسعندر ، آهنگ ايله ، وزن ايله ، قافيه ايله اوموسيقى به رقابت ايدر ، تصويرلريله ، ترسياتيله عادتاً باصره يه خطاب ايدن صنعتلرك وظيفه سنى كورير ، نظر مزده الوان و اشكالى جانلانديرر . موسيقى استشنا ايدلديكى تقديرده حسياتك افاده سى خصوصنده بوتون ديكر صنعتلى كچر ، حنى بونقطهده آانات مختلفه حسيه يى تحليل ايديه بيلمك ، كوسترملك اعتباريله موسيقيدن ده مؤثر برآلتدر . چونكه واسطه سى

اویاندره رق اونلری بزده طوغریدن طوغری یه اویاندرلر ، بزی فضله قوت صرفندن وقایه ایدرلر : بوتون دقتمزی فکر ویا هیجان اوزرنده توقیف ایدرلر .

اوت ، نظم شعری وجوده کتیرمز ؛ برچوق کیمسه لرك منظوم سوزلری واردرکه شعر ساحه سنه کیره مدیکی حالده منشور بر چوق آثار شعر مفهومی داخلنده بولمقده در . عربك ده شعر وکلام موزون و مقفاد ادعاسی اسکی بلاغت متخصصلرینک غربك تدقیقاتندن بی خبر بولملرینه بناء کتابلر مزده یر طوتان بر تعریفدرکه شعر کله سنک اخذ ایتمش اولدیغی حرکت جدید بی معنای اولدیره مز . خطابت ده بعض نقاطده شعر ساحه سنه کیره بیلور فی الحقیقه خطابت حادثات ووقایه استناد ایدرکه عقله و منطقله اقناع ایتک صنعتیدر . مع مافیه خطیب کندی قناعتلرینه مربوط عقلک و منطقک طوغرو اولدیغنه قانع هیجانکار بر وضعیتده بولنورسه سولیدکاری روح بشره هیجاناتک انتقالی قاعده سنه بناء دها قولایقله کیدر . دها زیاده نافذ اولور . «چیچه رون» «بوسونه» میرابوکی بیوک خطیب لرك خطبه لرنده موجود افاده ده کی قدرت خیالاتک علویتی ، آهنگ لسان ، صمیمیت هیجانک بیوک شاعر لرك آثارینه رقابت ایدر بیله جک درجه ده در . مع مافیه حکمت بدایعک نظر دقتدن دور طوتمیه جنی بر نقطه تحالف موجود در . شعرده هیجانک اهمیتی هر نه اولورسه اولسون شاعرده اوایل برملیک واردرکه آنک یرینه هیچ بر شی قائم اولاماز و خطیبک اوکا احتیاجی یوقدر : اوده مخیله مبدعه درکه خیالی حقیقه تبدیل ایدر . بوندن بشقه شعر درجات متفاوتده اولق اوزره علوم و فنون مثبت ساحه سنه قدر کیر .

فک قوانین عمومیه شکلنده جمع و توحید ایتدیکی حادثاتک

بزم اعضای روحیه و ذهنیه من هر لحظه ده صرف ایدیه جک معین
و محدود برر قوته مالکدر لر . اکر شعرك تماميله انتقال هیجانی
آرزو ایدیلورسه سامع و یا قارئت ملکه اخذیه سنی اولدن دوشونمک ،
اوکا کوره احضار اتده بولنق مقتضیدر . معناری آیری آیری تحلیل ایه
حقیقاریله حق صورتده یاییلان مغلق جمله لرله قاره و یا سامع قارشو
قارشویه بولنه حق اولورسه یازیلانک معنای شعریسنه نفوذ ایده مه مک
بدبختلغنه اوغرار ذاتاً لسان دیمک برطاقم اشاراتک امتزاجیله فکرك
افاده سی دیمک دکلدرده نهدر ؟ بناء علیه بر اثر شعر وجوده کتیرلیدیکی
زمان لسان شعردن تفهیمه مانع و یا بی فائده نه وارسه هدسنی اخراج
ویاطی ایتک ضروریدر . برماکنده آلات و ادوات بربرینه چارپار ،
قاریشیر ، و بوتماسلر تراید ایدرسه مطلوب اولان فائده عملیه ده
تناقص ایدر ، سعی روحی و ذهنی ایچونده مسئله عینیه در .
اکر بز قوای ذهنیه و روحیه مزك درتده اوچی کلمات و الفاظک
تحلیلیله ، و یا استخراج معانیسیله اشغال ایده جک اولورسه ق هیجانات
وافکار شعریه یی آکلامق ایچون بزه برچاریک قوت قالمش اولور .
انسان بر طاغک لطافتندن ذوقیاب اولمیه کیدرکن هیچ کوزلرینی
باغلارمی ؟ .

قواعد ادبیه کتابلرینه عائد بولنان تفصیلاته کیریشمه مکه برابر
بو خصوصده بر آز معلومات ویرمک ایچون اکثری احوالده اک
اساسلی نقطه فکری ، حسی ، هیجانی افاده بیله جک اک ایجاز کار ،
اک طینندار ، اک حجمی آز کلماتی انتخاب ایتک لازمدر سوزینی
سویله به بیلیرز . آهنگ تقلیدینک حصونه کتیردیکی تأثیراتی بو مطالعه
ایضاح ایده بیلیر . بو کی کلمات فکره ، هیجانه معادل بزده تأثرات

مالکدر، که بوافاده عمومیّه موسیقی آلود برشی ولسان
 خصوصیّه دهها زیاده آهنگ و نظر فریبی ویره جک برطرزده در .
 لسانک شکلی قواعدینک صورت استعمالی متنوع و متخالف ایسه ده
 اک زیاده شایان دقت اولان شعرك طبیعت عمومیّه نه توافق ایتمکده
 بولان بر وصف عمومیدر . بوتون اقوامده شعر انشانک مساعده
 ایده مهیه جکی بر طاقم تقدیم و تأخیرلره ، تغیراته ، مجازاته مساعده
 ایتمکده در؛ بوایه برحالت ذهنیه خصوصیه نک افاده سی اولق اوزره
 آکلاتیلیر ، آکلاشیلیر . موسیقی فصل لسان اصوانک صوک نقطه
 وسعتنه سوقی ایسه شعرده لسان اعتیادی و استمرارینک مالک اولدینی
 بوتون وسائطله مبالغهیه سوقی و تهیجیدر . بودستوری تحلیل ایتدی کمز
 زمان بری شاعره دیکری ده قاره ویا سامعه توجه ایتمک اوزره
 ایکی قسم سلسله ملاحظات تولد ایدر .

برنجیسنی ترک ایده جکیز ، چونکه هیجان شاعر حقنده اولجه
 سرد ایدیلن مطالعاتی تمامیه تکرار دیمکدر . . هیجانک سامع ویا
 قارنه انتقالی آنجق شاعركده متهیج بولنمنه متوقف اولدینی قاعده سی
 برچوق دفعه لر سوبله نمشد در . شو حالده هیجانک نه درجه لرده انتقال
 ایتدیکی ، وسائط و شرائط انتقالیه نک نه لردن عبارت اولدینی قاعده سی
 قالیور ، که اولری ذکر ایده لم :

شکلک ویا رنگلرک رسمده یکنسق اولمه سی سرعتله تماشا کری
 یورار قاعده سی شعرده تطبیق اولنه بیلیر . بری ناصر نک الیاف
 عصبیه سی دیکری ده سامعه نک الیاف عصبیه سی یورار ، تنوع اهتزازات
 ایسه حسن بدیی ایچون ضروری بر قاعده علم وظائف اعضادر .

بز شاعری هر دقیقه ده ، هر ثانیه ده بزم نظر لرمز اوکنده بولندیر مق
ایسترز .

بو حسی آ نار تماشاده بوتون قوتیله طویارز . اوکمزده بر اونون
اوینانیرکن دائما حقیقت ایله بزم آره مزده مبدعنک خیالی یاشار .
ا کر اویله اولماش اولسهیدی ، بوتون پییه سار حقیقتک افاده تامی
بولنسه ایدی ذوق بدیی یرینه ، حس نفرت طویار ایدک .

فقط شاعر ، بز یوره جق صورتده شخصیتی اظهار ایتمه ملیدر .
دائما کندن بحث ایدن آدم قدر مزعج برشی تصور اولنورمی ؟ ..
بیان ایدیلن شو مطالعاتدن شو نتیجه یه واصل اولورز : هیجان
بدیی طویه بیلیمک ایچون انسانی اثرده بولمی بز ؛ بزم تقدیر اتمز هپ
اوکا توجه ایدیور ؛ وفکر حسن ده بوندن تولد ایله یور .

بونا قابل انکار و جرح بر قاعده در . شخصیت صنعتکاری حائز
اولمایان بر اثر هیچ بر زمان قیمت شعریه یه مالک اوله ماز . غیر
شخصیت صنعتده یوقدر .

یونان عتیقک غیر شخصی دینیلن صنعتی شخصیت سزدکل ، شخصیت
قومیه یی حائزدر . بوراده قوم مؤثر ، مبدع مقامنه قائم اولمشدر .
خلاصه شاعر هرشیدن اول شخصی ، شعرده شخصیتیه مالامال
اولمیدر .



لـسانـه شعر ۱] — بوتون لسانلرده شعر بر لسان خصوصییه

۱] بویچنده ذکر ایدیله جک اولان ، مجاز ، استعاره ، آهنگ تقلیدی
والا آخره مباحث ایچون معلومات ادبیه نک برنجی جلدینه مراجعت ایتلیدر .

تأثيرى حصوله كثيره بيلسون . او نيم وضوح ايله ، نيم مبهميتى حائز اولمليدر .

اون سكزنجى عصرده ياشايان معمارلردن «پيرانه زى» نك كزاب ايله باصلمش بر رسم قالبى واردر . بو بر كليسانك داخلنى كوسترير ، فقط نظرده يالكنز قبه ، ونه يره ، نه ده قبه يه مربوط اولمايان معلقده ستونلر موجوددر . و ستونلردن ايكي سنك اوزرينه نخته مسى بر شى كرلمش ... و بونك اوستنه يره باقار ، انسانى هر يره تعقيب ايدر بر بشر باشى ترسيم ايدلمش ، بونك قدر اوچوروم حسنى ويرن هيچ بر شى يوقش ، چونكه بونيم مبهميت ايله نيم وضوح داخلنده يولبور . و بزم شخصيتمرك سعيه وسيله اوليور .

شعرده مهيج اولمق ايچون بويله بر شئى حائز اولمليدر . مظلم ، مبهمات ايله مالا مال بر شاعر حساسيت بشريه يي اهتزازده كتيده مز . عذيله يك آجيق ، تفصيل و تفرعاتك اك خرده لريله مشغول بر اثرده بزي صيقار . بورژونك «ديسپيل» نامنده كى اثرى بونك بر دليليدر . او قويا نلر اك كوچوك بر فكرك ، بر حسك علمى تحليللتنه وارنجيه قدر هر شى اثرده موجود اولدني ايچون اسنه مكدن قورتيله مازلر . بونك ايچوندر ، كه آثار صنعت استعارات و تشبيهاتك بويالرينه محتاجدر . بونلر قارنك ، تماشا كرك روحنى اوقشار ، زيرا اونك ده شخصيتنك حر كتنه سببيت ويرر ، زيرا او كاده بر سعى كوسترير .

فقط بوده كافى دكلدر . بز شعردن درين بر ذوق آله بيايمك ايچون مؤثرينك ، مبدعنك ذكاسنه ، دهاسنه حيران اولمليز . بوندن طولايى تقليد نام آثار صنعتده بر قيمته مالك اوله ماز ، زيرا

۲

شرائط مسببه وتأثيره — شعرك حسن ايدلمه سی قارئ ايله شاعرك
روحي آره سنده کی مناقله دن ويا امتزاج دمنی عبارتدر ؟ اکر بويله
تلقى ايدمك اولورسه ق و الهامه اعتقاد ايتمك مجبوريته نده قاليرز .
حالبوکه شعر بر سعی شخصيدر . شاعر بونك نقطه عزميتنی ، قارئ
ويا سامع ايسه نقطه ورود ووصولی تشکیل ايدر . اکر قارئ ويا سامع
کنديلکندن بر شيلر علاوه ايتمه يه جك اولورسه لاقيد بر وضعيته
قاليرکه شعری حسن ايتمه نور ديمکدر . بعض اسکی يرلر واردر ،
صو باشلری واردر ، بز اورالرده بولنديغمز زمان بر ذوق درونی ،
بر ذوق روحی حسن ايدرز . نيچين ؟ چونکه خرابه لر ناتمامدر ،
اوزاق بر ماضی بی مخطر در . سينه لرنده بزم بيلمديکمز ، کورمديکمز
بيکارجه خاطرات مدفوندر ، بز بوتون بو شيلری دوشونير ، شخصی
تجربه منزله اونلره بر موجوديت ويرر ، بر حظ طويارز . صو
باشلری ده بويله در . بر صو کليور . نره دن کاديکی ، نره يه کيتديکی
بزجه مجهولدر . بز منبعنده صافيت ، براقی ، سکون دوشونيرز .
کيتديکی يرک بر عمان عقور اولديغنی تصور ايلرز . و بونك ايچون
نشئه ليرز ، روحزده نوشين بر شی طويارز . زیرا بونلرده کی نیم
مجهولیتی اتمام ايدیور ، چونکه بونلره بزدن ، شخصمزدن حسیات ،
افکار ، خیالات علاوه ایدیورز .

چوق سیاه بزی قورقوتیر ، چوق بیاض ايسه بزی يورار ،
شعر بو ایکی اساسی بويادن اجتناب ايتميدر ، که مطلوب اولان

دهیلان شی صرف شخصی ، و مغنودر . او بزم بعض مناظر
قارشوسنده ، بعض حکایاتک استماعنده ، بعض افکارک تفهمنده
طوید یغمز هیجانک محصولیدر و بوحسایتتمزک درجه سنه ، ذکامزک
شدته کوره قوت اعتباریله دکیشیور ، تبدل ایدیور .

بر شعرک قیمت حقیقه سنی نه ایله اولجه بیلیرز ؟ مادامکه المزد
بو دستور واردر ، بزم ایچون غایت قولای بر ایش دیمکدر .

بر شعرک قیمت حقیقه سی صاحبک حساسیت وخیله سنک
خصائصیله یاخود تأثیرینک نقل وافاده سنده کی قوت و نفوذ ایله اولجوله
بیلیر .

مع مافیه حادثات ووقایع بو نتیجه یی جرح ایدر کبی کورونیور .
بعض شاعرلر واردر ، که یکی یکی تحسسته ، یکی یکی افکاره ،
غریب غریب هیجاناته مالکدرلر . اونلرک تحسسانی و تخیلاتی هم
عصرلرینک پک چوق فوقده در ؛ حتی اونلرک ککندن تمامیله آیریدر .
بونلر اکثریا طانمده دن ، شهرته صعود ایتهدن اولورلر . بونک ایچون
شعرده موفقیت حسیات وافکاری تمثیل ایتکده ، واونلری کندی
شخصیتندن کچیرد کدنصکره بر قاج درجه یو کسلتمکده در .

لکن بوده طوغری دکادر . اکر او یله اولسه یدی ناجی یی
عثمانیلرک ائک بویوک شاعری تلقی ایتلیدی . غالب سکسان سنه صوکر
مزار نیساندن سرتوقیر و تعظیمه یو کسلمه ملیدی .

حالبوکه بونلردن بری مرده زاد اولدی ، دیکری ایسه یاشایور ،
یاشایه جقدر .

اشکال وجهیه بی ده ضبط ایتمکده ، نقل ایتمکده بویه بر کوجلک موجوددر . دوستلرمزدن برینک سیاسی نظرلرمزک اوکنده دائماً طوریز ، لکن اونی کوسترمه یه ، تعریف و توصیفه قالقارسهق تمامیه کوسترمه یز ، افاده ایده مه یز . نه قدر عزیز ، قیمتدار اولولر وارددر ، که خاطره لری عمق قلبمزدده بر آجی شککنده طور دینی ، یاشادینی حالده سیالرینک خطوط ظریفه لری دماغمزدده سیلیک بر رؤیا کی قالمشدر . بزه بعضاً ، کوزل بر منظره دن ، کوزل بر هیکلدن بحث ایدرلر . بوکله بزه کافی کی کلیر . دماغمزدده بزبونی طویارطویماز برشیلر یاشار کی اولور ، بر شیلر حس ایدرز ، برشیلر آکلارز . لکن عیون روحیه ایله کوردیکمز بو حسی افاده ایتمک ایستهرسهک .. شاعر و صنعتکار دکلسهک برشی کوسترمه یز ، برشی افاده ایده مه یز . یاخود اولجه نظر دقتمزی جلب ایتمش اولان بر لوحه یی ، برهیکلی طوغریدن طوغری یه قوییه ایدرز .

زیرا بوراده حافظه مخیله یه غالب کلیوردیمکدر ، تأثیری ، طویولمش برشیئی احساس و افاده ایده جک یرده حافظه کزک صوتوق ، بی معنا مقلد لکنه تابع اولیورسکمز . صنعت ایسه هیجانانک مولودیدر ، تقلیدک دکل ...

دیمک بر اثر شعر ، آنجق هیجانک خارجاً طاینه بیله جک خطوط ایله افاده سی ، و نقل ایدیه جک قدر شدت تهیجی حاوی اولمه سی صورتیه تولد ایده بیلور .

بونظریه طوغری ایسه - طوغری اولدیغنه هیچ شبهه یوقدر ، علم احوال روحک تدقیقات اخیره سی بوکا شاهددر - شعر

بناءً ، حسـلرینک ، تأثرلرینک نه اولدیغنی ، نه قدر وسعت و شدته مالک بولندیغنی نه تعین ایده بیلرلر ، نه ده یازه بیلرلر . بورژه یه « صنعتکار اولمق ایچون حس ایتمهک ضروری ایش » سوزینی سویله تن بوحالت روحیه در .

« صنعتکار اولمق ایچون حس ایتمهک ضروری ایش » سوزی قسماً طوغری ، قسماً ده یا کلشدر .

طوغریدر ، چونکه انسان شدید بر تأثرک زبونی اولدیغنی زمان حسلرینی طوغریلقله ، وضوحله افاده ایده من . فرضا پدرکز وفات ایتمشدر : بوسزی ازییور ، قیرییور ، اولدیرییور . دیمک که شو حال بر چوق هیجانات الیه ، اضطرابات شدید الهام ایدیور . سز بونلری اودقیقه لرده آیری بر « منوره » حاله وضع ایتمهک قالقارسه کز یا کیلیرسکز . چونکه او شدت و حرارتی کله لره تودیع ایده مه مک کبی برضعفک زبونی یازه مازسکز ، کوستره منسکز ، اوحالده نه یامالی ؛ ای یازه بیلیمک ایچون حال سکونی بکله ملیدر . شاعر ، آنجق ماضی یه رجوع ایله ، خاطراتی ایقاظ ایله افاده تهیجانه موفق اولور . بوبذاته تحسـسات دکل ، صدای تحسـساتدر . بونک ایچون ده کچیردیکی شو حالات حافظه سنده زنده بولنملی ، حقیقه جانی بر تأثیری افاده ایدر کبی کورونملیدر . حالبوکه ماضی بی حافظه ده بر حیات بولمق قدر کوچ برشی یوقدر . انسان شویله بردوشوندیکی زمان ماضی یه عائد یک چوق شیلری خاطر لایه بیلیر . فقط وقایعک تحدی آننده کی هیجانی تمامیه یکیدن طویمق ، باشقه لرینه ده احساس وافهام ایتک قولایلقله وجوده کله من . وقتا که قلمی اله آلیرز ، اوچ سنه ، درت سنه اول طویدیغمز برحسی افاده یه قالقارز ، هر حسک اریدیکنی ، سوندیکنی ، قاچدیغنی کوریرز .

بونقطه نظردن حیاتده شاعر اولمایان آنحق آبدالردر . زیرا شاعربت ، برتهیج مخصوص ایله حساسیت و ذکانتک سویه عادیه فوقه صعودی دیمکدر . هرمتأثر وهرتهیج اولان کیمسه نك ، تهیجائی دوام ایتدیکی مدتجه ، روحه برطاقم یکی یکی تحسسات ، دماغه یکی یکی افکار آقار . واونده نه قدر تأثرات و تهیجات سریع ، نه قدر شدید ، نه قدر تیقظه مساعد ایسه او قدرده قابلیت شعریه چوق دیمکدر . لکن بو کافی دکلدر . بر آدم کندی کندینه دوشونیر ، کندی کندینه مافوق العادیاتی یاشایه بیلیر ، تهیجائی غایت شدید ، غایت واسع اولور ، شاعر اولماز . شاعربت آنحق بزه کوره تعین ایدر بر کیفیتدر . شاعر بزه تحساستی ، تأثراتی نقل ایده بیلملیدر که بز اوکا شاعر دیسه لم .. کندیسنده قالدجه شعر ناتمام اولور .

مسئله بو حاله کلدکدنصکره شاعربت کیفیتی آرزوق کوچله شیر ، زیرا بومشوش ، ضروری برطاقم قابلیتاه احتیاج کوستیرر . بوشر انطدن بری تأثرات و تهیجاتک غایت شدید اولمسیدر . اگر بویله اولمازسه شاعر خارجاً اظهار وافاده ایتک مجبوریتی حس ایتمز . فضله تحسسات غایت واضح اولمیدر ، که بالاخره آکلاشیله جق خطوط ایله کوستریله بیلمش اولسون .

حالبوکه بو ، غایت مشکل برایشدر . انسان آن هیجاننده تأثرات و تحساستی کلام ایله نقل ایده جک یرده لسان طبعی ایله ، اوضاع و حرکات ایله نقل ایدر . بودقیقه لرده کندینه مالک دکلدر که ، تحت تأثیرنده بولندینی هیجانندن باشقه برشیئی دوشونه بیلسون ، اوکا کوره حرکت ایتسون . فی الحقیقه بعض کیمسلر واردر ، برتهیجک دست رعشه آورنده زبون قالمقله برابر ، بر مضاعفیت شخصیه نك صاحبی اولملرینه

نامنده کی لوحهٔ ابتسامکاری ، « وردی ، نک » تراویاتا ، اسمنده کی
نفحات عشق ویاسی ، اویلهجه ، شعر مفهومی داخلنده در . بر
منشوره کی بر رومانه ، بر منظومه کی بر اثر تماشاده مولود ابداعات
اولدقدنصکره شعر در .

۲

شعر در — فقط بونک معناسنی بر آز دها تجدید ایله
ساحهٔ ادبیاته کیره لم . شعر حساسیتک بر تهیج مخصوصیه مخیله نک
حرارتندن عبارتدرکه بو قابلیتده طوغان کیمسه لری نیم ادرا کی ،
نیم غیر ادرا کی بر ضالالت حس ، بر « نعاس » داخلنه وضع
ایدر .

اساساً شاعر طوغانلر تأثرات و تحسسات اصلیه لری نی آنجق شو
حالت روحیه و فکریه ایله لایتناهی و نفیس بر صورتده بویوتیرلر . آثار
قلمیه شعریه نکده بوتون حسن و نفاسنی بوندن متولددر .

شاعر بر عده ، بر پرتوسوز کیدر ، اونک نظرینه وضع ایدیلن
هرشی بویور ، باشقه بر شکل ، باشقه بر روح آیلر .

خاصهٔ شاعریت بوتون خصائص سائر بشریه کی بر طاقم خطئیات
ومزایانک محصولیدر . شاعر لر ذکا لرینه کوره ، مزاج لرینه کوره
لایتناهی بر صورتده متحول و متبدلدر . مثلاً اون طقوزنجی عصرک
الکبویوک شاعر لرندن « زهرهٔ الم » صاحبی بودله بر غریبهٔ خلقتدر .
اگر اوقدر بویوک بر مبدع اولماش اولسه یدی اوکا حیات اجتماعیه ده
بیمارخانه دن باشقه بر موقع بولمق کوچ اولوردی .

شعر

شعر ك معنای عمومیبسی . — شعر نه در ؟ . — شرائط حسیه
و تأثریه . — لسان شعر . — ساحه شعر .

شعر ك معنای عمومیبسی — شعر ؟ . معنای حقیقیسی ، معنای
روحیبسی تمامیلہ آ کلاشیلہ ماش ، ہر دماغك روزگار تبعاتنہ ،
ہر قلبك زلزلہ تحسسانہ تابع اولمش بر گلہ در . ہر کس ، ہر قلم
یو کا کندی دساتیر حیاتہ سنہ کورہ تودیع راز معنا ایتك خصوصندہ
بر دقیقہ تردد ایتہ مش ، حتی بعضیاری لغتہ کی تعریفی بیلہ قبول
ایلہ « موزون و مقفی سوزہ اطلاق اولتور » دیمشردر .

عجبا بو بر تول کبی نیم شفاف ، نیم بولوطلی بر شیمیدر ؟ ..
بونك بر معنای حقیقیسی ، بر معنای فنیسی یوقیدر ؟ . علم روحك
تدقیقات اخیرہ سی اولہ مش اولسہیدی ، حکمت بدایع نامیلہ یاد
ایدیلن فلسفہ صنعتدن بو استفادہ ایتہ مش بولسہیدی ، شہہ سز
شمدی یہ قدر عندیات و فرضیات آرسندہ بوغولوب قالیردی .
لکن بو کون بز اونك حقیقتہ ، اونك اساسنہ نفوذ ایتك دیمکدر .
اونك دہ بو کون نہ کبی شیلردن تولد ایتدیکی تمامیلہ تحقق ایتشدرد .
شعر ، معنای شامل و حقیقیسیلہ ابداعات صنعتکارانہ ك ہیئت
مجموعہ سنہ مالکدر . ندیمك سعد آبادی ، حامدك اشبری ، فکرتك
لادانس سرپانتینی نصل شعرسہ « میکلا انژ » ك مدیحیلرك مزاری
اوزرنده کی هیاکل مضطربہ سی ، « لہ ٹونار دوونچی » ك « لازوقوند »

ایتمک قوییه جیلکدر ، ماکنه حالنه کیرمکدر . مع مافیہ بونک یاننده
تقلید ایدیلن شیئک اوضاعنی تعیین ایتمک ، اک نظر فریب نقاطنی
بوله بیلیمک ، اک زیاده مبلغ حسیات شکلنی کوسترمک کبی شخصیت
صنعتکاره عائد بر چوق شیلر واردر ، که بونلر دهایی ، و آثار
صنعتی افاده ایده بیلیرلر . بر اثر صنعتده کی احتشام ، علویت ، قیمت ،
مکملیت بونلرله اولچیلیر ، بزم مسئله زمانده دکل ، طرز ایفاده
دیدیکمز بودر .

نظر حیرت و تقدیری جلب ایده بیله جک بر اثر وجوده کتیرمک
ایچون یکانه واسطه سعی و غیرت ، صبر و متانتدر . بر چوق
صنعتکارلر بر استعداد وسیع و متینه مالک اولماقوله برابر سعیلرنده
صبر و متانت کوسترمش اولسه یدیلر حائز قیمت و تقدیر بر چوق
آثار وجوده کتیره بیلیرلردی . فقط مع التأسف مقصدلرینه بر
خطوده واصل اولمهی دوشه ندکاری جهته نفیسه لر ابداعندن
محروم قالمش لردر . انهای ابداعده بو کیلر وجوده کتیره جکلری
شیئک قابا طاسلاق بر شکلی یا حافظه لرینه ویا کاغد اوزرینه چیزلر .
فقط تفکر و ملاحظه ایتدکاری فکری بر شکل مکمل ایله کوسترمه یه
کلنجه فعالیتلری قیریلیر . سعی تعب آوردن اورکه رک ناتمام بروضعیتده
بردنبه اثری میدانه چیقاریرلر . یاخود فنا بر یوله صابهرق ابداع
وایجادی فضله بر شی تلقی ایدرلر . متوکل و مطیع اوکلرنده کی
موده لك قوییه سنی چیقارمغه ویا اوته دن بریدن کتیردکاری هیکلری
تقلید ایتمکه باشلارلر . سربستهجه ایجاد و ابداع ایلک ، آغیر ،
موشکاف بر صورتده قوه دن فعله چیقارمق ، بوتون استادان صنعتک
تعقیب ایتدکاری یولدر . صنعتده موفق اولق ایچون غیر اختیاری
ویا سربستهجه اله ایدیلن فکری یورولمسزین ، زمان و مساعی
ایله مجادله ایدرک ، بر شکل صاف و ممتاز و بر شکل هیجانکار تحتنده
قوه دن فعله چیقارمق لازمدر .

دینیه بیلیرکه حیاتی تفرعات و تفصیلاتیله ، اک خرده ، اک نظر
کریز اقسامیله تدقیق ایتمک ، اونک هر نقطه سنی مطیعانه ، متوکلانه
کاغد اوزرینه خطوط و اشکال حالنده وضع ایله مک برما کنه اولمقدن
باشقه بر شی دکلدر . فی الحقیقه حیاتی طوغربدن طوغری یه تقلید

موقعی تعیین ایتشدرد. آثاردهادن اکثریا انتشارایدن علویت وساده لك بوكا بناء در .

فقط بوسوزلرله دهانك سعیدن ، تدقیقندن ، تفكرندن معری ومنزه بولندیغنی ادعا ایدیورز . فكر و ملاحظه سنده بولنلمه سی طوغری دكلدر . مشهور رسام « لئوناردو ونچی » بر داهی اولمقله برابرثاقوندد نامنده کی لوحه سی قوه دن فعله چیقارمقی ایچون درت سنه چالشمشدره فی الحقیقه دیگر بر داهی رسام شبهه سز بوقدر زمان صرف ایتیه یوردی . فقط بوراده موضوع بحث اولان مسئله زمان دكل مسئله طرز ایفادر .

بر چوق جاهلر ، الهام ایله تفرعات و تفاصیلک امتزاج ایدیه میه جکندن بحث ایدرلر . بو عادتاً ضرب مثل حالته کیرمشدرد . شونقطه ده توقف ایتمه ، اینجه دن اینجه یه تحلیل ایتمه قطعاً لزوم یوقدر . الك ظریف ، الك سر ب است بر صنعتك الك عمیق ، الك یوكسك علوم وفنونله اتلاف ایدیه بیله کی بوکون انبات ایدلمش بر کیفیتدر . بونك عکسنی ادعا ایدنلر اصرارلرنده ، تغدزلرنده دوام ایدرلر ، چونکه اونلر صنعتك اقسام مختلفه سی عریض و عمیق تدقیق ایتمکسزین ایشه باشلادقلری جهته اصرارلرنده ، اتهاملرنده دوام ایتیه حقلری واردر . اونلر مودانك هوسات غریبه سنه مقاومت ایله یاشایه بیلن ، بوتون جهان طرفندن تقدیر اولنان آثار صنعتی مثال اوله رق کوسترمکله برابر احتراملرینی ، تعظیملرینی متماداً اظهار ایدیه بیلیرلر . فقط شونی ده بیلیمیدرلرکه علوم وفنون هوسات و مزیات صنعتی اورته جک یرده بالعکس یدینه دهها واسع ، دهها فضله ، دهها واضح وسائط تودیعیله دهها قوتلی بر حاله وضع ایتشدرد .

فقط اکتساب ایتمز. داهی شخصی تدقیق و مطالعه نك نفوذینه مانع، وراثتله نقل ایدلش و متراکم قوای ماضیه نك محصله سی، نتیجه سی بر موهبه طبعیه در.

آثار دها ایله آثار استعداد آره سنده آز چوق بر فرق واردر. مع مافیه بوسوزله هنرورلرک آثاری داهیلرک آثارینک دوندنددر ظن ایدله ملیدر. ویرژیل، رافائل کبی هنرورلرک بویوک داهیلرک آثاریله قابل مقایسه نفائس صنعت وجوده کتیرمشلردر. فقط هنرورلر، اقتدارلرینک الک صوک نقطه سنه چیقسه لر بیله اثرلرنده نادرآ دهانک خواص اساسیه سندن اولوب صمیمیت تامه یی تشکیل ایدن سوق طبعی یه، غیر اختیاریته عاڈ مزیا ته تصادف اولنور.

هنرورلرک آثارندن شخصله اثری تفریق ایتک غایت قولاید. هنرورلری اثرلرینک نتایجی، تأثیرات و تأثراتی متفکر و متحرری، اصول و طرز اظهارینی جویا، جمله لرینی ویا فکرلرینی، خطوطنی مصحح، مدقق اوله رق تصور ایده بیلیرز. حالبوکه داهیلره کلنجه بونلرده هرشی یک آهنگ، یک وجود کیدر، صنعتکارله اثری تفریق ممکن دکلدر. بوتون وسائط صنعت بر خلیطه کبی اونلرک آثارنده ممزوجدر، شی ایله شخص آره سنده هیچ بر فرق یوقدر، کویا بوتون اثر شخصیت صنعتکارک منور، عالی بر الهامیدر. اونک اثری دیمک، الک یوکسک، الک ممتاز نقطه سنه قدر یوکسلمش شخصیتی، شخصیتنک افاده سی دیمکدر. سعی و غیرتک ایزلری بونلرک آثارنده کورلمز، نابید اولور، دینله بیلیرکه بوتون اقسامک، برعلاقه طبعیه ایله، غیر اختیاری اوله رق نسبتلری، وکندیلمینه عاڈ اولان

انقطاع وقوع بولور، بواشاده تفكرات وملاحظات هيچانه تفوق ايدر، موازنه يي تايمين ايلر .

۳

داهي وهنرور آره سنده كي فروه — داهي ماهيه دكل، درجه بر رجحان و تفوق كوستره بيلير : مع مافيه بو درجه شايان دقت بر صورتده متخالفدر. دهانك زرده باشلا ديفني ، زرده بيتديكني تعيين ايتمك غير ممكندر. مع مافيه دها ايله استعدادي ، داهي ايله هنروري بربرينه قاريشدير مامليدر. هنرور بر رجحان و تفوق كسي يه مالكددر. حالبوكه دهاده دها صميمي ، دها غير اختياري برشي وارددر. شبهه سز استعدادده مالك اولموقده آز چوق بر دقت و فعاليتله اكجال ايدلمش ممتاز بر طبيعت و مزاجه مالك اولمق ديمكددر. و دهانك دقت و اعتنائي تفكر و ملاحظه يي حدودينك خارجه چيقار ديفني ادعا ايتمك قدر معناسز بر شي اوله ماز. استعداد اراده و محسا كه نك تاثيري تحتنده اولمق سز ين انكشاف ايدم ماز. فقط دها ، بولره لاقيد قاله مامقله برابر ، استعداد قدر احتياج حس ايتمز. فعاليتي دها زياده الهام ايله ، دها زياده غير اختياري و سربسته جه قوه دن فعله چيقار ، حالبوكه هنرورك فعاليتي ، اكتساب ايتمه كه مجبور اولد يني مطالعه و تجارب ييغينلريله آغير لاشمش ، شاشير مشدر. طبيعتدن دائمي ، متين بر فعاليتله مالك اولان ، ايي تربيه ايدلمك شرطيله حد وسط يي كچمه مك اوزره ، بر شخص اكتساب استعدادده موفق اولور. فقط داهي اصول و نظريات يي، معلومات يي اكجال و اتمام ايدر، تبديل و تحويل ايدم بيلير .

ایتدییکی زمان خصائص خصوصیه سندن بر چوق شی اوکا تودیع ایتشدز. متوسط ویا عادی صنعتکارلر بر برینه بکزرلر، زیرا عمومی، ابتدائی تأثیراتک دائره سندن، حدودندن قورتیله مازلر.

بر تأثر حاکم وغالبک ید ضبط و تسخیرنده بولمق، و بونک تهیجات خصوصیه سنه معروض قالمق دهانک ذوق اوزرینه، خصوصیه ایجاد و ابداع خصوصنده، تفوقی اثبات ایتدییکی کی منطقک قواعد و تصحیحاتنک تطبیق جهتیلده منطقه قارشو اولان احتمال مادونیتی کوستیر.

فقط بو مادونیت حائز اهمیت دکلدر. دهانک اک سریع الهاماتی منطقه جیلرک اک قوی منطقلرندن دهها عالی بر منطقه مالکدر. میکل آنرک تابلولرنده الرنده پرکارلر خطا آرایانلر بیلمیورلرکه بوتون بو خطیات مفروضه اثرک تأثر عمومی سنک اساسیدر و لزوم مطابقت نتایج طرفندن امر ایدلشدز. اگر تصحیح ایدیله جک اولورسه اثرک بوتون مزایای نابید اولور. صنعتک هر شعبه سنده حقیقه امر بولنان بر حصه شخصیت، هر کسک کندینه کوره بر طرز رؤیتی وارد، که صنعته واقف اولمایان کیمسه لر بوندن متولد نتیجه لری بکنمزلر، مؤاخذه ایدرلر. فقط اونلر اونک یرینه باشقه برشی اقامه ایتملرینی سویلر سویله مز بویوک بر عجز ایچنده قالیرلر.

بوندن باشقه دهانک، متمادی بر حما و حرارتک زبونی اولمه نیجه یاشایه مهیه جغنی دوشونمه ملیدر. اونی اک زیاده اظهار و اثبات ایدن الهام دنیلن هیجانه، تأثره قارشو بر استعداد مخصوص دائمدر. قابلیت تحسسه و تهجیه دائمی اولمقله برابر هیجان زمان زمان کلیر. بعضاً

دهانك تعريفی بوندن فضله بر شیئه محتاج دکلدر . فرط و شدت تحسین ، اولجده سوله دیکمزکی ، داهیدن قابلیت تحلیلی سلب ایدر ، تفصیلات و تفرعات بر تأثر عمومی ایچنده ممزوج قالیر ، بونک نتیجه طبیعی سی اوله رق قوه اساسیه غیر اختیاری اوله رق جانلانیر . بوکا منجر اولیان هر شی تحفف ایدر ، حتی مخدوف اولور . اشته بونقطه ده شخصیت صنعتکارانه تظاهر ایدر . زیرا بو قوه اساسیه اشیادن ، ماده دن زیاده صنعتکارک روحنده در .

هر کس اشیایی کندی کوزیله کوریر ، عینی موضوعلر ، مختلف نقاطدن نظر اعتباره آنق شرطیله مختلف تأثرات و تحسینات حصوله کتیریر . بوتخالف ، بوتنوع اشخاص عادیله نظر دقتی جلب ایتمز . فقط بیوک صنعتکارلرک آناری نظر اعتباره آلدینی زمان تمامیه تظاهر و تجلی ایدر ، مختلف صنعتکارلر طرفندن ترسیم ایدلش اولان موضوعلر بر برینه اوقدر بکزه مزلرکه موضوعک عینتی ادراک ایفانک طرزی آره سنده نابید اولور . حالبوکه عادت ، بالعکس ، خطوطک ابتدال و عمومیتیه همان کورونیر . شخصیت روحیه لرندن بر شیر علاوه ایدن داهی صنعتلرک تأثراتی نه قدر عمیق ، نه قدر زنده ایسه ایفا و اجرا ایتدکاری ایشک روحنه قاریشه مایان اشخاص عادیله کیر اوقدر عادی وسطحیدر . بونک ایچون بونلری بر برندن تفریق ایتمک کوچ اولدینی حالده دیکرلرینی تفریق ایتمک غایت قولایدیر . داهی صنعت بیلمکمزین کندی روحنک ، کندی شخصیتنک وصف اساسیسی ، وصف غالبی اظهار ایدر . او نه قدر صاحب دها ایسه او قدر شخصیتی بر وصف متین و خصوصی به مالک بولور .

اثر شخصک اک طوغری معیاریدر ، زیرا او شخص اثری تولید

يك چوقلری آكلاشیلنجیه قدر عموم طرفندن دلی دییه یاد اولمشلدر .
 ایچلرنده اثبات کمال ایتدکدن صوکر استعدادلرینی غیب ایده نلر
 بولندی کی بر قاج سینه دها یاشامادقلری ویا مساعد بر محیطده
 کله دکلری ایچون موفقیت و شهرته صعود ایتدین اولنلرده واردر .
 بو غرابتلره بناء صحتی بوتون ملکات و خصائصک موازنه سنده
 بولانلر ، بوتون هرکس کی یاشامه یی تمثال اتخاذایدنلر ایچون
 دها مرضی بر حال دییه تعریف ایدلمشدر . فی الحقیقه دها مراکز
 عصبیه دن برینک انشای وظیفه ده بر حساسیت و فعالیت مفرطیه
 معروض قالمسیدر ؛ فقط بو حال هیچ بروقتده مرضی بر حال دکلدر .
 بعض مجذوبلرک فکر نابطلری ، جنت واحده لری دماغه عائد عضولردن
 برینک تغیرینه ، معلولیتنه بناء در . حالبوکه دها ایله بونی بر برینه
 هیچ بر زمان بکزمه مه یز . زیرا دها فیزیولوژی نقطه نظرندن بالعکس
 دماغه عائد عضولردن بعضلرینک مستثنا بر صورتده یک زیاده
 انکشافیدر . بونک ایچوندرکه دهاده مرضی بر حال یوقدر . حتی
 سزارک ، ناپولیونک اشتغالات فکریه سی کی بونلر تمامیه خودیین
 بر صورتده اولسه بیله اکثریا عمومی ، عالی بر چوق ماده دخی
 تماس ایده بیلیر .

دها صاحبی اولان کیمسلر ، بوفائیت و ممتازیت معنویه بناء
 منافع حسیسه نک ، غرور و خودبینی نک مسکینلکلرندن آزاده اولورلر .
 دها عالی ، دها بی قید طبقاته قدر یوکسلیرلر . فقط بونی دهانک شرائط
 اصلیه سندن بری دییه قبول ایتمه ملیدر . دها ، مجرد و منفرد اوله رق
 نظر اعتباره آلدینی تقدیرده مراکز عصبیه نک فرط تحسسندن
 فرط تحملندن متولد یرقوه ممتازه ادراکدر .

بر مر بوطیت شدیدہ درکہ اوکا قارشو یکانہ علاج اثر صنعتی حصولہ کتیرمکدر .

بوفون دها حقندہ « اوزون بر صبر و متانتدر » دیور .
 نیوتونہ « قوۂ جاذبہی ناصل کشف ایتدک » دیہ صور دقلری زمان
 « دائما اونی دوشونہ رک » دیہ جواب ویرمشدر . بوفونک ، نیوتونک
 بو خصوصہ حقلمی واردر . بر مقصد و غایہی تعقیب ایدن صبر
 بی فتور ، بر فکر اوزرنده عناد تفکر فی الحقیقہ حس و فکرہ ، بر نقطہ دہ
 تکشیف ایتسنہ بناءً ، اویله بر قوت ویررکہ قابل دکل باشقہ صورتلہ
 الہ ایتدک ممکن اولہ مازہ . فقط بوتون قوای فکریہ و حسیہ نک بر نقطہ دہ
 جمع و تکشیفی ایچون ایکی شرطک وجودینہ احتیاج واردر : ابتدا
 بر فکرلہ اشتغال ایدہ جک ، جذب اولنہ جق بر طبیعت و مزاجک
 خلقت طرفندن مودوع اولسی لازمدر . ثانیاً استعداد و تمایلات
 شخصیہ بی نظر اعتبارہ آلمقسزین استعدادی ؛ جبراً هر هانکی بر
 مادہ بی تحلیل و ایضاح ایچون تطبیق ایتہ ملیدر . بو شرائط داخلندہ
 آنجق صبر بی فتور ایلہ عناد تفکر ایفای خدمت ایدہ بیلیر . نیوتون
 ایلہ بوفونک سویلہ دکلمی تعریف بزم بالادہ سویلہ دیکمز تعریف
 دهایہ موافق دیمکدر . کرک فندن ، کرک صنعتدن بحث اولنسون ،
 تخالف آنجق قوای عقلیہ و ذکاٹیہ بی بر مرکز دہ جمع ایدن ، دهای
 تشکیل ایدن قوتک بردنبرہ آلدیغی استقامتدہ در . بوندن باشقہ
 بو حال بر طاقم علائم خارجیہ ایلہ دہ تظاہر ایتکدہ در . بر فکر
 مخصوصک معقی ، یالکز اونکله مشغول ذواتک حیاتلمی بر طاقم
 غرابترلہ ، بر طاقم دالغینقلرلہ ، بر طاقم ابتلالرلہ دولودر . یاشادقلری
 محیط اشتغالاتک بو بر نتیجہ طبیعیہ و منطقہ سیدر . بونلرک ، داهیلرک

منقذه صنعتکاری بر بردن تفریق ایدن ، داهی صنعتی کوسترن
 حس ایدیلن شیلری خارجاً خطوط و اشکال ایله افاده ایتک ، بو
 افاده نك استلزام ایتدیکی اشارات و خطوطی طوغریدن طوغری به ،
 تفکر و ملاحظه درجه نانیله قالمق اوزره ، ر الهام مخصوص ایله
 بولمقده در بویکی حادثه حکمت بدایعه عائد آثار ایله ایضاح اولنه بیلیر.
 هیجان و تأثر منقده عناصر مختلفه به انقسام ایدر . حالبوکه صنعتکارده
 مرکب ، مادی بر شکلده در . تأثرات ، بر برینی ولی ایده جک یرده ،
 بردنبره ، بیغین . بیغین تحصیل ایدر . بوکا بناء قوت و شدتی درجه
 قسوائی بولور . ینه بونک ایچوندر ، که قوه مخیله بی حرارتلندیرر .
 آلوندیرر ، بو تأثر و هیجان مشوش تحلیل ایدلمدیکی جهته اونی اخذ
 ایدن ذاتک مزاجنک ، طبیعتنک اوصاف اساسیه سنه تمامیه مطابقدر .
 کویا عینی رنگی ، عینی لونی حائز کیدر . بونک و یردیکی قوت منقده ،
 بعض نقاط مختلفه به کوره تبدل ایدر ، حالبوکه داهی صنعتده تکائف
 ایدر ، حس و فکر حالنه کیرر ، بونک ایچون قوت و شدتی ده
 زیاده در .

حما که ایلدیکی اثرک تأثرات عدیده و متوالیه سنی تعقیب ایدن
 منقد ماده ایله موضوع آرمسندگی مناسباتی قطعاً نظر دقتدن دور
 طوته ماز . بونک ایچون حرکاتنده عقل و منطقه تابع اولور . حالبوکه
 صنعتکار داهی ، بر یودوم صوکی ، تأثرات و هیجاناتی یوتار ، اونکله
 کندیسینی مشحون کورور ، اقسامی تحلیل ایتک شویله طورسون
 کندیسيله خارجدن اخذ ایتدیکی تأثرات آرمسندگی فرقی بيله
 کوره مز . هیجانات و تأثرات و صنعتکار باشقه شیلر دکلدر . بو اويله

غایه دکل ، بر واسطه در ، اولیه بر واسطه که اونسکه او ، طبیعتک
ویره بیله جکی نامتناهی امتزاجاتی کشف ایده بیلیر . دها حقیقتدن زیاده
ممکناتله اشتغال ایدر ، اونک ایچون حیات حقیقه غایت طار بر
برشیدر . دها دائماً حقیقی تجاوزی دوشونیر . شکایت ایتیهلم .
تخیلات دهانک شرائط اساسیه سندن بریدر . فقط خیال هر کون تماس
ایتدیگمز حقایقه عائد اولمازسه بیله . کوروله بیله جک ، ادراک
اولنه بیله جک بر سلسله ممکناتک مولودی اولمایدیر . حقیقی دها
اودر ، که حقیقتک خارجنده یاشایه جق قدر واسع اولمقله برابر ممکناتک
خارجنه حقیقیه جق درجه دده معقولدر .

او حالده ممکن غیر ممکندن آیران شی ندر ؟ بونی ساحه
صنعتده هیچ کیسه قطعیته بیان ایدرمن . دیمک ، که داهینک وصف
تمتازی مخیله سنده کی نفوذ وقوتدر . شاعر داهی ممکن حقیقت کی
کورن شخصدر . دها هرشیدن اول قدرت ابداعدر . دهای صنعتکارانه
ایله دهای متفانه آره سنده کی فرق ، دقله باقیدینی زمان ، صفر
درجه ددر .

۲

والهیلر . — دها هرشیدن اول بر قدرت ابداعدر دیمشدک
ذوق ایله دهای صنعت آره سنده کی فرق عظیم بو نقطه دن منبعث
اولمقددر . شرائط سائر تقریباً بر عینتی ، بر مشابتهی حائز اوله بیلیر .
صنعتکارده منقد کی صماخ و نظرك محظوظیتلرینه قارشو تهیج ایدن
بر حساسیت مخصوصیه مالکدر . صنعتکارده منقد کی بر اثر صنعتک
وجوده کلسی ایچون لازم شرائط مخصوصه منطقیه واقفدر . فقط

و یا امتزاجیت کیمیویه نك ابداعاتی، اختراعاتی صنعتدن معدود اولوق اقتضا ایدیور .

عالم ، حیات خارجیه ایچون بعضاً مادهٔ یکی برشی استحصال ایتدیکی حالددهای صنعتکارانه آنجوق کندیسی ایچون ابداع ایدر . مع مافیه بوادعا حقیقی تام کورمك دکلدر .

ایکیسی ده عینی اصولرله عینی غایه یی تعقیب ایدیورلر ، مختلف ساحلر داخلنده هر ایکیسی ده حقیقی بولمهی دوشونیورلر ، حیاتی یایمهی ، حتی ابداعی تصور ایله یورلر . اوصاف و طبایع مزج و اظهارنده صنعت ، اجسامك مزجنده کی کیمیا کر کی ، مواد و عناصرینی حقیقتدن اخذ ایدر . بو امتزاجلرله او ، اکثریا طبیعتک تیلرینی انعکاس ایتدیرر ، یوقسه اثری عدم موفقیتله قارشو لاشیر ، یاشامق حقنه مالک اولمایان بر طاقم اشخاص صنعت تولد ایدر . فقط حقیقی دهای صنعتک اک بویوک ، اک یوکسك اوصافدن بری هیچ یاشاماش ، یاشامیه جق اولان تیلری ابداع ایله حرکت کتیرمك ، اولرله قابلیت حیاتییه یی تودیع ایله مکدر . بو تیلر خیلهٔ بشریه نك مولودلریدر ، طبقی طبیعتده موجود اولمایان ، کیمیانك معاوتیلله امتزاج ایدن شیلرله حصوله کلن مواد کی . .

حقیقی بر داهیٔ مبدع ایچون حیات حقیقه ، بر نوع رؤیت روحیه ایله یا قالامیه مستعد بولندیی حیات ممکنه نك اشکال متعدده سی آره سنده بر عارضه کیدر . عینله بر ریاضیه عالمی ایچون ده بزم کاشتمز خطوط و اعداده نسبتله پك فقیر ، و بزم کاشتمزك مسافه سی ممکنات لایتنامیه دن بر جزؤدر . حقیقی شاعر ایچون حیات دن قویاردینی بر مزاج و طبیعت ، و یا نظر مشاهده یی آلدینی بر شخص

دها

دها ؛ فنده ، صنعتده . — داهیلر . — داهیلر وهزورلر آره سنده کی
فرق .

۱

دها ؛ فنده ، صنعتده . — دهای فنی و صنعتکارانه آره سنده
فرق اولوب اولمادیغنی تفریق ایده بیلیمک ایچون حادثات صنعتکارانه
ایله حادثات فیه یی نظر اعتباره آلمق ضرورتی واردر .
علم تجربی ، حادثات حقیقه نک آیری آیری تحلیلندن عبارتدر .
علم ، حادثاتی برر برر آلیر ، تدقیق ایدر ، تحلیل ایدر ، اوندن صکره
برطاقم قانونلر وضع ایلر . اوحالده علم ، متواضع ساعیلری طرفندن
طوبلانان اقتطاف اولنان کوچک کوچک وقایع و حادثاتی بیریکدیر ییور ،
وبونلرله خزینه سنک تزایدی ایچون زمانک ، کمیتک ، صبرک محکومی
بولتیور .

صنعت کلنجه ... اونده قطعیا صبر و تحمل یوقدر ؛ او ارتجاله
دها زیاده میال اولوب حقیقه تقدم ایدر ، اونی کچر ، بو اوילה بر
هیئت مجموعه در ، که اونکله ، حقیقتک قانونلری معلوم اوله رق ویرلدیکی
ویا معلوم فرض اولندیغنی حالده ، دماغ و روح ایچون بر حقیقت
غیر معینه ویا بر عالم ناتمام انشا ایتمک ایچون اوغراشیلیر . دیمک که ابداع
ایتمک دهای صنعت ایچوندر . بو اعتبار ایله فنده دخی اولسه دهای
مبدع دهای صنعتکارانه یه مربوطدر . شو حالده میخانیککی تطبیق نک ،

محمداکمه سی ، متین ، رقیق بر ذوق سلیمی ، علم روح متحصصنده
اولدینی کی بر جوالیت ورقت تفکری بولمیدر .

ونهایت وظیفه سنده خطا ائمه مک ایچون مادامکه آثار صنعتک ،
اخلاقیات واجتماعیاتدن ایش کی افکارینی اکتساب ائمه یه مجبوردر ،
تنقید صنعتله اشتغال ایدن کیمسه لر یالکز جغرافیایه ، تاریخه دکل ،
علم اخلاقه ، علوم اجتماعیه یه ده کافی درجه ده واقف اولمی ، خصوصیه ،
حکمت بدایعک بر شعبه سی اولان علم روحی بیلمیدر .

خلاصه آثار صنعتک تدقیق تئنده فکر ریاضیدن زیاده روح رفته ،
ذکادن زیاده حساسیته ، محاکمه دن زیاده هیجانه احتیاج واردر .



ایتمه به مجبور در . منقد صنعت ایچون ال اول لازم اولان شی حساسیتدر ،
حساسیت اولمادقجه حامل و حائز اولدینی سائر مزیات فضله و بی
فائده در . فقط بوسوزلردن اونک جاهل اولمسی لزومنی استخراج
ایتمه ملیدر .

اگر ترجمه احواله ، تاریخه ، جغرافیایه عائد معلومات ، محیط
و مشاهیر اوزرینه تدقیقات ، مختلف اسلوبره ، اونلرک یکدیگرینه
نفوذینه و مخالفتنه دائر تبعات بزه آثار صنعتی آکلامق ایچون کفایت
ایتمه یورسه ، بونلر هیجان بدیی ایچون ضروری دکلسه بیله ینه اوکا
تودیع معاونندن بر آن خالی قالمالر . هیجان صنعتکارک افاده ایتدیکی
تلونات و تطورات اسلوب آرمسندده اوکا ؛ منقده بر رهبر اولور .
فی الحقیقه الک مختلف آثار صنعتک حقیقی معناسنه نفوذ ایدیه بیلمک
ایچون افاده بی تبدیل ایدن زمانک و محیطک بیکلرجه شرائطی اوکنده
اکیلیمه بی بیاملی ، ژاپونیالییه اوروپانک سحر و فسوتی صورمه ملی ،
زمان حاضرک اینجه لکنی مرضیتنی قیلاسیکلرده آرماملیدر . عینیه
عرب صنعتی اونک مدنیتنی طانیانلر ، بیلنلر ایچون آنجق قابل وصول
بر ماهیتده در . بر صنعتکارک حیات خصوصیه سنی بیلمک بزه اونک حسننی ،
دها زیاده وضوحله کوستریر . فضولینک نصل یاشادیغنی بیلیرسه ک
وحتی اونی دها زیاده آکلارز . عاشق یاشادن ذوق طویه بیلمک ایچون
اونک یاشادینی تاریخی بیلمک ضروریدر .

منقد صنعت ایچون ذکاده بی فائده دکلددر . هیجان بدیی کبی
کریزان ، طوتیله ماز بر مسئله بی دوشونمه یه ، حقنده حکم ویرمه یه
مجبور اولدینی ایچون اونک متیظ بر روحی ، اینجه ، امین بر قوم

آنچق يېڭى اولدقلىرى ويا اولدقلىرى ايچون تحقير ياخود تقدير ايدىيورلر . بوكا بناء دركه منقد صنعت كندى روح و موجوديته ائمهيه ، هر اثر حقنده كي هيچانائى اوكا التحاق ايدن اجنبى مواددن تميزلهميه مجبوردر . نه تماثلت ، نه اخلاقيت نه ده اجتماعيت نظر تدقيق و تقديرينه وضع اولنان آثارك حقنده كي حكملرينه اجراى تاثير ايدمه ميلدر . بواجنبى موادك حكمة مدار اوله بيلمى آنچق حسنى تزويد ايتدكارى ، يعنى بديعى بر شكل آلدقلى تقديرده در . بوتائيرات عارضيه و اجنبيه دن قورتيله مامق قورقوسيله كرك بولندينى عصره عائد اولان و كرك اولميان ، كرك اجنبى مبدعلك محصولى اولان آثار متشابهه ايله اوثيرى قارشىلاشدير ميلدر . بو ، حق وعدله مقارن حكم ويره بيلمك ايچون ضروريدر . حتى منقد تمايله قانع اوله ماديى بر اثر حقنده بو تجربه يي متعدد فاصله لرله ايفا ايتلى ، هر دفعه سنده كي تاثراتك اولكذك عيني اولوب اولماديغنه دقت ايله ميلدر .

بوندن صكره منقدك حساسيتي ده محتاج تجربه در : خارجيات اشيا ايله يولنى شاشير مامق ، مختلف افادات بديعيه داخلنده هيچان بديعي يي بولق ايچون منقدك چوق كورمهيه ، چوق حس ائمهيه آثار صنعتله بك زياده مشغول اولمهيه ، صنعتك اخذ ايتك قابليتنده بولندينى بوتون اشكالى تدقيق ائمهيه احتياجى واردر . بوتون دهاته صنعت حقنده ويريلن غير محق حكملرك مسؤوليتى تربيه بديعيه نك نقصانندن باشقه نهيه عطف اولنه بيلير ؟

بوندن باشقه منقد صنعت ، صنعتكارك حسياتنى افاده ايدوب ايدمه ديكنى ده آريجه تدقيق ايدمه بيلمك ايچون حساسيته مراجعت

آنژک ، اثر لرندن ، لوحه لرندن ذوقیاب اولمق ایچون تاریخی معلوماته وقوف اقتضا ایتمز . آیاصوفیه جامعنک قارشوسنده متحسس اولمق ایچون موازنه قانونلرینی بیلمه نك بر فائده سی وارمیدر ؟ . شبهه سز بونلرک هیچ بری لازم دکلدر ، اکر معلومات تاریخیه آثار صنعتی ایضاح ایدیورسه بواساسی برنقطه دن دکل تمامیه یایانجی برنقطه دن در . بوزی اونک سرینه ، اونک اساسنه ، روحنه نفوذایتدیره مز ، جاهل ، معافیله اینجه برحساسیت هر حالده آثار صنعتده قور وبرعلم وعرفاندن دها زیاده حائز اهمیتدر .

آثار صنعتی تمامیه آکلایه بیله جک برقابلیت واققدارده اولمق ایچون منقذك حساسیتی - آنجق آتیده کی صورتله تأمین رقت ایدیه بیله جکی جهتله - یالکیز اعتقادات وابطیلدن ، طرفکیریدن ، منافعدن احتراصاتدن دکل ، جغرافیایه ، تاریخه ، فقه عائد ، موضوع ایله علاقه دار تجسساتدن ، معلوماتدن یعنی اتری صرف بدیعی اولان ملاحظاتدن غیری مواد ایله حکم ایدن ، بکه نن ، رد ایدن شیلردن تجرد ایتملیدر . . . منقد خرسستیان اولدینی ایچون حضرت عیسی علیه السلامی مشعر منظوماتی ، لوایحی ، هیکلری بکه نمه ملیدر . بویوک بر وقفه تاریخیه بی افاده ایتدیکی جهتله فاتحک استانبوله دخوانی اثر صنعت تلقی ایدن کیمسه بر منقد دکلدر .

منقد بونلردن باشقه اوله رق اسلوبنه تماس ایدن بوتون تقدیرات وترجیحاتدن ، اعتیاداتندن ، ذوقلرندن ، محبتلرندن ، نفرتلرندن ، هر نه قدر مشروع اولورلرسه اولسونلر ، تجرده مجبوردر . موضوع بحث اولان شیلرک آنجق اسکیملیکی ، یکمیلیکی تعیین قیمت ایچون معیار اوله ماز . بر چوق کیمسه لر واردر ، که پک چوق شیلری .

برموزاری ، بر به تووه نی ، بر قورنه یی ، بر راستی ، بر فضولی یی ،
بر حامدی ، بر سنانی طویه بیایر لر ؟

نه ذکا ، نه علم ، و نه ده عرفان صنعت خصوصنده حساسیتک
مقامنی طوته مدقلری کبی اونک عدم وجودیله بر قیمت مخصوصه یه ده
مالک اولمازلر ، صفره تنزل ایدر لر . سلیمانیه جامع شریفنک تاریخ
انشاسنی ، بوتون اقسام و تفرعاتی ، معمار سنانک حیات خصوصیه سنی
بیلمک ممکندر ، فقط بونلری بیلمکله برابر اونک اک اساسلی وصفی ،
روحنی بیلمه مکده موجوددر . ندیمک دیواننده حسیات عاشقانه سنی
تبلیغ ایتدیکی حسنلرک کیملر اولدیغنی ، نصل برر سیمایه مالک
بولندقلری ، نه زمانه قدر یاشادقلرینی بیلمک ، استعمال ایتدیکی لسانده کی
خطیاتی ، اماله لری ، زحافلری بولق ممکندر ، فقط اونک معنای
صنعتکارانه سنک نه اولدیغنی آکلایه ماز ، بیله مز ، نوطه لری بیلمک ،
سازک تللری اوزرنده ال کزدیرمک ، غزل اوقومق نفیس بر پارچه
موسیقی آکلایه یه ، طویمه یه کفایت ایده مز . بر اثر صنعته نفوذ
ایده بیلمک ایچون نه پرتوسوز ، نه ده پرکار کافیدر . اک واسع معلومات ، اک
خرده تدقیقات اونک سرینی کشفه موفق اوله ماز . اونک ایچون آز
چوق بر موهبه یه ، بر رفته مالکیت ضروریدر . قلبد ، روحده
تمنازیتی ، تمنازیت صنعتی طویه جق ، آکلایه جق بر قوت اولمدقدنصکره
نه یه یارار ؟ .

آثار صنعتک بعض ذکالره خطاب ایتدیکنی ادعا ایدنلر نه قدر
آلدانیورلر ، نه قدر یا کلش کوریورلر . نه قدر ساده وعادی کیمسه لر
وارددر ، که ظریف ورقیق بر حساسیته مالک بولندقلری جهتله اک
عالی آثار صنعتی طامق ، طویمق خصوصنده اک عالم لری کچر لر . «میکل

تدوين ، استخراج ايتك ممكن دكلدر . حس عمومى منطقده بيله شايان
اعتماد اوله نيجه صنعت كې رقيق ، اينجه ، روحى و انفسى بر كيفيتده
حائز اهميت اوله مايه جنى اولويتده قالمسى ضرورى بولمسه بئاء منقد
صنعت احتياجى ضرورى و آشكار بر ماهيت كسب ايدر . خلق هر
خصوصدن زياده بو نقطهده تنوير ايدلمه يه محتاجدر .

اك اول بر منقد صنعت اوله بيلمك ايچون بر حساسيت رقيقه
احتياج واردر ، بوكا مالك اولمايان كيمسه منقد اوله ماز : آثار صنعتده
بي فائده بر طاقم شيلرى كورمه مك ، كوسترمه مك ايچون اونك
حسنى شدتله حس ايمه سى شرط اساسيدر . او هر شيدن اول حسنك
قارشوسنده بولنديغى زمان حال اهترازه كملى ولسان ايله حس ايتديكى ،
هيچاتى نقل و افاده ايدمك قابليتده بولملى در . اثر صنعت وجوده
كتيرمه سى . - بعض تمايلات مخصوصه كوسترمه سى ، بي طرفيندن
اوزا قلاشمه سى احتماله بئاء . - هر نه قدر تهلكلى ايسه ده اونك
بر صنعتكار اولمه سى ده ضروريدر . صنعتكارك حس ايتديكى
منقدكده طويمه سى شرطدر . اونلرك ده ها صوكره مونس ،
قابليت انخائيه بي حائز بر حساسيتلىر اولمليدر . آثار صنعتك
قارشوسنده ، ياننده حصوله كلن تخالفات فكريه بونك عدم
موجوديتدن ، آنارك روخنه ، اك زياده حياتى نقطه لرينه عدم
نفوذدن تولد ايتمكده در . چونكه هر كس صنعتدن نصيبى قدر آكلار .
اكر اينجه ، رقيق ، مونس بر حساسيتك صاحبي اولمازلرسه نصل
اولورده مسئله نك كهنه ، روخنه كيره بيليرلر ، نصل اولورده شه آفريده
صنعت اولان آنارك افاده ايتدكلىرى آكلايه بيليرلر ، نصل اولورده

اجتماعيت خصوصنده عيني مطالعاتي سرد ايده بيليرز . افكار اجتماعيه هيچان بديعي يه علويت بخش ايدر . وسعت ، صولت تعالى اجتماعي آئارده دها زياده در . فكر اجتماعي يي يقيجي اولان آثار قيمت بديعيه لرندن دائما غيب ايدر لر . سامي پاشا زاده سزائي بلك سرگذشتك حامل اولديني بديمته محتوي اولديني فكر اجتماعي دها زياده رونق وحيات ورمشدر .

بوتون بو حسيات ، بو افكار ، بو تمايلات ، نه قدر صنعته اجنبي ايسه لرده تنقيد صنعتي حسنه ، هيچان بديعي يه بر عامل اولمق ، اوکا تابع بولمق شرطيله تعالى ايتدير لر . تنقيد صنعتده اونلر آنجق بو اعتبار ايله حائز اهميتدر لر . فقط بعض منقدرك يالكرز اجتماعي ، اخلاقي ، يالكرز حسي نقطه نظرندن آثار صنعتي نظر اعتباره آلوده ديكر جهتي ، اصل صنعتده شاين دقت واهميت اولان حسن بديعي يي هيچان بديعي يي اونو تماري برخطادر ، كه تنقيد صنعتي آكلاماقله مساويدر .

۵

منظر . — هر نه اولورسه اولسون ، — هر هانكي نقاط نظرندن باقيليرسه باقيلسون — اساننده هيچان اولمق اعتباريله تنقيد صنعت هر شيدن زياده اوني ايفا ايدن ذاتك شخصيته تابع بر كيفيتدر . بو اوقدر طبيعي ، و حقيقي در ، كه تنقيد صنعتك قواعديني اوني ايفا ايده جك اولان كيمسه نك حائز اولمسي مقتضي مزاياد واوصافي ذكر ايتمينجه ، يا خود آثار صنعتله قارشو قارشويه بولنديني زمان نه كي بر حالت رويحه نك تاثيري آلتنده بولمسه نك لازم ايدوكني آكلاتمه نجه

برلسان هیجانیله افاده ایدمک ، صنعتکارک حساسیتنی حرکته کتیرمک شرطیله فکرلرله مالی بر اثر اولردن محروم ، عینی قیمت بدیعیه مالک بر اثره فائقدر . بعض سیمالر صنعت اعتباریله پک دون درجهلرده قالدقاری حالده یالکز فکرلر طولایسیله مادونیتلرینی اورته بیلورلر . ناینک بر قیمت مخصوصیه مالکیتی آنجق فکرلری اعتباریله در . یالکز بو اعتبار ایله ، بو شرائطه تابع اولق صورتیله موضوعک انتخابی کیفیت بر اهمیت مالکدر . بعض آثار واردر ، که محتوی اولدینی بر فکر طولایسیله موضوعلری بویور ، حتی قیمت صنعتکارانهلری بویور ، تعالی ایدر .

« پول بورژه » بر « مسئله وجدان » نامیله یازدینی بر پیس حیسانده بولسانلره بر چاریک دهسا دماغنه مالکیتله ایراث ضرر ایده جک ، معافیله برایکی ساعتدن زیاده یاشایه میه جق بر باغینه طبک حیات ویرمه سنک طوغری اولوب اولمادیغنی تدقیق ایتدیکی جهتهله فکرده کی شو یوکسکلک اعتباریله پک قیمتداردر .

اولجهده کوردیکمز وجهله واضح صورتده اخلاقی بر اثر عینی قیمت بدیعیه مالک غیر اخلاقی ، یاخود لاقید بر اثردن دهسا زیاده پازلار ، دهسا زیاده قیمت مالک بولنور . روحی بغدادینک بعض فکر بی اخلاقانه یازیلن مرثیه لرندن دهسا زیاده ترجیع بندی بر غایه فکریه بی ، بر طرز تلقی اخلاقی بی - روحنه نفوذ ایدلمدیکی تقدیرده اخلاقمز کورینور . روحنه ، اساسنه نفوذ ایتک شرطیله - کوستردیکی جهتهله قیمت بدیعیه اعتباریله اولکیلرندن دهسا قیمتلیدر . میکل آنزک میله نک آثارنده مندمج فکر اخلاقی حال حاضرده بوندن محروم اولان آثاره تفوقلرینی تأمین ایله مکده در .

مشهورك بوقدر قيمت صاحبي اوله سیده قلبنده ياشايان حسياتي صنعتده واضحا کوستره بيله جك بر « صناعة Métier » يه مالک بولمسيدر .

افاده يه مانع بو عدم کفايتلر ، بومهارتسزلکلر واقف بر منقد طرفندن کوريله بيلير . بر منقد بر اثری آلير ، اونک روحنده کی هيچانه نفوذ ايدر ، بونک افاده ايله نه قدر کوسترلديکني تحری ايلر نره لرك توافق ايتديکني ، نصل توافق ايتديريله جکني دوشونير ، شو صورتله خطايا و مزايای ميدانه چيقارمش اولور . حتی منقد هيچان بدیعی يي صنعتکارک نه درجه لرده افاده ايتديکيله ده قلماز ، اونى دها نره لره قدر کوتوره بيله جکني ده آريجه اولجه بيلير . بوتون تماشا منقدری آثار تماشا يي هرکون يکيدن ترتيب و تنظيم ايتک صورتيله يالکزا اونک افاده سيله دکل ، مدرکاتيله ده اشتغال ايدرلر . بو ، نه قدر بی پایان نازک ورقق بر کیفیت ايسه ده صنعتده اوقدر يوکا لايقدر .

۴

تقديرده صيبات اضراقيه و اجتماعيه . — منقدک وظيفه سي بوقدرله ده بيتمه يور . بوندن باشقه صنعتک روحنده مندج فکريت ، اخلاقيت ، اجتماعيتدن غيری بر اثر صنعتک حسننه ضم حسن ايدن ، خارجي اخلاقيتلرله ، اجتماعيتلرله ، فکريتلرله ده منقد اشتغال ايتمه مجبوردر . مع مافيه بو خصوصده ده منقد حکمت بدایعی اونو تمه مليدر . اساس تدقيقات يابيلدندن صکره اثر تنقيدک اساسی تشکيل ايتمه مک اوزره آثار صنعتک حسنی قدر بونلرکده تدقيق حائز اهميتدر .

افندینک اثرلری قارشو مزده بولمقده در. بویله اولمقله برابر بر خطای افاده
بر خطای حقیقی در، حقیقی بر لیکه در و افاده اعتبار یله در، که علم صنعته
فائده لیدر. علم احوال روح متخصص لرندن موسیو « ریشه » بو حقیقی
یک چوق دفعه لر کو ستر مشدر. علم اوکا حقیقی اوله رق، ذکائی
اوله رق کتیر دکلریله فائده لی، درین و روحی اولمه مقله برابر لازم
و مقتضیدر. دها صو کره علم صنعته « صنعت » نقطه نظرندن ده فائده لیدر.
صنعتده اساس نه اولور سه اولسون، مقصدینه و غایه سنه ضرر ایراث
ایتمک سزین اوکا وصول ایچون استعمال ایتدیککی آلت و واسطه بی
اونو تمق ممکن اوله ماز. افاده صنعتکار ایله قاره و تماشا کر آره سنه
موضوع اولدینی، حسنی افاده یه مأمور بولندینی جهتله حائز اهمیتدر
افاده موجود اولمه نیجه هیجان صنعتکارانه بر جنین دیمکدر.

تقدیر آثار صنعتده نظر اعتباره آله حق نقاطدن بری ده افاده نک
اظهار ایتک وظیفه سیله مکلف اولدینی هیجان بدییییه معادل و موافق
اولوب اولدیغیدر. هیجان بدییی بی تمامیتله تفصیل و تفرعاتیله
کو ستر مسی حائز اهمیتدر. هر نه قدر بو اثرک حسنی تام دکل سه ده
اونک شرائطندن بریدر، چونکه حواسه خطاب ایتمین صنعت
یوقدر. سویله مک ایستدیککی سویله یه مه یین، دها طوغری لازم اولدینی
کبی سویله یه مه یین بر اثرک عینی درجه الهامه مالک، سویله مک
ایسته دیککی تام و مکمل سویله یین بر اثره معادل اولدیغنه اینسانه حق
کیسه یوقدر. « پوی دوشاوه ن » نامنده کی رسامک « زواللی
بالچی » نامنده بر لوحه سی واردر، که حساسیت، هیجانه مالک اولمقله
برابر یرنده موضوع اولمایان بر قاج شیخ صله عادی بر اثر اولمقدن
قورتیله مامشدر. تمامیه معکوس اوله رق « رافائل » نامنده کی رسام

هیجانك خصائصی اعتباریله ممتاز بر اثر بزده مدید تموجات ایله
 یاشادینی حالدۀ عادی بر اثر سطح روحه بیله تماس ایتمکسزین کچر ،
 کیدر . بونی آکلایه بیلیمک ایچون نفعی نک بر قصیده سیله آکانظیره پامیه
 چایشان حشمتک بر قصیده سنی مقایسه ایتمک کفایت ایدر . بونی
 آکلایه بیلیمک ایچون معمارسانک سلیمانیه سی داخلیه عادی بر معمارک
 انشا ایتدیکی بر جامعک داخلنی کورمک کافیدر . بر اثر صنعتدن
 طوییلان حسک وسعی صنعتکارینک حسنک ممتازیتیه و وسعته
 دلیدر .

فضله اوله رق آثار صنعتک حسنی طبیعتدن طانیدیغمز شیرله
 نسبتله بزده اویندیردینی تأثیرک طوغریلغیه ده اولچرز . حساسیت
 صنعتکار ایله - بویله سویله مک طوغری ایسه - حساسیت طبیعتک
 امتزاجندن عبارت اولان هیجان بدیی مناظر دن بزه الهام واحساس
 ایتدیکنک وسعتیه یاخود موضوع اولق اوزره آلدینی حسیاتک وسعتیه
 اولچلیر . بزه اشیانک روحنی کوسترن بر لوحه اوکا تماس ایدندن
 دها زیاده قیمته مالکدر .

نهایت آثار صنعت اظهار ایتک وظیفه سیله مکلفدر . حامل اولدقلری
 هیجان بدیی بی نه قدر مکملیه افاده ایدر لر سه او قدرده حسنلری
 زیاده اولور . مادامکه صنعت بو هیجانک شکل مادسی دیمکدر ،
 تصورات صنعت اعتباریله حساب قاتیلماز . موسیقی ده ، رسم ده ،
 هیکلتراشیده ، معماری ده ، شعرده هرشی افاده ایدلک صورتیه
 بر قیمته مالکدر . شهسز حس حسنه مالک فقط مهارتمز بر الک
 محصولی بر اثر - بویله لری پک چوقدر . - حسیاتدن محروم ، مع مافیه
 پرهنر بر اثره بی نه یاه بر صورتده فائقدر . بوغیر قابل انکاردر . ناجی

قارشو منفرد لر ، زیرا یکیلرده موجود اشکاله نفوذ ایتک زحمتی
اختیار ایتمه یورلر دیمکدر .

ظاهر آ حساسیتلرک تعارضنه ، تخالفنه ، یکدیگرندن تباعدینه
رغمآ بر اثر حسن ، تولد ایتدیکی هیجان بدیعینک تظاهر محسوسی
اولمه سنه بناء تماشا کر ویا قاره اوزرنده هیجان تولید ایدر . حتی
صنعتکارک هیجاننه معادل هیجان حصوله کتیریر . دائماً بویه اولور ،
وبویه در . فی الحقیقه بر چوق زمانلر انکارلردن ، رجوعلردن ،
مودالردن صکره صنعتده بر قبول عمومی تظاهر ایدر ، آثار صنعتی
حقیقی موقعلرینه وضع ایچون لازم اولان بوتقدیس زمان ادعائنه
بر دلیلدر ، زیرا بو ، حال اساله هیجانک نتیجه سیدر .

شومطالعاندن استخراج اولینیور ، که آنارصنعتک قیمت بدیعه لرینی
بزم شخصی حساسیتمز اوزرنده اجرا ایتدکلی تأثیرات طولایسیله
اولچمک ممکندر . یالکیز بوخصوصده فوق العاده مدبرانه حرکت
ایتمک ، بزدن دهها زیاده آکلایانلرک ، بزدن دهها زیاده قابیلیتی
بوانانلرک مطالعه لرینی نظردن دور طوتمه مق مقتضیدر .

اولا اونلرک بزده اوایانیدردقلری هیجانک قوتیله حاوی اولدقلری
هیجان بدیعی نک مقداری حقننده حکم ویرمک ممکندر . بزنی
جذب و تسخیر ایدن ، بزنی صارصان بر اثرک خوشمزه کیدن بر
اژدن زیاده کوزل اولق شبهه سز حقیدر . حافظه مزده قالان ، عمق
روحزنی صارصان بر اثرک اونودیلن بر اثره نسبتله دهها زیاده بر
نسبتده حامل هیجان بدیعی اولمه سی طبعیدر . فضولینک غروری
شبهه سز سنبل زاده نک هر هانکی بر قصیده سنندن دهها زیاده
بدیعیدر .

اولدینی بر موضوع صنعت قارشوسنده تقدیرکارلری احاطه ایدن هیجان بدیعی حد اعظمی اوله رق آره لرنده صفر درجه سنده تخالف کوستریر. زیرا صنعتکارینک حس ایتدیکنک، اونی حصوله کتیرنه هیجانک انتقال وتقلیدندن باشقه برشی دکلدیر .

مسئله صنعتده وقوعه کان تخالفات طوغری ویا کاذب حساسیتلرک بولمه سندن، حال طبیعیده ویا بوزوق حساسیتلرک موجود اولمه سندن، حرص ومنفعتدن، حمایه واتصاحبدن، خصوصیه تربیه بدیعیه نک نقصانیدن تولد ایدر، هیجان بدیعی بی حس ایده بیلیمک، اوندن ذوقیاب اوله بیلیمک ایچون بر تربیه متقدمه یه لزوم بولمه سندن طولانی صنعتک صنعتنه، طبیعته مغایر اولدیغنه، موده وعاداتک مولودی بولندیغنه، مطلق هیچ بر شیده مالک اولمادیغنه قانع اولمق اقتضا ایتیز وحقیقت تمامیه عکسهنه در. حسنی طویمق ایچون تربیه متقدمه یه احتیاج بر اکتساب، بر تعلم وتدرس دکلدیر، بوندن مقصد هیئت عمومیه بشریه نک حساسیتی حیات عادیده احاطه ایدن شیلردن تنزیه تعیر دیگرله منافع، احتراصات، آمال، خرافات کبی شیلردن روح عادئ بشری تخلیص در. بز نه قدر تربیه بدیعی بی اکتساب ایده جک اولورسه ق ازمان وامکنه یه کوره اکتساب ایتدیکی اشکال آلتنده هیجان بدیعی بی طانیه مزه مانع اولان اعتیاددن قور تولیرز. بعض کیمسه لر ندیمی، بعضلری فضولی بی بکه نیرلرسه، بعضلری عرب صنعتی، بعضلری اسکی یونان صنعتی طانیورلرسه - ترجیحات شخصیه دن که مشروعدرلر، تجرد ایدلیدیکی تقدیرده - بونک بر نتیجه اعتیاد اولدیغنه اینانملیدر. اونلر هیجان طویمه یورلرسه هیجان طویمق ایسته مدکلری ایچوندیر. زیرا اونلر دها اول بکندکلرندن ماعداسنه

دلیل اولان نقصانی حقیقته مالک آناری خارج صنعته آتمق ضروریدر. بوکی آثار اکثریا معلول دماغلرک، غریب و مشوش روحلرک، آکلاشیلماش تقلیدلرک مولودیدر، ادبیات جدیده مسالک ادبی ممالک عثمانیهده پارلادیغی زمان اوکا پیرو اولانلرک صوئوق، بی معنا، غریب اثرلری هپ بونوع مریض روحلرک، دماغلرک اثرلیدی...

۳

تغییره لهیجان بریغی و مکملیت افاده. — بو سرد ایدیلن اوچ شرط آثار صنعتک قناسی ایدیسندن، ایدینی قناسندن تفریق ایدیور، تنقیده بولردن دهسا اوزاقلره کیتک، او اوزاق نقطه لرده دخی تحریاتده بولمق مقتضیدر.

آثار صنعتک قیمت و مزیتی اونلری جانلاندیران هیجان بدیعینک وسعت و دریندکیله متناسب اولور، تماشا کر ویا قارئک روحنده اویندیردقلری معادل و مشابه حسک وصفنه کوره تقسیملری ممکن بولنور دییه صنعتده ثابت برشی بولنه مایه جغه، آثار صنعتک نقائص و مزیاتنک تحری ایدیه مایه حکسنه، اونلری بر سلسله حس داخلنه وضعک غیر ممکن اولدیغه قانع اولمق اقتضا ایتمز.

فی الحقیقه نه رنککر، نده ذوقلر اوزرینه مناقشه ایدیه مز نظریه سی قسام آذهنیته ده حاوی بولنان، هیجان حسن کی بر حادثه روحیه حقنده اولویتله طوغریدر. هر نه قدر انسانلر حساسیت اعتباریله یکدیگرندن آیریلورلر سده ینه بر عمق مشترک واردر، که اونلری آیران نقاط تخالفیه بی اورتر، بر موضوع قارشو سنده. — طبیعتک دیمه یورز زیر اوراده تماشا کرک حصه تهیجی ده زیاده در. — تماشا کرک تعقیب و تقلیده مجبور

دماغی وحدت حسیه به اطاعت مجبوردر، یوقسه تفکرات اونی الهامه
اجبار ایده من .

« آقاده میک » نامیه تسمیه ایدیلن مسلك صنعتك خطاسی ده
بو نقطه ده در : اونلر حائر اهمیت اولان وحدتك یاشانمش یعنی بر
صنعتكار طرفدن حس ایدلمش بر وسدت اولوب خارجدن بر معلم
طرفدن تقریر ایدیلن وحدت اولمادیغنی دوشونه مه یورلردی .

طبیعتك و روح صنعتكارك امتزاجندن عبارت اولان هیجان
بدیعی بر حقیقتدر . بناء علیه حقیقت آثار صنعتك دیگر بر دلیلی
و مشعریدر .

بوندن مقصد بوتون آثار صنعتك اظهار و تماشاده تمامیه حقیقه
مطابق اولمسی دیمك دكلدر . حقیقت هیچ بر زمان حقیقت اولمادیغنی
کبی ، حقیقت یعنی حقیقه قریبته هیچ بر زمان حقیقت دكلدر .
حقیقت طوغریدن طوغری به حقیق دن اخذ و اقتباس اولندیغنی حالده
حقیقت ممکناتدن اخذ و اقتباس اولنیر ، فقط صنعت یالکیز طبیعتده
موجود اولمایان ملك و شیطان ، جانوارلر کبی شیركده نقل و ایجادندن
عبارت دكلدر . حتی بونلری کوستردیکی حالده بیله ینه موجود حیوانلرک
اعضالرنندن بعضیلرینی تقلید ایدر . بو نقطه لر تقلید بمحشده عریض
و عمیق کوسترلمشدر .

حقیقت رسمده ، هیكلتراشیده اك جسور مخیله لرک موسیقی ده ،
معماری ده افاده ایدیلن حسیاتك تولد ایتدکلری هیجان بدیعینك
صمیمیتیه دلیل اولمق اوزره ، اکتساب ایتدیکلی شکل ممکندر .
حقیقه او ، منطق روحی نك . — عقلی دکل ، حسی منطق . — اك
کوزل آئارده موجود اولوب اولمادیغنی کوستریر . حیاتیئتک نقصانه

بحث ایدیلان شو وحدت ، تیاتروده اولدینی کبی وحدت حرکت ، وحدت زمان ، وحدت اشخاصدن عبارت اولوب صرف ذکائی وموضوعه عائد بولنان وحدت دکلدرد ، حائز اهمیت اولان هیجان بدیعیدن تولد واکا تابع اولاندر . حائز اهمیت اولان هیجان صنعتکاری بی رؤیته وسیله وحدت الهامدر . یوقسه اسکی زمان منقدرلینک بر لوحهده برشخصک مختلف صفحات حیاتیه سنک کوسترلمسیله بوزولدیغنی تصور ایتدکلی وحدت دکلدرد . اون بشنجی عصر رساملرندن مهملنسک حضرت مریمک یدی مسرتی ، یدی کدرینی کوستریر لوحه لری بوادعازک بردلیلیدر . فضله اوله رق بووحدت مختلف عناصری محتوی اولدینی نسبتده فضله حسی اظهار وارانیه ایدیجیدر . بوکا بناءدر ، که برچوق بویوک بدایع متخصصلری حسنی « تنوع داخلنده وحدت » دییه تعریف ایتمشلردر . مع مافیه فیکریت طرفدارانی خرافه آلود براعتقاد ایله افاده ایدیلان شیئک طرزنده آرایه جقلری یرده طوغریدن طوغرییه کندنده آرایورلردی . بو ارتکاب ایدیلان خطالرك الك بویوکیدر . وحدت موضوع منظره خارجییه دکل عناصر حسییه ، هیجان بدیی بی اظهار ایدن اصوات ، خطوط ، الوان کبی ماده عائددر . بو اثرک قوت و قیمتی کندیسنه داخل اولان اشخاصک ویاخود اشیانک عددیه دکل ، ترتیب و تنظیمنه داخل بولنان عناصر حسیه نك عددیه متناسبدر . بونلر نه قدر زنکین اولورسه خارجاً هیجان بدیی بی ده اوقدر زیاده اظهار ایدرلر . بر چوق سیالری کوسترن تابلولر وارددر ، که قیمت بدیعه لری تک بر سیمایی ، تک بر شیئی کونسترن برلوحه دن ده اآذر . تنوعده ، وحدت صنعتده حامل حس اولمق شرطیه حائز اهمیت اوله بیلیر . زیرا صنعتکارک

اولچه مه مكله برابر - آثار صنعتی آكلار ، يا خود بوخارجی اشارتلك موجودیتله آثار صنعتك ایسنی قناسندن تفریق ایدر . حکمت بدایع بو صورتله بر طاقم قواعد وقوانین وضعنه موفق اولور، که بونلرك تطبیق حسن ایچون بر شرط تشکیل ایدر .

هیجان بدیعی ، هر شیدن اول ، آهنگداردر . بناء علیه آثار صنعتك ده آهنگی محتوی بولنه سی مقتضیدر . موضوع نه قدر آجی ، نه قدر تشوشكار اولورسه اولسون ، اونده بر سكون موجوددر، که یکنظرده آثار صنعتی حقیقتدن آیریر .

مثلاً « میکل آنرك » پییه تا نامنده کی لوحه سی اله آله لم . بونده بر حشمت ، بر سكون واردر، که اوکا معادل بر حقیقه کنیدیسنی بکزتمه یه مانع اولور . وبونی طوغریدن طوغری یه ، روحلرنده موجود هیجان بدیعی یه میونددرلر . فقط آلدانما میلددرلر . حسنك مطلوبی اولان آهنگ ، اساساتی فن داخلنده بولنان خارجی، سطحی، کولکه لرك ، خطوطك ، الوانك ، ضیالرك امتزاجیله تعین ایدن آهنگ دكلدر . نه قدر آثار علمانه واردر، که آهنگ بدیعیدن محرومدر . آهنگ بدیعی نه انتظام نه ده تناظردر . پارسده ما کنه لر دائره سی ، بوتون اقسام وتفاسیلک انتظام وتظاهری خارجی یه مالکیتنه رغماً ، حسن بدیعیدن محرومدر . حالبوکه « روبنس » نامنده کی رسامك « ملکلرك سقو طی » اسمنده کی لوحه سنده آهنگ وانتظام یرینه تشوش بولندیفی حالده او بر شاه اثردر .

اوله مك ، یاشامق مجبوریتله اثر صنعت آهنگ زندهك مولدی بروحدت داخلیه مالک اولمیدر . وحدت آثار صنعتك قوتی اولوب هیجان بدیعیك دیگر بر اشارت ممتازه سی ، یعنی حسنك بر دلیلدر .

وصنایع خارجیه اعتباریله اولچن، اونک مزاج و طبیعتنه، اساس و روحنه مغایر حالاتی نظر تدقیقه آلان بوتون منقدرلی اھمال ایتمک مقتضیدر. کذلک نه قدر فائده لی اولورسه اولسون تدقیقات اجتماعیه، تاریخیه، اجتماعیه ده بولان کیمسه لرده منقد صنعت نامی ویریله مز. منقد صنعت نامی آنجق تدقیقات بدیعیه ده بولنه بیلن ذواته ویریلیر. یعنی منقد صنعت تدقیق ایتدیگی آثارک حسنی آکلامیه، آکلامیه، اولچمیه ساعی اولان کیمسه دیمکدر. اساس اعتباریله مادامک حسن هیجانیدر. قانتک دیدیکی، کوستردیکی کبی حسن بزده تولید ایتدیگی هیجان طولایسیله تقدیر اولته بیلیر. او حالده حقیقی منقد حس ایدن دیمکدر.

مع مافیه، حسیات اولچیله مز، دنیانک اک معنوی شیئی اولمسه نه بناءً شخصه کوره دکشیر مطالعه سیله مسئله صنعتده تمامیه ساده جه معنای شخصییه اهمیت ویرمک، بوتون هر کسه حق ویرمک - عینی نقطه یه کلیر - کیمسه یه حق ویرمه مک، بالنتیجه منقدی انکار ایتمک یالکیز تأثراته قاپلمق، ذهنی وفکری خرافاتدن قورتیلانلرک مبالغه لری طولایسیله ذکانک صنعتده کی حصه سی اونو تمق یا کلشدر.

۲

آثار صنعتده آھنک، وصرت، صقیئت. — هیجان بدیعی خارجه سرایت ایدرک، یا خود تجسم ایدرک محسوس، مادی برشکله منقلب اولمسی طولایسیله اثر صنعت اولا خارجی و هیجاننک روحی کوستیر، بولمه دینی تقدیرده حسنده بولماز، برطاقم اوصافه مالکدر. حساسیتک اک عمومی، اک مشترک موادینک معاونتیه ذکا - حتی

صنعتده تنقید

تلفیات تنقیدیه . — آثار صنعتده آهنگ ، وحدت ، حقیقت . —
تنقیدده هیجان بدیی ، مکملیت افاده . — تنقیدده حسیات اخلاقیه واجتماعیه . —
منقد .

۱

تلفیات تنقیدیه . — برصنعتکارک طبیعت قارشیدسندده حس ایتمش
اولدینی هیجان بدیعینک تظاهری وتجسمی اولمهسنه بناءً آثارصنعت
تمامیله فکری نه برتنقیده ، نه بربدیعیته تودیع راز ایدره . بوندن مقصد
حسیاتدن تجرد ایدره ک بیان حکم ومطالعده بولنمق دیمکدر .

مادام که نه طبیعتده ، نه فوق الطبیعهده آثار صنعتک تطابق
وتشابه ایدره بیلله جکی برحسن موجود دکدر ، دماغ ومفکره آثار صنعتک
حسنی طوغریدن طوغرییه اولچمک ایچون ناکفیدر ، عینیه اونک
قانونلرینی ده کشف وتنظیم ایدره مز . آثار صنعتی اصیل ونجیب تلقی
ایدیلن ، برچوق دفعه لر مختلف صورتده کوسترلش اولان ، هپ عینی
قوانینه تابع بولنان برقاچ موضوع داخلنه ادخال ایدن اسکی منقدرک
حالی بوادعازمک بردلیلدر .

دیگر جهتن مادامکه آثارصنعت احتوا ایتدیکی هیجان بدیعینک
قیمتیله اولچیلیر ، آثارصنعتی ، تنایله برابر ، حاوی اولدینی خیر ، واخلق
اعتباریله ، یاخود کیو ، تولستوئی کبی تأثیرات اجتماعیه سیله یاخود
صنعت صنعت ایچوندر نظریه سنه تابع اولوب حاوی اولدینی مهارت

خلاصه صنعت بی اخلاقی ایله اجتماع ایده مه یور، صنعت دیمک که
 بذاته اخلاقیدر. آثار صنعتک افاده ایتدکری نه اولورسه اولسون
 دائما اخلاقیته کیفیتله قارشو قارشویه در یتر، که افاده ایدیلن شیئک
 غیر اخلاقیتدن استکراوده بر حسن بولنسون.



موضوعك اخلاقيتي بيله اثرك حسنى ، اخلاقيتي تزويد ايدر .
 فى الحقيقه بعض موضوعلر واردر، كه ديكرلرندن دها زياده علوى حسياتى
 اويانديرلر. دينى ، عسكرى موضوعلر روحمزده ، موجوديتمزده اك
 درين ، اك على حسياتى ايفاظ ايدرلر ؛ بوكا مقابل جنائت ، سفاهت
 صحنه لرى اك چركين ، اك آچاق اولانلرى اويانديرر ، بويوك موضوعلر
 بويوك آثار صنعتى وجوده كتيرمه سسلر بيله صنعتكارك حسياتى
 اوزرنده كى تأثيرلرى طولاييسيله اوكا غير قابل انكار بر معاونتده
 بولنيرلر . معكوس اوله رق موضوعك عاديتى آچاق اثرلر وجوده
 كتيرمه مكله برابر . — زيرا بوده بر طاقم اسباب بديعيه يه كوره انتخاب
 ايدلمشدر. — چير كينلك ، عاديت صنعتك كوچومله سنه سبيت ويرر .
 بعض كيمسه لر صنعتده يالكلز موضوعى كوريرلر ، يالكلز اونكله
 اشتغال ايدرلر . بونلك نظريه لرى نه قدر طوغرى دكلسده موضوعك
 علويتى اثر صنعته بر حسن جديد علاوه ايتمز فكريده او قدر
 طوغرى دكلدر .

شورايه قدر ويريلن ايضاحات كوستريريور، كه صنعت اخلاق
 دكلدر ، صنعتك غايه سيله ، اخلاقك غايه سى آرى آرى شيلردر ،
 فقط صنعت حامل اولدينى حسن بديعى ، هيچان بديعى اعتباريله پك
 بويوك بر عامل اخلاقيدر . صنعت او قدر اخلاقيدر، كه اونك دروننه
 داخل اولان حسيات عادى ، نزاهت وصافيتدن معرى اولورسه همان
 قيمت حسنيه سندن غيب ايدر . صنعت ، اخلاقى حسياتك ، حتى
 موضوعاتك كنديسنه داخل اولمسييله كوزلله شير ، قيمت اصليه سندن
 فضله بر قيمته مالك اولور .

حیران برافق ، تجسسی ایقـاظ و تمیـیج ایتـمک صورـتیلـه پاره
قازانق مراقی ایرکچ صنعتکاری مسلکنی اھمال و ترکہ ، حسنی تأثیرہ
وغرابتہ فدایہ ، خلاصہ حسن بدیعی بہ مخالف شیلرک حسن یرینہ
قائمیتہ سبیت ویرر .

بوندن باشقہ نظریاتہ حس بدیعی بر اثر صنعتی وجودہ کتیرمک
ایچون کافی کلپورسہدہ تطبیقات و عملیاتہ ، باشقہ شیلرک انضمامیلہ
یا لکز تعالی ایتمز ، حیات بیلہ بولور . اولمہمک ایچون قوت بولہ جنی ،
یکیلہ شه چکی دپکر حسیاتہ احتیاج درکاردر . روحک غلطی ، مرحمتک
مفقودیتی ، قلبک یبوستی آثار صنعتی یوکسک حسیاتدن تجرید
ایتدیکی جھتلہ محتویاتنک بر قسمندن محروم ایدر ، بو حس بدیعی بہ
قدر اجرای تأثیر ایدر . صنعت صنعت ایچوندر نظریہ سنک بوتون
خطاسی بونقطہدہدر . او حسنی بذاتہ حائر قیمت تلقی ایتمکله خطایہ
دوشمہ یور ، اصل اوئی سہوہ ایصان ایدن حسنی ، حسن اولمیان
شیلردن تجرید ایتمہ سی ، صنعتکاری طوغریدن طوغری بہ صنعتہ
تماس ایتمین شیلردن تبعید ایلہ مہ سی در . بو هیجان بدیعینک بالا آخرہ
موقعی میخانیکی بر حالہ ترک ایتمہ سنہ وسیلہ اولور . اخلاق واعتیادادہ
وقار ، استقامت روحیہ ، اصالت قلبیہ ، جدیت حیاتیہ صنعتکاری
وجودہ کتیرمہ سہل بیلہ مبدعلرک غایہ خیالیسنہ ، اثرلرینہ برعلویت ،
بر وسعت ، برفسون وجاذبہ علاوہ ایدر ، آثارک تنویرینہ دھا زیادہ
وسیلہ اولور . ابتدائی بعض صنعتکارانک حالا ، غلطلرینہ رغماً
باشایہ بیلملری آنجق اثرلرینہ درین براعتقاد ایلہ صافیت حیاتی وضع
ایلہ مہ لرندن در .

هر نه اولورسه اولسون ، برشخصیت جدیده نك ، برشخصیت بدیعته نك
نوه سی ، مرکزی اولمه سنه بناءً بوغایه خیالی صنعتکارده عادی بر
آدمده کی کبی اولمایوب حرکات حیاتیه سیله نه قدر ضد بولنسه ده .
قیمت اخلاقیه سی اثرک حسنی تزید ایدر .

انسان اولق اعتباریه صنعتکارک اخلاق خصوصیه سی ده اهامال
ایدیله مز . حیات غایه خیالی بی تعدیل ایتدیکی کبی ، غایه خیالی ده
حیاتی تعدیل ایدر . برهیکلده ، برلوحه ده ، برمنظرده ، برشرقی ده
تیتربین حسیات نه قدر خیالی اولسه ده برمزاج وطبیعتک مولودیدر .
اونلر حیات حقیقه دن اوقدر آز اوزا قدرلر ، که ا کر آریله جق اولسلر
بر قیمته مالک اوله مازلر ، اولورلر ، بیتلر . حیات وصنعت آیری
آیری شیلر دکدر ، صنعت حیاتدن آنجق کندی ضررینه اوله رق
تباعد ایدر . حیات وصنعت اوله ایکی شیدر ، که بربرینی تعقیب
ایدرلر ، بری برینه نفوذ ایدرلر ، بربرینه متقابلاً داخل اولورلر .
شو مطالعاتدن شونی استخراج ایده بیلیرز ، که صنعت بوتون حیاتیتی ،
بوتون رونقیسنی بوتون اهمیتی بنلکک روحنه ، عمقنه اینکله الده
ایدر . اوبنلک ایسه متحد و آهنگداردر ، دیمک ، که اخلاقدر .
زیرا اخلاق برواسطه توحیددر .

غایه خیالی صنعتکارانه وانسانیه طولا ییسیله تولید آثار
انساننده صنعتکارک فدا کارلقاری ، صبر و تحملی ، عشق دوشونیلیرسه
صنعتک نه قدر اخلاقی اولدینی کندیلکندن تعین ایتش بولنور . زیرا
مزاج و طبیعته مربوط بوتون سیئات وجدان مسلکیه قدر - بونسز
صنعت اوله ماز . - صنعتده موجود هر شیئی کوچولتیر ، ضعفه
دوشوریر .

تفوق برینک اخلاقیاتک دیکرینه نسبتله فضله اولمه سندن عبارتدر .
 سفاهتی، فحشی تلقین ایدن بر اثر صنعت اخلاقیته لاقید قالانه نسبتله
 دهاددن بر قیمته مالک اولور . تن آثار صنعتک تقدیر قیمتی کیفیتنی
 تدقیق ایتدیکی انشاده بودقیقه بی دوشونهرک اخلاقیتی اثره ادخال
 ایتمشدر . اخلاقیات آثار صنعتک حسننه علاوه ایدر ، عکسی اونلرک
 سقوطنه سبب اولور ، بوغیر قابل انکار بر مسئله در .

مع مافیه بر صنعتکارک اخلاقیات شخصیه سیله اخلاقیات صنعتکارانه سنی
 بر برندن تفریق ایتک مقتضیدر . بعضاً غایه خیال صنعتکارانه ایله
 شخص آره سنده ، تضاد دنیله جک قدر اوچوروملر بولنه بیلیر .
 بعضاً حیات خصوصیه سنده ساکن اولان بر شخص آثارنده
 کورولتوجی ، جدالجو ، ناموسلی بر ذات سفاهته ، میال ، بر
 سفاهت میال عفت نشار اولور . خیالی غالب اولان شاعرلر ،
 موسیقی شناسلر ، رساملر ، هیکل تراشلر اثرلرنده حیات خصوصیه لرندن
 تمامیه باشقه کورونیولر . زیرا اونلر اعتیادلرنده باشقه ، غایه خیالیله لرنده
 باشقه درلر . اون آلتنجی عصرده فلورانسده یاشایان رسام « آندره
 نادله سارتو » بر حیات بی اخلاقانه ایله یاشادیغی حاده لوحه لرنده
 سکونی ، عفتی ، ظرافتی یاشامش ، اون سکزنجی عصرده یاشایان
 فرانسه لی « واتو » ایسه آنجق تابلولرنده اکلنجه لری ، ذوقلری
 یاشایه بیلمشدر .

هیجا کو سروری حیات خصوصیه سنده غایت ساکن بر آدم
 ایمش . کمال بک نه قدر رند مشرب ، نه قدر لاقید ایسه ، آثارنده
 او قدر عکسهنه در . بعضاً او یله اولور که غایه خیال صنعتکارانه دیکر لرندن ،
 معکوس اوله جق درجه ده آریله بیلیر .

بخش ایدر . اخلاقیّت ، حیات و یردیکی آثاره دها زیاده روح ، دها
زیاده عمومیت و یردکدن ماعدا یکی برطاقم آهنگر علاوه سیله تأثرات
بدیعیه یی تقویه ایلر . الهامک علویتی ، صافیتی حسنک علویتنه مزج
ایده بیلان آثار اک قیمتی شه آفریده لردر . میله نک « آنژم لوس »
نامنده کی لوحه سی ، حامدک اشبری ، فیکرتک سیسی بونک اک بویوک
دلیلدر .

بوندن باشقه بر صنعتکاری بر ضایه عالی خیالی اداره ایتزسه -
انحطاط زماننده یونانستانده ، اون آلتنجی عصرده ایتالیا ده صنعتی
اخلاقیات و دینیاته عاظم مشاغلدن آیردقلری زمان کورولدیکی کی -
صنعت بوشانیر ، چپلاق قالیر . بر اثر صنعت غیر اخلاقیی نسبتنده
غیر بدیعی اولور . زیرا غیر اخلاقیّت قارئ ویا تماشاگری صیقار ،
اونی تضاد لر آره سنه وضع ایدر ، اونی بو صورته حسنک معکوسی
اولان زشتی به سوق ایدر . هر نه قدر سیات کوزله منضم اولورسه ده
تمامیله اونکله امتزاج ایده مز . طبیعت و مزاجی مقتضاسیله ، دائماً
یابانجی قالیر . بر اثر صنعت برطاقم غیر اخلاقی تأثیراته مالک اولورسه ،
احتراصاً تمزی اوقشارسه بو عدم انتظام تقدیر مزی ، مزاج طبیعت مزک
وحدتنه بناء ، زده لهر ، زیرا آهنگ و توازی قیرار . و بوندن طولایی
تهیجتمز اکسیلیر ، آثار صنعتی تماشا و قرائت خصوصنده لازم کلن
سکون و صافیتی اولدیرر ، خلاصه بزی سمدن یره سوروکلر .

فراغونارک ، قلا دییونک ، اوقنباخک ، ندیمک بعض آثارینک
لککسی ، وه نوس مدیچینک وه نوس دو کینیده قارشو مادونیتی بودر .
ایکی لوحه نک ، ایکی هیکلک ، ایکی موسیقی پارچه سنک ، ایکی
شعرک - صنعتکارلری و قیمتلری مساوی اولدیفی حالده - دیگرینه

اساسنده کندینه یا بانجی اوله رق التحاق ایدنلردن آیری بولنیورسه صنعتک حساسیت مزه و بونک طولایسیله فعالیت روحیه مزه اجرا ایتدیکی حسن تأثیر طولایسیله حس خیر حس حسنله دائماً مناسبتدار دیمکدر. هر نه قدر اخلاقی، باشلی باشنه مذهب، حسن تأسیس و تشکیل ایدمه یورسه ده آراده کی مشابعت او قدر چو قدر، که تلقین ایتدیکی تقدیر و پرستش، تولید ایتدیکی نفرت و استکراه طولایسیله، حتی حسنک سینتالنه امتزاجنه، آره یرده کی فروق عظیمه یه رغماً، اونک یرینه قائم اوله بیلور. صنعتده خیر، سیئه، حسن، صافیت، زشتی خطوط مشترک ایله منفعت نا اندیشی ده، عشقده، توازنده برله شیدور، دیگر طرفدن ده عدم انتظامی قییح، تفرقی ایقاظ ایدیور.

۷

بی اضروقی ایله صنعت اجتماع ایدمه مزه. — بوتون بونقاطده حسن ایله خیری تقریب ایدن مناسباتک، صنعتک. — فعلیات اخلاق آورا اعتباریله دکل، حیات اخلاقیه احضار و ایقاظ اعتباریله. — اخلاقیته دلیلی اولمه سی اساساً کوزل، نفیس اولان بر اثره داخل اولان حسیات اخلاقیه فضلّه حسن علاوه اتمه سیدر.

اگر اخلاقیات اینی بر اثرک حسن بدیع سنی تولید اتمه یورسه تولستوینک و رفقاسنک تلقیاتی خلافت اوله رق اخلاقیات الهام کافی کلمه یورسه، حقیقه اخلاقی اولوبده خوار و ذلیل قیمتدن معری بر طاقم آثار وارسه، معکوساً، لاقید دکل، جداً سیات نثار بر طاقم آثارک حسنی و قیمتی بولنیورسه شهیدن وارسته در، که حسنک علویت و رونقینه اصالت و نجات حسیه باشقه بر رونق، باشقه بر علویت

کندمزی سائر انسانلردن تفریق ایدر . بوقدر نفیس شیلری حس ایتمکه مغرور اولورز ، اونلری ابداع ایدن کندمزی ایشمز کبی بر واهمه یه اوغرارز . بوده آز چوق طوغریدر ، چونکه بر حسنی طویق دیمک اونی درون روحده آز چوق یکیدن ابداع ایتمک دیمکدر . هیجان بدیعی بزده موجود منابع عشق و محبتی اویندیرر ، بزده بویوکلکلره قارشو بر اشتها تولید ایدر . هیچ بر کیمسه ، هیچ تماشا کر و محرر یوقدر ، که بوبوک حامدک اسکندر ایله اشبری کوروشدیردیکي - « کیمدر ، بو قادین که بونده مصلوب ، مصر اعیله باشلایان - تعریض صحنه سنی ایشیدوبده قلبنده بر علو جناب ، بر فدا کاری طویمه سون . بوکبی یوکسک حسیاتک بزى زیارت ایتمسی سبيله در ، که بر اثر نفیس صنعتی الارمزله ، دوداقلرمزک شمتلریله ، هیجانلرمزله قارشیلارز . ینه بو سبيله در ، که بز بر اثر نفیس و علوی یی کوریر کورمز اونک بر مثلنی وجوده کتیرمه یی دوشونیرز . فی الحقیقه بر چوق الهاملرک باشقه سبیلری یوقدر . ینه بو سبيله در ، که آثار صنعتک نشر ایتدیکي اصالتیه قارشو بزده بر حرارت یاشار : بو سبيله در ، که آثار صنعت بزده قهرمانلغی اویندیرر ، انسانلری حربیه سوق ایچون موسیقی استعمالک اسباب حقیقه سی شو مطالعاتله آکلاشلمش اولیور . هیجان بدیعی تودیع ایتدیکي حرارت طولانی سبيله روحزى تنیه ایدر ، عمقنده موجود اک زنکین ، اک کیزلی رشیات حیاتییه یی انکشاف ایتدیرر . اخلاق اراده دیمک اولمسنه نظراً بو حرارت صنعتدن ده ا زیاده بزى اخلاقه سوق ایده جک نه واردر ؟ خلاصه اخلاقی اولمادیغی قدر غیر اخلاقی دکلسه ، اکر حسن بدیعینک اخلاقیته قانع اولانلره رغماً او اخلاقک یرینه قائم اوله مایورسه

بر اثر صنعتده کی حقیقت هر نه اولورسه اولسون ، اونک صنعتکارک روحده یاشایان برغایه خیالینک تمامی اولماسی ممکن دکلدر . غایه خیالیدن بوراده مقصد عوامک آکلادینی کبی کوزلشدیرمک دکلدر . بناء علیه هیچ بر اثر صنعت یوقدرکه صنعتکار نص اشکالده غایه خیالینی تشکیل ایتمشه اولهجه بزمده حیاتده بر غایه خیالی تجسیم وتشکیل ایتمه مزه بر مثال تشکیل ایتمه سون .

فضله اوله رق هیجان بدیی ، فعالیت منفعت نا اندیشانه یولاییسیله ویرمش اولدینی اذواق واسطه سیله بزه صرف اخلاقی اذاقی کشف ایتدیره رک ساحه حرکتی تجاوزده دعوت ایدر . صنعتکارک چکدیکی مشاق و مزاحم ، کوسترمش اولدینی مقاومت سعی ، خصه بر اثر قارشوسنده « چوق کوتلی » دیدیکمز زمان مقصدیمز بزه ذوقک آنجق زحمت مقابلنده الده ایدلیدیکی کوستریر ، بزی بی و غیرته سوق ایلر .

مسئله یوقدرلده قالماز . هیجان بدیی بزه بر صوا روحیه ، بر صولت تهییجه بخش ایلر ، او فعالیت ، متانتک بر لیدر . بر شرقی سویلندیکی زمان سسمزی اوکا ترفیقه فالقیشمه مز موسیقی نعماتی آیق والار واسطه سیله اولچمک ایستیشمز ، رقصاباقلرمزه قدر حرکاتی تشمیل ایدیشمز بوکا بر دلیلدر ، مادامکه جان بدیی بر ذوقدر . او طوغریدن طوغرییه قانمزک جریاتی تبع ایتک ، حساسیتیمزی تهییج ایتک کبی نتیجه لره وصولدن ما ذکامزی تنویر ، اراده مزنی تقویه ، بر کلمده آهنگ حیاتیمزیال فعالیتیه ایصال ایده جک نتایجده واصل اولور . بو اوقدر طوغریشیدر ، که بزایی بر اثر صنعتی تقدیر ایتدیکمز زمان بر غوروس ایدر ،

کافیدر. بو تحول طولایسیله در، که موسیو بولان صنعتی تهلیکلی بولیور. چونکه غایه سی متدایاً تکمله مربوط بولنان، دائماً نا تمام قالان اخلاقی اساساً تمام و مکمل، و موقوف بر غایه مربوط صنعت تلقی ایتمک کبی بر محذوری داعی ایش. فقط بو اعتراض صنعتک، انتظام و آنک اوصافنه مالکیته رد و جرح اوله بیلیر. زیرا بوانتظام و آنک بی حیات اخلاقیه، حیات حقیقیه، یالکز کند منزله دکل، باشه لریله، شرائط موجودیتله امتزاجه سوق و ایصال ایلر. صنعت بر ابدال دیمکدراونی حصوله کترین هیجان نه قدرشید اولورسه اولسون اداثا افراطلردن اجتناب ایدر. بو ایسه فضیلتک اوصاف اساسیه سند بریدر. فقط اعتدال دیمک عادت دیمک دکلدر، عادتیدن صنعت قد اخلاق ده مجتنبدر. بو اعتدال فنا آرزولرک النده بولنانلری اولردن فزایر، فی الحقیقه بر متروکیت مطلقه سوق ایتمز، فقط بوتون شرک ذوق اولان بر نقطه معتدله کو تریر. بزی هوسات نفسانییه صال ایتمک شویله طورسون هیجان بدیی حسیاتمزی آهنگله اطه ایدرک تنزیه و تصفیه ایدر. او بوتون بولنری نه فضله تهییجیده رک، نه ده انکار ایدرک اداره ایلر، که حقیقی اخلاق مقصدی دوندن باشقه برشی دکلدر. موسیقی نک تأثیر سکون آوری عددیته قندن ایلر و کلامه در، صنعت بزی حیاتمزدن منقطع، متوازن بییاته سوق ایدر، بو اوילה بر حیات - که حیات اولما مقوله برابر اوکندر.

هیجدهی احضاردن دها بویوک بر قوته ده مالکدر: فعالیتمزی تقلیده - ایتدیگی جهته اخلاقی تهییج ایدر.

هوسكار ذوقنى آرايورسه ، حقيقى بر صورتده حس ايدى بيلمى ايچون صنعتكار كى ، اوده نقطه عزيمتى اونوتميه ، كندى هيچاننه ترك موجوديت ايله ميه ، كندى تسيخير ايدن جريان حساسيته تابع اولميه مجبوردر. ايشته هيچان بديعى بوقدر منفعت نا انديشدر . بناء عليه او اخلاقه بر مقدمه ، بر تمايل ديمكدر. بويله بر غايه مالاك اولمق ايسته مك ايسه اك بويوك فداكارلقلى ، اك بويوك زحمتلى اختيار ايتك ديمكدر .

آثار صنعتك بزم اك صميمى نقاط روحيه مزده اويانديرديغى هيچان ، فعاليت اخلاقيه يالكز منفعت نا انديشى طولاييسيله دكل ، بر فعاليت آهنگى ده روحله اساره ايمسى طولاييسيله ايفاي خدمت ايدر. بوتون آثار صنعت بر وزن واقفهدر، كه اونى تشكيل ايدن بوتون مواد وعناصر اونك اطرافنده طولانير، برانظام و ترتيبه مالاك بولنور. صنعتده ترتيب وتنظيم اويله برشيدن، كه روحك دريندكلرندن طوغاز ، آهنگ درونى يي خارجاً كوستيرير. وبو آهنگ تماشا كر ويا قارئك روحنه نفوذ ايله بو صورتله صنعتكارينك روحيله اونك ده روحنى هم آهنگ اوله رق چاريميه ايصال ايدر و فعاليت آهنگى تأمين ايتش اولور. آرزولرمزك ، تمايلاتمزك ، حياتمزك بر غايه يه ، بر آهنگه مربوطيتنى آمر بولسان اخلاق دخى بر توليد آهنگ ، بر ترتيب وتنظيم ديمكدر. بونقطه ده صنعت اخلاق ايله برله شيور يالكز اخلاق ايله آره لرندى كى فرق غايه لك تمايى ويا توقى فرقدن عبارتدر. اخلاقك غايه سى كندى متجاوزدر . او ، موجوديتك تكامليله هر دقيقه ده از ياده ايلروله مك احتياجى حس ايدر ، حالبوكه صنعتك غايه سى هيچ بويله دكلدر ، او كنديسنده در ؛ و كنديسنه

اوزاقلاشدیرر ، دها صاف بر هوای حیاتی تنفسه سوق ایلر ؛ خلاصه الحلاصه تمامیلہ خودین ، هوسات نفسانیہ یه میال رؤیتلردن ، ملاحظه لردن بزی قورتاریر . وبر دقیقه ایچون فنا اشتہالک ، وحشی سوق طبعیلک الندن چکدیکی جهتلہ احتراصاتک النندنه خلاص ایلر . هه کل « صنعت بزی دهای علی بر هوای نسیمی یه ایصال ایلر » دیدیکی زمان بونی سویله مش اولیوردی ، حق واردر ، صنعت تمامیلہ تصفیہ و تنزیہ ایدمه مکله برابر بزی رفته سوق ایدر . حیات اخلاقیه نک نشوونماسنه مانع اولان طفیلی اوتلرک تأثیرندن بزی قورتارانده اودر .

بو نقطه ده هیجان بدیی دها ایلرولره قدرده کیدر . او ، بزی منفعتدن تبعید ایتکله قالماز ، طوغریدن طوغری یه بر تأثیر ایلہ ، اثرک تولد ایتدیکی فعالیت منفعت نا اندیشی یه تماس ایتدیر مکله منفعتدن اوزاقلاشدیرر . بو اویلہ بر منفعت نا اندیشی در ، که بئلکمزک اعطاسنی طالب ، ومثبتدر .

فی الحقیقه فعالیت بدیعه بر ذوق ایسه ده ، حس ایدیلن ذوقدن تولد ایدیورسه ده ذوق بر غایه یامایور . او اویوندن متولد فعالیت کیدر ، اویونک فعالیت ذوقه رفاقت ایدیورسه ده بر غایه مستقله یه بناءً اولمایور ، او کندی کندینه ، کندییی ایچون بر قیمت مخصوصه نی حائزدر .

صنعتکارک وسائط و اصول ابداعیه سی نه اولورسه اولسون او اولاکندی روحنک تأثراتی نقله چالیشیر . صکره مادی نقاطی دوشونیر . هوسکار ایچونده بویله در . بز بر اثر صنعتی آنجق تولد ایتدیکی ، وروخنده تیره ن فعالیتہ اشتراک نسبتنده حس ایدرز .

اك نفيس ، اك قيمتدار بر اثر ك قارشو سنده فيأت تقدير يله مشغول
اولان كيمسه كيدير .

مادامكه ذوق بديعي بي طانيه بيلمك ايجون اك برنجي شرط حيات
روزمره مزه عائد اندیشه لردن تباعد ايتمكدر ، او حالده اونك برنجي
تأثيري و نتیجه سي اونلري تبعيد ايله مكدري . طبيعتك قارشو سنده
نصل ، كه صنعتكار بوكي اندیشه لردن مقتضای طبيعتي اوزا قلاشیرسه
تماشا كر ، قارده صنعتك جهت صنيه سي طولاييسيله عيني صورته
اوزا قلاشيز . بو صنعت اونى بر عالم خارجيه ، بر عالم غريبه ايصال
ايدري . حيات حقيقه اطرافنده احتياجاك طوبلامش اولديغي كشف
منفعت ، احتراصات توللرندن اونى قورتاري . كذب و صنعت صنعتده
حيات حقيقه ده خاطرات و سياحتك اوينامش اولديغي رولى اوينار .
خاطرات و سياحات موقعلر مزي دكشدير مك طولاييسيله اشتغالات
روزمره دن بزي تباعد ايتديرر .

بو اوقدر طوغريدركه جريان حياتك بزي دائما تسخيره سوق
ايتديكي آلام و اضطرابادن ، غموم و تفكر اتدن سياحت ، تماشا
و استماع صنعتكارانه قدر هيچ برشي قورتاره مزه .

شو مطالعاتدن هيچان بديعينك اوزر مزده بر تأثير تعميركاري
اولديغي ، عادتاً بزي باشقه بر حياه سوق ايتديكني استخراج ايتمكه
برابر بزي منافعك يداعتسا فكارندن خلاص ايتديكني ده چيقاره بيليرز .
او بزي منفعتده فائدهك تعقيبندن قورتاري كه بو ايسه اخلاق ايجون
بر محك ديمكدر . بزي حيل و دسايسك فوقه ، هيچ اولمازسه بر
دقيقه اولسون ، اصعاد ايتمكه اونلره عودت اعتيادي تنقيص
ايدري ، حيات غايه سنك يكانه منفعت اولديغي ملاحظه سندن

حرکت ایتک ایسته ینلردر . اکر صنعتک وصف و مزاجی حقیقه
غیر اخلاقی آنارک مهالکنی تزید ایدیورسه بوکا مقابله غیر
اخلاقی عارضی اولان آثارک بوشابنه سنی ده ازاله ایدیور . عادی
بر اثرده پک تهلکلی اوله بینه جک عارضی اخلاق سزلقلر بر اثر نفیس
و قیمتدارده پک اخلاقی اوله بیلور .

بو مطالعات صنعتک تأثیر اخلاقیسی حقنده پک نا کافی در . صنعت
اخلاق ایچون هیچ بر زمان بر سپر دکلدرد . صنعت فسون هیجان
آوری ایله اخلاقه بر مقدمه در ، که حیات اخلاقینک روحزده او یاندیردیغی
تمایلاته مشابه تمایللر او یاندیرر . بونلر بزی تمامیه فضیلته سوق
ایتمزسه ده درونی بر استقطاب ایله اوکا طوغری توجیه ایدر .

بر اثر صنعت تودیع راز ایتک ایچون اوله منفعت نا اندیشی یه
محتاجدر : بوده حیات روزمره مزده کی اشتغالات معتاده مزک ، منفعت
جو نقاط نظر مزک نسیاتیه قابلدرد . بر هیجان بدیی طویه بیلیمک
ایچون بو بر ضرورت قطعه در .

اکر مأیوس و مکدر ایسه ک ، بر اندیشه نک النده بازیچه ایسه ک
اک نفیس ، اک مکمل بر اثر صنعتک قارشو سنده هیچ بر شی حس
ایده مه یز . بوندن باشقه - بعض حکایاتک رسمه تودیعنده ، یا خود
سویلن بر چهره نک ترسیمنده وقوع بولدیغی کی - بز یالکنز
موضوعک جهت اظهاریه سنه باقه جق اولورسه ق هیچ بر ذوق آله مایز ؛
زیرا ذوق بدیی اوزمان بر طاقم عملی ملاحظاته موقعی ترک ایتمش
اولور . بر کیمسه که « روبنس » ک عریان لوحه لری قارشو سنده چیپلاق
اولدقلرینی اونوتمز ، روحنی هیجان بدیی یه قابلمش بولتور . اوزمان

ايشته صنعتی نه اخلاقی ، نه ده غير اخلاقی يعنی معدوم الاخلاق
تلقی ايدنلر بو صورتله دوشونيورلر .

۶

صنعتك اعتيادات و املاوه اوزربنه تأثيری — صنعتی معدوم الاخلاق
تلقى ايتسهك بيله اخلاق و اعتيادات ، تربيه اوزرينه هيچ بر تأثيری
يوقدر ديهه ميز . بوقدر الهامكار بر واسطه تبليغك اخلاق اوزرينه
تأثيری اولمايه جغنی سويله مك معاسز بر شی اولقله برابر اخلاق
خصوصنده بی طرف اولديغنی قبول ايتسهك بيله بو طبيعت و مزاجنه
خلل كله مك شرطيله ينه اخلاقه بر معاون اوله بيلير .

حقیقهٔ هیجان بدیعی اویله بر شیدر، که بذاته مضر اوله بيله جك
بعض آثارك غير اخلاقیته قارشو بزى وقایه ایدر . نظرلرمزى
موضوعدن دوندیروب هیجان بدیعی اوزرينه چویره جك اولورسه ق
موضوعك تهلكىلى ، فنا اولان تأثیراتى اهميتدن دوشر . بونك
ایچوندر، که حقیقتدن بزى اینجیته جك ، بزه استكره ویره جك بر
چوق مناظر رسمده ، موسیقیده ، شعرده ، رقصده ، هیکل تراشیده
بزى اینجیتمه یور ، بزه استكره ویرمیور . فنا بر الهامك نتیجه سی
اولقمسزین هیکل تراشیده کی ، رسمده کی عریانى دائما نزیه و صافدر .
« و نه نوس دوکینده » عتابده بولنه بيلمك ایچون صنعتدن پك آز بهره دار
اولمق اقتضا ایدر . هیجان بدیعیدن باشقه بر حس غير نزیه قارشیمان
آثار قارشوسنده ، موضوع نه اولورسه اولسون ، انسان تقدیردن
باشقه بر دوشونه مز .

بو صورتله حرکت ایدنلر صنعتی آکلایانلر ، واونك عکسینه

اظهار ایدر بر چوق آثار نفیسه‌ی بزه کوستر مکده در. فروغونارک
 بعض لوحه‌لری، « غلودیون » ک کوچک هیکلری بو قیل آئاردن
 اولدیغی کبی « ترستان » نامنده کی موسیقی شناسک پارچه‌لری ایسه
 بزی نومیدی به، جسارتسز لکه، متروکیته، تسکین اولنه‌ماز آرزولره
 سوق ایدر.

بر طاقم قیمتدار آئارده موجوددر، که بر آرزوی فسقک مولودی.
 اولوب بزی سفاهته سوجه یلته نیرلر.

مع مافیه غیر اخلاقیئتک تأثیرسز بولندیغی ادعاسنی اوکه
 سورمه‌میلدر. موضوعک غیر اخلاقیی نقطه نظرندن بو طوغری
 اولسه بیله آثار صنعتک طبیعت تهیجکارانه‌سنه بناء حسیاتک غیر
 اخلاقیی نقطه نظرندن طوغرو اوله‌ماز. زیرا فسون بدییی ایله،
 جاذبه بدییی ایله غیر اخلاقیی ده‌ها تأثیرکاردر.

هیجان بدییی، کندیسنه داخل اولان حسیات ایله تعین ایتمه‌سنه
 بناء، خارجی اخلاقیی نه اولورسه، او اخلاقیی، یا غیر اخلاقیته
 تمایله لاقید، طبیعتی مقتضاسی معدوم‌الاخلاق - یعنی نه اخلاقی،
 و نه ده غیر اخلاقیدر - اخلاق خصوصنده بی طرفلغه بناء زان
 زاق روسو-و کبی اونی، کویا طبیعتده نه اخلاقی، نه ده غیر اخلاقی
 شیلر یوقش کبی بی اخلاق تلقی ایتک طوغری اوله‌ماز. طبیعتده بر
 طاقم شیلر وارددر، که اخلاقه، غیر اخلاقی به تماس ایتزلر. صنعتده
 بولردن بریدر.

او اوایل برشیدر، که اونک کندیسنه مخصوص و متمایز بر ساحه‌سی.
 وارددر، هر شیدن آیریدر..

حسنش دیرن خیالیون موفق اوله ییلمشدر . باخصوص بو ، صنعتک اساسنه ، تعریفنه توافقی ایتمین عارضی بر مسئله در .

بعضیلری ایچون صنعت ، موضوع نه اولورسه اولسون ، کوستردیکی محیط نره سی بولنورسه بولنسون ، دائماً صاف ونزیه عد اولنمقده در ، زیرا هیجان بدیی بزده حیوانی ، و سوق طبعی یه عائد نه وارسه اونلری ازاله ایله بزى تهلکهدن اوزاقلاشدیرر ، حتی بعض آثارک محتوی اولدینی سمومدن بیله وقایه ایدر ظننده درلر . حسن بدیی یی فضیلتک ، اسکی یونانیارده و حال حاضرده اولدینی کبی ، تابعی قیلان بو نظریه ده اولکندن دهآ از خطالی دکلدر . فی الحقیقه بزم تقدیر و پرستشمزه مظهر اولان هر شی فضیلت نشار دکلدر . او یله کوزل شیر واردرکه هیچ بر زمان فضیلتله قابل توقیق اوله مازلر . اکر طبیعتده هر شی ، حتی بر هیئت مجموعه ناقصه دن متولد چرکینلک بیله حسنه مالک ایسه شو نظریه یه بناءً اخلاقی هر یرده ، هر نقطه ده کورمک مقتضیدر که بوده غیر ممکن دیمکدر . تقدیر حسن بزى دیگرلرندن آزاده قیله بیله جک بر فضیلت دکلدر . حسن ، اخلاق نقطه نظرندن دوشونیلدیکی تقدیرده ، نه خیر کار ، نه ده فاسقدر ؛ او تمامیه بی طرفدر .

حسن بدیی طبیعتی مقتضاسی او قدر آز اخلاقدر ، که اخلاقی اولان شیرله امتزاج ایتدیکی کبی غیر اخلاقی بولسانلرله ده امتزاج ایدر . اخلاق ایله نه قدر مشبوع اولورسه غیر اخلاقی ایله ده او قدر مشبوع بولنه بیلیر .

فعلاً تاریخ ، صنعتکارلرینک حسن بدیی یه عائد حرارت عشقاری نتیجه سی اوله رق ، اک چرکین ، اک زیاده اخلاقی بوزان شیرلی ،

تقیجه شایان دکلدر ؛ ذوق بدیی بالعکس سفاقت ذوقه دن متباعد ؛
اوندن متفکر ، صافیه قوق العاده میالدر .



صنعت نه اضر و قیر ، نه ده غیر اضر و قیر نظر به سی — بعضی لری ده
صنعت غیر اخلاقیدر دیمکدن اخلاقیدر معناسی استخراج اولنمایددر
دیورلر ، وشو صورتله بیان مطالامه ایدیورلر :

صنعت معنای محدودیله اخلاقی اوله ماز ، او هیچ بر زمان نه
بر مثال ، نه بر نصیحت ، نه ده بر درسدر . بونکله برابر صنعت
مدافع لری نک قهرمانلرندن اولان هه کل ، شوپناهور کبی ذواتک تلقیاتی
کبی اوتماس ایتدیکنی تنزیه ایدر ، بناء علیه احتراصاته قارشو بشری
محافظه ایلر ، بی اخلاقیدن معری برشی ده دکلدر .

فی الحقیقه بعضی ایچون صنعت بوتون اشکالی خیالیله شدیرر ،
وبویله جه مصنع اشکالدن ترکب ایدر برشیدر ، که کندیسنه تماس ایدن
هر شیئی تنزیه ایله مشروع قیلار طرزنده تلقی اولنمقدهدر .

بوندن ده یا کلش بر تلقی اوله ماز . زیرا بو صنعتی یالکیز
موضوع جهتندن دوشونمک اولدینی کبی صنعتک ایینی اولدینی کبی
فناپی ده کوستره جکنی ، کوزلشیدیره جکنی ، وبو بر تنفر نتیجه سی
دنکسه محقق مضر بر تأثیره مالک بولنه جغنی اونوتمق دیمکدر . وبو
اعتراض صنعتی تنزیه ایتمک ایسته یلره بیکلرجه دفعه فیرلاتیلمش
بر اعتراضدر . کوزلشیدیرمک کیفیتی اساساً بوتون صنعته تطبیق
اولنه بیلیر برشی دکلدر . زیرا صنعت هر زمان طبیعی کوزلشیدیره مز ؛
بوکا نه طبیعی تقلید ایدن حقیقون ، نه ده اونی خیالیله شدیرن ،

هوسات نفسانيه يي کوستير کي اولان قملرنده بيله ذوق عايدن اوڙاق، اونکله امتزاجدن متباعد و مجتهدر؛ بوندن طولاي اوئي تقييح ايدە جک هيچ بر دليل الله موجود دکل ديمکدر .

شبهه سز بو انحراف مزاج و طبيعتله يالکيز حسياتي دکل صنعتي ده هيجان بديعي يي ده تنوير ايتمک ، فضله ذوق آلمق مقصديله اوئي يولندن دوندير مک ، سفالت ، اضطراب ، موته قدر هر شيدە بر بديعيت آرامق ممکندر .

بو نفسخ ته قدر درين ، نه قدر عميق اولورسه اولسون چيرکيندر . بويله بر طرز تلقی يي صنعتک اوموزلرينه يوکلتمکدنسه صنعتکارک ويا هوسکارک مزاج و طبيعتنه يوکلتمک دها طوغريدر . روحک کندی اوزرينه تماميله يوکلنمسي بوتون هيجاناتي اساسندن ، روحندن سونديرر ، اولديرر . حساسيتمز اوزرنده کي سوء استعمالات - فضله ذوق تحريسي - اوندن نزاهت و معصوميتي قالديرر ، بوده روحک هيچاندن بري قالمه - ني ايجاب ايدر . کندی تحسستاتي تحايل ايله امرار اوقات ايدن هوسکاران ، صنعتکاران بالاخره اولورلر . بودله رک زهره المدين صکره اولمسي هپ بو تحليل طولاييسيله در ؛ و بو تحليل هيجان بديعي يي اک صوک نقطه سندن اورير ، اولديرر ؛ اوئي قوروتير ، بترير . اوئي نفسندن ، حياتندن محروم ايلر .

شو مطالعاتدن آکاشيلورکه سفاهت حسيه هيجان بديعينک بر نتيجه سي دکل ، بالعکس اونک تزاھر ايتمه سنه بر وسيله در . بناء عليه ذوق بديعي تولستوئينک ، برونتيه رک دوشونديکي کي عادي بر ذوق حسي دکلدر . و اخلاق اعتباريله هيچ بر تنميده ، هيچ

ذوق حس طبیعت موافق بر حرکتك محصولی اولمله هیچ بر زمان فنا دكلدر، فقط بونكله هوسات نفسانیهك امتزاجیدر، كه فنانی تولید ایدر، بر حظه فضله حظ علاوه سی آرزو سیدر، كه بوتون بزم مقدر آتمزی تخریب ایله مكدده در. حسده کی غیر اخلاقیات حال طبیعی ده بولنان بر فعالیتك تغیر و انحرافیله، یعنی سفاهتله تعین ایدر. بناء علیه ذوق بدیعی، بوتون اذواقدن دهها زیاده بو انحرافه غیر مساعد و مخالفدر. زیرا او بوتون عضویاتمرك اك عالیسی ارلان سامعه ایله باصرهیه خطاب ایتدیکی و بو خصوصده ده مادیات و خارجیاتدن تباعد ایتدیکی جهتله تولید ذوق خصوصنده اك صاف اولاندر، و نهایت اوساده بر ذوق دكلدر، هر نه قدر هیجان بدیعی حسیاته مراجعت ایدیورسده ده یالکز بونكله اکتفا ایتیهور، او بزم یالکز حلیات اعصابمرك تخریبی منزله سنده قالمایور. زیرا اونه شامیهیه، نه لامسهیه، نه ده ذائقهیه خطاب ایدر، بناء علیه نه صنعت طبخ، نه صنعت رایحه موجودد. بو ایسه بر دلیل واضحدر. فاتحك استانبوله کیردیکنی کوسترین بر لوحه ایله بر حجاز پیشروینك بزم اوزرمزده کی تأثیرینك کیف ما اتفاق طاغینق بر فکرك، یاخود قارماقاریشیق اصواتك تأثیراته مساوی اولدینی اینانیلیر شیمیدر؟ بو صنعتی روزكارك آغاچلر اوزرنده حصوله کتیردیکی اهتزاز او یونلری، و یاخود خوشخیالما جلوه لری معیارنده طوتمق صنعتك تولید ایتدیکی هیجانی انكار ایتك، یالکز حسیاتمزه دكل، تحساتمزه اجرای تأثیر ایتدیکنی، بالنتیجه ذکامزی بوتون موجودیتیزی حرکتیه کتیردیکنی اونوتمق دیمکدر. او حالده بو ذوق روحی قدر عادی حظوظاتدن متباعد نه وارددر؟ بونك ایچون صنعتدن دهها چوق صاف، دهها آز غیر اخلاقی نه اوله بیلور؟ صنعت

ایتمک ، صنعتک اسمعی دنیا یوزندن قالدیرمق اقتضا ایدزدی . چونکه
شمدی به قدر وجوده کتیریلن آثار نفیسه صنعتکارانه آنجق
هیجانک ، بناء علیه حسن بدیمینک تقدیس و تقدیرندن عبارتدر ،
بر چوق لوحه لر ، هیکلر ، اوپرالر یالکز بونی ، حسن بدیعی بی
کوسترمکله بر قیمت مخصوصه مالک بولینورلر ؛ حتی او صورتله
کوستریورلر که بونلر عریانی کی حقیقته اظهار واران ایدلمش اولسه یدیلر
پک فنا اوله جق پک چوق موضوعاتی بیله احاطه ایدیورلر ،

بوتون آثار صنعت ، ندیمک ، نفعی نک ، حامدک ، فکرتک ،
روبنسک ، رامبرانک لوحه لری ، موزارک ، شوپنک ، غونونک الحان
ونغماتی هپ بو مقصدی ، طبیعتک ، وجود بشرک الهام ایتدیک
علویتی ، حسنی تأمین ایتمکده درلر . بو نظریه طوغریدن طوغری به
حسن بدیعی بی مؤمن صنعتی اشکار ایتمکله تفسیر ایدیله بیلور .

شو ادعا ، شو مطالعات نه قدر طوغری اولورسه اولسون ،
ینه معترضینه تام و قطعی بر جواب دیمک دکدر ، زیرا اونلر غیر
قابل انکار بر نقطه دن باشلا یورلر اوده صنعتک بر ذوق ، بر ذوق
حسی اولمه سی کفیتیدر . موسیو برونتییه بر مسئله بی چیقارمقله پک
ای یایمشدر ، هیچ بر رسم یوقدرکه قولاق ایچون بر نوازش
اولماسون ، هیچ بر ادبی اثر یوقدرکه هم صماخی ، همده روحی
اوقشاماسون ، خلاصه هیچ بر حسن یوقدر ، که حسیاتک وساطتیه
مراجعت ایتمه سون ، اونک ایچون بر ذوق اولماسون ، صنعتی
تصفیه مقصدیه اونی احا ایدنلرک ، مثلاً صنعتدن ذوقی اخراج ایتمک
ایسته یین تولستوئیتمک حضورنده بونلری تکرار ایتمک فائده لی در .
فقط بونلری سویله مک صنعت غیر اخلاقیدر دیمک دکدر .

تولد ایدیورسه بوندن صنعت دکل ، حس بدیعیدن محروم اولانلر مسئولدر .

۴

حامل اولدیغی هیوانیه طولای بی اخلاقدر نظریه سی —
صنعتک اعتباری اولدیقندن طولای بی اخلاقدر ادعای صرف
خارجیاته تماس ایتدیکی جهته واقع اولان اعتراضاتک اساسلیسی دکلدر .
زیرا موضوعدن ، حسیات و افکاردن تجرد ایله تولید ایتدیکی هیجان
بدیی یعنی اساس ، روحی ، طبیعی اعتباریله اون بی اخلاقدر دییه
تلقی ایدنلرک چوقدر . « تولستوی ، برونیه » کبی اعظم محررین
اون بر ذوق . بر ذوق حسی اولق اوزره طانیورلر ، غایه سز ،
منفعتسز فضیلت اولمیه جغه نظراً اون بوتون اخلاقه مغایر و مخالف
کورییورلر . روسوده ، اولردن اول باشقه درلو دوشونمیهوردی ؛
او هوسات نفسانییه بی تهییج ایتدیکی جهته صنعتک اخلاق واعتیاداتی
بوزدیغی بیان ایدیوردی .

اونلرجه اساس اولان بو بی اخلاق تخفیف ایدلسه ، تصحیح
اولنسه بیله بو قاطع اخلاقونجه صنعت ینه غیر اخلاقدر .
زیرا اونلرجه هیجان بدیعینک هوسات نفسانییه بی ایقازی هیچ بر
قوته معادل اوله مایور . بناءً علیه حسنی کوسترن ، خصوصیه غیر
اخلاق موضوعلره ، مودللره مالک اولان آثار صنعت ، حامل
اولدقلری هیجان بدیعینکده تأثیر مضری طولایسیله ، انسانیت
ایچون مضردر نتیجه سنه کیتمک غایت قولایلاشییور . بو نظریه
طوغری اولش اولسه یسی کلش ، کله جک بوتون آثار صنعتی احیا

کائناتدن علاقہ سنی کسن ، اوئی بر منظره ، بر خیال تلقی
 ایدن بر اثر صنعت حسیات بدیعہ دن واوئی تضمن ایدن اینجه لکلردن
 تباعد ایتش دیمکدر . صنعت مزاقیلیرینه کلنجه ، بو صورتله حرکت
 آثار نفیسہ بی آنجق میخانیککی نقطه نظر دن طارتمق ، شخصیتدن
 مجرد خصوصنده عدم اقتدار وقابلتہ مالک اولمق دیمکدر . صنعتکارده
 بو حال ، شخصیتک ، حسیاتک ، بالنتیجه استعدادینک تکاملدن
 محرومیتتی مؤدی اولور . زیرا ، صنعت هر نه قدر سائر غایه لردن
 آری بر غایه مالک ، هر شیدن اول کندی موجودیتنه تابع ایسه ده -
 تکیم صنعت صنعت ایچوندر نظریه سخی تعقیب ایدنلر بو نقطه نظری
 مدافعه ایدرلر - او ، کندی مواد اساسیه سیله یاشامق وکندینه
 کافی کله یلمک ایچون جذور حقیقتدن غدایاب اولمق مجبوریتندہ
 بولنیور .

فقط صنعت یرینه یالکیز حیاتی اقامه ایتک بر خطادر که اوئی
 ائک اول صنعت رد و تحقیر ایلر . اساس طبیعتی هیجانی ، حسی
 خیالی اولان صنعتده واونک ایصال ایتدیکی ساحه دن اوزاقلاشامق
 ایچون بلا توقف اوکندن کچیله جک سلسله خیالاته مغایر ، مخالف
 بونک قدر هیچ برشی یوقدر . شوملاحظات ومطالعادن آکلایشلیور که
 صنعت بو نقطه نظر دن ده آنجق آکلایمانلر ایچون حامل تہلکه در ،
 آکلایمانلردن مقصد ایسه حس ایتمینلردر ؛ بوندن باشقه هر شی
 سوء استعماله معروضدر ، بوندن اخلاق بیله قاچه مامشدر .
 او حالده صنعتده بعض فئالقلره سببیت ویریورسه بوندن طولانی
 طردمی ایتک لازمدر ؟

بویله اولورسه اخلاقی ده رد ایتک مقتضیدر . اکر بعض فئالقلر

قولاً قلمزی آچق ، بزى احاطه ایدن دود معندی سیلمک ، حقیقت
اشیایه نفوذ ایتدیرمک ایچون استعمال ایتدیکی بر واسطه در ، اوایله
بر واسطه که اونک حقیقت حساسه بی تحریرسند پک بویوک بر حسن
موجوددر .

بونکله برابر ، صنعت مادامکه فعلاً تنظیم و ترتیب دیمکدر ،
هیچ بر زمانده حیاته مغایر و مخالف دکدر . او اوایله بر ترتیب
و تنظیمدر ، که دماغی ، ذهنی دکل ، هیجانیدر . او خارجاً صنعی
اولمقله برابر اساس اعتباریله بوندن معری و منزهدر . فعلیات ،
فکر و دماغ کندی هوساتنه تابع اوله بیلیر ، و بونلره کوره برطاقم
ترتیبیلر یاپار ، و بونلر حیات و موجودیتک شرائطک تمامیله عکسی
بولنور ، فقط هیجان بویله دکدر ، چونکه ایسته نیلیدیکی زمان الده
ایدیله مز ؛ او آنیدر ، بناءً علیه طوغریدن طوغریه چیقیور دیمکدر .
بر هیجان حس ایدلیدیکی کیدر ، بناءً علیه اگر حقیقی ایسه حیات
ایله ، حیات عمومیله ، هیچ اولمازسه حیاتک بر کوشه سیله
اشتراکده دیمکدر . بر حس صنعی اولدینی تقدیرده حق موجودیته
مالک اوله ماز . زیرا اونکله اوینایانک قلبنده بر طوتمامشدر . صنعتده
داخل حساب اولان آنجق حس اولئاندر . او ، کرک ائی و کرک
فنا اولسون آنجق حقیقی اولان ، حقیقتدن چیقان وینه ساحه حقیقته
عودت ایدن حسیاتی افاده ایده بیلیر . بدیعی ترتیب و تنظیملر آز
چوق حاضرلانش ، آز چوق کاذب ترتیب و تنظیملر دکدر .
بو صورته حرکت ایدنلر موجودیتک خلافتده حرکت ایدیورلر
دیمکدر . بر هیئت مجموعه حساسه کندی منابعی حقیقه یا شائمش اولان
بر حیاتدن اخذ ایدر .

جنايتلىرى تاماميله حقيقى تالقى ايتىش اولسه يدق هيچ بر اثرى سيره
تحميل ايده مزدك . صنعت جدا موفق اوله بيلمك ايجون دائما بزي
نيم خيال ايله نيم حقيقت داخلنده بولنديرمىلى ، بزي اونوتدير مقسزين
حقيقتدن اوزاقلاشدير مليدر .

وحقيقته تاماميله منقلب اولما مليدر . حياتى صنعت ايجون اونوتمه يني
توصيه ايدنلرك افكار و نظرياتى طوغرى دكلدر .

مع مافيه صنعت متفكرينك تصور ايتديكى كي تاماميله ده صنعى
دكلدر . چونكه اونده خيالى اولان موضوع در . حالبوكه بو اونك
اك زياده شايان دقت واساسلى نقطه سى دكلدر : روحى تشكيل ايدن ،
موضوعه قوت و يرن حس ايسه يك حقيقى ، يك زنده در . حس
كندى اطرافنده طويلانيلان نوه ؛ مركز ، چكردكلدر ، او اثر
صنعت حيات ويرر ، بو حيات ، حيات خارجيه ايله روح صنعتكاردن
متولددر . بناء عليه صنعت حياتدن بزي اوزاقلاشديره جق يرده بالعكس
او كا سوق و ايصال ايلر : او كوزلر مزي طانمديغمز ، بيلمديكمز ،
كورمه يني اعتياد ايدنمديكمز درونى بر كائنا ته آچار . اشيانك عمقى
كوستن ، حقيقت بى نهايه يني كوستن بر رهبردر .

وبوكا وصول ايجون ده صنعت داخلنده كزينير ؛ وبو خطا او كا
دكل ، بزم مزاج و طبيعتمزك نقصاننه ، احتياجات طولاييسيله اونك
اوزرينه اجرا ايتديكمز تضيقه ، حقيقتك قلبنه نفوذ ايجون شرائط
حياتيه مزك معلوليته ، بر درجه آلدائق مجبور يته بناء در . بز هممز
برر اسكى زمان حكمدارى يز ، اونلرى حقيقته اقناع ايجون شكل
حقيقى مسخره جوجهلرك تحفلقلرينه توديع ايدرلر مش . كذب صنعت
ايجون او قدر اهميتسز بر احتياجدر ، كه آنجق كوزلر مزي ،

قائم ایتدیکندن حیات عملیه نك تنظيم و ترتیبك اخلاقی تولید ایدہ جکی
جهتله بونك اهلای حائر مهالك اوله جغندن شکایت ایدیور .
بوعتاب اساسسز اوله مسی اعتباریله جدی و حائر اهمیتدر .
صنعتك بزى حیاتدن دوندردیکی ، اونك خیالاتی حقیقت تلقی ایتمکه
بالآخره حقیقتی خیال کورمه یه سوق ایتدیکی ، بالنتیجه مائی سیاهک
احمد جمیلی ، دون کیشوت ، مادام بوواری کبی زهر ادبیات ایلہ
وظائف اونوتدیره جغی ، بونك بویوک بر تهلکه اولوب اخلاقی اخلاص
ایدہ جکی بک طوغریدر ، لکن صنعت بوراده بر سبب دکل ، بر
واسطه در .

فی الحقیقه او ، تصویراتک طوغریلغه اینساندیر مق ایچون صنعی
بناء علیه کاذب شیلر ویریور ، فقط هیچ بر زمان صنعت بونلر
صرف حقیقتدر دییه جک قدر کاذب دکادر . او ابتدا اونلره بر
وصف اعتباری ویره رک خیال قارشوسنده بولتدیغمزى بزه اخبار
وافهام ایدیور ، مع مافیه ینه عکسنه ایناندرمه یه صرف مساعی
ایله یور . بوندن باشقه بزاونده حقیقتی دکل ، تقرب حقیقتی قبول
ایدرز . زیرا روح بشر تمامیلہ اغفاله هیچ بر زمان تحمل ایدہ مز ،
یالانه تحمل آنجق نیم تغافل ایلہ در . بناء علیه کذب تام صنعتك علیه در .
حقیقتله قاریشدیره بیلہ جکمز بر تقدیر صنعتکارانه بزى هیچ بر زمان
حکمت بدایه جه سوبیلہ یلم ، تهییج ایدہ مز . زیرا حیات عادیہ
همان میدانہ حقیقه رق بزدن فکر منفعتی تولید ایدر . بز حقیقه متأثر
اوله بیللم کلکمز ایچون روبنسک د میز آن قوروا ، نامنده کی لوحه سیله
خالد ضیانک مائی سیاهنده کی نهائی تمامیلہ جدی تلقی ایتمه مز
ضروریدر . تماشاده بو احتیاج کندینی ده ا زیاده کوستریر . صحنه ده کی

صنعت آنجق حسی ، هیجانی بر نقطه نظر دهنده اخلاقی ، غیر اخلاقی تلقی اولنور ، و بو خصوصده موضوع اعتباریله اولان اخلاقییت و غیر اخلاقییتدن تمامیله اوزاق و مستقادر .

اسلوبه مندرج اولان ، صنعتکارک روحنی و یا صنعتک تولدی آننده کی تمایلاتنی کوسترن اخلاقییت و یا غیر اخلاقییت حائز اهمیتدره . زیرا یالکیز اسلوبدر ، که بر موده لدن صافیتی و یا تفسیحی چیقارته بیلیر . مثلاً « وەنوس دومه دیجی » تشویقکار بر حاله مالک بواند یغنی حالده عینی موددل دیمک اولان « وەنوس دوکینید » ده بو حال یوقدر . میکل آنزده عربانی وحشی اولدیغنی حالده « فروغانار » ده تمامیله سفیهانه در . مادامکه ، اسلوبدن آیری اولمق صورتیله ، بذاته آلمق شرطیله ، موضوعک اخلاقیی خصوصی اوله رق اثرک اخلاقییت و غیر اخلاقییتی تأمین ایدمه یور ؛ صنعت - طبیعتک غیر اخلاقییتدن هر نوع احترازا محافظه اولمق شرطیله . - طبیعتی تقلید ایتدیکی جهتله غیر اخلاقی اوله ماز . و بونک اوزرینه هیچ بر قیمت ویریه مز .

۳

اعتباری ، حقیقتدره متباعد اولدیغنی جهرتد بی اضراقدر نظریه سی . - موسیو پولانک صنعت ایچون بولدیغنی عتاب سرزانش اونک اعتباری کاذب ، حقیقتدن متباعد اولمه سیدر . بو هر نه قدر تقلیده اولان میلانسه معارض ایسه ده باشلیجه اوصاف و مزایا سندن برینی اورته یه قوید یغندن حائز اهمیت وشایان دقتدر .

موسیو پولان صنعت بوااعتبار ایله بزی محیط مزدن اوزاقلاشدیره رق حیات حقیقیه یی یا شاد یرمد یغندن ، حیات عملیه یرینه حیات خیالیه یی

صنعتکار اورایه حرکات ، الوان ، اصوات ، خطوط ، آهنگ الفاظ و کلمات خصوصاً صندھ کی عشقی وضعدن باشقہ بر شی یا پاماشدر .

بر اثر صنعتک حسنی ، مودہ لک حسندن تمامیلہ باشقہ اولہ بیلیر ، اویاہ شہ آفریدہ صنعتلر واردر، کہ اک بی معنا چیرکینلکری - دہا کوزل بر شیئی احساس ایتک دکل صرف زشتی بی افادہ مقصدیلہ - کوستریلر ؛ حالبوکہ بونلرک ینہ قیمت اخلاقیہ لری واردر . چونکہ صنعتک اخلاقیتی اکثریا موضوعک اخلاقیتدن باشقہ بر شیدر . معکوسی اولمق اوزرہ اخلاقی موضوعلری حاوی پک چوق آئاردہ غیر اخلاقی بر تأثیری حائزدر . اون یدنجی عصرده یاشایان ایتالالی « بہ رنہن » نامندہ کی رسامک عزیزہ « سہنت ترہ زی » کوستریلر لوحہ سی بونک بر مثالیدر ، بولوحہ بر عشق لاهوتی ایلہ یانہ جق یردہ بر عشق نفسانی ایلہ پارلایور . بر چوقلری دہ واردر، کہ اونلری الہام ایدن حسک اصالتہ بناءً تفسخاتی کوسترمکلہ برابر اخلاقی بر تأثیرہ مالاک بولونیور . چونکہ طبیعتک و جمعیتک کیرلرینی اظہار وارائہ ایدن بوکی اثرلر بوتون چیرکینلکلرہ قارشو بر غیظ و تنفردن تولد ایتملردر .

بوتون آچقلقلری ، قبالقلری مبالغہ ایلہ تشہیر ایدن قاریقاتورلرک حالی قدر هیچ بر شی موضوعلہ صنعتک اخلاقیتک بر برینہ لاقید دکل، مخالف و معکوس اولدیغنی اثبات ایدہ مز . قاریقاتورلر آکلایانلر ایچون - بونلر نہ قدر نادردر - بر قیل و قال ، بر حیلہ واسطہ سی دکل بر سبب اخلاقیدر . اون سکزنجی عصر ، انکلیز رساملرندن « هوغارچ » حیات سفاہتی تصویر ایچون فنا اعتیاداتی و اخلاقیاتی تہسیج ایتمشدر دیمک برکنہ ، اثرینک روح افادہ سنہ نفوذ ایلہ مہمک دیمکدر .

خاص فعاليتك خارجنده ، موضوع نقطه نظرندن آلنديني تقديرده تماميله ذهني اولمقله برابر اوني توديع ايتديكي هيچندن آري ، غيري تصور ايتمك ياكلكش يوله صاميق ديمكدر .

صنايع نفيسه دن ادبيات ، اخلاقي ، يالكيز افاده ايتديكي حسيات ايله دكل وضع ايتديكي افكار ونظريات ، نقل ايتديكي شينك اوصافي اعتباريله ده ا زياده استفاده ياب ايده بيلير . آثار صنعتك قابليت تهيجيه سي اخلاقيت ويا غير اخلاقيت لر ينك دروننده بولنديني جهتله اثناي تولدنده صنعتكار طرفندن طويلان وهيچان بديعي يي اويانديران حسيات دن ماعدا بر شينه مربوطيته تماميله مانعدر .

صنعتده ، ادبياتده بر اثر ك اخلاقيتي كوستر بلن شينله محتوي اولديني حسيات اعتباريله اولچيلير ، نظر اعتباره آلير ، لكن بوتون بونلره رغماً موضوع اخلاقي اولمه سنه نظراً بر تأثير اخلاقي يه ، غير اخلاقي اولمه سنه نظراً بر تأثير مضره مالك اوله بيلير ، ذاتاً باشقه درلو اولمقده قابل دكلدر : چونكه « فووييه » نك ديديكی کبی هر فکر بر قوتدر . فقط بيامليدر ، كه بو تأثير آثار صنعتي حصوله كترين خصائصه مربوط دكلدر . آثار صنعتك قيمت اخلاقيه سي موضوعك قيمت اخلاقيه سندن تماميله آريدر .

بو اويله بر حقيقتدر ، كه تربيو ي اولمق ادعاسنده بولنان بك چوق آثار بو عشق عميقك مولودي دكله لر ديني ، اخلاقي اوله لر بيله مطلوبه واصل اوله مازلر ، اوله مامشردر . معكوسي اوله رق بر چوق آثار واردر ، كه موضوع لر ينك قتل عام ، سفاهت ، احتراصات ، سرقت ، غصب ، جنايت لوايخني كوستر مه سي اعتباريله بي اخلاق تلق ايديلر ي اقتضا ايدر كن بويله بر عتابدن منزه قاليوردلر . چونكه

و حادثاتك، تجربه نك عقل و منطقك ضيالربله تدقيق ايتملي، صنعت غير اخلاقيميدر، دكيدر آكلاملي، دكلسه تماميله عكسي برتائيره مالكميدر بيلملي بزه. بوتدقيقتدن، هيچ اولمازسه صنعتك اخلاق ايله مناستك نه اولديغي، نه درجه لرده ارتباطيدا ايتديكي ممكن اولديغي قدره كلاشيلير، كه بويك بويوك برفانده ديمكدر.

۱

صنعت طبعي تغلبه ايتديكي مهند بي اضمقدر نظريه سي. —
باشده منقد شهر « بروتيره » اولديغي حاليه صنعت طبعي تقليد ايتديكي جهته بي اخلاقدر، چونكه اونلره كوره طبعيت اساس اعتباريله فاسقدر، اونلرجه « طبعيتك بزه و يرمديكي هيچ بر سيئه و فضيحه يوقدر. »

اخلاقي دكلدر ديه، بك چوق نقطه لرده اونك عكسسه حركت ايدويور و يافنا مثاللر ويريور ديه طبعي بي اخلاق تلقى ايتك يكنظرده، مبالغه كاراندر. دهها صوكره بي اخلاقي ديمك قبول ايديلن بر مجبوريته، بروظيفه يه مخالفت ديمك اولمسه نه نظراً بو طرز تلقى حقمزدر. چونكه او هيچ بر مجبوريته قبول ايتمز. بناء عليه لا قيد، و معدوم الاخلاقدر. برده بوسنتك يالكنز اخلاقي موضوعلري كو سترمك ضرورتنده اولما ديغنى اونو تمقدر. فى الحقيقه، صنعت تكاملات متعاقبة تاريخيه سي انساننده فضيلته بك چوق زمان قارشو قارشويه كلنس، اوني تقدير و ارائه ايتمش و بوييله جه بر چوق شه آفريده لر توليد ايله مشدر؛ فقط بر اترك قيمت صنعتكارانه سنى اولچمك ايچون صرف اخلاقي بر نقطه يه مربوط اولمق قدر خطالى بر شى اوله ماز. زيرا كندينه

اخلاق و صنعت

اخلاق ، و صنعت منازعه لری . — صنعت طبیعی تقلید ابتدیی جهته بی اخلاقدر نظریه سی . — اعتباری ، حقیقتدن متباعد اولدینی جهته بی اخلاقدر نظریه سی . — حامل اولدینی هیجان بدیعیدن طولایی بی اخلاقدر نظریه سی . — صنعت نه اخلاقدر ، نه ده غیر اخلاقدر نظریه سی . — صنعتك اعتیادات و اخلاق اوزرینه تأثیری . — بی اخلاق ایله صنعت اجتماع ایده من ..

۱

اضحی و صنعت منازعه لری . — صنعت یوزلرجه دفعه بر چوق معتقد روحلر ، متفنن ، جدی آدملر ، اخلاقیون طرفندن بی اخلاق ایله اتهام ایدلمش ، شبهه آلتده بولندیرلمشدر . ژان ژاق روسو ، تولستوئی صنعتی هوسات نفسانیه و سفاقتی موقظ تلقی ایتمشلر ؛ پروتستانلق اوئی اخلاقی افساد ایدر ، احتراصاتی او یاندریر مطالعه سیله دائما اوزاق بولندرمه یه سعی غیرت ایتمشدر ، حال حاضرده دخی پك چوق کیمسه لر اخلاقك ، دینك خادمی اولق شرطیله اوکا قارشو مساعد بولنیورلر .

بومطالعاتك عکسنه اوله رق هه کل ، شوپنهاور کبی فیلسوفلرده اوئی غیر اخلاقی یه قارشو بر مانع ، کندینه تماس ایدن شیلری تصفییه و تنزیه ایلر تلقی ایده رك تقدیس و تقدیر ایتمکده درلر . بونظریه یه « صنعت صنعت ایچوندر ، دینلر تمامیه قانع بولنمقده درلر .

بوتون بو منازعات و مجادلاته قاریشه بیلمک ایچون صنعتی وقایع

صنعت . — اجتماعيانه ياردم ايدن وياخود اوکا معارض بولنان
 حسياتك دروننه کيرمه سنه رغماً — ا کثريا آز چوق بذاته اجتماعيدر.
 زيرا اونک ابتدائي ، ضروري ، تشکيل ايديجي اساسي اولان
 حسن و مودتده توحيد خاصه سي بولنمسه بناء اجتماعيدر؛ زيرا حسن
 متقابل محبتک والديدر. او حصوله کتيريلن انحرافاتہ رغماً صورت
 قطعیهده اجتماعي ، ترقیات جمعيتہ خادمدر. زيرا اک ساده تعبيريله
 او عشقک اشکال مخصوصه سندن بریدر، که اطرافنده بر محراق کبي
 بوتون بشرتي طويلار ، و اونک نشرينه وسيله اولور .



اجتماعی اولمسنه بناءً موضوعك ، محتوی اولدینی حسیاتك اجتماعی بولمسه سی اثره بر رونق ، بر لطافت مخصوصه بخش ایدر .

مع مافیه حسنسر صنعت ، و صنعت اجتماعی اوله مایه جفی جهتله صنعتکار اولا مبدع و مولد حسن اولمیدر . بر اثر صنعت اجتماعی اولسه بیله آنجق اونکله تأمین ذوقه موفق اوله بیلیر .

کیو، تولستوی ، پرودون کبی ذوات صنعتك بوغایه سنی اونوته رق ویاخود ایکنجی درجه یه آتہ رق اوکا یالکز غایه اجتماعی تعیینله یک بویوک بر خطاده بولمش اولیورلر . اساساً صنعت بذاته اجتماعیدر ، بر مقصد تعقیب ایتمزسه بیله ینه قیمت اجتماعی سندن هیچ بر شی غیب ایتمز .

صنعتی بر غایه خارجیہ و عالیہ یه ربط وتابع قیلمق ادعاسی ینه اونی اولدیر یور ، و بونکله قوه اجتماعی سنك نابدید اولسنه وسیله اولیور . زیرا صنعت سحر و فسونیه ، یالکز اونکله مؤثر و نافذدر . صنعتہ بر غایه اخلاقیہ ده ربط ایدیلہ مز . ، زیرا بونی یامقلہ اونك سحر و فسوننه ضربه ایندیریلیر . اخلاق واعظی اوله حق اشتغالات اونی احاطه ایتمه ملیدر . ا کر او اخلاقی ، اجتماعی اولیورسه اونك اساسنده ، منبعده بو احتیاج موجوددر . غیر ادراکی ، غیروجدانی اوله رق اخلاقی اولمسنده سحر و فسون زیاده در . صنعتکارك اک بیوک وظیفه سی هیجان بدیعینك تطمین و افاده سنده اوله لیدر ، هیچ اولمازسه اك برنجی اندیشه سی اونك تأمین بولنلیدر . حتی اجتماعی اخلاقی بر موضوعی نظر اعتباره آلسه بیله اونك حسنیه زیاده مشغول اولمیدر ،

نتایجی طولانیسیله اجتماعیدر ، چونکه منابع و تشکلاتی اعتباریله اجتماعیدر . بر اثر صنعت نه قدر کوزل ایسه او قدرده اجتماعیدر ، زیرا انضمام ایدن موضوع و حسیات خارج قالمق شرطیله بر شه آفریده صنعت قدر هیچ بر شی اجتماعی دکلدر . و بونک ایچون بر محیطی افادهیه قابلیتلی صنعت قدر هیچ بر شی یوقدر . زیرا اونک قدر عمیق ، تام ، عمومی عشق مولودی اوله ییله جک هیچ بر شی بولنه ماز .

شو حالده بر اثر صنعت یالکیز حامل اولدینی آز چوق حسنله دکل ، فقط اورایه اجنبی اوله رق التحاق ایدن بوتون هر شی ایله اجتماعیدر . او حامل اولدینی حسیات اعتباریله بر رشیم موت ویا ترقی اوله بیلیر بوغیر قابل انکاردر .

او قوه سرایتنه ، قوه توحیدیه سنه کوره یافنا ویا اینی اوله بیلیر . صنعتکارک منفعتی اثرنده حسیات نقل ایدرکن جمعیه معارض بولنماسنده ، اخلاقی وقایه ایتمه سنده در . یوندن باشقه صنعتکار اولان نظرلرینی کائناته چویرملی بوتون هر شی ایله ، خصوصیه کندی مشاهلریله علاقه دار بر حالده بولنمیدر ، که فائده دار اولسون ، بوندن صکره او دائمی فقیرلرله ، سفیلرله برابر اونلرک فلاکتلرینه ، مصیبتلرینه مرحمتدار ، سعادتلرینه مشترک بولنمیدر . اونک بر غایه خیالی و اجتماعی تعقیب ایتمی موجب ضرر اوله ییله بیلیر ، یترکه او بونلری حساسیتنه قلب ایده بیلسون ، بویوک بر صنعتکار اوله بیلیمک ایچون انسانک کندی زماننک ، کندندن اولکی وصوکره کی زمانلرک آدمی اولمی ، اوکا زنده و ذیروح اولان هیچ بر شی یابانجی قالمیلدر . حکمت بدایع نقطه نظرندن دوشونیه جک اولورسه صنعت بذاته

ویا تمامیه مغایر بولنان حسیاتی محتوی اولان دیکر شه آفریده لردن دها زیاده سحر و نفوذ مالک بولنور . بر اثر اساساً حامل حسن بدیعی اولمق ، اساساً سحر و فسونک نأتری بولنمق اعتباریه کندیسنه التحاق ایدن حسیات و افکار اجتماعیه ایله دها کوزل اولور . سامی پاشازاده سزائی بکک سرگذشت نامنده کی اثر کزیده سی بر فکر عالی اجتماعیه بی ده حاوی اولدینی جهتله جداً عثمانلی تاریخ صنعتک اک عالی بر آبدمه سیدر .

صنعتکاری طرفندن پک ای حس اولنمق شرطیه موضوعک بیه قیمت دیکر کامانه سی ثره بر فضله قیمت بخش ایدر . حامدک اشبو اثرنده کی علویت ایشته بوخصیصیه مالکیت طولایسیله در . بوندن باشقه آثار صنعتک قسماً یالکز نبعان ایتدکاری حسیات محبت نشارانه نک وسعت وعمقیله دکل ، افاده سنی تقویه ایده جک اولانلرک قیمت اجتماعیه سیله ده تزاید ایدر . بعض مواد واردرکه آثار صنعتی تماس ایتدکاری زمن اونی تفسخه سوق ایدر لر . شومطالعائدن استخراج اولنورکه آثار صنعتک حسنیه اجتماعیت آره سنده اساساً موجود بر آهنگ واردر ، وبو ایکی خاصه بعض نقاط وجهات مشترکه طولایسیله بر بر یله برله شمکده در ،

خلاصه صنعت ؛ حامل اولدینی تمایلات ، اظهار و ارانه ایله دیکر موضوع نه اولورسه اولسون اجتماعیدر . او باشقه شیک معاونه محتاج اولمقسزین اجتماعیدر ، چونکه کوزلدر ، چونکه منتسبلریله نامزدلرینک قلبنده زنده بر مودت و محبت ، صمیمی بر اشتراکه ، بر نفوذ متقابله مالک اولمقسزین هیجان بدیعی اوله ماز . هر اثر صنعت نتایجی اعتباریه اجتماعی اولمقله منابع و تشکلاتی اعتباریه اجتماعیدر .

علیه، نفسنده موجود تمایلات دیگر کامانه علیه دونیور دیمکدر .
 او بو کی افکار و حسیاتی نشر ایله مکه بر چوق ذواتی بر محراق
 اطرافده طویلایه بیلور، و طنداشلی علیه سنوق و ایصال ایله یور.
 بر کله ده تمایلات غیر اجتماعی بی اجتماعیلدیریور، هر نه قدر تناقض
 غریب کورونیرسه کورونسون نه قدر مؤثر، نافذ ایسه او قدرده
 موفقیتله بو نتیجه واصل اولیور. ایشته بوسبله درکه صنعتک
 قیمت اجتماعی سنی ازاله ایدن عارضی محتویاتی نظر اعتباره اله رق
 اونک بر مایه عدم انتظام اولدیغه قرار ویرمک طوغری اوله ماز.
 بو احوالده مضل اولان صنعتک قوه اجتماعی سی دکل، کندیلری ایچون
 واسطه اولدیغی افکار و حسیات، بناء علیه او کی افکار و حسیاتی
 حاوی آئاردرد.

فضله اوله رق صنعت او درجه بذاته اجتماعیدر، که اساسه یابانجی
 اوله رق داخل اولان و اجتماعیاته مغایر بولسان بوتون تمایلات اوکا
 ایراث ضرر ایدر، حتی علویتته بیله طوقونیر. بر چوق کوزل
 آثارک اک بویوک خطاسی بوندن نشأت ایتکده در. فکر
 اخلاصکارانه بی ویرن اثرلرک اکثری بوقیل آئاردندر.

بالعکس، قیمت اجتماعی سنی آثار صنعتک تزید ایدن تمایلات
 دیگر کامانه ایسه حسنی دها زیاده تنویردن خالی قاله ماز. به تووونک
 سه مفونیلرینک طقوزنجی سنی دیکله به جک اولورسه کز صنعتکارک بوتون
 اضطرابات بشریه بی نقل ایله برابر بوللره قارشو بر ترحم بسله دیکندن
 طولایی لاهوتیه، علویه واصل اولدیغی کوریرسکیز. بر شه آفریده
 صنعت، حس عشق، حس مرحمت، حس اخوت، حتی حیواناته قارشو
 حس صحابت کی شیلری حامل بولنه جق اولورسه بوندن محروم اولان

V

صنعت بزانه اجتماعيدر . — اخلاقك بر معاوني اولمسنه بناء آره يرده موجود اختلافاته رغماً صنعت بذاته اجتماعيدر .

في الحقيقه او قدر بنفسه اجتماعيدر، كه هرنه به تماس ايدرسه اوني سريماً اجتماعيلش ديرر ، حتى بو خصوصده يالكز حسيات دكل ، اونك واسطه سيله ، افكار اعتقادات بيله عيني قانونه تابع اولور . بوتون ازمان سابقه نك صنعت دينه سي نشر حسيات ايدر كن نشر قوانين و اعتقاداته دخي بولمشدرد . معين بر جمعيت منسوب اولان بو افكار — بو جمعيت پك محدود و پك واسع اوله بيلير . — صنعتكاره ده خاص اوله بيلير . ايسته بونك ايجوندر كه تفكر اتى هيچاناه قلب و نقل شرطيله صنعتكارك متفكر اولمسنه ممانعت اولنقده در . يالكز اونلري بر كتاب قنیده اولديني كچي واضحاً افاده يه قالفارسه ياكليير . نه اولورسه اولسون مادامكه صنعتكار حس بديهي يه بيكانه اولان افكار و حسياتي آثارينه ادخال ايدم بيلور ، اوني تقدير ايدنلره كرك كندينك ، و كرك باشقه سنك افكاريني ، هيچ اولمازسه بردقيقه ، نقل ايدم بيلور ديمكدر . فقط بونلري مزجي ، نشري آنجق حسن واسطه سيله در . زيرا حسن آنجق بزم حساسيت مزه خطاب ايدر . او بزي اقاع ايتمدن الزام ايدر .

صنعتك غير اجتماعي افكار و حسياتي نقل و نشر ايتمه سي مسئله سنه كلنجه بو علمينده بر دليل دكل . بالعكس اونك اجتماعيت خصوصنده نه قدر قوي بر عامل بولنديغه برهاندر . في الحقيقه ينه او كندي

اخلاقی حسیاتی شامل بولنور . بونلرک دیکرلرینه نسبتله مضاعف
برر قیمت اجتماعیله وار دیمکدر . بوکی آثار اولا حسنلری ،
نایافته محتوی اولدقلری نزاht حسیه‌لری اعتباریه ترقی جمعیه
وسيله اولورلر .

صنعتکارک حساسیتنه تأثیر ایتک صورتیه - اونوتمايه لم ، که
بوندنیشقه بر سبيله دکل - موضوع بيله حامل اولدینی قیمت اجتماعی
طولایسیله آثار صنعتک درجه خیر خواهانه‌سنی تزید ایدر . اجتماعی
موضوعلری حائز اولان ادبی ، موسیقیوی ، معماریوی بر طاقم
آثار اجتماعی اولدقلری حالده بالعکس واضح بر اجتماعیته مالک اولمایان
دیگر موضوعلر ، حصوله کتیردکلری هیجان اعتباریه ، اوته کیلردن
دها زیاده بزده محبت متقابله‌یی اویندیرلر و جمعیتی دها عالی برطریقه
سوق ایدرلر . اون طقوزنجی عصر صنعتنه کویلی و عملهنک ادخلی
یکی بر حالت روحیه جمعیتی اخبار ایتدیکی کبی بونک روحلرده
تقرینه‌ده بر وسيله تشکیل ایتشد .

بالعکس ، هیجان بدیعیدن طولایی اجتماعی بر حصه بولماسنه
رغمآ آثارصنعت کندیلرینه داخل اولان حسیات ، و اونلرطولایسیله
موضوع اعتباریه غیر اجتماعی ، حتی جمعیه مضر بيله اوله‌بیایرلر .
بعض آثار واردرکه اونلرده بر لمعه نیکیینی کوريله مز . بشریتی دائما
بدبینییه - سوق ایدرلر . بونلر شو مایه‌لری اعتباریه اساساً غیر
اجتماعیدرلر . زیرا بوکی تمایلات صنعتی دیکر بین اولق خاصه‌سندن
اوزاقلاشدیرر ، ترقیه خدمت ایتسه‌لر بيله صنعتده کی مشترکیتی ازاله
ایتمش اولورلر .

شمدی کوردیکمز کی اثر صنعت تشکلاتی و روابطی اعتباریله
 آز چوق دیکر کام اولمسنه نظراً آز چوق مولد و حدت
 آز چوق مالک قوه اجتماعیتدر ، یعنی حصوله کتیردکی هیجانک
 قوت و عمومیتنه کوره اجتماعی اولور. « فضولینک » « منم که قافله سالار
 کاروان غم » مصراعله باشلایان مسدس غرورنثاری ویرمش اولدینی
 هیجانک وسعت شدیدسنه بناءً ناجینک « بن نه مسیحی ، نه مسیحا
 دم » ، « ذوقی حقیقته آرار آدم » بیتتی حاوی اولان منظومه سندن
 دها زیاده مفتون جذب ایده جکی وارسته اشباهدر ، چونکه بر تأثر
 عمیقک محسولی در . لکن بوندن ناجینک اثرینک محروم مفتونین
 اوله جفی نتیجه سنی استخراج اتمه ملیدر . بوندنبشقه هر اثر صنعت
 تولید ایده جکی هیجانک وسعتیله متناسب اوله رق قارنه ، تماشا کره ،
 سامعه مالک بولنور . انواع اشعاردن رباعیلر ، غرامی لر روستائیلره
 نسبتله دها زیاده قارء جذب ایدر لر ، چونکه تولید ایده جکلری
 هیجان بوصوکنجی لر ککندن دها زیاده در .

آثار صنعتک قوه اجتماعیه سی انتشار ایتدکلری هیجانک
 یالکز وسعتیله دکل - حسنلری طولایسیله حامل اولدقلری
 اجتماعیتدن صرف نظرله - کندیلرینه داخل اولان حسیاتک اوصافه
 کورده ده آز ویا چوق اوله بیلیر . بوده بشقه بر نقطه دن قابلیت
 اجتماعیه مالکیت دیمکدر . فی الحقیقه کوزله قارشى مدحیات
 عشقیه یی حاوی آثار بولندینی کی تمامیه دیکر کام حسیاتی محتوی
 آئارده بولنه بیلیر . توفیق فکرت بکک اکثری منظوماتی بوقیل
 آئاردندر . بولنورده دیکرلری کی وبلکه دها زیاده ترقی اجتماعی
 حصوله کتیرن عوامل مهمه دن باشلیجه لیدر . بعض آثار ایسه

اذواق و حظوظات صنعتدن محروم قالير . بر شاعر ، بر رسام ، بر هيكلتراش ، بر معمار ، بر موسيقي شناس صنعتك قواعد و نظرياتنه حيل و دسائسنه واقف اوله بيلير ، فقط قلبنده بر عشق واسع متقابل بولنميه جق اولورسه توليد و ابداع ايتديبي آثار نه قدر ماهرانه اولورسه اولسون روحسز ، حياتسز قالير و اك عجمي اولانك اثريني تنوير ايدن حسندن محروم بولنور ديكر جهتدن كرك اجتماعي و كرك غير اجتماعي احتراصات و منافع صنعتكارك حرارت روحيه سني محو ايدر ، بويالكز اوني سعي ذاتيسندن اوزا قلاشدير مقله دكل ، منفعتدن تباعدی ، تازه لبي ، غير اختياري تي اوندن رفع ايتديكسندن طولاييدر .

آثار صنعتك حسني ايله اجتماعيتلري آره سننده كي بومناسبت هر شيدن رياده صنعتك بذاته اجتماعي اولديغني كوسترمكده و آكلاتمقده در . صنعت بنفسه ، اساساً اجتماعيدر . سحر و فسونك منكرلري نه دير لرسه ديسونلر - زيرا كوزلدر و بويكانه شرط اجتماعيسيدر ، كذلك حسن اساساً اجتماعي و ديكر كام اولان هيچان بديعي واسطه سيله اجتماعيدر .

٦

توليد ايتديبيكي هيچان اعتباريله اجتماعيدر . — آثار صنعتك طبعي ، منابعي ، نتيجي اعتباريله اجتماعي و اخلاقه بر مقدمه اولمسندن اساساً ديكر كام بولنميسندن طولاني بوتون آثار صنعتك كرك نفوذ و تاثير و كرك فائده اجتماعيه اعتباريله عيني سويه ده بولنديغني استخراج ايتمه ميلدر .

و نفوذ مالک اولور . برشه آفریده صنعت عادی بر اثر دن زیاده انسانلر آره سنده امتزاجک تحصیلنه سبب اولور . « به توومن » ک بر پارچه موسیقیسی ، « رامبران » ک بر تصویری « دونی زه تی » نک بر توپرا قومیقندن « شارله » نک بر تصویرندن دهها زیاده قبلبرده طنین انداز اولور . بویوک صنعتکارلرک آثاری تمامییه مظهر اولور ، ذاتاً بونلری دیگر - لرندن تفریق ایدن مشهور عالم اولملری ، لایموتیتسلری ، اجتماعیتلری دکلده نهدر ؟

بر اثر صنعت ، تولد ایتدیکی حسن بدیعی مؤثرنده نه قدر بویوک بر عشق ایله مترافق ایسه اوقدر بویوکدر . بوزمه حسنک دیگر کام اولمنک ینه اوندن تولد ایتسیله ، علت بولمنسک نتیجه دخی اولسیله ایدوکنی پک اعلی کوستریر . بر صنعتکار نه قدر زنده ، نه قدر شفقتکار ، نه قدر اشیا و مخلوقاتک اکثریسی ایله مناقله حسیهده بولنورسه اوقدر آثاری رونق کسب ایدر ، اوقدر عالی اولور . حقیقتده هیچ بر اثر صنعت یوقدر ، که درین بر تحسک محصولی اولماسون : بویوک صنعتکارلر کندیلرینککی کبی ، حتی دهها زیاده ، بشقه لرینک موجودیتنده یاشایه بیلنلردر .

هیجان بدیعینک محبت و وداد اساسی ، و مقدمه سنده بولندیی ایچون نتیجه سیدر که او بولنه نیجه اثر صنعتک سحرری ، قیمتی ، حسنی نابید اولور . محبت و وداد اخلاق کبی عارضی دکل بولنه نیجه وصف ممتاز صنعتکارانه نک غیوبته سبب اولان بر شرط ضروریدر . اولجهده کوردیکمز کبی بنلکندن تباعد ایتمین و بوتون تمایلاته روحی قابلی اولان بر صنعتکار اوله میه جنی کبی بویله اولان بر قاره ، بر تماشا کر ، بر سامعده اک داهیانیه بر اثرک قارشوسنده بیلله

اوله رق حسیات غیر اجتماعی بی حائز بر چوق کوزل آناواردر، که بوندنطولایی قوت ونفوذ سرایتلرینی قطعاً غیب ایتزلر .

بو اویله بر حقیقتدر ، که حاوی اولدقلری قیمت اجتماعیه هر نه اولورسه اولسون حسندن عاری اولان آناار هیج بر زمان کنیدیئرینه مقنون وتابع اوله جق کیمسه بوله مزلر . بر اثر صنعت کرک صوتی کرک غیر صوتی اولسون کنیدیسنی تماشاواستماعه کللری تهییج وجذب ایتزسه ، کوزل دکلسه بوش بر خیال کبی یا هیج تهییج ایتمه مک ویا طریق منفعتله تهییج ایتمک تهلکهسنه معروض قالیر .

فی الحقیقه سه - بحر بدیعیدن محروم اولان بر اثر ، تماشا کرلری آرهسنده تماشای صنعتکارانه مک ال باشلیجه واک قیمتلی نتایجندن برینی تشکیل ایدن حسیات منافع آزاده ایله آهنگ واتحاد حصولی خصوصنده لازملکن قوته مالک اوله مز .

فضله اوله رق حسنله مزین واونکله مجهز هیج بر اثر صنعت یوقدر . که نتایجی اعتباریله اجتماعی اولماسون . آناار صنعت نه قدر شخصی ونه قدر محدود اولورسه اولسون حتی معنای بدیعیدن بشقه بر معنایی حائز اولماسون - رنکارک واشکال هندسیه مک بر بریله امتزاجی کبی - دایما ناشر وحدت اجتماعیه وبوسیدبله مولد تمایل محبت ومودتدز . حتی حامل حسن اولان هراثر فضله اوله رق جمعیه ممرض ومخالف تحسبات وتشبثاتی حاوی اولسه بیلهینه اجتماعیدر ، چونکه کوزلدر ، چونکه کرک مشوم اولسون وکرک تزیه اولسون صنعتکارک بر محراق اطرافنده طوبیلایان تأثیر ونفوذی واردر .

جمعیتی طوتان ویا اوکا مخالف اولان عارضی حسیات برطرفه براقیله جق اولورسه بر اثر صنعت نه قدر مکمل اولورسه اوقدر تأثیر

جاذبه شبه بدیعیه ایله ممزوجدر . حکمت بدایعله جمعیت آره سنده کی
مناسبتی تأسیس و تعیین ایدن فلاسفۀ صنعتدن کیو « صنعت شفقتدر .
دیور . بوندن طوغری هیچ بر شی اوله ماز . صنعت و داد و محبتدن
متولد ، و اونی تعالی ایتدیر یحیدر . بونوع هیجاناندن هیچ بری یوقدر ،
که تماشا کر لری تصویر و اراهه ایدیلن اشخاصک اضطر ابانی ، آلامنی
دکلسه بیله هیچ اولمازسه اونلرک حسیاتنک بعض اقسامنی ، هر حاله
صنعتکارک - که باشقه لرینک ، حیواناتک ، نباتاتک مخلوقاتک حیاته
اشترک ایدن - حساسیتی ، خلاصه روحیله اونلرک روحنی مزج
ایتمه سون .

صوک تحلیلات و تدقیقات بزه کوستریور که بزی کنندی
کندمزدن چیقار تمایان ، بالنتیجه بزه حس عشق ایله حس تحسسی ،
هیچ اولمازسه ایکی موجودیتک یکدیگرینه نفوذی دیمک اولماسنه
بناءً ، و یرمه ن هیجان بدیعی یوقدر .

فعلیاتده صنعت بزی و داد و عشقه سوق ایتدیکی ایچون مدرکاتمزی
تزیید و توسیع ایدر . زیرا اوحسیات و تمایلاته راه ذکائی کشاد ایدر .
عینی زماندهده حساسیتتمزی و سعتلشدیرر و اینجه لشدیرر . طوغریدن
طوغری یه بزی فدا کارلغه ، صداقه سوق و ایصال ایتمزه بیله عالی
شیرله عائد آرزوئی تولید صورتیله بو کبی حسیاتی تحریک ایدر : او
انسانیتده ، طبیعده یاشایان هر شیئه کندیمزدن بر پارچه تودیغنه بزی
تشویق ایلر . بعضاً علت و بعضاً نتیجه - تماشا کرده علت ، صنعتکارده
نتیجه - اولان حسن آثار صنعتک قیمت اجتماعی سنی تولید ایتمه یورسه
تمامیله اجتماعی اولان ملهماتدن بعضلری کوزل دکلسه معکوساً عارضی

تأثیر طولانیسیله ائتلاف عمومینک بر مقدمه ذوقی تودیع ایدر / و حسن نیت صاحبزیننه بلده سعادتك بر گوشه سنی کوستره رك كوزلرنده علویتدن ضیالر بریلدا دیر .



حامل اولریفی مسیات اعتباریلر اجتماعیر . — بوندن باشقه آثار صنعتک نتایج و منافع اعتباریلر اجتماعی اولمسی اساسی اعتباریلر اجتماعی اولسندن نشأت ایتکده در . او اجتماعیر ، چونکه حامل اولدینی حسن ، دها طوغریبی حسن بدیی بذاته اجتماعیر .

هیچ اولمازسه مقدماتنده بر ذوق غایوی بی محتوی اولمسنه نظراً تمامیلر منفعتدن آراده اولماقله برابر هیجان بدیی ، فی الحقیقه ، هیجانات خودبینانهك فوقنده کزر . بونك ایچوندرکه نقطه جهت اخلاقییه طوغری کیدر ، تکاملات جمعیت طولانیسیله حال حاضرده ، قسماً بر هیجان دیگر بین و حیر خواه حالنه کیرمشدر .

هیجان بدیی ابتدا شرائطی اعتباریلر دیگریندر . زیرا کرك صنعتکار اولسون ، کرك هوسکار اولسون اونی ایلک حرکتلری نه اولورسه اولسون ، کندیلکارلندن تجرد ایتک شرطیلر حس ایده بیلیرلر . صنعتده مبدع اوله بیلیمک آنجیق بر صفوت و تازکی حساسیته مالک اولانلردر ، تمامیلر خود بینییه ، کندی حسلرینه کوموک اولان کیمسلر حظوظات صنعتکارانهیه دائماً قابالی قالیرلر . حقیقته هیجان بویله بزده کی ملکه و داد و عشقه توجه ایدر . و اوندن نشأت ایدر ، و اونی متضمن اولور . او عشقک اشکالندن بریدر . عشق جنسین — که اک عادی ، اک کثیر خصوصیاتندن بریدر . — تمامیلر

زنجیردن زنجیره انتقال ایدن برسلسله مقناطیسیتیه تشبیه ایدرزکه بوتون روحلر اونک اطرافنده برلشیر بناءعلیه زمان و مسافه دن بیله قورتیلیمش ، حقیقی اولدینی قدرده خیالی بر جمعیتی تأسیس ایتمک قدرته صنعت قدر هیچ برشی مالک اوله ماز .

بوتون بو مطالعاتدن شو نتیجه یی استخراج ایدرزکه : صنعت کبی هیچ برشی بر قومی مشترک بر فعالیت آنیه یه و یا خود بر غایه خیالییه سوق ایده مز . فضله اوله رق بر ده ای شخصیتک محیطنی انمکاس ایتدیرمکله ، عمومیتک احتراصات مبهمه سنی توضیح ایله مکله اکتفا ایدمه یه رک اونلری تعدیل ، تبدیل و کندی خیالنه کوره تصفیه ایلدیکی ، بر کلمه ده یکیدن برشی کتیردیکی دوشونولورسه ؛ محصولات داهیانک معین بر جمعیتی مقدراتنک واقف تامی یا بمقله اکثریا اونی یوکسلتدیکنی قبول مجبوریتده بولنیرز .

اون دردنجی لوئی نك و پریقلس زمانسك صنعتی نظر اعتباره آلینرسه ، تابع اولدقلری جمعیتک اخلاق و اعتیاداتنک تشکله بوتون قوتیه معاوننده بولندقلری کوریلیر .

صنعتکار کندی احتراصات شخصیه سنی احتراصات عمومیه ایله مزج ایده رک نابی بولدینی جمعیتک ده اعلی ، ده ا نفیس بر لوحه اجتماعیه احساسی صورتیه ترقی و تکاملنه خدمت ایدر .

مختلف انسانلری مشترک حسلر داخلنده برلشدیره رک ، موقه اولر آراسنده کی تخالف امتیازاتی خذف ایله یه رک صنعت خلاصه الخلاصه کندیسنه پرستش ایدنلری قطعی و تام بر اتحاده سوق و ایصال ایلر . اونلره عقل و منطق طریقیه دکل ، اوزرلرنده اجرا ایتدیکی

حالبوکه ، فکر آدملرينک بوقدر صيق بر رابطه اجتماعيه مالک اولملري ممکن دکلدرد. بونک ايچوندرکه صنعت حس علمدن زياده بر عامل آهنگ وحدتدر . بونک سبي ايسه اونک حساسيتدن تولدايتمسي بوجهتله دين قوتنه معادل بر قوته مالک اولميسيدر . هر نه اولورسه اولسون ، صنعتک توحيد قدرتي غيرقابل انکار اولوب ، او ، بويوک بر اکثرتي اجتماعيلشديرر . بونکله برابر ، حساسيت قدر شخصی وخصوصی برشی بوقدر .

بو دقيقه يي بعض کيمسeler نظر دفته آلهرق ، صنعتک نتايحي اعتباريله اجتماعيلشديرديکی نظريه سنی رد و جرح ايتک ايسته يورلر . في الحقيقه ، حساسيت پک شخصی برشی ايسه ده عميق بر احتساس بزی دائما بر رمزه ربط ايدر . حالبوکه سطحی اولانلری آيپر و دنيا ده هيچ برشی حسيات عميقه نك انسانلری بر برينه علاقه دار قيلديني قدر قوي بر قوتله اجتماعي اولاماز ، اثر صنعت ، مفتون و مجذوب اولان روحلرک کندی اطرافنده طوپلانديني بر نوه کيدر . يالکيز بر بريله امتزاج ايده مين روحلر آره سنده آتی بر محبت و اخوت توليد ايتمکله اکتفا ايتمه رك آثار صنعت ، سنين متهديه و متعاقبه داخلنده بوقرابت حسيه يي توليد ايتديکی جمعيتي تمامی ايتديرر و کيدر . زیرا ، جريان اعصار آره سنده کلوبده ديگر نسللره انضمام والتحاق ايدنلر اونلرک حسيله متأثر اولورلر و تولد ايتديکی آنده کی اشخاصک تحسسانتي تکرار ياشارلر . بزقدير مزله برشه آفريده صنعتک حضورنده بولنانلرک تحسسانته اشتراك ايتمکله قالماز ، بزم متهپج اولديغمز کی اولجه تهپج ايتمش بولنانلرک تحسسانته ربط روح ايتمش اولوروز . هر اثر صنعتی بز

انسانلره ، حیواناته ، اشیایه قارشو قلمزده برحمت او یاندریر . بر شعر ، بر موسیقی ، بر تابلو ، بر هیکل بزی تمامیله تسخیر ایده بیلیمک ایچون افاده ایتدیکی شیئه بزی ربط ایده بیلیملیدر . بویله اولماش اولسه یدی بوتون بوتون و خیالاته ، بوتون بو اصواته نه لزوم واردی ؟ . حقیقتده ، صنعت ، اظهار و افاده ایتدیکی ایله بزی تماسده بولندیردینی تقدیرده جدأ حس اولونمش دیمکدر . ایشته بوسیدن دولاییدرکه ، تماشا کری اُک سفیل شیلره ربط ایدر . بر طاقم لوایح و الحان صنعتکارانه واردرکه ، عمومیتده کی حس تعاونک برر نمونه سیدر .

أثر صنعت مقدر لرینی کندیسندہ اساساً پارلایان و یاشایان جمعیه ضروری اوله رق ربط ایدر . اوبزی زمانمزله ، مملکتتمزله اشتراکه مجبور ایتدیکی کی اُزمان سابقه ایله و ممالک اُجنیه ایله ده علاقه دار بر حاله وضع ایدر . حال حاضرده کی آثار بزی زمانمزدن خبردار ایتدیکی کی ماضیه و یا باشقه یره عائد اولانلرده نابدید و یا خود اجنبی مدیتلرله بزی اشباع ایدر . بو صورتله صنعت کرک مسافه و کرک زمان داخلنده بزده کی حسیات محبتک تولدینه باعث اولور . بزه حس انسانیتی ویرر ؛ بوتون بشریتی سومه مزه وسیله اولور .

آثار صنعت عمومیت اوزرنده کی نتایجی اعتباریله ده اجتماعیدر . آثار صنعت بزی یالکز مؤثریله و یالکز او مؤثرینک مملکتیه ، زمانیه دکل بوتون بزمله برابر متحد اولانلرله ده عینی نقطه اطرافنده طویلادینی جهتله اجتماعیدر . مقررلینک روحنده او یاندردینی حسیات مشترکدن طولایی آرا لرنده جدی ، حقیقی بر جمعیتک تشکلنی موجب اولور .

صنعت نفسك مسكينلكندن ، حسددن ، احتراصدن تبعيد ايتمك صورتيله بزي اجتماعيله شديرن بر نتیجه واصل اولور . حالبوكه تبعيد ايتديكي شيلر قدر غير اجتماعي ، غير اخلاقي نه واردر ؟ فضيله اوله رق صنعت بر مكتب مساعده در . حسيات صنعتكارانه هر نه قدر متخالف ، بربريله غير قابل تاليف غايه لره يول آجارسه ده ، صنعت اونلرك هپسني عيني سويه داخلنده حر بر صورتده ياشانير . حتى اونلري ، صنعتده اساس شخصيت اولماسنه بناء ، تخالفه دعوت ايدر ، تشويق ايدر . او بالفعل ، بزي مجرد فكرلردن تباعده ، صيقي بر مطلقيتدن فراره تحريك ايلر . حالبوكه انسانلري برلشديرمك ايجون بوندن اي بر واسطه اوله ماز ، صنعت بوقدرلده قالماز ، ديكرلرينه ، واونلري فكرلرينه حرمتي امر ايتمكه برابر بزي بزه اجنبي اولان شيلره حرمتده دعوت وتشويق ايدر . مع مافيه شخصيتمزدن تجرد مزده راضي اولماز .

آثار صنعت مؤثريله ، اونك طولاييسيله موده لريله ، محيطيله علاقه دار ايتديكندن طولايي ده شخصي اجتماعيله شديرر .
اولا هپمرك قلبنده مؤثرينه قارشو بر محبت اويانديرر . في الحقيقه آناري تماشا وياقرايت حس تقديري بزده توليد ايدر . آثار صنعتك آلتنده كيزله ن صنعتكارينك شخصيتي ، شخصيت صنعتكارانه سي بزي جذب ايدر . هيچان بديعي نصل صنعتكاريني مرمره ، كاغده ، اصواته نقل ايتديكي اشخاص ايله اشتراكه دعوت ايتمشه بزي ده مؤثريله اشتراكه دعوت ايلر . اوبزي برقاج دقيقه صنعتكارك حياتيله ياشانير ، بوضورتله بزده شخصيتمرك توسعنه ، ترايدينه وسيله اولور .
صنعتكار واسطه سيله ده اونك آن تأثرنده ياشادين و كوسترديك

مرانغوزلق ، چاناقچیلیق و سائر بوکا مماثل صنعتلرک غرور آور
مباینک مقدمه سنی تشکیل ایتمشلدور .

بویوک ذواتک بویکی استعانه لردن آزاده وبری اولدیغنی بیلیورلر ،
وینه اعتراض ایدیورلر . کرك بر دهای صنعتکارانه اولسون ، کرك
دهای فی اولسون هیچ بری یوقدر ، که محیطک تاثیرندن آزاده
قالسون . بر صنعتکار محیطندن نه قدر چوق استعانه ده بولنورسه
او قدر بویوک صنعتکار اولور . فی الحقیقه دهها کذرکاهنه تصادف
ایدن هرشیئی تبدیل ایدر ، اونی کندی آتشدن یاقار ، اوکا کندی
روچندن بعض شیلر علاوه ایدر . لکن بوتون بوتبدلات آره سنده
ساحه عمومیتدن اخراج اولنان رایحه سنی محافظه ایله کندی کوستریر .
حقیقته دهای عمومی ایله دهای شخصی بربريله ممتزج اوله رق
یاشار .

حکمدان بری «صنعتکارک بویوک بر اثر وجوده کتیره بیلمه سی ایچون
هممرك اوکا معاونته بولمه سی اقتضا ایدر » دیمشدر .

خلاصه بر صنعتکار نه قدر شخصی اولورسه اولسون اونی جمعیه
ربط ایدن بیکلرجه روابط حسیه و تقلیدیه موجوددر .

۴

حامل اولدیغنی حسن بریعی طو لایسته اجتماعیدر . — منابعی ،
طبیعی اعتباریله اجتماعی اولان آثار صنعت اولا شخصیت اوزرینه
تأثیریه اجتماعیدر . ابتدا او هر برمری آری آری اجتماعیلشدیرر .
زیرا او بر اخلاق درسی اولمه مقله برابر او بزی اخلاقه حاضرلار .
اونک سویه سنی یوکسه لتن هرشی ایلك نظرده اجتماعیدر . صنعت ابتدا

اعتباره آله‌رق معماری‌یه ، رسمه هیكل تراشی‌یه ، موسیقی به عاڤ
 آتارک طوغدقلری جمعیتدن هیچ بر شیشئی حامل اوله‌میه جغنی بیان
 ایدیورلر . حالبوکه بو طوغری دکدر ، فرانسه اختلال کیری
 دوشونیه‌جک اولورسه اونده غایه و مقصدی اعتباریه بر روستائیک
 واردر ، او زمانده کی آثار جمعیتدن متباعد کی کورونمکله ینه اونی
 ترنم ایتش اولیور .

صنعتکار محیطه قارشو نه قدر بیکانه ، نه قدر حصم اولورسه
 اولسون تمایله اوندن تباعد ایتمکه موفق اوله‌ماز . دیگر جهتدن
 صنعتکار نه قدر ممتاز ، نه قدر بویوک ایسه ، نه قدر قوی بر شخصیه
 مالک ایسه او قدر منسوب اولدینی جمعیتک متخالف احوال و مناظرینی
 کوستیر فضولی ، باقی ، عبدالحق حامد کی شاعرلر ، فید یاس میکل
 آنز کی رساملرک زیاده زمانلرینی کوسترنلردر .

آتار صنعت ، تابع اوله‌سی غیر قابل اولان جمعیتی اسلوبنده
 کوسترمکله اکتفا ایتمز ، فضله اوله‌رق موادینک بعضلرینی ده جمعیتدن
 آلیر . اسلوب عمومی دینیلن شی-که اهالیدن نبعان ایدر ، اونک
 روحنی کوستیر- اک بویوک صنعتکارلرده بیله بولونیر . چونکه اوک
 اول قوانین و نظاماتی آنجق عمومیتدن اخذ ایدر . عوام شرقیلرینک
 بوتون مزیتی بو اسلوب عمومی کی کوسترملرنده در شخصیتک ابداع
 ایتدیی صوتک ، ویا طوتیه‌بیلیر اشکالک عمومیت طرفندن اکثریا
 ایجاد ایدلیدی واقعدر . موسیقی عوام موسقینک اساسی ، روحی ،
 استنادکاهیدر . معماری‌ده بو خصوصده اکثریا موسیقی به بکزر ،
 اوده اش-تراک عمومی ایله وجود بولش صنعتلردندر . مجوهرجیلک ،

بیکنر جہ رابطہ ایلہ مربوط اولماسون ، تولدی و نتیجہ سی اعتباریلہ
هیجانکار اولان آثار صنعت مؤثرینک حساسیتی اظهار وارانہ
ایتدیکی کی ایچنده انکشاف ایتدیکی ، بعض جهتلردن عائد بولندیغی
جمعیته بوتون آنات حسیه و روحیه سی اظهار وارانہ ایدر .

وبوآنات بر صنعتکارک اثرینی اونک روحنی تنویر ایتدیکی ،
اونک بر قسمی اولدیغی و روحی هم عصرلرینک روحنه آز چوق
بکزه دیکی جهتلہ تلوین ایدر . زمانک تمایلاتی ، خولیالری ، غایه لری
خیالاتی اونک تنفس ایتدیکی هوایی تشکیل ایدر ؛ بونلر اونک
آرزوسی خلافه اوله رق اثرلرینی املا ایدر ، بوتحسساٹ امتزاجندن
دها اجتماعی نه اوله بیلیر ؛ بونه قدر غیر قابل تعریف اولورسه اولسون
اوله بر محیطدر ، که بر جمعیت یالکز اونکله طاینه بیلیر ؛ زیرا انسانلر
عمومی فکرلردن ، عملی فکرلردن زیاده عشقلریله ، فقرتلریله
برله شیرلر . مشهور علم الروح متخصصی ریبونک دیدیکی کی بالذات
فکرلرک انسان اوزرینه تأثیری آنجق بر قیمت حسیه یه مالک
اولملریله ، اعتقاده آرزو شکننده بولملریله در . احوالده حساسیتدن
تولد ایدن ، هر نه اولورسه اولسون اطرافنده کی رایحات حسیاتی
محافظه ایدن صنعتدن دها اجتماعی نه اوله بیلیر ؟ صنعت او قدر
اجتماعیدر ، که بونک قدر ماضی یه عائد هیچ بر ایز اونک یرینی
طوته ماز . اونک قدر هیچ بر شی بزی ماضیدن خبردار ایده مز .
اون دردنجی لوئی زماننک صنعتنده بویوک عصر دینیلن بو عصرک
عظمت وانتظامی بوتون وضوحیله کورولیر . مصر دیننک بوتون
بویوککلره تمایلی ده اهراملرنده اوقونیر .

بعضیلری فرانسه انقلابی کیرندن تولد ایدن آثار صنعتی نظر

بیله اونلر حقنده آزچوق محبتی حاویدر. مثلاً جتق قاریقاتورلرینه ، افاده ایتدیکی حقنده آجی استهزالری حاوی قاریقاتورلرینه باقیکنز ، زمانک جزیانات سیاسی حقنده پکده منصف دکلدر . حاوی اولدقلری حسنی ، کوستردکلری حقنده آزچوق بر محبت و شفقت اوایندیریور .

دها بونلره مماثل بر چوق قاریقاتورلر اثبات ایدیورلر که صنعتده صنعتکارک موده لاریله آزچوق قایناشمهی ضروریدر . بو اوقدر طوغریدر که یالکنز عدم محبت هیچ بر زمان بر نظریه صنعت دکلدر . یالکنز نفرت حس ایدن کیمسه لر ، قاریقاتور بیله اولسه ، هیچ بر شی استحصال ایده مزلر . صنعتده نفرت بیله مرحتدر .

هیچ بر اثر صنعت یوقدر . که صورت مطلقه ده ، بر جمعیت ، بر جمعیت ارواح بشر اولماسون . زیرا اونلردن هیچ بر دانسی یوقدر ، که شفقت و محبتک محصولی بولماسون ، هیجان بدیعینک آرمیه کیرمه سیله او شاعری ، موسیقی شناسی ، رسامی ، هیکل تراشی شخصیتلرینی طبیعت ، کائناته مزجه دعوت ایدر . وبوشخصیت اشیا و موجودات قارشوسنده طویدینی عشق و هیجان طولایدسیله اونلری ابداعه سوق و ایصال ایلر .

۳

منابعی اعتباریه آثار صنعت اجتماعیور . — آثار صنعت ، بوندن باشقه منابعی اعتباریه ده اجتماعیور .
آثار صنعتدن هیچ بری یوقدر ، که نه قدر شخصی ، نه قدر ممتاز ، نه قدر منزوی اولورسه اولسون ، زمانه ، محیطه ، مملکتنه

فضولی بوتون بر کائنات الم واضطرابی سویله مش ، کوستر مشدر .
عبدالحق حامدك بوتون حیاتی آثارنده تیره یه بیلور . و بوندن غرور
صنعتکارانه تولد ایدر ، که غرور عادینك فوقنده در ، و اوکا بکزه مز ،
بالعکس مرحمت و شفقتله امتزاج ایدر .

« شو یه نهاور » ك دیدیکی کبی هیجان بدیعی اولمقسنزین صنعت
اوله مادیغی جهته بو ، کندینه مالک اولانلری موجودیت عادیه دن چیقاریر
اونلری اصعادایدن داخلنه کیرمه یه دعوت ایدر . بوهم جنسلرینه انسانی
ربطایدن بر خط وصلی در . او ، بزى الكیقینلر مزه بیله ؛ حیات عادیه ده ،
یابانچی براقان دیواری ییقه رق بزى مشاهلر مزه ، حتی اونلر ك دوننده
بولنان حیواناته ، بی روح اشیایه بیله تمایلکار و محبتکار بر حاله وضع
ایدر . صنعتکار هیجان بدیعی واسطه سیله موجودات و مخلوقاتك
صمیمی ، اك کریزان نقاطنه ، اورالرده نابدید اولمق ایچون دكل ،
یوکسلمك ، آثارینی یوکسلمك ایچون اینر .

هر اثر صنعت ، بویله جه ، صنعتکارك ، افاده ایتدیکی اشیا ایله ،
موجودات ایله اشتراکی دیمکدر . اوزون مدت بو اشتراكك محصولی
میوه سی اولمقسنزین تولد ایتمش هیچ بر اثر صنعت یوقدر . مودهل
ایله صنعتکاره عائد حساسیتك امتزاجی آثار صنعتده غیر قابل زوالدر .
مثلا قارمن اوپراسنده اندلس اقلیمی احتیاجاتك تیره دیکنی کورمه مك
امکان خارچنده در . « روزا بونهور » نامنده کی رسامك تابلولرنده
بوتون حیوانات یاشار ، ندیمك اشعارنده استانبولی ، اسکی استانبول
بکلرینی اوقومه مق ممکن دکلدر .

مودهل ایستر ، اکمال و تزین ایدلسون ، ایستر تقلید اولنسون ،
ایستر چیرکینه تیلسون ، حائز اهمیت دکلدر . صنعت چیرکینه تسه ،

۲

نشکارتی، طبیعی اعتباریه آثار صنعت اجتماعی. — تشکلات،
طبیعی اعتباریه آثار صنعت اجتماعی.

فی الحقیقه، صنایع نفیسه‌دن هر بری آری آری اشتراکیدر
اثر صنعت، حکمت بدایع متخصصانندن موسیو «سه‌آی» ک دیدیکی
کبی بر هیئت مجموعه‌در. بویالکز اونی تشکیل ایدن عناصردن مرکب
دکل، حقیقتله، صنعتکارک حساسیتک، و بونلرله بوتون ذی روح
اولانلرک امتزاجندن عبارتدر.

صنعتکار دیمک سون، بوتون اضطرارباته روحی آچیق بولسان،
حیاتک بوتون تظاهراتی تمیل ایدن دیمکدر. او، اوکیمسه‌در، که
بوتون موجودات ایله، هیچ اولمازسه قارشوسنده کی موده‌لیله صمیمی،
درین تماسلرده بولنه‌بیلیر. صنعتکار اونلره نفوذ ایله ینه اونلره مشابه
اولمق احتیاجنی حس ایدر. خلاصه، برگمه‌ده، او او یله بر مخلوقدر، که
کندیسندن چیقهرق باشقهرلینک روحنه اینر، بالنتیجه او اجتماعی
بر مخلوقدر.

مثلا بویوک صنعتکارلره، رامبر، به تووون کبی داهی صنعتکارلره
بر غرور استناد ایدرلر، حالوکه اونلر بوندن تمامیه محرومدرلر.
غرور دییه برغایه طوغری بوتون موجودیتک تمایلی یعنی ابداعی
تولید ایدن قوتی تلقی ایدیورلر.

اونلرک آثاری اوقوندینی زمان بشرک فلاکتلرینه، سفالتلرینه
ایکله دکلری کورولیر، آکلاشیلیر. به تووونک «سه نفونیلر» ی
قدر کوزل و خوش نه واردر؟

اینانانلر بولندی . حتی بعض کیمسه لر ، صنعتی اجتماعی یاپه بیلیمک ایچون عوامک ، کوبیلیرک ، عمله نك تصویر و افاده سنه منحصر اولمه سنی ایسته دیلر . حتی بعضیلری بونک فلسفه اجتماعی نی تدریس ایتمه سنی بیان ایتدیلر . بوسوکنجی خواهشکرلردن بز اوزون اوزادی به بحث ایتیه جکز . چونکه بالآخره صنعت و اخلاق بحثنده کوریله جکی کبی اونلرک کوردکلری اخلاق ایله صنعتک اخلاقی آیری آیری شیلردر ، عوامی موضوعلر ایله احتراصات انامیه هیچ بز زمانده صنعتی اجتماعی یاپه ماز .

بوتون بو یا کلش یولاره صاپمش ذکالر خارچنده طوغری کورن بعض کیمسه لر صنعتک حامل حسن بدیی اولمه سنه مانع اولما مقله برابر کندی مقصدندن باشقه ده اعلوی بر مقصدی ده تعقیب ایده بیله جکنی سویله یورلر . فی الحقیقه بونلر ، صنعتی تعریف اصلیلندن ، تولستوی کبی چیقارته رق ، انسانلر آره سنده اتحاد و اخوت حسیاتی تأمین ایتدیرمه نی دوشونیدورلر .

بو متفکرلرک تصورات و تفکراتی ، صنعتی حسنندن باشقه اجتماعی بر شیئه ربط ایتک ، بوشیئک اسیری قیلمق ادعاری ، حسنی حقنده بسله دکلری عدم تنزل صنعتی احما واقعا ایله مکدن باشقه بر شیئه یاراماز . بلاسحر و فسون صنعت اوله ماز ، وبوخطا صنعتک طبیعتی ، منابی ، نتایجی اعتباریله بذاته اجتماعی اولدیغنه دقت ایتیه مکدن تولد ایدیور . اجتماعیاته منافی اولسون ، اولماسون صنعت بذاته اجتماعیدر ، حتی اساساتی ، عمق روحی اعتباریله برتمایل وبر محبت عاملیدر .

صنعتك وظيفة اجتماعيه سي

صنعتك وظيفة اجتماعيه سنك طرز و تلقیاتی . — تشکلاتی ، طبیعی اعتباریله آثار صنعت اجتماعیدر . — منابعی اعتباریله آثار صنعت اجتماعیدر . — اساس روحی اعتباریله اجتماعیدر . — حامل اولدیغی حسن بدیی طولایسیله اجتماعیدر . — حامل اولدیغی حسیات اعتباریله اجتماعیدر . — صنعت اجتماعیدر .

۱

صنعتك وظيفة اجتماعيه سنك طرز و تلقیاتی . — اجتماعی ، بشری بر مقصدله تمامیه مشتغل و یا خود بومقصددن ملهم بر صنعت وارمش کی صوک زمانلرده سویلندیکی قدر هیچ بر زمان صنعت عوامی و انامی اولمه مش ، صنعت اجتماعیدن بحث ایدله مشدر .

علوم اجتماعیه متخصصلری ، اولرله برابر بر چوق منتقلر بوکا اینانمش کی کورینیورلر ، وبونی نشر و تعمیم ایدیورلر .

بوندن ، رسمی ، هیكلتراشی یی ، معماری یی ، موسیقی یی ، ادبیاتی ، رقصی ، بر غایه خیالیه اجتماعیه خادم کی تلقی ایتک ضرورتی نشأت ایدیور . بورادن صناعت کی آثار صنعتك ده « پرودون » ك ، « تولستوی » ك دیدیکی کی غایه سنی ینه کندیلرندن باشقلرنده آرامه لری چیقیور ، بورادن باشقله مقصدلر منفعتله اوله رق صنعتده حسنی اونوتمق مقصدی تولد ایدیور . فی الحقیقه بوفکرلر پك آز مدت ظرفنده صنعتی اسیر ایدر کی کوروندی . بوتون قیمتیه بوتون قوتی اکتساب ایده بيلمك ایچون صنعتك بر ناصح شکلنه کیرمه سنه

اسلوب اوله بيلير . صورت مطلقه ده اونك حسنى ، فصاحت ،
 واسطه انتقال وانكشافيدر . اثر صنعت ، بزه كورديكمز كي آنجق
 بزه اويانديرديغي حسن بديعى ، اويانديرديغي تقدير ايله توديع
 معلومات ايلر .

بو اونك سري ، سحر وفسونيدر ، وصنعتك توديع ايتديكي
 معلوماتك نفاستنى ، ممتازيتنى ، قوتى رايحه سيله نشر ايتمه سنى تشكيل
 ايله مكدهدر . يالكز بونلردن استفاده ايده بيلنلر اونلرى طاته بيلنلرى
 اونلرى سونلردر .



اونلرک کندیلرینه مخصوص بر مغالری واردر ؛ بر قومی تیاترولری سرایلری ، معبدلری قدر هیچ بر شی کوستره منر ، آکلاته ماز .
عینیه بیلولر ، مجوهرات ، سلاحلر ، دانتله لرده عمومی تحسسانی اظهار و افاده ایدرلر ، زیرا بونلرده معماری نك بر ذیلی ، بر تابعی دیمکدر .

عمومی ، مشترک افکاره ، اعتقاداته قدر هر شیئی آثار صنعت بزه کوستریر ؛ بزه آکلاتیر ، بلا واسطه کوستریدیگی کبی بالواسطه ده موضوع صورتیه آکلاتیر . . جامعلر عثمانلی ، اسلام روحلرنده کی توکل وقاعتی احساس و افاده ایتملر می ؛ پارتیه نونک ساده لکی اسکی یونانلیرک عقل و منطقه قارشو اولان مجلوییت و مفتونیتلرینی نه کوزل آکلاتیر !

روح اشیانک ، روح بشرک ، روح صنعتکارک هیئت مجموعه لایتغیری ؛ بر جمعیتک ، بر زمان معینک ، بر مملکتک فکریله مشبوع اولان اثر صنعت محرری ، زمانی ، طبیعت اوزرینه برچوق معلومات ایله مالا مالدر . وبونلری بر کتاب کبی یالکیز موضوع ایله وبونلرک عارضات و تفصیلیله دکل ، اونلری افاده ده کی ، تصویرده کی طرزیه کوستریر . وبو معلوماتک ادرا کی آنجق بلا واسطه اولور . اثر صنعت مفید ایسه ده آنجق کندینه مخصوص بر طرزده الفاظ ایله ، اصوات ایله ، اشکال ایله ، خطوط ایله ، الوان ایله در .
برلسان حس اولدینی ایچون طوغریدن طوغرییه حساسیتیه خطاب ایدر .

صنعت ، خلاصه ، آنجق کندینه مخصوص بر افاده ایله افاده کاردر ؛ زیرا او کوزلدر ، اسلوب بزه حس حسنی ویرمکه

آکلاشیلیر حس اولنیر. فقط اونی رسمدن، هیکل تراشیدن ده‌ها زیاده حس ایتمک، یاشامق لازمدر.

بو صنعتده یالکیز حساسیت حائز اهمیتدر، یالکیز اونکله آکلاشیلیر، حس اولنیر. بونک مقابلنده موسیقی بزى اددیرنلرده کزدیرر، بز مشوشیت داخلنده بر وحدت احساس ایلر، بو مشوشیت و وحدت حیات روحیه‌نک قیورانیشسرلندن عبارتدر.

موسیقی، بونک ایچون، روح بشرده موجود اک صمیمی، اک مظلم، اک غیرمعین، اک نامتناهی، اک شخصی، واک عمومی، اک انسانی حسیاتک ملهمیدر. او افاده ایدیه‌مزى افاده ایدر. حیاتک منابعه یاواش یاواش اینمکله بزده‌کی آمال و احساسات لایتناهی‌بی کوسترر.

خطوطک موسیقیسی اولان معماری‌ده بوقانون حیاتک، واونک لایعد و لایحی تحولاتنک، اونک حرکات و سکوننک بر نتیجه‌سی، بر تمثالیدر. اوده بوتون اقسامیله حرکات روحیه‌نک مولودی‌در، اوده حسیات نشووه‌کاری و یاخرنکاری، تسلیمیتی، قوتی افاده ایدر. اونلرک اساس مقصدلری هر نه اولورسه اولسون غوتیک طرز معماریسی بر دعايه، قلعه بورجلری بر دعوت مهاجمه، رهنه سانس شاتولری حس ذوق و سفاهته، اکثری سرایلر، مثلا ورسای بر غروره بکزه‌ر. موسیقی‌ده اولدینی معماری‌ده موضوع ایله اسلوب عینی حساسیتدن تولد ایدر. او قدر، که بری دیگرى ایچنده نابید اولور، عمومیه عائد، بر چوق اللرک مساعیده اشتراکی طولانیسیله آثار معماریه شخصی تحسستای افاده ایده‌جک یرده اجتماعی، مشترک تحسستای افاده ایدر. ایشته بوندن طولانی‌درکه

بونلر عینی زمانده بزه مشابه بر طاقم عمومی امرجه وطبایع در. بز
اونلرک مشابهلرینی حیات عادیه بشریه ده دائماً کوریر ، بولورز .
بر طاقم رمزی آثار واردر ، دینی ، فانتزیلی آثار کبی . .
بونلرده صنعتکار کندی روحنی ، کندی خیاللرینی موضوع حاله
قویمش ، وخارجاً اظهار و افاده ایله مشدر. بونلرک بوتون مزیتلری
عینی شیک ایکی مختلف وجهی اولمهلرنده در : نشأت ایتدیکی حساسیت
ایله ، افاده ایتدیکی حساسیت . . . صرف خیالی اولان بو آثارک
سحر و فسوننک مربوط اولدینی بو شرط حقیقی آثار ایله بونلر
آره سنده موجود درجه طبعیتدن زیاده بر درجه تخالفدن عبارتدر.
بو کبی آثارده حصه ابداع هر شیدن زیاده در . بو کبی آثار بزه
صنعتکارک روحنی مضاعف بر صورتده کوسترمکده در . بز بو کبی
اثرلره روح بشرک اک عمیق نقاطنه قدر نفوذ ایلر . .

بر صنعت واردر ، که بو خصوصده دیگر صنعتلردن زیاده بزه معلومات
ویرر ، اونده روح صنعتکار دیگرلرندن زیاده تأثیرات خارجیه دن
آزاده ابداع ایدر ، بو صنعت ، طبعیتدن یالکمز اصواتی یعنی اک
غیر مادی ، اک اینجه شیئی آلان ، حسیات بشریه یکانه موضوعی
بولان موسیقی در ، طبیعت آنجق اونک اوزرنده انعکاس صورتیله
اجرای تأثیر ایدر .

موسیقی ده موضوع ، و اسلوب او قدر برله شیرکه بوکایک وجود
دیمک بیلله جائزدر . بز اثرله مؤثری بر برینه قاریشدیردیغمز کبی
بونلری کندمزک ، حسی ، روحی کبی ده قبول ایدرز . ذاتاً بو صورتله
غیر قابل ترجمه ، ممتاز ، شخصی ، عمومی معناسیله سویلیر ،

ایدر ، هیچ بر شی آ کلامازدی . بر اقلیمی آ کلاویه بیلیمک ، حس ایتیمک ایچون صنعتکارلردن ماعدا عالی یوکسک روحلو اوله ماز . اولئر ، بوکی یرلرک وصف اساسینی ، وصف حاکمی ، خلاصه قوقوسنی بزه الهام ایدرلر ، کوستیرلر .

آثار صنعت بزه جانلی مخلوقاتی ده کوستیرر ، آ کلاتیر . بر چوق رساملر بزه اشکال حیوانیه ده موجود محاسنی اوکرتمشلر ، اظهار ایتمشلردر . اسکی یونانلیلر وجود بشر حقنده بزم تربیه حسیه مزى انکشاف ایتدیرمشلردر .

بزی آثار صنعت حیات اجتماعییه قدر نفوذ ایتدیرر . « لونهن برادرلری » فرانسه ده مساعی روستانی بی میله دن اول بزه آ کلاتمشلر ، احساس ایله مشلردر . بوتون بویوک استادان صنعت ، زمانلرینی ترسیم واره ایلدکلی زمان یالکز اوئی اجتماعی اولان جهتله دکل ، کوستردکلی شی ده مادی اوله رق موجود اولانلرله ده کوستیرلر . اشیایله حس صنعتکارک امتزاجی اسلوبک علویتیه قائمدر کوریلورکه بوتون مهارت ده اونده در .

آثار صنعت ، بوندن باشقه روح بشره قدر ضیالرینی ایصال ایدرکه بوده آز برشی دکلدر . بشریتک خیاللرینی ، اضطرابلرینی تمیلرینی ، محظوظیتلرینی ، شبه لرینی ، یأسلرینی ، یالکز اولنلردن تولد ایتدیکی جهتله دکل ، اونک ایچون استنادکاه ، سبب ، موضوع اولدینی ایچونده کوسترر . تقدیرلرک اهمیتی بوندن طولاییدر ، رسام سیانک خطوطیه وصف ممتاز شخصیتی کوستره بیلیمش ، بوندن ماعدا زمانک موداسنی اظهار ایله بیلیمشدر . فی الحقیقه لوحه لر اوزرنده تقدیر ایدیلن اشخاص یاشار ، بوتون خصوصیتلریله یاشار ، فقط

هیچ بر اثر صنعت یوقدر که صمیمی اوله رق ممزوج اولمقله برابر
 حس بدیعی به اجنبی اولان بر شیئی محتوی اولماسون . اثر صنعت
 اطلاقه شایان اولان هر نوع استحصالاتده صنعتکارک آز چوق
 شخصیتی بولمقله برابر اوکا الهام ایدن ماده دن ده برشی واردر . بوکا
 موضوع دینیر . والهام ایتدیکله بزى اسرار اشیا به واقف ایتمه سی
 امکان خارجنده در . اثر صنعت بزه طبیعی اوکره تیر ، پاسقالک
 دیدیکی کبی طبیعتده کورمک ایسته مدیکمز شیئی رسمده کورمک
 ایسته یشمزک سببی رسامک شخصیتک بوکامنضم اوله سی ، بزم بنفسه
 کورمک قابلیتده بولنمادیغمز شیئی بزه کوسترمه سیدر . او حقیقی
 بزه نظراً آچور ، ایضاح ایدیور . انکشاف ایتدیریور ، افاده
 ایله یور . صنعتکارک کوردیکنی ، حس ایتدیکنی کتیرمکله بزه
 کورمه یی ، حس ایتمه یی ، آثار صنعت اوکرتمش اولیور . بزى اونلر
 صنعتکارک اشیا و مخلوقات قارشوسنده طویدیغی حظوظاته ، هیجابه
 واقف ایدیور . اشترا که دعوتله اونلری بزه تودیغ ایله یور .
 مناظری ترسیم ایدنلر دکلیدر که صحارینک لطافتی بزه اظهار
 ایده بیلمشلردر . طاغلوک حشمتی ، کونشلوک احراری ، غروبلوک ،
 تارلالوک سکون لطیفی ، اورمانلوک سکوت وحشیسی ، هر شی
 بشریته اونلر طرفندن کوسترلمش ، آکلاتیلمشدر .

بزه دکزک حلاوتلرینی ، حدتلیرینی ، متروکیترینی ، اهانترینی ،
 شدتلیرینی ، یأسلرینی اوکره تنلر هپ اونلر دکلیدر ؟ بر چوق رساملر ،
 بر چوق شاعرلر بوکون بزم حیاتمه مزج اولمش اولان اذواق
 و احتیاجاتی آچدقلمی آفاق محاسن ایله ویرمشلر ، آکلاتمشلردر .
 اون یدنجی عصرده آوروپاده بر آدم دکزدن ، یاخود طاغدن نفرت

اوکا ویردکلی نقاط نظر دائماً متبدلدر . بو خصوصدهده اسلوب
 عادینک پک بیوک بر تأثیری ، بر نفوذی وارددر . دکشمهین مواد
 حقنده بویله اولدینی کبی عادات ، اخلاق کبی بشرک ابداعاتی
 خصوصندهده عینی صورتله اولمهسی اولیتده قالیر .

فقط بوتون تفصیل و تفرعاتیله برشینک استحصالندهکی سحر و فسون
 آنجق اسلوبیلهدر . اسلوب اولمهش اولسهیدی اُک جانلی شیر اولو
 اولورلر ، یاشایه مازلردی .

خلاصه بر زمانک روحی ، موضوعده ، حتی بو بر معنای مفید
 اولسه بیله ، دکل ، بر زمانک ، بر مملکتک روحنی کوسترن
 اسلوبدهدر . بوندن باشقه آثار صنعت ، ترتیب و تنظیم ، کوستردیکی
 پیغوله رؤیت و بر کلمهده حاوی اولدینی ذکائی مواد اعتباریله دکل
 دها رقیق و دها نازک ، دها اینجه بر حساسیت بشریه خطاب ایتک
 اعتباریله معنیدار و افاده کارددر . بر فورچه ضربهسی ، بر آهنگ
 موسیقی کبی ... بر صنعتکارک شخصیتی نصل متأثر اولانه آجیق ایسه
 بر جمعیتکده روحی آثار صنعت داخلنده او قومه سنی بیلنلره انکشاف
 ایدر ، و بوندن بر طاقم معلومات تولد ایدر که باشقه یرده بولق امکان
 خارجندهدر .

۵

صنعتک حیات طبیعی ، حیات اجتماعی ، روح بشری اظهار
 والهای . — آثار صنعت بزه و یردیکی ، بالاده ذکر ایتدیکمز
 معلوماتدن باشقه دها پک چوق معلومات و یرربونلر ، اولجه سویله دکلر .
 مزدن دها مهمدر .

اسلوب مشترک تنوع و مخالفی آردسند بر قومك ، تبدلات گذشته ك تأثیرینه رغماً ، یاشایان اوصاف دائمه‌سنی کورمك ده ممکندر . مثلاً ، فرانسر صنعتی ، هیچ بر زمان عرب ویا هند صنعتی دکلدر ؛ عینیه بر هولاندا صنعتی ایله ایتالیان صنعتی آردسند فرق واردر . بونی بویله یاپان هر قومه عائد اوصاف اساسیه‌ك آثار صنعتده مندمج اولمیسیدر . بونلر بر قومك حالت روحیه عمومیه‌سنی کوسترر نقاط مشعره‌در . بر قومك تأثیرات خارجیه نه صورته مقابله ایتدیکنی کوسترمه‌سنه بناء آثار صنعت انتها ناپذیر بر قویی به بکزرر . بوندن یالکز مورخلر دکل ، جغرافیا ، اثنوگرافیا ایله اشتغال ایدنلرده استفاده ایدرلر . فعالیت بشریه‌ك سائر تظاهراتندن زیاده آثار صنعتك تدقیقاتیه بر قومك حالت روحیه‌سنه نفوذ ایتك ممکندر .

عادی بر اسلوبك ، معین بر ماده اوزرنده ، بر مملکتك ، معین بر زمانده کی تأثیرات خصوصیه‌سنه وارنجهیه قدر کوسترمه‌یه چکی برشی یوقدر . مثلاً دینك تکاملاتی حقنده تبعاعده بولمق اقتضا ایدیور ، طوغربدن طوغری‌یه اونی تدقیق ایتمکدنسه ، اونك طروز تلقیاتی ، طروز تحسسانی نظر دقتدن کچیرمك ده‌ا قولای ده‌ا فائده‌لیدر . بعض شیلر واردر ، که تبدل ایتزلر ، طبیعت کی . . . حالبوکه اوکا عائد تلقیات دائماً ده‌کیشور ، دائماً باشقه بر شکه کیرر .

عادات و اخلاقیات اعصار بوتون بونلردن انتشار ایدر .

بر زمانك اك عادی ، اك خصوصی حسیاته قدر هر شییئی بر اسلوب عادی تمامیه کوسترر . مثلاً بر شیئك ، عشقك طرز تلقیسنی طرز رؤیتی بوتون تکاملات و تعاقیه بویله بر اسلوب داخنده کورمك ممکندر . طبیعت‌دهده بویله اولور ، طبیعت ثابت اولقله برابر انسانلرک

اسلوب مشترك ده نیلن شی ادوار تاریخیه نك بویوك دورلرنده تماميله تظاهر وتعیین ایدر. مثلاً فرانسه ده اون دردنجی لوی عصری بویله برعصر تاریخیدر. اسلوب مشترك بوزمانده او قدر عظمت واحتشامه مالک اولمشدر، که بوتون شخصیتلری باع و مزج ایده جک بر حالت کسب ایتمشدر. بزده قانونی سلطان سلیمان دوری بر دورئ تکامل وتوقفدر. اوزمانده هر شی بر دبده و بر حشمت ایچنده در. شعر وصنعتده عینی ماهیتی کسب ایتمش، هر شخصیت آرزوق بر برینه تقرب ایتمشدر. بونی متعاقب ادوار سلطنتیه ده اضمحلال تماميله حس ایدیلنجهیه قدر عینی شی کورولیر. بر نفی ايله بر صبری بی و اوزمانده کی شعرا بی بر برندن آیرمق قابل دکلدر ..

بر اثر صنعتك احضار ایتدیکی ذوقی حس ایتمکه یالکیز شخصیت صنعتکاری دکل، اونك تنفس ایتدیکی، یتشدیکی زمانی ده یا نامق، اسکی زمانلرك رایحه سنی قوقلامق ممکندر. او زمانلرده یاشایان روحلرك روحلیله امتزاج ایدرز، اونلره استیناس پیدا ایلرز. بونك ایچونده اثری اوزمانده کی جمعیته ربط ایدن اساسه، یعنی اولاً محررك شخصیتته نفوذ ایتك ضروریدر. زیرا بر روح صنعتکار کندیسيله مشترکاً یاشانلرك روح عمومیسندن بر شی صاقلار که بر عائله نك، بر مسلکك، بر ملتك دهاسیدر. و بر تاریخ نویس ایچون بر زمانك تفکراتی، حساباتی، نقاط نظری، وقایعی تدقیق ایده جک یرده بوتون بونلرك اسباب موجودیتتی، خیالاتی، غایه خیالاتی، دستورلر داخلنده دکل، زنده، حیات ايله رعشه ناك کورمك نه قدر ذوقلیدر. آثار صنعتدن ماعدا هیچ بر یرده تاریخه عائد حرارتلی، حیات آمیز معلوماتی بولمق ممکن دکلدر.

قوی بر ممتازیت شخصیه‌نک صاحبی اولمه‌ملرینه بناء استادان صنعتی تقلید ایدن ایکنجی ، اوچنچی درجه‌ده کی صنعتکارانک بر برینه بکزه‌ملری تقلید ایتدکلرینک اسلوبلرنده اک زیاده اجتماعی، عمومی ، مشترک بر زمانی کوسترن ، خلاصه حساسیت عادیله‌لرینه جواب ویرن موادی طولیلامه‌لرندن نشأت ایتمکده‌در .

حشمتک بر شخصیت صاحبی اولماسی نفی دن شیخ الاسلام یحیی افندیدن راغب پاشادن اک زیاده عمومی ، زمانلرینه عائد خصائصی طولیلامسندن طولاییدر . ایشته بو مقلدلردر ، که استادان صنعتک زمانلری تأثیراتندن قورتیله‌مادقلرینی بزه عریض و عمیق کوستریرلر ، آکلاتیرلر .

مع‌مایه « تن » ک یابدینی کبی بتون صنعتکارلری محیطک محصولی عد ایدوب استادانک اسلوبلرینی بناء علیه اسلوب عمومی و مشترک اوزرینه اسلوب شخصینک نفوذینی انکاره قالقاملیدر . بر کره بیلملیدر ، که بوراده محیطدن مقصد ، محیط مغنویدر ، محیط خارجی ، و مادی صنعتکارک اوزرینه روح‌ده حصوله کتیردیکی تأثیرات ایله اجرای تأثیر ایده‌بیلیر . فضله اوله‌رق محیط دهایی حصوله کتیرسه‌ده بالمقابله اوده ، اشتراکیله اوئی تجدید ، یکیدن تشکیل ایدر .

اسلوب مشترک ده‌نیلن شی برحالت روحیه‌یی اشعار ایدیورسه‌ده بو طرز وحدتناک و عمومی اک ایی افاده ایدن شیلری آرایانلرک ، استادلرک شخصی ایجادات اسلوبیه‌لرندن متولددر . خلاصه ، برزمانک حالت روحیه‌سی تشبثات شخصیه‌نک مولودی اولوب بالاخره تقلید ایله انتشار ایتشددر . بونک تقلید صنعتکارانه‌سی ایسه بر مشعری اولمقدن زیاده معیندار بر نمونه‌سیدر .

اونك مبدعیدر. رسام رافائلی رافائل یاپان پایا اوتجی له تونك دوره صنعت پرستیدر. صنعتکار دیمك یالکیز زماننك تأثراته، تحسسانه، تهیجانه هرکسدن فضله حاضر اولان دكل، افکاری، اعتقاداتی لسان هیجانه نقل ایده بیلان دیمك اوله سنه نظر آجمیت اونك حساسیتی اوزرینه طوغریدن طوغری به یاخود عكس تأثیر ایله اجرای نفوذ ایده رك شخصیتی املا ایدر.

اك غریب، اك شخصی اسلوبلرك، دیکرلرینك مقایسه سیله تظاهر ایدن، برجهت اجتماعیه سی واردر. ایشه بونقطه طولایسیله دركه آثار انشادن زیاده آثار صنعت بر زمانك دهاسنی، طرز تفکری، اشیایی طرز تلقی سنی، و طرز قبولی کوستیر. — منشی ایله شاعر اره سنده يك درین فرق معنا بولندیغنی هیچ بر زمان اونوتمه مق مقضیدر.

هرنه قدر تفریق لری يك کوچ ایسه ده اك طار محیطلر، عاقله، مسلك محیطلری کبی، اك شخصی اسلوبده کورولیر، تظاهر ایدر. نابی راغب پاشا، حشمت آرسنده بر مناسبت بولماق ممکنیدر؟ تقلید بدیعی نك آثار صنعتده وظیفه سی نه قدر مهم اولورسه اولسون اسلوبده کی مشابته تمامیه افاده و ایضاح ایده مه یور: بو دها عمیق مشابهلردن، مشابته تحسساندن تولد ایدر بر کیفیتدر. فی الحقیقه قوییه جینك شخصیتی تظاهر وتجلی ایده بیلیمك ایچون بر باشقه سنه استاد اتمیه مجبور اوله سنه بناء نه قدر از اولورسه اولسون تقلید از چوق بر ترجیح طلب ایدیور. انسان آنجق حس ایتدیکنی، تقدیر ایلدیکنی، کندیسنده کندی روحیه مشابته بولدیغنی تقلید ایده بیلیر.

۴

آثار صنعت اوزرنده زمانك تأثیراتی . — بر صنعتكارك اسلوبی نه قدر شخصی ، نه قدر ممتاز اولورسه اولسون هم عصر لرینك تأثیراتندن آزاده قاله ماز . آثار صنعت بو نقطه حقنده بزه تودیع معلومات ایدر .

بر دورك محصولات صنعتك هیئت مجموعه سی اوزرنده عائلوی بر ظل قرابت موجوددر . بو مشابهلر بر اسلوب مشترك تشکیل ایدیورلر که بر دورك محصولات صنعتکارانه سی اوزرنده یاشایورلر . بوده محیطه مربوط بر مشابعت حیسه نك مولودی اولملرندن ایلرو کلیور . رنه سانس اسلوبی . ایمبراطورلق اسلوبی دینیلدیکی زمان مقصود اولانده بودر .

هر صنعتكار بر مملكتك ، او مملكته عائد ر دوره تاریخیه نك معین بر جمعیتك محصولیدر که اونلرك افکارینه ، اذواقه ، اعتقاداتنه حسیاتنه ، تأثراتنه اشتراك ایدیور ، اونلرك طرز تحسس و تفکرینی قبول ایدیور ، بونلرك تأثیرینی یوگله نیور ، یاخود عکس تأثیرینی اعاده ایله یوردیمکدر . بوتون بونلردروننده بولندینی محیطی ، اوئی احاطه ایدن هوایی حصوله کتیریر . شخصیتی ، نشوونماسنه خدمت ایدن عناصری هپ اورادن اخذ و اقتباس ایدر . مختلف نسبتلرده اوله رق بونلری بلع و تمثیل ، تمامیله نقطه خروجی ستر ایتیه موفق اوله مقسزین شخصیتی اظهار ایچون تبدیل و تغییر ایدر . حتی اوندن استعانه ایتیمکسزین یاشایه ماز . ندیم نه قدر بویوک اولورسه اولسون ، ابراهیم پاشانك دوره وزراتنه پتشمه مش اولسه یدی تولید ایتدیکی آناری وجوده کتیره مزدی . ندیم بر مبدع ایسه ابراهیم پاشا حاضر تلری

حس ایدلش بر اثر صنعت بزی، موجودیت می آونی ابداع ایدن دیگر بر موجودیتله زنکینلشدیرمش بولنور. بویوک بر اثرک حصوله کتیردیکی تهیج عظیم بو بئلکمزک انکشاف وتوسعدن، زنکین بر موجودیت اجنبیه ایله شخصیتمزک اشتراک ایدرک اهترازندن تولد ایدیور.

بر دقیقه ایچون بزرافائل، میکئل آنژ، موزار، وردی، ییزه فضولی، معمار سنان اولیوریریورز. وبو صورتله صنعتکارلرک صمیم روحنه نفوذ ایتمکله اونلرک، زنده بر آهنگ داخلنده متمسازیتلرینی طانیورز. بزهر برینک شخصیت بدیعه لرینه باقینجه آونی احاطه ایدن شخصیت انسانیه لرینی اوقیورز. اونلرله روحنه کیرمکله اونلرله طوغریدن طوغری یه تماس ده بولینیور.

آثار صنعتده روح صنعتکاره نفوذ ایتمک قدر هیچ بر شی حائر اهمیت دکلدرد. بوکا نفوذ ایده مه یئرلر اثر صنعتی اکلاماش اولورلر. بونک ایچون منقذک اهمیت وقیمتی کیتدکجه تزايد ایدیور. بعض داهیل واردر، که زمانلرنده، تحسسلری پک درین، پک اینجه اولدینی ایچون تقدیر ایدیله مه مشلر، دها نافذ برحسک، بر منقذک دلالتیله، ضیاسیله اکلاشلرلردر. بوکی شخصیتلرده یکی بر تحسس، یکی بر تفکر بولوق ممکندر.

تاریخ صنعت، استادان ایله واقع اولان مناسقات حسیه ایله کیتدکجه زنکینله شمکده، کیتدکجه ایلروله مکده در. بو اولمهیجه، معلومات وقوف، تاریخ وترجه حال، محیط، مکان، مسلك حقنده معلومات برر جنین در، هیچ برشیئه یاراماز. بونلر انجق روحه، اساسه نفوذ ایله فائده دار اوله بیلیرلر.

ایدیور: هر شیدن اول مبدعی نك انانیتی حقنده بزه اعطای معلومات ایتمه سی ضروریدر .

بر اثر صنعتدن تهیج اولقله ، ینه قابلیت تهیجه مزه کوره ، اونی تولید ایدن هیجانی یاشامش اولیورز . بز به توونه مضطرب اولیور ، فضولی ایله آغلايور ، رامبرانه استغراقه طالیور ، ندیمه نشوه وشعره یوکسلیور ، غالب ایله مافوق الحیاته چیقیورز . فقط هیج بر زمان اونلرک حس ایتدکلرندن باشقه بر شی حس ایتمه یورز . بزم ، حس ایتدیکمز هیجان اونلرک هیجاننک مشابهی ومعادلیدر . بو هیجان خصوصی وشخصیدر . اونی یاشایان اونی تجسیم ایدن شخصیتک رنکنه ، آتانه مالکدر .

آثار صنعتک غرباتی ، تأثر یکانه سی ، ممتازیتی ، ناشیدکی سی ، خلاصه اونلرک لاینقطع تجدداتی هر صنعتکارک خولیا لریله ، اضطراب لریله احتراصلریله ، امیدلریله ، سینه سنده یاشایان ، تیره یین ، بوتون امللریله اثره مزج اولمسندن نشأت ایتمه یورمی ؟ هیج بر اثر حقیقی صنعت یوقدر ، که خطوطنده ، اشکالنده بر کاشاتی محتوی اولمه سون : صنعتکارینک حیات روحیه سی ...

رسام ، موسیقی شناس اثرلرنده خصائص روحیه وقلیه لریله اونلری ذی حیات بر حالدہ براقان بوتون شیلریله کندیلرینی ترنم ایدر ، کندیلرینی تقدیر وترسیم ایدر .

بز بو اثری استماع ویاتماشایتدیکمز زمان صنعتکارینک حسنی تمثیل ایدرسه ک بو کاشات روحیه یی ، بوکاشات درونی یی بنمسه مش ، اونک تهیجاتی یاشامش اولورز . بز اونک شخصیتی کندمزده احیا ایدرز . قابلیت تهیجه مز نسبتنده بوده مکمل وقوی اولور . حقیقه

مع مافیه حساسیت بدیعیه مالک اولمقسزین طوغان پک آرمخلوق
بشر وارد؛ بو اوقدر عمومی بر حس در، که عمومی تصورك
خارجنده در. بعض ذوات ایسه آدلری تربیه مثبته و قیه طولایسیله
آثار صنعتك ذوقه واصل اوله مازلر. اونلرك دماغلری او صورتله
تشكل ایدر که آچیق و واضح مدرکادن باشقسنی تیقن ایده من بر حاله
کیرر. اونلر اك زیاده معانی ایله، حیات ایله مالا مال، مع مافیه بر آز
مشوش، بولودلی مدرکات روحیه یی آکلامقده کوجلك چکرلر.
بو اوقدر شدید بر شیدر، که بوتون موجودتی صارصار، ذکا ایلك
نظرده یتشه میه جکنی فرض ایتدیکی شیلره بونك واسطه سیله یتیشیر،
و حدودی توسع ایدر. اوکا ابتدا زیان ایده جك کی کلن شیلر
بالا آخره کار اولور، ذکا یی، حساسیتی، یالکز باشنه الده ایده میه جکلری
یکی یکی مدرکات ایله زنکینلشدیرر. حتی اونك غنغوی، معتادی
اولان ادراکاتی اتمام ایلر، تجدید ایدر. خلاصه اثر صنعت مخیله یه
آنحج حساسیتی اهتزازه کتیرمکله خطاب ایده بیلیر. و بو صورتله
دماغ منطقیدن قاچان پک چوق شیلری افاده ایلر. بونك تأثیر یله در که
میلونك وه نویسی، بر وقعه نویسك، یا خود بر منشی نك — بر شاعر ك
بر ادیبك دکل — افاده ایده جکندن پک زیاده معانی یی افاده
ایتمکده در.

ایشته بو کی نقاط طولایسیله در، که بر اثر صنعت تاریخ نویسلره
ایفای خدمت ایدر، یوقسه خارجیات اعتبار یله دکل ...

۳

شخصیت صنعتکار اعتباریه معلومات ماضیه. — مادامکه آثار صنعت
یزه اسلوب یعنی اوزرنده تظاهر ایدن شخصیت اعتبار یله تودیع معلومات

کلمات ، اشکال و خطوط ، حرکات و اوضاع واسطه سیله ، بونلرک امتزاج ایله افاده ایتدیکی معنایی آ کلامق دکلیدر ؟ . و بونی آنجق اشتراك ایله ، یعنی اونی حصوله کترین هیجانی یکیدن یاشامقله قوه دن فعله چیقارماق ممکندر . مادامکه اثر صنعت بر قانون حساسیتک محصولیدر لر اونی تمامیه آکلایه بیلیمک ایچون عینی صورته حساسیت قابلیتیه مالک اولمق ضروریدر . هر نه دینورسه دینسون آثار صنعت قارشوسنده هیجان بدیی لازم و ضروریدر ، او اوله نیجه بر پرده مهلمات و ظلمت ایله چارپیشیر ، نه اولدیغنی ، نه ایدوکنی آکلایه مایز .

روح ، روح شخصی و غریب کبی آثار صنعتک اساسی اولان قانون حیات انجق مشترکاً اهتزاز ایله آکلاشیله بیلیر . او انجق حسن ایله متهیج اوله بیلنلره افشای راز ایدر . فی الحقیقه تحلیلالات منطقیه ، تحلیلالات صرفیه و نحویه ، تحلیلالات شکلیه فائده لیدر ، فقط یالکز بونلرله عمق روح صنعتیه نفوذ ایتک غیر ممکندر . اوکا بر ذوق بدیی راهبر اولمیلدر که منتج فواید اوله بیلسون . یوقسه خارجی ، سطحی بر تدقیقدن باشقه برشی اوله ماز .

ذاتاً اثر صنعتک بوتون ضعفی بو نقطه ده در : تدقیق ایدنلردن او بر حساسیت دقیقه و منتخبه ، ذوق حسن ، و بونی انکشاف ایتدیرر ، فقط یرینه قائم اوله ماز بر تربیه بدیمیه ایستر . بویله بر شخصیت قارشویسنده بولمیدیغی تقدیرده تمامیه تودیع راز ایده مز . بونک ایچون سرایت الهام ، تعقیب امثله خصوصنده مصردر . او ایستر که بزم تقدیر ایتدکلر مزی باشقلری ده تقدیر ایتسون ... بوتون وضعفنده ینه اونک بو قوتی مندمجدر . بوده قوت اجتماعیه ، تربویه ووقوفه دن عبارتدر .

مع مافیه هر شیده رغماً ، موضوع آثار صنعتك ممتازيتي تأمين ایدن برشی اولمادیغی کبی اونك اساسی ده دکدره . بوندن طولای بزّه بر چوق معلوماتی تودیع واحساس ایدن یالکز بو اوله ماز . مورخلر بوندن هر نه قدر بعض استفاده لرده بولنه بیلیر لرسه ده آثار صنعت یالکز بونقطه دن اونلره بی نظیر بر معاونتده بولنیور فکرینه ذاهب اولماق مقتضیدر . حیاتی صحنه لرك ، ویا سیالرك تأمين ایتدکری فواید نظر اعتباره آله جق اولورسه اك عادی ، اك عاری صنعت آثارك اك ناقابل انکار شه آثار قدر ایفای خدمت ایده جککری بدیهیدر . حتی بعضاً بوکی شه آفریده لری بیله ، اعطای معلومات خصوصنده کچرلر . مثلاً ۱۸۵۶ ده برشمندو فرقا بریقه سنك اعلانی باصیلمشدر ، که موضوع اعتباریله بو خصوصه دائر ویردیکی معلومات تاریخیه اك بویوک آثار صنعتك ویره جکندن ده ا زیاده در .

بوکا بناء آثار صنعتك معنای حقیقیسنه ، اوئی مالامال معلومات برحاله وضع ایدن روح زنده سنه ، اونك وصف ممتازینه ، جوهرینه یعنی صنعتکارینك طرز تحسس و تفکرینه ، طرز افاده سنه ، اسلوبینه نفوذ ایتك ضروریدر . آثار صنعت بونك ایچون معنا ایله مالامالدر . بوتون اقسام سائر عارضی ، تابعیدر . بونك ایچون آثار صنعت بزّه تودیع معلومات ایدر ، و اوئی بونقطه دن استتقاق ایتك ضروریدر .

شو مطالعه دن بونی استخراج ایدر زکه آثار صنعت بوتون محتویاتی بزّه اعاده ایتك ، بزّه تودیع معلومات ایله مك ایچون حس ایدلمه بی طلب ایدر . بر اثر صنعتی آکلامق دیمك اونك اسلوبنه نفوذ ایتك ، اشتقاق ایتدیکی قانون روحی بی کشف ایتك ، اصوات ، الفاظ و

وحرکاته واقف بولنورز. وبونلرک هربری مختلف زمانلری اوکره تیرلر
 کچمش عصرلرک حیات خصوصیه و عمومیه سنی ، حیات عسکریه
 و تجاریه سنی ، حیات صمیمه و دینیه سنی نظرلرمن اوکنده یاشاندقلری
 ایچون وقایع نویس اولانلرک آئاردن دها زیاده فائده تأمین ایدم بیلیرلر.
 اسکی زمانلرک صنعتی نابید اولمش مدیتلری اعتیاداتنک اظهار
 و افاده سیله ، مبانینک طرز انشا و صنعتیه بزه اخطار ایتمه یورمی ؟ .
 بز آسوریلری انجق براقدقلری سرایلرله ، ستون باشلریله ، مسنملریله ،
 مصریلری اهراملریله ، معابدیله ، دیکیلی طاشلریله طانیه یورمی بز ؟ .
 اون اوچنجی عصر میلادی بی قلعه بورجلریله ، دور انتباهی شاتولریله
 طانیه بیللیورز. بویوک ابراهیم پاشا حضرتلرینک دور تجدد و ترقیلرینی
 ندیمک دیوانی ، و بونده محرر منظوماتک موضوعلری قدر بزه
 کوسترن هیچ برشی یوقدر. برپا طرونه خلیل ملعونی ، براسپیری زاده
 خانی و برغلطه ده قاضیسی دلی ابراهیم اولمه مش اولسهیدی ، واونک
 کاغذخانه ده انشا ایتدیرمش اولدینی مبانئ صنعتکارانه بوکون موجود
 بولنسهیدی او دوری بوکون دها ایی کلامیه جقمی ایدک ؟ . تاریخ
 راشدک آلتی جلدینی اوقوییکز ، ندیمک الک عادی بر منظومه سی قدر
 سزه اوزمانی کوستره من ، اکلاته ماز .

بومثاللری تزید ایتمک ، آثار صنعتک وقایع و حادثات ماضیه بی ،
 مختلف ازمنه نک مختلف سیالرینی ، عادتلرینی ، طرز تلبسلرینی ، طرز
 تفکرلرینی کوستردیکنی ایری ایری ابراز ایتمک ممکندر . حتی
 اودرجهیه قدر ، که دینی ، اجتماعی آثار صنعت کبی اعتقادات
 و روحیاتی آثار صنعت کبی هیچ برشی بزه کوستره من. مثلاً قاتولیک دیننک
 تکاملاتی الک اسکی آئاردن الک یکیلرینه قدر تعقیب ایتمکه اوکره نیرز.

اثر هیجان آوردد ؛ بوکا اهمیت ویرمیدکجه اگ قیمتدار ، اگ اساسی
قسم غیبایدلمش اولور ؛ اسکی زمانلرک اگ اینجه ، اگ زنده تحسسانی
بو نقطهده مندمجدر ؛ اصل رایحه اعصار بوتون حیات و قوتیه بو
هیجانک داخلندهدر .

بونک ایچوندرد ، که تاریخ نامنه ، صنعت نامنه بوفکره ، بوزهابه ،
بواصوله قارشو عصیان ایله تصحیح ایتمک زمانی کلشدر . اکر بوخطاده
دوام ایدیهلک اولورسه آثار کزیده صنعتک قیمتلرینی تمامیه تقدیر
ایتمک ممکن اوله ماز ، آثار صنعتک ، احترام ایله ، عشق ایله سیر
وتماشا ایتمه سنی بیلنلره ، تاریخ ومعلومات اعتباریه نلر ، نه متخالف ،
نه متنوع وثائق وبراهین تودیع ایتدکلرینی شو صحیفه لرده تدقیق
ایده جکزر . بونک ایچوندرد که صنعتی منحصر آ کویسترن ، واونکله هیچ
برشینک رقابت ایدمیه چکی برحاله وضع ایله یین برنقطه نظری تعقیب
ایله یه جکزر .

۲

موضوع اعتباریه آثار صنعتیه معلومات ماضیه . — برشی اظهار
ایتمه یین ، یعنی بر موضوعه مالک اولمایان هیچ بر اثر صنعت موجود
دکلدر . موسیقی بر حکایه روحیه ، رسم ، هیکل تراشی اشکال وخطوطک
خیالاتی ، ادبیات تحلیلالات حیاتیه وروحیه نک نغماتیدر .

بناء علیه تولد ایتدکلری زمانک برر محصولی اولمسنه نظر آ حیات
ماضیه طائد بزه برر قیمتدار مشعره اولورلر . برچوق آثار صنعتیه
بز ازمنه قدیمه نک ضیافتلرنده ، محاربه لرنده بولوروز . خلق سفیلک
صنف متوسطک ، کبارلرک حیات خصوصیه لرینه داخل اولورز ،
سرایلرک محتشم مراسمنی کوریرز ، حیات عمومیه مک جولان

صنعت و تاریخ

صنعت اوزرنده تدقیقات تاریخیه ده خطا . — موضوع اعتبارله آثار صنعتده معلومات ماضیه . — شخصیت صنعتکار اعتبارله معلومات ماضیه . — آثار صنعت اوزرنده زمانك تأثیرانی . — صنعتك حیات طبیعی بی . حیات اجتماعی بی ، روح بشری اظهار والهای .

۱

صنعت اوزرنده تدقیقات تاریخیه خطا . — هر اثر صنعت ، یالکز اظهار وافاده ایتدیگله ، جهت ذکائییه وفکریه سیمیه دکل ، حامل اولدینی حسن بدیعی ، هیجان بدیعی ، وبونك قاره ، تماش کر ، سامع اوزرنده حصه له کتیردکی تهیج ذوقی اعتباریله ده معنا ایله مشحون ، معلومات ایله مالا مالدره ایشه آثار صنعتی ماضیدن منقول صارارمش کاغذر ، واشیا کبی عد ایدن مورخلر بونقطه دن غافل کیدرلر ، یالکز اونلرک اوزرنده موجود ماضیك حیات عادیه سنه عائد ایزلری تحری ایله اکتفا ایلورلر ، اساس و روحه نفوذ ایتیه ورلر . اك كوچك ، اك بی معنا بر موضوعی ، یاخود ماضیه مخصوص بر اظهار وافاده بی نظر اعتباره آلورلرده آثار صنعتك حامل اولدینی سحر و جاذبه ، فسون و حسنه عطف نظر ایتدکدن چکینورلر . اونوتیورلر که آثار صنعت هرشیدن ازل برر اثر حسن ، بناء علیه برر

زیاده هیجان آور بر جاذبه موجود در . زیرا کوندن کونه بشریتک
 اک زیاده طلبکار ، اک زیاده زنده بر قسمی حالته کیرن ذکای بشر
 سکون بولمقدن زیاده تهیجه میالدر . اکلامه نك ، ادراکک ذوقی
 دوشونمه نك ذوقیدر ، بوايسه معلوماتک بر حدودی اولدیغنی ، نامتاهینک
 بولندیغنی ادراک ایله دهازیاده حلاوت ولطافت کسب ایدر .



اولماش اولسه‌یدی بو آهنگ عمومینک - که برعدم انتظام مطلقدن متولددر - معناسنی آکلامه‌یه ، بیلمه‌یه مقتدر اوله‌مایه‌جق ایدک . شاعر ، بونلره برصوت بشری علاوه ایدر .

شعرك تكاملاتنده مختلف دوره‌لر موجوددر . ابتدا او فلسفه و علم ایله ممزوج بولنیوردی . لسان و یازینک ایکی‌یه انقساعی ، ترقیات و تکاملاتی آثار صنعتك تولیدی بجننده اساساً بونی کورمشدک . بعده بو آیرلدی . آکلاشدی که شاعرلر برر حساس مخلوقدر ، عالم‌لر ایسه افکار مجردینی یا قالا‌یه‌بیلیر برر موجوددر . بلکه آرز چوق یقین بر استقبالده - بوتون آتیلر قریبدر . - بلکه بونلر تکرار برلشه‌بیلیرلر . شاعر حس مبدعه مالک طوغمشدر ، شاعر شمدی‌یه‌قدر مبدع خیالات اولمق اوزره یاشامشدر ، ودائماً او‌یله اوله‌جقدر . فقط او یاواش یاواش مبدع افکار ، و بونلر واسطه‌سیله ده مبدع تحسینات‌ده اوله‌جقدر .

ویرزیه بر کون « یورولمه‌ین نه‌وارددر ؟ » دییه صورمشلر ، اوده جواباً « مرشی یورولیر ، یالکز آکلامق ، ادراک ایتک یورولماز . » جوابنده بولنمشدر . ایشته فن و صنعت بزه بو ذوقی تأمین ایدیور . آکلامق ، نفوذ ایتک ، هیچ اولمازسه اکلاشیله‌ماز ، نفوک ایدیه‌مزك عمقنی نظرلرله مساحه ایده‌بیلیمک بزم شعرده بوله‌بیله‌جکمز اك بیوک ذوق بودر . بوده بعضاً فنی ، بعضاً‌ده فلسفی اوله‌بیلیر . علم وقتك هیئت مجموعه‌سی رؤیت وخیله‌یه وسعت ویرر . ده‌ها صکره فلسفه‌نك بزه اظهار وارانیه ایتدیکی سلسلهٔ مجهولات عظیمه‌ده بر جاذبهٔ مخصوصه وارددر . حتی بونلری حل ایدله‌مش ، غیرمعین بر حالده بر اقمده ده‌ها

(حدس = Intuition) آله بیلسون . شاعر بر متفکر اوله بیلیر ، فقط بر مکتب معلمی اوله ماز . اوالهام واحساس اتمیه مجبوردر تعلیم وتدریسه . دکل ... خلاصه ، علم وفن ، الهام صنعته وسیله اوله بیلیمک ایچون فکر مجرد ساحه سندن چیقملی ، تحسّسات وتخیلات ساحه سنه کیرملیدر . اکر علم وفنک عمومی فکرلری اوزرینه برشیلر یازمق آرزوسی اظهار اولنورسه اونک حصوله کتیردیکی هیجانات نظر اعتباره آلملی ، اوکا کوره یازملیدر . آنجق بوصورته علم وفن شاعرانه ، موسیقی آمیزانه اوله بیلیر . آلمان بدایع متخصصلرینک سویله دکلری کبی شعر ایله موسیقی آرمسده ، آز چوق ، مناسبات واردر ، بونلردن بری شعر اصواتدر . بناء علیه کیتدکجه خبردار وقاریشیق برشکلده بوتون کائناتی کندی نغمات واصواتی آرمسده ادخال ایتک ایسته یور . اشیانک بواهترزاتی تفریق ایدمک اولورسه ق صوت بشر بونی افادهیه مقتدر اوله ماز . برکون شعرده بویله اوله جقدر . کائناتک آهنگنی تأمینی دوشونن علم وفندن ملهم اوله رق دهاواسع ، دها کنیش بر آهنگ آرایه جقدر . بز نهایت درجه ده رقیق برقولاغه مالک ایسه ک ظاهر آسا کن وساکت بر اورمانک ایچنده هوامک یوروملرندن مولد کورولتولری ، اولرک اهترزاتی ، یابراقلرک رعشه لرینی ، ضیالرک ارتعاشاتی ، بویوک آغاچلرک ذروه لرینه چیقوب اینن نسفک شماتتی ، خلاصه هر شسیده موجود حیاتک اختلاجاتی نسغ عمومینک تصاعد وسقوطنی حس ایدر ، طویارز . ایشته بونلری هنوز قابا ، وصاغر قولاقلر مزه ایصال ایدن علم وفن ، فلسفه در ؛ بز اولرک سایه سنده دنیایه یایلمش اولان ثروت واحتشامی کوره بیلورز ، اکر اولر

وعلمی ايله حال حاضرده تصدیق ایدیلن حقیقتك فوقه چیقان
 عمق اشیایه ابدی مسائل وضع ایدن فکر فلسفی اکتساب ایده بیلمه سیدر.
 ایشته بو بزی دیگر بر افراطك محاذیرندن بحث ایتمه سوق
 ایده جکدر . برچوق کیمسه لر آثار ادبیه لرینه فنی برطور ، فی ،
 بارد بر اسلوب ادخال صـورتیه حقیقه تقرب ایتدکلرینه ،
 بوصورتله شعری یوکسکلره چیقاردقلرینه قانعدرلر . حالبوکه بو حقیقی
 بر شعر ايله ناقابل تألیفدر . سولنی پرووم کبی جداً ممتاز شاعرلره قارشو
 ایديله جك اعتراض بعضاً بویه معاسزلقلره شتاب ايله ملریدر . بر حکمت
 درسی ، یاخود بر فلسفه درسی هیچ بر زمان وزن داخلنده . خیالات
 وحسیات ايله ممزوج اوکرتیه مز . بونلر لسان عادی ، لسان عمومی
 ايله افاده ایديله مزکن ، کندیلرینه مخصوص برر لسانلری وار ایکن
 نصل اولورده لسان شعر ايله افاده اولنور . شبهه سز علم وفلسفه طرفندن
 فتح واستیلا اولنان هر ساحه یه ، هر مالکاهیه شعرده داخل
 اوله بیلور ؛ اوده اورادن کندیسنه بر حصه چیقاره بیلور ، فقط
 بوده بر نسبت داخلنده ؛ کویا شعر داخلنه کندی احتیاجندن ، کندی
 شخصیتندن ماعدا بر شیئك ادخال ده کوزلاکنی تأمین ایدر مشظننده
 بولنان بعض ذواتك هر یکی بر کشف فنی ، یاخود بر فیلسوفی سلسله
 تفکراتی ، منطقی وزن داخلنه ادخال ايله ملری ایشته بونستی
 دوشونه مدکلری ایچوندر . بر شاعرك وظیفه سنه مترجم ، مقتطف
 اولمق قدر مضر ، مخالف برشی یوقدر حقایق علمیه و فیه شعره
 کیره بیلمك ایچون بر شرط اساسی به محتاجدرلر : شاعر وقارئین ایچون
 اوقدر مونس اولمیدر که بالنتیجه بر شکل تحسککار و حدسکار

شخصيتى حامل اوله رق تظاهر و تجلى ايلر و بو شخصيتدر كه اثره بر قيمت مخصوصه ، بر قيمت اساسيه ويرر . ناتوراليستلر نه ديرلر سه ديسونلر ، بو بويله در .

شعرده شبهه سز علم و فن كې حيات خارجيه و ارضيه يي اظهار و انعكاس ايتدير مك وظيفه سنى حاملدر ؛ فقط عيى زمانده روح بشرى ، هيچ اولماز سه روح صنعتكارى ده ارانه يه مجبور در . بناء عليه صنعت صاف ، ساده تحسسانى ، اشيا نك الوان ، اصوات ، و موجوديت سطحيه سنى اشمار وظيفه سيله اكتفا ايده مز . كيتد كجه غايه اولمق اوزره حقيقى تعقيب ايدييور سه بو حقيقت ظاهريه و عادييه دكلدر ، حياتى استحصال و ارانه يه كيتد كجه شتاب ايدييور سه بومادى حياتك اظهار و ارانه سى ديمك دكلدر . صنعت ، طبعى اوله بيلمك ايجون طبيعت كې حركت ايتمليدر . طبيعت ابتدا بزه تنفسمزي ، حياتمزي تأمين ايدييور . فقط او نقطه ده قالمايور ؛ بونلرى متعاقب دوشونديريورده ...

شو مطالعاتدن شونى استخراج ايده بيليرز كه شعرينه خلل طارى اولمق سز ين اثر صنعت ظن ايدلديكندن فضله اوله رق فلسفى ، فنى اوله بياير . فقط بويله اولور ديمك اونك طبيعيات ، فلسفيات كې حركت ايتمه سى ، برطاقم تصنيفات ايله اشتغال ايله مسى ديمك دكلدر . زيرا اك موسس ، اك زياده تطابقكار بر طوغريلق مخليه نك ، فكر ك اك كوچوك ، اك عادى بر صولته بيله مقابل كله مز . حكمت بدايع علماسندن روسككن « چولك سربانى قوملرندن دها كوزلدر . » سوزلر نى سويله مشدر . فقط محتمل اولان برشى واردر كه اوده شاعرك ، يا خود صنعتكار ك حقيقى اولدينى كې كوسترن بر فكر فنى

برنجی درجه شاعریته بونلری اصعاد ایتک ممکنمش. بوکا بناء مادامکه تفکر شاعریته خصوصنده اساسدر. اوحالده فیلسوف ایله شاعر آره سنده فرق یوق دیمکدر.

ذیروح موجوداتک اک شایان ذکر اولانلری هان همان عینی صورتله حس ایدرلر. اولنرک تحسستای آره سنده کی آز چوق فرق آنجق ذکارنده کی آز چوق وسعتدن ایلری کلیر. بونلرک بعضیلرنده کی ذکا خام بر ماده نی یاقالایه بیلیور. بعضیلرنده کی ایسه اونده بر کائنات خفیه بولیور. مثلاً بوغاز ایچندن بر چوق بار کیرلر کچرلر، ایکی ساحلده کی یشیلکلری اولنرک کوزلری ده کوریر، اولنرده ده بو موقع دلربا بر تحسس اویندیرر، حالبوکه اورادن کچن بر شاعرک عینی مناظری کورمسنده نه درین بر فرق موجوددر. بونلردن برینک دماغنده بو مناظر وتصاویر هیچ بر ایز بر اتمق سزین کچوب کیده جک، عادتاً مرده زاد بر شکلده قاله جقدر. حالبوکه دیکرینک دماغنده لایعد ولایحی اهتزازات حصوله کتیره جک وبونلر بالنتیجه، هر نوع وبر چوق احتساسات و افکاره منقلب اوله جق، بالنتیجه اساسی تعدیل ایله یه جک صورتده اونکله امتزاج ایده جکدر. ایشته بونی، دروننده انسانی بر شینک مرور ایتدیکی بو اساسی شاعر یاخود رسام، خلاصه صنعتکار یاقالامیه، صوکره صنعتک موادیه مزج ایده رک اظهار وارانیه مجبوردر.

فی الحقیقه حقیق بر طبیعی آغاجلریله، مخلوقاتیه، هر شئیله گوستره جکدر. لکن بونلرک بر مزاج بشری آرقه سندن کورولسی لازم و ضروریدر. دماغندن کچن بوتون بو مناظر طبیعیه اولنک

عینی زمانده اك رقيق تحسسات و تخیلات آره سنده بوتون كائناتی محیط بر فکر فلسفی ، بر فکر اخلاقی موجوددر .

مع مافیه ادبیات وصنعتك علم وفنه ، اجتماعیهاته عائد مباحثی ده اخذ ایتمه سی مطالعه سنی صرف ایدنلردن ، عصر اخیرده پك زیاده بولندیغی ایچون صنعت ایله علم وفنك ، فلسفه نك حدودینك زرده بیتدیكنی ، زرده باشلادیغی تعیین ایتك مجبوریتی تولد ایدیور .

بونك اك زیاده طرفدارلرندن برنجیسی ناتورالیستلردر ، بونلر علم و فن كبی حقیقتی تحری ادعاسنده بولئورلر ، مخیله نك اویونلریله اوینامقدنسه بونك دهها زیاده نافع اوله بیله جكنی ذكر واتیان ایدیورلر ، خام حقیقت ایچنده دهها زیاده حسن اوله جغنی سویله یورلر . اونلرك اكثریسی شعر یاپان مخیله دن ، حتی حسن اخلاقیدن واز كچیلمه سنی توصیه ایدیورلر . بوكون تحسسات حقیقه ادعاسیله قارشو قارشویه بولئورلر . فقط بونك ممتاز اوله سی لزومنی ده علاوه ایله یورلر . بویوك بر صنعتکاری كوسترن حادثات واشیا قارشوسنده بر حسن ممتازه مالكیتدر . ممتازیت ادراك ایسه حسیاتدن زیاده ذكاده در .

حقیقی صنعتکاری وجوده كترین متفكردر . موسیو روسكن شاعرلری ایکی یه تقسیم ایتككه پك طوغری كورمشدر : بعضیلری پك شدید حسن ایدرلر ، چوق ضعیف دوشونیرلر مشكه بونلر حقیقتی رؤیتده پك نا تمام برقابلیته مالكمشلر .

دیكرلرینه كلنجه شدله حسن ایتدكلری كبی شدله دوشونه بیلیرلر مش : بونلر حقیقتی تام و طوغری اوله زق كوریرلر مشكه

اونلری منفعل بر طرزده انعكاس ايتديرمك دكلدر . اونی ، بر مقصد معینه ، مؤثرک شخصیت ممتازه سینه کوره تنظیم وترتیب ایله مک در .

برشیک موده لیلله اونک اثر صنعت اوزرنده کی مرتسماتی بربری اوزرینه تطبیق ایده جک اولورسهق اونلرک بربرندن بعض جهتلرده آری آری شیر اولدیغنی کوریرز . اگر اونلر بربرینه تمامیه مطابق اولسهیدی اثر صنعت موجود اوله مازدی . دیگر جهندن اونلر تمامیه بربرینک آری غیری شیر اولسهیدی ینه اثر صنعت تشکل ایده مازدی . هرایکی تصویرک نقاط اساسیه اعتباریه موافقتی ، فقط صنعتکارک ارتساماتنک یکی بر ضیا ایله تنوری ، باشقه جهتلره تمایلی لازمدر .

ایشته شورایه قدر ویریلن ایضاحات ایده آلیم ایله ره آلزمنیک نه اولدیغنی کوستریور ، آکلاتیور . اثر صنعت ده حقیقت تامه اوله مایور ، حقیقه تقرب ضرورتی بولنیور .

۷

ادیاتک ، صنعتک علوم ساره ایده مناسبتی . — صنعت صوکه زمانلرده علم وفنک کشف ایتدیکی شیردن ، عمق افکاری باشدن باشه تجدید ایدن فلسفی ، اخلاقی ، مافوق الطبیعیاته عائد نظریاتدن اخذ الهام ایدیور . اساساً فکر فلسفه ایله فکر شعرینک امتزاجنه اوج درت عصر اولکی آثارده بیله تصادف ایدیلیر ، روحی بغدادینک ترجیع بندنده خیالات وحسیاتک ، طرز تبلیغ وافاده تنک بر بوی فلسفه ایله ممزوج اولدیغنی کورولیر . عبدالحق حامد بکده ایسه الک یوکسک ،

یاشایان اشخاصك صاغلام و طوغری بر تقدیری یوقدر. اولر ، صنعتكارلر حقیقی شیلردن ملهم اولسهر بيله آز چوق اوئی تبدیل و تغییر ایدرلر ، اوکا بر طاقم خطوط افاده کار و معیندار علاوه ایلرلر. دهای صنعتکارانه دائماً طبیعی اکمال ، اوکا انکشاف مخصوص و نوین ضم ایدر. و بو انکشاف دائماً بر سلسله منطقیه یی تعقیب ایدرک وقوع بولور ؛ زیرا ذکای بشر ادراکی ، خبردار بر ماهیته بولندیغی ، طبیعت کبی لاقید ، بی خبر بولنمادیغی جهتهلر دها زیاده اشخاصه عائد احوالک ، اوضاع و حرکاتک بر وحدت منطقیه داخلنده بولندیغی کورولیر ، بونک ایچوندیر، که بعض اختیار یی مبالغه لردن صرف نظر اولندیغی تقدیرده هاملت « بوکون فاجعه کارانه تیلرک اک زیاده معین بر مزاجه مالک اولانیدر. فقط نظرک اساس و مرکزی «أنا» یعنی انسانک حالات روحیه سنک تسلسلی اولدیغی و «انانیت» بر طرز مخصوص ایله خیالات و افکارک هیئت مجموعه سندن عبارت بولندیغی جهتهلر برشی کورمک دیمک بونک خیالی بر سلسله مخصوصه یه ربط ایتمک ، بر کرد باد افکار و خیال ایله احاطه ایله مک دیمکدر. صنعتکارک شخصیتندن باشقه برشی اولمایان بو کرد باد درونی ایسه کافی درجه ده نافذ ، واسع ، نوار اولور .

بالعکس عادی بر روح ایسه کنديسیله برابر عادی بر کوزه ، عادی بر صنعت مالک اولور . هر شاهد مشاهده ایتدیکی کائناتدن کنديسنده برشی طاشیر . و هر ماده تطابق ایتدیکی فکرک ثروت و وسعت کوره بر موقع متخالفه مالک بولنور اک نظر فریب ظاهر یاتک مسکین بر وضعیتی اولور ، اک مسکینی ده اک یوکسک اولور. انسانیتی، ویا کائناتی بدیی صورتده کوسترمک تصادف تحسسانه تابع بر صورتده

بالتیجہ تمامیلہ غیر متبدلدر ، او جذب ایدہ جک ، جالب نظر دقت اولہ جق هیچ بر شیئہ مالک دکلدر ؛ بو بر ضرورتدر ، اوندن باشقہ برشی دکلدر . پک زیادہ طایندینی ایچون کورولمہ یەدہ شایان اولہ ماز . اکر سز بو ایکنجی قسمہ عائد موادی تقریر وارانہ یہ قالقارسہ کز امین اولیکز یکنسقی حیاتی کوسترمش بولنورسکیز . بونکله بزجہ حائز اهمیت اولمایان بر زحمتہ قاتلانمشسکیز دیمکدر . سز دائماً یکی ، دائماً متبدل اولان قسمی اظهار وارانہ ایلرسہ کز تأمین هیچانانہ موفق اولورسکیز . اشیا آنجق افادہ ایتدیکی معنای جدید ، معنای متبدل ایلہ برقیمتہ مالک بولنور . اونلر سزک ایچون بر افادہ یی حائز اولورلر ، یاخود سزی دوشوندرلر ، سزہ بر شیلر احساس ایلرلرسہ اوزمان ذکر ایدیکزکہ قارہ ، سامع ، تماشاکردہ متأثر اولہ بیلسون .

اگر بوتلقین ، احساس ایتک ایچون دکلده ، اساساً بیلنہ نی ، اساساً کوریلہ نی تکرار ایتمکدن عبارتسہ سکوت ایتک سویلہ مکدن افضلدر . زیرا حقیقت ہر زمان سویلہ نمکہ ، ایشیدلمکہ ، اظهار وارانہ اولنمہ لایق دکلدر . فی الحقیقہ صنعتکارک اک بویوک وظیفہ سی کورمکدر ؛ فقط یالکیز بو دکلدر . کوزلر برر سؤالکاردر . اونلر ہر شیئہ سن نہ سک ، نہ دن کلدک ، نہ یہ کیدیورسک کبی سؤاللر ایراد ایدہ بیلر . اک یوکسک شی روح اشیایی یا قالا یہ بیللمکدہ ، اونی اظهار و افادہ یعنی شخصی اشیایہ ، ہیئت عمومیہ ازمان آرہ سندنہ ثانیہ یہ ربط ایدہ نی بولہ بیللمکدہ در . او حالہ صنعتکار اولق دیمک کندی نقطہ نظرندن کورمک دیمکدر . بالتیجہ درونی ، ممتاز بر نقطہ نظرہ مالکیت کیف ما اتفق بر شخص کبی کورمہ مکدر . آثار صنعتدہ نظر اوکنده

بر حقیقتی افاده طرفداریدر - موسه ایله تمامیه عکسنه اوله رق بیان مطالعه ایدیور .

مسئله ادبیاتی تجسیم ایتدیکی رومان قهرمانلرندن بری بر یاز کونی « آرقه سی یرده ، اللری چایرلر اوزرینه اوزانمش ، یره کیرمک ایستر کبی » یاتمش ، اولدیغی حالده شو سوزلری سویله یور : « آه ، خیرکار طوپراق ! سن که والدۀ مشترک سئک ، یکانه منبع حیاتسئک بنی سینه که آل ! . » طوپراغئک سینه سئنه کیرمک ، حالبوکه اوتۀ کیلر سمایه چیقماق ایسته یورلردی . ایشته بو حیاتئک ، صنعتئک ایکی مختلف ادراکیدر . حال حاضرده کی طبیعیون طوپراقدن ، یعنی حیاتدن ، ارضدن باشقه بر شی کورمک ایسته میورلر . فی الحقیقه صنعتکار دیمک طبیعتک مشاهدی دیمکدر ، شهادتک ایسه باشلیجه زینتی حقیقتدر . یالکز صنعتکار حادثۀ مادیه یی کوستره مز ، کوردیکی کوردیکی کبی نقل ایده مز ، اسباب مختلفه و متسلسله یی مجرد بر طاقم حکملرله کشف ، هیچ اولمازسه حس ایتدیرمک وظیفه سیله مکلفدر . بزه وضع ایتدیکی کلمه نئک ، اظهار ایلدیکی موضوعک بر شیدن زیاده شیلرینی احساسه موفق اولورسه صنعتکار اوقدر بویوک صنعتکار اولور . حیات حقیقه ده بر قسم شاعرانه ، برده قسم میخانیکی موجوددر ؛ بو صوکنجی یه بز نظرلر مزی بیله دوندیرمه یز . هر شی هر فعل ایکی جهت عرض ایدر . بونلردن بری متحرک ، متبدل ، اونی محیط اولان ضیا آلتنده دایما یکیدر ، بو انسانه حیات ویرر . بو اشیانئک افاده سی ، شعریدر ، وبوتون فائده بونده مندمجدر ، بزجه حائز اهمیت اولان ده بودر . ایکنجی یه کلنجه اوتامایله میخانیکیدر ،

خصوصی شکله ، تصویرده دکل ، او بوتون اشیانک نساویر واشکالی آره سنده کی مناسباتده در . تفصیل و تفرع آدن برینک تغییری ، تبدیلی هپسنگ تغیر و تبدیلی موجب اولور . حسن ساده بر شی دکلدر ، اوساده لشدیرلمش برمشوشیتدر . مختلف افکار و خیالاتک عمیق و مونس تعبیر اتیله محاط منور برقاج دستورک ایچنه صیقشدیرلمشدر . قیلاسیق صنعتکارلرک حسنی کوچک ، فقیر بر قسم افکار و خیالات و خطوطک سرتلکی ، تناظر مبالغه کارانه در ، بونلری طبیعتک بوتون انخارلینک ، مائلیتلرینک آره سنه وضع ایتملری غایه خیالی آرامه نک خطیئاتندن بشقه بر شی دکلدر .

« غایه خیال ، کندیسنه نامتناهی بر صورتده متفوق بر حیاته مالک حقیقتک فوقه کندیخی وضعی دوشونمه ملیدر . » دنیلمشدر . صنعتکار ، رومانچی بو سوزلری نظردن دور طوتماملیدرلر . غایه خیال ، صنعتده ، حقیقته قریب اولدیغی تقدیرده کوزلدر ، ممکناتک خارجنده غایه خیال اوله ماز . آمیهل دیورکه « غایه خیال انسانلره خایر دییه خطاب ایدن برسسدر . — خایر ، سن تمامیه کیرمه دک ، مکمل دکلسک ، تکاملاتنک صوک نقطه سنده بولنه یورسک . دیر . فقط حقیقتده غایه خیاله شو صورتله خطاب ایده بیلیر . : — خایر ، بن سنی طانیام . سن بکا یابانچیسک ، سن کاذبسک .

بناءً علیه خیال ایله حقیقت بر بریله ممتازج اولملی ، هرایکسیده بر برینی انکار ایتمه ملیدر . موسه بر منظومه سنک بر مصراعنده کندمزه رغماً ، سمایه نظر لر مزی دوندیرملی یز . « دیمشدر . بو خیالی صنعتکارانک بر دستوری اوله بیلیر . موسیو زولایه کلنجه — که بو

موجود در . فقط هپسی ده ذی حیات کیدر . بزم حیات اجتماعیه مزك
انعكاسندن باشقه بر شی اولمایان بوقه صنعتك آلتنده حیواناتك ده ،
ملكلكرده بنا داخلنده معین برر موقعلری واردر . اورادن کچن
زائرلك اونلردن ایسته دکلری ، بو مرمر وجودلری تنویر ایدن
كونشك آلتنده ، یا شار کبی کورونمه لیدر .

كرك حقیقون، كرك خیالیون طرفندن آثار ادبیه ده کوستریلن
تیلرك هر بری فکر حیاتی القا ایله منری نسبتنده ، آری آری
کوزلدلر؛ حیات عادیه حیات نباتیه دن، حیات حیوانیه حیات عالییه دن،
حیات اخلاقیه و دماغیه دن ده آز کوزل اولمیدی ، بر دفعه ده
سویله یلم ، بزجه حائر اهمیت اولان ، حیاتدر . غایه خیالینك مرده
بر تصویرینی ، یا خود خطوط مجردینی کوسترمه دنسه ، طبیعتده
جانورلكك اوصاف ثابت سنك معدومیتنه رغماً ، زنده ، حیاتی
کبی اولان بر جانوری اظهار واره ایتك ده ایدر . زیاده سیله
متعصب بر مادیت صنعتده بر ضعف در . عینی صورتله مبهم ،
اسرارانکیز مخیلیت ده بوضعندن برباد برشیدر . بویاری یولده توقف ،
بر معاسزلق ، نقطه استقامتی شاشیرمق ، حسنه قارشو حقیقی بر
خیانتدر .

هر صنعت ، استحصال صورتیه اکمال ایتك دیمك در . بوکا
طوغری صرف غیرت و مساعی ایدر . صنعت ابتدائیه حقیقی
کوزلشدیرمك ایسته یور ، اکثریا اونی کاذب بر شکل و حاله وضع
ایدیوردی . صوك عصرک صنعتی ایسه اونی تعمیق ایتمکدن باشقه
برشی دوشونمه یور . حالبوکه طبیعتده کی حسن بدیعی شو ویا بو

اوغرا تديغدن طولايي کيمسه سرزنشده بولنه ماز . نصل ، که بردن زياده دين ، اخلاق ، سياست ، اخلاق وارايسه اويله جه بردن زياده حکمت بدايع موجوددر . غايه خيال ، ممکنات بيکلرجه شکلري بولنان رؤيالرک منبعيدر .

اخلاقک اولديغی کي ادبياتکده ايکي شکل اساسی سي ایده آلیم ايله ره آلیمیدر . بو ايکي اصول روح بشرک مختلف تمايلاتنه جواب ويره بيله جک بر ماهيتهدر . موسيو زولا کي حقيقتی افاده يي غايه صنعت اتخاذ ایدن بر محررله غايه اخلاقی ايله اثرلرينی سوسله ين دومافيسک اثرلرندن آری آری ذوقياب اولانلر بولنديغی کي هر ايکيسندن ده بردن محظوظ اولانلر موجوددر . نفعينک ظنيندار آهنکی ، معدنی کلماتی بعض کيمسه لری فوق العاده غشی ايتديکی حالده بعضيلرينی ده نديمک شوخقلری ، چاپقيلقلری وجد واستغراقه کتيرير . خالد ضيانک پرشعر ، برغايه اخلاقی ايله سوسلی مائی وسياهنک قارشوسنده نابی زاده ناظمک زهراسی قيمتدن ذره قدر غيب ايتمش اولماز .

فلسفده اولديغی کي ادبياتدهده مجرد اوله رق آلدقلى تقديرده نره آلیم ، نهده ایده آلیمى طوغريددر . اونلرک هر بری حیات بشريه نك بر نقطه سنی ايضاح ايدرلر . بولردن برينه عائد آثاری منحصر آ بر شخص بشرينک ترجيح ايتمک حق صلاحیتی واردر ، کيمسه اونى بوتمايلندن طولايي محکوم ومعاتب طوته ماز .

« ميلان » قاته درالنده اون بر بيک هيکل موجوددر ، که بولنرک ايچنده بر طاقم ملکلرک تصاويری اولديغی کي بر طاقم حيواناتده

کفایت ایده مه یور، بر فکر مخصوصمزی، بر حس مخصوصمزی ارائه
ایله به بیمک ایچون اقسام و تفرعات آرسنده کی ارتباطات و مناسبات
متقابله بی ده تغیر ایتدی کمزی کوردک ایشته صنعت بونکله شخصی،
بدیعی برحاله کیرمش اولیور. اگر یالکنز مناسباتی، تناسبی،
تناظری محافظه ایتک اولسهیدی ذکائی اولمقله برابر ریاضی برکفیت
قالیردی. حالبوکه متعدد دفعه لر کوستردی کمز وجهله بر اثرده
صنعتکارینک شخصیتی انعکاس ایتزسه او اثر، اثر صنعت تلقی
ایدیله مز. دائما بز اثر ایله کندمز آرسنده اوچنچی بر شخصیتک
موجودیتی آراز. زیرا تقدیره و پرستش ایده جکمز بزه بکزر برینک
اثر صنعتده بولنماسی بزه بر ذوق تأمین ایده مز.

۶

ایده آلیزم، ره آلیزم، شخصیت. — جمعیتک تبدلات و تغیراتندن
متأثر بر طاقم قواعد اخلاقیده اولدیغی کی حکمت بدایعه دخی
بر طاقم نظریات متبدله موجوددر. حیاتهده هیچ بر اعتقاد یوقدرکه
اوکا حیاتک برادرک مخصوصی توافق ایتمه مش بولنسون وینه هیچ برادرک
مخصوص حیاتی یوقدرکه اوکا بر شکل صنعت تطابق ایده مه مش بولنسون.
بونک ایچونا کثریا حکمت بدایع اخلاقی، اجتماعی، دینی اعتقاداتک
تحت تأثیرنده قالیر. اعتقادات ایسه، اکثریا، امیدک اشکال متعدده سندن
عبارتدرکه حیات اجتماعی و شخصیه نک اصلاح و تکاملنی دوشونیر،
باشقه ودها عالی بر حیاتهده رفاه و سعادت لر تخیل ایدر. ایده بو اشکال
متعدده به مالکیتندن، کندیس-یله اشکال صنعتی تغیره، تحوله

و مناسباتی همان بر بردن تفریق ایدر . بو خاصه ایله او روح اشیایه نفوذ ایله دیگر انسانلردن دهها زیاده نافذ نظر کورونیر . و بوتحسسات او قدر شدید ، او قدر شخصیدر که حال سکونده قاله ماز . عکس تأثیر ایله بوتون میخانیکیت تفکریه و عصبیه اهتزازه کلیر . غیر اختیاری اوله رق انسان حسیات دروینسی افاده ایدر ؛ وجودی حرکتده بولنیر ، اوضاع و حرکاتی تقلیدی بر شکل آلیر ، ادراک ایتدیکی وجهله ماده بی خارجاً اظهار و افاده حسنه مغلوب اولور . سس مقلد اهتزازلر آلتنده قالیر ، سوز رنگین بر حال کسب ایدر ، ناشنیده طرز لرك ، مجازی بر اسلوبك تأثیری آلتنده بولونیر . کوریلپور که برنجی تأثر نافذك تحتند دماغ حرکت کله رك تکرار دوشونمش ، بعضاً تنویر ، بعضاً توسیع ، بعضاًده باشقه بر نقطه یه ایصال ایچون ماده بی تبدیل و تغییر ایتمش اولیور . اك سرسری قره قلملرله اك شدید قاریقاتورلرده بیلله ، بالفعل ، مزاج صنعتکارانه یه مالک اولانلرك بو غیر اختیاری تأثرات و تحسساتنك تظاهرنی کوریرسکزه . مثلاً زمانکرك اك بویوك ادباسنك ، اك بویوك صنعتکارلرینسك صمیمیتنه داخل اولکنز ، قاباطاسه لقلری ، تصورلری ، وقایع روزمره بی قید ایتدکاری دفترلری ، اسکی استادلرك سلسله مکاتیبی تدقیق ایدیکز . هر یرده عینی استعداد فطری یه تصادف ایدرسکزه . شورایه قدر سرد و بیان ایدیلن مطالعاتدن آکلاشلدیغنه کوره ایلک نظرده صنعت تقلید تام کبی کورونییورسده بالآخره بونک بویله میخانیک بر شی اولمادیغنی ، انسانی ، ذکائی بر کیفیت بولندیغنی کورییورز . اقسام و تفرعات آره سنده کی مناسبات و ارتباطات متقابله بی تعیین ایده بیلیمك صورتیله ذکائی بر شکل آلیور ، دهاصکره بزه بوده .

« فورنارینا » نامنده کی قادینک بیه اوموزلری دوشوک ، قوللرینک اوست طبقه سی ضعیف ، یوزنده معناقاتی ، محدود ایدی . اونی « فارنه زین » نامنده کی لوحه ده کوسترمشسه ده تمامیه تبدیل وتغیر ایله مشدر . وصف اساسی یی صاقلایان شیلری آتمق ، اونی توضیح و اکمال ایتک شرطیه بوکا موفق اولمشدر .

بالتیجه صنعتک وظیفه سی ممکن اولدینی قدر متحکم ، مرئی اولان ماده نك وصف اساسی سنی ، یاخود وصف ممتازینی اظهار واره ادر . بونک ایچون صنعتکار اونی صاقلایان خطوطی اخراج وطی ، اونی کوستره بیه جکلری اظهار واره ، تغیر ایدنلری اصلاح واکمال ، موجود اولمایانلری اتمام و ادخال ایدر .

شمعی برده صنعتکارلره ، اونلرک طرز تفکرلرینه ، طرز تحسسلرینه ، طرز ایجاد وابداعلرینه ، طرز استحصاللرینه باقالم . کوریرسکیزکه اونلر بو تعریفه تمامیه مطابق بر صورتده حرکت ایدرلر . بو ضروری بر خاصه در ، هیچ بر تدقیق ، هیچ بر تدریس وتدرس اونک یرینی طوته ماز . نقصان اولدینی تقدیرده صنعتکارلر عادی مقلدلردن ، عادی عمله دن تفریق اولنه مازلر . صنعتکارک اشیا قارشوسنده بر حساسیت ممتازیه مالک اولسی مقتضیدر . ماده نك بروصفی اونک اوزرنده اجرای تأییرده بولنورسه بومصادمه دن متولد حساسیت غایت شدید ، غایت صاف وممتاز اولمیدر . بونی دیگر بر صورته ده بیان ایده بیلیرز ، بر کیمسه بر استعداد مخصوص ایله طوغارسه اونک طرز ادراکی ، هیچ اولمازسه بعض مواد قارشوسنده کی طرز ادراکی غایت ظریف ونازک ، وبیدعدر . اوایاقلار یا قالاماز ، بیدار ، امین بر مهارت واستعداد ایله آانات

ياخود نيم تغدى ، سفالت ، فنا هوا ، خلاصه فقر و ضرورتى افاده .
 ايدن بوتون شيلر ، تولدى بولنان اوصاف و خصائصك انكشاف .
 تامنه مانع اولور . دين ، قانون ، انضباط ، اعتيادات ده عيني شيك .
 انكشافه ممانعت ايدن اسبابدن در . تربيه و اخلاقده بو خصوصده .
 معاونته بولنير . بناء عليه شرائط طبعيه داخلنده اولسه يديلر
 « روبنس » ايچون كوزل برر نمونه تشكيل ايده بيله جك بو عوامل
 آنجق اوكا بش ويا آلتى كشي حاضر لايه بيلمشدر . بوندن باشقه
 بو بش آلتى ده اكلنجه كونلرنده ، ذوق و صفا زمانلرنده ده ها زياده
 عادى ، ويا متوسط اشخاص آرمسند نابدید اولور لر . باخصوص
 بونلر بر رده بولنسلر بيله ذوق و نشئي كوستره جك وضعيتى ،
 اوضاع و حرکاتى ، افاده يي ، وجدى ، طرز تلبسى ، قيد و احترازدن
 آزادكى يي او آنده كوسترملرى عديم الامكاندر . بوتون بو عدم
 كفائيه بناء طبعيت صنعتى كنديسنه بر معاون اتخاذ ايتمشدر ؛ او
 وصفى تماميله اشعار ايده مديكى جهته صنعتكار اونك يرينه قائم اولور .
 بوتون على آثار صنعتده وصف اساسى كوريلير . « رافائل »
 نامنده كى مشهور رسام « غلاته » اسمنده كى لوحه يي ابداع ايدر كن
 كوزل قادينلرك ندرته بناء « كنديسنك بر فكرينه ابتنا ايتديكنى »
 بيان ايديوردى . بو ، طبعيت بشريه يي ، صفوتى ، سعادت و حظى ،
 حلم مغرور و لطيفى بر نقطه نظرده ادراك و تلقى ايدهرك لازم اولان
 موده لى بوله مامق ديمكدر . نظرگاه صنعتنه مودوع اولان كويلى نك
 اللرى بوزوقدى . فنا پاپوشلر طولاييسيله آياقلىرى شكلنر بر حاله
 كيرمشدى . كوزلى وظيفه سنك آغير ليله ياخود سفالتك تأثيريله
 وحشى بر حال كسب ايله مشدى . دنيا ده اك زياده تقدير ايتديكى

صباحلری ، زوالی ساعت بش راده لرنده خدمتچی قیزلرینک اونلری تمیزلدکلری کورولیر. منور جاملره طوغری نظرلریکزی فیرلاتکیز، برقلوبه کیریکنز، پارکه لرك لاینقطع تجدید ایدیلن قوملره اورتیلدیکنی حس ایدرسکنز. بو حیات عادیه نك تفصیل و تفرعاتنده ، روحی خوشنودیلك بو اشارات خارجیه سنده ، بورفاه و سعادتك دوامنده اقلیمه ، طوپراغه ، نباتاته ، حیواناته ، انسانلره ، آثارینه ، جمعیه ، شخصه مربوط اولمش وصف اساسینک تأثیراتی کوریرسکنز .

بولایعد ولایحصى تأثیراته بناءً نه قدر حائز اهمیت اولدیغی تفکر و ملاحظه دن مستغیدر. صنعتك وظیفه سی بونی میدانه چیقارمقدر. بویله اولسی ده طبیعتك بو خصوصده کی عدم کفایتدن نشأت ایتمکده در. زیرا طبیعتده وصف آنجق حاکمدر. صنعت اونی متحکم برحاله وضع ایده بیلور. بو وصف اشیایی ترتیب و تنظیم ایدر. فقط بو وظیفه یی بلا نقصان ایفا ایله یه مز. اونك افعالنه مانع اولان دیگر اسباب موجوددر. کافی درجه ده قوی ، مرئی برتغا ایله کندندن انشقاق ایدن مواده نفوذ ایده مه مشدر. انسان بو بوشلغی ، بونقصانی حس ایتدیکی جهتله صنعتی ایجاد و ابداع ایله مشدر .

مثلا تکرار روبنسك تابلوسنی نظر اعتباره آله م. بو متره قادیلر ، بوفریخ و فخور سرخوشلره ، بوتون بوسینه لره ، بو ابتدائی ، جثله ره ، کوکده لره مشابه بلکه زماننده برقاچ شخص موجود ایدی. طبیعت مبتله بوکی مخلوقاتی ، بوکی عادات و اعتیاداتی تولید ایتک ایسته یوردی ، فقط موفق اوله مایور، یارم بر صورتده آرزوسنی یرینه کتیریوردی . اولافقیرلك : اك ای زمانلرده ، اك ای مملکتلرده برچوق کیمسه ار مقدار کافی غذایه بیله مالک اوله مازلر. آجلق،

بهارلرله ، غازلرله مستور کبی اورتولیدر ، طبیعت ذیروحده ایسه اونلرک بومبدولیتی ، وبو تعددی آسوده سورولاری دعوت ایتمشدرکه بر چوق حیواناتک آغز طویلسی غذا بولدقلری ، سیاه . صاری ، بیاض لکهلرله بودوز ، یشیل ساحه اوزرنده اوتلادقلری کوریلیر. بوندن برچوق سود، ات بولنیور، ویرک نباتی بولنمندن سبزوات وتخمملر غایت اوجوز بر صورتده بیع ایدیله بیلیور . دنیله بیلیرکه بو دیارده صو اوتی ، اوت حیواناتی ، حیوانات سودی ، اوده پینیری ، تره یاغنی ، وجوده کتیریور ، ات ایله برابر بوتون بونلرده اورا ساکنلرینی تشکیل ایدیور. فی الحقیقه بو حیات مبذوله دن ، نمناک هوا ایله مشبوع تعضو جسمانیدن « فلاماندا » مزاج وطبیعتی ؛ مزاج لنفاوی ، اعتیادات منظمه ، دماغ و سیکر سکونی ، عقللیجه ، منطقیه حیات قبول ایتک قابلیتی، خوشنودی تام ، رفاه و سعاده تمایل ، نظافت و طهارتک تسلطی ، استراحتی تأمین ایده جک شیرلرک تکاملی کبی شیرلر تولد ایتمشدر. بونک نتایجی دهها چوقدر . شهرلرک مناظرینی تعینه قدر کیدر . بوراده طاشت مفقودیتنه بناء آنجق طوغله ، کریبیج انشا آتده استعمال اولمقده در . یاغمورلرک کثیر اولمندن طولایی چاتیلر فوق العاده انحنالی اوله رق انشا ایدلمشدر. « فلاماندا » شهرلرنده قویو قرمز متراق، اسمرین، داثما تمیز، اکثریا پارلایجی ، چاتیلری سیورلمش بنالر کورولیر . اوتده بریده مدور چاقیل ، یا عادی طاشلرک ربطندن انشا اولمش کلیسالره تصادف ایدیلیر. غایت اهتمکارانه باقیلان سوقاقلرک هر ایکی طرفده اوزانان یایاقالدرملرنده غیرقابل تعریف برتمیزلک منظور اولور. « هوللانداده » بونلر طوغله دن ، اکثریا اوته سنده بریسنده چینیدن یاییلمش ،

یا ناقله احتیاج وارد در . بوندن باشقه آیاقلری ده اونک آریجه برر کرپه تن کیسدر ، پارماقلرینک اوجنده یوریمسکه برده مشی چالا کک صاحبیدر . قالچلاری مدهشدر ، کرلدیکی زمان اونی بر اوق کبی فیرلاتیر . کیجه آوک اک ایی زمانی اولمسنه بناءً کوزلری قارا کلکدهده کوریر . فضله اوله رق بوتون خصوصیات مغنویهده اونده موجوددر ، اولابر مزاج خونین ، تازه اته احتیاج ، دیگر مواد غذائی حتمده نفرت ، ثانیاً مدافعه ویا هجوم اثناسنده برچوق قوایی بر نقطهده تکشیف ایدن بر قوه عصبیه ، بر حرارت عصبیه ، بوندن باشقه بین التوم والیقظه کچن بر حیات ، بوش زمانلرده مدهش ، مظلم بر فتور ، آودن صکره اوزون مدت اسنمه لر .

بوتون بو اوصاف ، اونک آکل اللحم اولمسندن تولد ایدیور ، اونک ایچون بز اوکا وصف اساسی نامنی ویردک . شمعی دها قاریشیق بر مثال آله لم . مثلاً فلمنکی مناظر یله ، ذراعت یله ، نباتات یله ، حیوانات یله ، مساکین یله ، شهرلریله نظر مطالعه دن کچیرم . بونک وصف اساسی بر چوق نهرلرک ایچندن کچدیکی ، آغزلرینی اوزاتدیغی طوپراغه مخصوص بر خزینه اولمقدن عبارتدر . بوندن او یله بر خصوصیت نامتاهی تولد ایدیور که اولکه نک یالکز جسمانی ، دهل مغنویده بوتون طرز حیاتی تشکیل ایدیور .

اولا ، نمناک ، مبذول صحرالر ، بوانهارک کثرتنه ، وسعتنه طوپراغک خزینه نباتیه اولمسنه بناءً ضروریدر . بو صحاری دائماً یشیللکه آلوده در . متنوع ، ساکن میاه ، لایعد ولایحی قناللرک دوز ، نمناک طوپراق اوزرنده آچامه سی دائمی بر نمناکی تأمین ایتکده در . سناسنه کلنجه اویاغمورلی ، صاغناقلره یارلمش ، خفیف

کوزلرده یاقدی، راقی شیشه لرینی، ماصه لاری یرلرده سور و کله تدریدی. بو ایکی مثال، صنعتکارک بر وصف اساسی بی، بالنتیجه بر فکر اساسی بی کوسترمک ایچون اقسام و تفرعات آره سنده کی مناسباتی تغیر ایتدیکنی تامامیله، وضوحله کوسترمشدر. بو وصف اساسی ترکیبیه علمای اسلام «جوهر اشیا» دیرلر. اوروپا فیلسوفلری ده بو ترکیبی استعمال ایله صنعتک غایه سی جوهر اشیا بی کوسترمکدر. دیمشلدردر. بز بونی ترک ایله دیرز، که صنعتک وظیفه سی ماده نک بر وصف اساسی، شایان ذکر و دقت بهض اوصافی، مهم بر نقطه نظری، بز طرز مخصوص موجودیتی اظهار و ارائه در.

بو نقطه ده صنعتک تعریفنک اک یوکسک، اک ذکاکی درجه سینه واصل اولیورز. بناء علیه مطلقا دها زیاده وضوح پیدا ایده بیلیمک ایچون بو وصف اساسی ترکیبنک نه اولدینی حقنده معلومات ویرملی یز. او حالده وصف اساسی ندر؟ وصف اساسی اوילה بر وصفدر که دیگر اوصاف، هیچ اولمازسه اکثری بوکا تبعاً، ارتباط ثابته ایله انشقاق ایدر. بوده بر آرمه، بونی مثاللره ایضاح ایده لم.

تاریخ طبیعی درس لرینک تقسیماتنده بر آرسلا نی کوسترن وصف اساسی و ممتاز اونک آکل اللحم اولمه سیدر. بر منبعدن انشقاق ایدیورمش کبی کرک جسمانی، کرک معنوی خطوطک بو وصفدن اشتقاق ایتدیکنی، آرسلانک حیاتی تدقیق ایدلدیکی زمان، کورولیر. ابتدا جسمانی بر صورتده تدقیق ایده لم: دیشلر مقراض کیدر. بیرتمق، قیرمق ایچون یاپیلیمش بر چکه کیکنه مالکدر، مادامکه آکل اللحمدر، مادامکه زنده، تازه شکارلره تعیش ایتکده در، بو ایکی مدهش کرپه تی ده استعمال ایده بیلیمک ایچون جسم عضلاته، بونک ایچونده مناسب

قیرلق اوزره بولنان بر زنجیر کبی کرمش، بربری اوزرینه چیقارمش. شمدی برده «فلاماندیا» مکتبئی مطالعه ایدلم. بو مکتبده اک بویوک باش «رونس» در. بونک اک زیاده نظر فریب اولان لوحه سی «کرمه سدر». بونده ده «میکل آنر» ده اولدینی کبی عادی نسبتله، تناظرله اهمیت ویرله سدر. «فلاماندیایه» کتسه کزده اوراده یاشایانلری تدقیق ایتسه کز بوتابلوده کیلرک معادللرینی بوله مازسکیز. اوراده ای ییر، ای ایچر، بر صافیت روح ایله سیغاره لرینی صاووریر، لفاوی طوغری کوریر، یوزلری اصفری، خطوطی غیر منتظم بر طاقم کیمسه لر بولورسکیز. فقط «کرمس» لوحه سنده بولنانلری اصلا!

مدهش دین محاربه لرندن صکره، پک چوق زماندنبری، خلقندن جدا اولان «فلاماندیا» صلح و سکون، آسایش داخلی دوره سنه کیرمشدی. اوراده انسانلر او قدر ناموسکار و عقلی، طوپراق او قدر ای وابدالکار ایدی، که ایلک نظرده سعادت ورفاهک اوراده موجودیتنه حکم ایتمه مک الدن کله یوردی. هرکس بو مبذولیتی، بورفاهی حس ایدیوردی. حال ایله ماضینک تضادی آج قالمش اوکوزلر ناصل چاییره صالیورلدکلری زمان قوشارلرسه، اک ابتدائی هوسات نفسیه نک اوصورتله تظاهرینه سببیت ویریوردی. «رونس» بونلری کندنده ده حس ایدیوردی. حیات نباتیه نک وسعتندن، جسمک تسکین محظوظیتندن متولد بوشعری کورمه مک قابلمی ایدی؟. ایشه بونی افاده ایچون «کرمه س» نده جته لری توسیع ایتدی، بالدرلری تکشیف ایتدی، یاناکلره برضیای مخصوص علاوه ایتدی، صاچلری قاریشدیردی. احتراصات شدیددن متولد وحشی بر آلی

بارلاق، طورلری وحشی کویلیله، اطوار و اوضاعی مغرور، عضلاتی
 یولادی موده لاله راست کلمک ممکندر. فقط هیچ بر زمان، نه
 یو عصرده، نه ده اون آلتنجی عصرده، نه ایتالیاده، نه ده باشقه بر
 رده نه بر قالدین، نه بر ارکک میکل آنژک اظهار و ارانه ایتدیکی بو
 مغرور قهرمانلرله، دیو مثال، نو مید قالدینلره بکزمه مکده در. بوتیلری
 میکل آنژ کندی قلبندن، کندی دهاسندن استخراج ایله ابداع
 ایتمشدر. بوکا واصل اوله ییلمک بر مزوینک، بر متفکرک، بر
 نصف تکارک؛ عالیجناب، غلیانکار؛ خیانتلر، تضییقات آره سنده، ظلمک
 عدالتسزلکک غیر قابل تداوی مظفرتی قارشوسنده بیتمش،
 چورومش روحلر مواجهه سنده بولسان، روحی لازمدر. اوبیله
 اولجه تهدید آلتنده بولنماشمیدی؟ اگر اوزمانه قدر یاشامشسه
 لطفاً یاشامش، بلکه ده. اسارتک سکوت مدیدی آلتنده، صنعتک
 جناحه صیغنه رق بویوک قلبک فریادلرینی، نو میدیسنی سویله به بیلمسی
 بوکا سبب اولمشدر. هیکل غنوده سنک آلتنه شوسوزلری قید ایتمشدی:
 « اویومق طاتلیدر، فقط سفالت، رزالت دوام ایتدیکی مدتیجه طاشدن
 اولمق ده زیاده اییدر. هیچ برشی کورمه مک، هیچ برشی حس ایتمه مک
 نیم سعادتمدر. یونک ایچون بنی او یاندر مقدن احتراز ایدیکز. امان
 یاواش قونوشیکز. » اوکا بوکی اشکالی الهام ایدن بو حس در، اونی
 افاده ایتک مقصدیله تناسبات عادیه یی تغیر، جثه یی، اعضایی تطویل
 ایتدی، قالچله ره طوغری ککو کده یی بوکش قیورمش، کوزلرک
 چقورلرینی ایچری به طوغری اویمش، آلتنه برارسلان کیرپیکارینی
 ناصل تیره تیرسه اوکا مشابه و معادل قیوریملر یایمش، عضلاتدن مرکب
 بریغینی اوموزلرک اوزرینه ییغمش، فقرات عمودییه خلقه لری

و بوندن باشقه اشخاصك وضعیت حاضر دسیله ، اولنره ویردیککنز وصف عمومیه بونلرک توافقی طلب ایدیورلر دیمکدر .

خلاصه بر اثر ادبیده ، وشعبات صنعتده موجوداتک ، وقایعک کوریله بیلن ظاهریاتی ، خارجیاتی دکل ، اولنرک مناسبات وتفرعاتنک هیئت مجموعه سنی یعنی اولنرک منطقی کوسترمیلیسکیز . حقیقی بر موجودده بزده تجسسی اویاندران وصنعتکاردن اعاده وانعکاسنی طلب ایتدیکمز شی ، اونک داخلی وخارجی منطقی ، یاخود دیگر بر صورتده افاده ایدلم ، طرز ارتباطی ، صورت ترکیبی ، آهنگیدر .

برنجی تعریفی شو صورتله تصحیح ایتدک دیمکدر . بز اونی شو صورتله تخریب ایتدک ، فقط اصلاح ایلدک ، تمیزلدک . صنعتده دها ممتاز بر طبیعت ، بر مزاج بولدق . اونی بر اثر دستی ومیخانیککی اولمقدن قورتاردق ، بر اثر ذکا حالنه وضع ایلدک .



وصف اساسی مسدسی . — آثار صنعتک اقسام آرہ سنده کی مناسباتی تعیین اتمش اولسی کفایت اتمہ یور . خیرا اک بویوک مکانب صنعت اک زیاده مناسبات حقیقیه یی تغیر وتبديل ایدنلردر . مثلاً ، ایتالیا مکانب صنعتدن برینک اک بویوک باشی اولان میکل آنرک « فلورانسه » ده « مدیچی » لرک مزارلری اوزرینه وضع ایدلمش مرمردن مصنوع درت هیکللی واردر . بونلر برطاقم غنوده ویابیدار ارککلر ، خصوصیه قادینلردر که اقسام وتفرعاتی آرہ سنده کی نسبتلری اشخاص حقیقیلرده بولمق غیر ممکندر . بونلره مشابه اولانلره ایتالیا ده بیله تصادف ایدیله مز . کوزل کینمش کوزل کنج آدماره ، کوزلری

زیرا الکزده کی کاغد کوچک در وینه سیاه ایلہ بیاض دن باشقه بررنسکه
ماک دکلسکز .

سزدن بوصورته ایسته نیلن شی مناسباتی استحصال در . ا کر
باشک اوزونلنی شو قدر ایسه ینه اونسبتده برقول ، بر باجاق ، الآخره
حصول کتیر مکدر . بوندن باشقه سزدن اشکاک ، یا خود اوضاعک
مناسبتی ایسترلر . موده لده کی شومیلک ، انخنانک ، بویضیلکک ، شو
کوشه نک ، استحصالنه وسیله اولان ، کاغده تکررینی طلب ایدرلر .
خلاصه ، اقسامک یکدیگریله مربوط اولدینی مناسباتک هیئت
عمومیه سنک انعکاسی مطلوبدر . سنک عکس ایتدیره جکککز ساده بر
ظاهریت جسمانیه دکل ، منطق وجودیدر .

عینی صورته حال فعالیت و حرکته بولنان انسانلری ، حقیقی بر
صحنه حیات قارشوسنده بولندیکنز ، زمان تعریف و تصویر طلبی
قارشوسنده بولنورسه کز کوزلریکنز ، قولالکر کزدن ، حافظه کزدن ،
برقورشون قلم ایلہ بر قاچ نوط آلمقدن باشقه برشیده مالک اولمازسکز .
بونلر بویوک برشی دکلددر . فقط کافیدر . زیرا سزدن طلب ایدیلان اون
بش بکر می کشینک بوتون سوزلرینی ، بوتون افعالی ، بوتون اوضاع و حرکاتی
نقل دکلددر . زیرا اوتده اولدینی کی بوراده ده سزدن مناسباتی ، روابطی ،
نسبتلری تعیینی طلب ایدیورلر دیمکدر : اولاً اشخاصک افعالنه عائد
مناسباتک تمامیلہ محافظه سنه ؛ ا کر حرصی کوستریورکز حریص افعالی ،
خست کوستریورسه کز خسیس افعالی ، شدتی کوستریورسه کز شدید
افعالی درجه اولی ده اظهار اتمیه مجبورسکز ، ثانیاً عینی افعالک روابط
مقابلہ لرینی تعیینی یعنی بر جوابی بر جوابله ، بر قراری ، بر حسی ،
بر فکری مقدم اولان بر حس ، بر فکر ، بر قرار ایلہ تأیید و تعقیبی

فاجعه لرینک بویوک بر قسمی عادی مکالماتی تقلید ایده جک یرده لسان انسانی بی قصدی اوله رق تبدیل و تغییر ایدیور .

بو شاعرلرک هربری انتخاب ایتدکلری اشخاصه منظوم سوزلر سویله تیورلر . اولرک هر برینی آهنیکه ، قوافیه مجبور قیلورلر . بوتغیر اثرک قیمتنه هیچ بر وجهله ضرر ایراث ایده مه یور . « کوته » نامنده کی آلمان شاعرلرندن برینک « ایفیژهنی » اسمنده کی اثری بونک دلیلدر . بو ابتدا منشور یازلدینی حالده صوکره منظوم یازلمش . نثرأ کوزل اولدینی حالده نظماً نه صنعتکار برتخالفه مالکدر . منظوم اولانی منشور اولانی پک چوق کچمشدر . دیمک که آهنگ ، قافیه ، نسبت عددیه نک موجودیتی ، لسان عادی نک تبدیل و تغییر اثره بوقوت تأثیر و تسخیری ، بوعلویت مخصوصه یی ، فاجعه انکیز ، مکمل تأثیر موسیقی یی ویریور . بونک نفوذی آلتنده انسان عادت حیاتیه دن اوزاقلاشیور ، کوزلرینک اوکنده اسکی زمانلره عائد قهرمانلرک کزن دیکنی کوریور .

بالنتیجه بر ماده ده پک مشابه کوستریله بیله جک بعض شیلری تقلید ایتلیدر ، تمامی دکل فکری تولد ایدر . بونک ایچون شو دستوری وضع ایدرز : اقسامک تفرعات و مناسبات متقابله لرینی بولمی ، تعیین ایتلیدر .

قادین ، ارکک ، جانلی بر مودلک قارشوسنده بولندیغکز زمان اونی کوستره بیلیمک ایچون آنجق بر الک ایکی دفعه بویوکلکنده بر کاغد ایله بر قورشون قلمه مالک بولنیورسکز فرض ایدیکز ؛ بوتون اعضانک بوتون وسعتی کاغد اوزرنده کوسترمه یی سزدن ایسته یه میز .

متحیر قالور، باش چرجوه نك ايچندن فيرلايه جقمش كې كورونيور.
 بويله بر موفقيت، بويله بر صميميت و متانت پك آز كورلمش بر كيفيتدر.
 فقط، « واندیق » ك واسع مقیاسده بر نیرنکیسی بوندن دها قیمتدار،
 دها یوکسکدر. نه رسمده نه ده دیگر صنایع نفیسه ده کوز آلدادیجی
 شیلره او قدر اهمیت ویرلز .

صنعتده تقلید تامك غایه اولدیغنه دیگر بر دلیل دها صنایع
 نفیسه دن بعضیلرینك، اساس اعتباریله تقلید تام اولاملیردر ؛ از جمله
 هیكلتراشیده بوتامایله نظر فریبدر. برهیكل اعمال ایدلیدی مرمك،
 یاخود طونجك رنگنی حاملدر. فضله اوله رق کوزلرنده بېك یوقدر.
 بو یکنسقی، افاده روحیه نك بوتخفنی کیفیتدر که اوکا بر حسن مخصوص
 علاوه ایدیور . تقلیدك صوك درجه یه چیقیدنی آثاری نظر
 تدقیقندن کچیریرسه کز بو حقیقت تمامیه تعین ایدر . اسپانیاده ،
 ناپولی ده بر طاقم کلیسالرده رنگلی ، الیسه لی هیكللر موجوددر .
 عزیزلر لباسلریله ، صاحب ریاضت اولانلره مخصوص صارارمش ،
 رونقمنز رنگلریله ، الار قانه بولانمش، بو کورلر دینمش اولدینی حالد
 کوریلور . اولنرك یاننده پارلاق ایپکلر اکسا ایلش ، اینجیلره
 سوسلنمش، قیمتدار کردانقلر طاقمش ، کیرپیکلری یاقوتلره اورتیلو
 حضرت مریمك تصاویری موجوددر . بو فضله تقلیددن طولایی
 صنعتکار ذوقی حصوله کتیره جک یرده نفرت ، حتی بعضاً تدهش
 او یاندیریور .

ادبیاتده بویله در. شعر تماشا نك اك کوزل اقسامی، فرانسه نك،
 یونانستانك بوتون آثار تماشایی ، اسپانیوللرك ، انکلیزلرك

کتیر . اصاغه نه قدر کوزل ، نه قدر طوغری اولورسه اولسون برهیکل دیمک دکلدر . بوندن بشقه ایی برفوطوغرافی خطوطی ایله الوانی ایله ، هیچ برخطایه اوغرا مقسزین ، تامایله تقلید ایده جکی ماده نک نمونه سنی ، اساسنی ، استحصال ایده بیلور . شبهه سز فوطوغراف رسم ایچون فائده لی بر معاون در حتی بعض معلوماتلی ذکی ، آدم لر طرفندن بر ذوق مخصوص ایله قوللانه بیلور ، فقط هر نه اولورسه اولسون رسم له قابل قیاس دکلدر ، صوک بر مثال اولق اوزره شونی ده ذکرایده لم که اکر تقلید ، صنعتک غایه اصلیه سی اولمش اولسهیدی اک کوزل فاجعه ، اک کوزل مضحکه ، اک کوزل درام ، محاکمه طوتیلان ضبط ورقه لری اولوردی . فی الحقیقه بوتون سویلنیلن سوزلر بونلرک دروننده محفوظدر . نقط بونلر بر محرر ایچون استعمال ای دیله بیله جک بر ماده در ، برر موضوعدر ، فقط هیچ بر زمان برر اثر صنعت دکلدر .

بونلرک برر میخانیکی وظیفه اولدینی نظر اعتباره آلهرق بر اثر انسانیه دیگر بر اثر انسانینک مقایسه سی توصیه ای دیلیر . بناء علیه آثار صنعتکارانه یی ممکن اولدینی قدر دقتله تدقیق و تحری ایده لم . « لوور » موزه سنده « دهنن » نامنده بر ذاتک بر تابلوسی واردر . بو بر لوحه یی وجوده کتیرمک ایچون پرتوسوزله چالیشور ، درت سنه ده آتام ایده بیلوردی . نه وجهلرده ، نه تنده کی بوروشوقلقلر ، نه الماجق کیملکرنده کی اینجه یولار ، نه بورون اوزرنده کی اوتیه برییه صاچلمش سیاه کولکه لر ، نه بشره نک آئنده کی میقروسقوبله کوریه بیلیر اینجه یشیل دامارلر ، نه ده کوزلرده مجاور اشیانک براقدینی التماعات نقصان براقیلمشدر . بونک قارشوسنده انسان

اخذ واقتباس ايتدكلريني ده‌اي شاعرينلريله مزج ايدرك نقل ايتديلر . فقط بالاخره اليم زمانلر كلدي ، نشئه‌نك ، غرورك ويرديكي عدم بصيرتله عثمانيلر مهالك خارجيه‌يي كوره‌مديلر . فقط شاعرينلرينه قصائد ظفري ، قصائد عظمت واقبالى ترنم ايدىيورلردى . فلاكته مرثيه خوان اوله‌جقلر ، قارلريني اويانديره‌جقلر ، تهلكه‌لرك تماديسته ايقاظ ايله ممانعت ايدجكلردى . حالبوكه بوني ياپامديلر ، چونكه اونلر حياته باقمايورلر ، اولجه كلن استادلرك آتاريني تقليد ايدىيورلر ، قوپيه‌دن قوپيه‌يه قوشىيورلردى .

نهایت بر زمان كلدي ، كه برپادشاهي وصف ايجون نه‌كي وصفلرك تعاقب ايدجكلنى دوشونميه بيله حاجت قالمدي . اونلري يانفعيده ياباقيده ، ياخود نديمده بولمق قابلدى ، صنعت‌ده بو صورتله ضعفه اوغراى ، اولومه ياقلاشدى .

شومطالعانك نتيجه‌سي شودر ، كه : نظرلر دائما حياته معطوف اولمى ، اوني ممكن اولدينى قدر تقليد ايتلى ، وصنعت تام ، طوغرى تقليد‌دن عبارتدر .

٤

اَر صنعت تقليد تاممير ؟ . — يوقاريده بسط وبيان ايتديكمز مطالعاتدن غايه صنعتك تقليد تام اولديغنى استخراج ايتمك ضرورتى قارشوسنده بولنمىيورمى يز ؟

اكر بو بويله اولمش اولسه‌يدى تقليد تامك اك كوزل آتارى توليد ايتمسي اقتضا ايدردى . حالبوكه حقيقتده او هيچ‌ده بويله دكلدر مثلا اصاغه موده‌لاك اك صادق ، اك مشابه شكلنى وجوده

بر محررك صنعتی ایچون لازم کان موادی بوله بیلیمه سی خصوصنده
خاطره سنه ، تجربه لرینه مراجعت ایتمه سی کفایت ایدیوردی .

فقط بر عصر ظرفنده ، فرانسه ادباسندن « قورنه ی » ایله « ده لیل »
آره سنده هرشی تبدل ایتدی . بوقدر تقدیر و پرستشی موجب اولان
بونظقلری ، بوزنده موده لاری صنعتکارلر تدقیق ایده جکلرینه اونلری
تقریر و تقلید ایدن فاجعه نویلرک کتابلرینی تقلید ایتمه که باشلادیلر .
موده لار ، اشخاص حیاتیه دکل ، محررلرک آثارلری ایدی . اون
سکزنجی عصرک منتهاسیله اون طقوزنجینک مبادیسی استیلا ایدن
اسلوب سفیل بوندن تولد ایتدی . بو ، اوילה برلسان عادی ایدی ، که
بر قافیه بکله نیلن دیگر برقافیه یی جذب ایدر ، اونخله برشیئی اسمیله
یاد ایتمک ممکن اوله ماز ، مثلاً بر طوپ دیمک ایچون برچوق کلمه لر
استعاره لر ، خیاللر صرفی لازم کلییور . بو اوילה برلساندی ، که بونی
آنحوق معلوما تفروش مکتب خواجه لری استعمال ایدرلردی ! . .

بویله بر مثاله تاریخ ادبیات عثمانیه ده ده تصادف ایدرز . عثمانلیلق
جهانه حاکم اولدینی زمانلر سرای ، صدارت محافنه ، کبار عالمنه
بوندن ، و بونک کتیردیکی ثروتدن متولد برغرور کلشدی . قوناقلرده ،
طرز تعیشده ، طرز تفرجده ، هرشیده مملکتده کی رفاه و سعادتک ،
ثروت و امنیتک طوغوردینی غرورک ایزلرینه تصادف اولنیوردی .
پویوکلره قارشی کوچکلر خرافات عجمانه دن ، عرب ادبیاتندن
طوپلادقلری صنعتلره خطاب ایدیورلر ، هرکون یکی بر کلمه تعظیمیه
ایجاد ایدیورلر ، پادشاهلرک فرمانلرندن شدت وجلادت یاغیور ،
وزیرلرک بیورلدیلرندن عظمت ومهابت آقنیوردی . بالطبع باقیلرده ،
تفعیلرده ، صبری شاه کرلرده بو حالت روحیه یی کوردیلر ، اورادن

آثاری کوز اوکنه وضع ایدیلرک تقلید ایدلمه یه باشلاندی. بونی متعاقب قوییه نك قوییه سی، الاخره قوییه سی یاییلمه یه، یاواش یاواش صنعتکارك طبیعیدن اوزا قلاشمه سنه مجبوریته حاصل اولدی. صنعتکار کندی حسنی، کندی فکرینی ایضاح ایدمک، اظهار وارانم ایدمک یرده برماکنه حالته کلدی. وبونك نتیجه سی اوله رق صنعت راونده کی حالته ایندی، اضمحلاله اوغرادی. بوبش عصرک نهایتده انسانی آنجق آیاقده اوطوره رق تصویر و افاده دن باشقه اوضاع واشکالی صنعتکار افاده ایدمه مک کی بر معلولیته اوغرادی. دیگرلری غایت کوچدی، صنعتکار اونلری کوسترمه یوردی. صنعت اولومه محکوم بروضعیت آلمشدی، کیتدکجه ضعیفله یور، موته تقرب ایدیوردی.

بوانقراضی دیگر بر صنعتدهده تحری ایدمیلورز. مثلاً ادبیانده .. فرانسه ده اون دردنجی عصرده ادبیات درجه کماله واصل اولمشدی. اسلوبده مکملیت، صفوت، طوغریلق، بر ایجاز اعجاز کار؛ تیاتروده بوتون اوروپا یه ذکای بشرک اک بویوک ابداعی کورینن یکی برلسان، یکی بر صورت نظم موجوددی. زیرا محررلرک اوکنده مودل واردی، اونلری تقلید ایتمک خصوصنده صعوبته دوچار اولمایورلردی. اون دردنجی لونی، شاهانه بر صورتده جدیتله، وقار ایله، طلاقته، و تمسایله طوغری کوریشیوردی. او عصرلردن منقول مکتوبلر، تذکره لر، خاطرله لر بزه سرای محافلنده کی ظرافتی، تکلم اصالتکاری، افاده لرک صفوتی، اطوار و حرکاتک نجابتی، صنعت ناطقه نك قیمتتی کوسترییور؛ وبونلره اک عادی بر ندیمک بیله اک بویوک پرنس قدر رعایتکار بولندیغنی اثبات ایدیور. اوصورتله که بونلره تماس ایدن

کيورلر ، قولايقله چيقارييورلر ، بانيولره کيرييورلر ، حتی چبلاق ايش کورييورلر ، « سيرکلرده مسابقه لر هپ بو صورتله اجرا اوليور ، وجودك حرکات زنده سني هرکس قولايقله سير و تماشا ايده بيلوردی . هيکله تاشلر ، رساملر ، بوتون صنعتکارلر چبلاق يا خود نيم عريان موده لرله محاط اولديني ايجون ايسته دکري کي اونلري کاغد ، ويا خود طاش اوزرينه عکس ايتديره بيلورلردی . بونک ايجيندرکه پومپه ئيده ، اولرک ده ايلزلرنده ، ديوارلر اوزرنده ، داخلي سالونلرده رقاصه لري ، کنج ، مغرور قهرمانلري ، کنش کوكسلري ، جوال آياقلري ، وجودك بوتون اوضاع واشکائي طوغري ، سهولته افاده ايدلمش کوريرسکيز . حال حاضرده کي انجه تدقيقات بيله بوسهولته ، بو طوغريلغه واصل اوله بيلمک ايجون پک چوق کوچلک چکيور . ياواش ياواش بوني تعقيب ايدن بش عصر ظرفنده هرشي شکل ورنکني تبديل ايتدی . اخلاقيات بت پرستانه ، عمومي محالرده ادمان اعتيادي ، عريانيدن حس ايديلن ذوق نابيد اولدی . آرتق وجودلر آچيلمايور ، البيسلر ، دانتلر ، شرقه عائد معظم سوسلر آلتنده قاپانيوردی . آرتق محارب ايله پهلووان سوله يوردی آرتق حرم آغلاري ، معلومات فروش محررلر ، راهبر سويليوردي . آرتق مرحمت و شفقت ، اونکله برابر نوشين خويلالر ، انجه مباحثه لر ، حيات تحرير ، بي معنا مکالمه لر جاريدی . بيزانس ايمپراطورلغنک عادي کوه زه لکلري روما ايمپراطورلغنک قاتي يورکلي محارب لري ، يونانستانک جسور پهلووانلري يرينه قائم اولدی . درجه درجه بو حرکت اجتماعيه ايلروله دی ، بر زمان کلدي که ذی حيات موده لك تدقيقي منع ايدلدي . بونلر کوريله مه ديکي جهته له اسکي استادلرک

باشقه لرینه نسه بته ده‌ها زیاده حیاتی حس ایتدیکنی کورمش ، بوکا قناعت کتیرمش ، و تدقیق ایتدیکنی زمانلر دائماً نفیس ، مکمل ، لایموت منظومه‌لر ، « لیلی ایله مجنون » کبی بر آبدۀ صنعت وجوده کتیرمشدر . اون سکزیاشنده یازدینی « پریشان حالک اولدم صورمدک حال پریشانم » ، ده‌ها صکره « منم که قافله سالار کاروان غم » ، « حاصلم برق حوادلدن ملامت داغیدر » کبی منظومه‌لرده رقت الم ، غرور نزیه ، شکایات ، اضطراباته قارشو مربوطیت بوتون صمیمتیه ، بوتون حسدیه یاشادینی حالده اختیارلادینی ، یاخود حیات حقنده کی قناعتک حصولی متعاقب یازدینی آئارده بو نغمه‌لرک تکرررندن ، حتی بارد بر صورتده تکرررندن باشقه برشی کوریه‌مز . زیرا فضولی صوکه زمانلرده حیاته نظرلرینی دوندیرمکدن اوصانمش ، اولجه طوبالادینی تجاربله شعرلرینی وجوده کتیرمه‌یه باشلامشدی .

تقلیدک لزومنی یالکیز صنعتکارلرک حیات خصوصیه‌سنی تدقیق ایتمک اثبات ایتمز . هر بویوک مکتب ادبکده تاریخچه‌سی کوستیریر . بوتون مکاتب ادبیه تقلید تامک ، نمونه ذیروحک ترک واهمالیه تفسخ ایدر ، سقوط ایلر . بز بوراده قرون اولی ده رسمله ، هیکلتراشینک نه صورتله اضمحلاله دوشدیکنی کوستیرمکه بونک حقیقتنی اثبات ایده‌بیلیرز . « پومپئی » ده ، رسم و هیکلتراشی برنجی عصره عائددر ، « راون » ده ایمپراطور ژوستین زمانه عائد اولان موزائیکلر آلتنجی عصر میلادی‌یه عائددر . دیمک که بو ایکی زمان آردسنده بش عصرلق بر مدت موجوددر . بو ایکی زمان آردسنده صنعت غیر قابل تداوی بر صورتده بوزولدی ، بونک سببی ایسه ذیروح ، طبیعی موضوعلرک اونوتیلیمه‌سی کیفیتی ایدی . اوزمان ارککلر اوزون ، کنیش الیسه‌لر

زمانيدر . بزحيات صنعتده ترهر ايتمش بويوك باشلارك حياتى تدقيق ايده جك اولورسوق بو ايكي دورهي تماميله كوريرز . مثلاً داهي* هيكلتراشي ورسم « ميكل آنز » ه باقهلم . كوريرزكه اونده برنجي دور تمام آلتش سنه قدر سورمشدر . آثارينه باقديغمز زمان كوريرزكه حس قوتله ، علويت وشجاعتله ملودر . صنعتكار اساساً بونلرله مشبوعدر ، باشقه برشي دوشونه مه يور . بوتون تابلولري ، قلوبك متمادياً تجليلندن ، فاجعه آميز احتراصات بشريه تمايلدن ، وبونلرك جسماني بر صورتده اظهار وارا نه سندن ، غايت تمايل بولنديغي شجاعت جدال جوسنك خارجاً افاده سندن باشقه برشي دكلدر . اكر بركون « پولين » كليدسانه كيرده اونك اختيارلغه عائد آثاري تماشا ايتك مظهريته نائل اولورسه كز كوريرسكزكه بوسوك آثاري حياتدن آلدني تجاربه استنادله وجوده كتيرلشدر . « صوك حكيم » نامنده كي اثريني آلتش يدي ياشنده ياپمشدي . بوكا باقان واقفين ، غير واقفين ايلك استعمال ايتديكي شديد يكيلكلرك ، طييعيلكك ، حقيقت تامه نك مفقوديتني صنعتكارك بعض اشكاله تمايلي ، خارق العاده اوضاع وحركاتي كرتله ، فضله لقله استعمال ايتديكني كورييورلر . حالبوكه ايلك اثرلرنده تماميله بوخصائص موجوددي . « اكر ميكل آنز » بو آثاريله ده ديكرلرينه فائق ايسه بو اوته كيلرك مادونيتندن تولد ايتكمده در .

بونك دليلني بزدنده آله بيليرز . فضولي بر داهي ادبدر . تاريخ ادبيات عثمانيه نك افتخار ايده بيلديكي بو بويوك وجود كنجلكنده حياته نظرلريني دونديرمش ، تسكين ايديله مه ين بويوك روحنك دائماً اينجنديكني ، طالعك دائماً اونك عليهنده بولنديغي ، حياتك بر اضطراب ، برالم اولديغي ، يالكز اضطرابي تنفس ايتمي بيلنلرك

حقیقی اشخاصی حقیقی اوضاع و حرکاتیلہ، براوی موبلہ لریلہ، برمنظرہ طبعیہ فی طبیعتک احضار ایتدک لریلہ نقل وارانہ ایتک صورتیلہ اظهار ایلہ مشکی نظر مزده بر موقع طوتیور . بررومان، بر درام کده حقیقی اوصافی، افعالی، الفاظی کوسترمه یی، بونلرک اک واضح، اک صمیمی خیالی اظهار ایتمه یی تجربه ایتدیکنی آکلامقده دیکر لرندن دها کوچ بر کیفیت دکدر . اوت، اکر کاغد، لوحه هیکل اوزرنده کی خیال ناتمام، غیر کافی کلیرسه بزهیکل تراشه «برکوکس بر باجاق بویلہ یاپیلماز»؛ رسامه «ایکنجی پلانده کوستردیککنز اشخاص، آغاچلر کزده کی رنگلر یا کلسدر». محررده فرض ایتدیکنز کی هیچ بر کیمسه نه دوشونیر، نه ده حس ایدر. «دیرز.

بونلردن باشقه، تقلیده دائر، دها قوی دلائل موجوددر. بوده هر کون نظر لرمنزک اوکنده جریان حادثات و احوالدر. بر صنعتکارک حیات خصوصیه سنه نظر لرمنز توجیه ایتدیکنز زمان کوریرز که حیاتی ایکی قسمدن عبارتدر: صنعتکار کنجلیکنده، استعدادینک حال کماله واصل اولدینی زمانده اشیای تدقیق ایدر، هیجانله، دقتله نظر تفتیش و مطالعه دن کچیریر. نظر لرندن بر دقیقه بونلری آیرماز. افاده ایده بیلیمک ایچون چالیشیر، چابالار، یورولیر، بر صمیمیت اندیشه ناک ایلہ ادایه حتی مبالغه ایلہ افاده یه اوغراشیر. حیاتنک بر نقطه سنه کلیرکه آرتق کافی درجه ده اشیا و حادثات حقنه وقوف و معلوماتی اولدیغنه قانع اولور. یکی بر کشفده بولنه من، زنده، ذیروح مودلی ترک ایلہ تجاربندن استحصال ایتدیکی معلوماتله بر درام، بر رومان، بر هیکل وجوده کتیرمه یه باشلار. برنجی زمان حس حقیقی نك تظاهر ایتدیکی، ایکنجی زمان ایسه صنعت، اضمحلال

برابر الك زیاده اظهار ایتدکری وصف اساسی ریاضی اوللریدر .
 فی الحقیقه معماری خطوطك امتزاجات معکوسه و مبسوطه لرندن
 عبارتدر . خطوط ایسه طبیعتدن اخذ اولنمشدر . حالبوکه ینه طبیعتده
 بر معماری وجوده کتیره جکی بر مربع قدر منتظم بر مربعه ، بر مستقیم
 قدر طوغری بر مستقیمه تصادف امکان خارجندهدر . طبیعتده هیچ
 برشی دیکرینک تمامیه مشابه ویا معادلی دکلدر ، اوله ماز ، اساس
 اعتباریه طبیعتله مربوط اولمغله برابر معماریده کی انتظام و آهنگ
 ریاضیاتدن متولد بر کیفیتدر . موسیقی به کلنجه اوده یک نظرده انسانک
 اطرافنده کی اصواتک تقلیدندن عبارت کی کورینور ، اساسی اعتباریه ده
 بویه در . فقط « بته و من » ک « موزار » ک « بیزه » نک « وردی » نک
 اوپر الرنده کی اصواته مشابه اصوات منتظمیه ، بتون تنوعیه ، وسعتیه
 شدت و رقتیه طبیعتده تصادف ایتک عذیم الامکان کییدر . موسیقی ده
 توطرک نسبت ریاضیه لرینه کوره بزده بر تأثیر اجرا ایدیور . بناء علیه
 بونلره صنایع ریاضیه دیملیدر . یا خود دیکر لرینک معکوسی اوله رق
 صنایع غیر تقلیده ده دیه بیلیرز .

اوحالده صنعتی صنایع تقلیده ، غیر تقلیده اولمق اوزره ایکی به
 آیره بیایرز . فقط بز بو تقسیماتی تقلیدک آثار صنعتده اوینادینی رولی
 ایضاح ایچون کوستریورز . بزم اولکی باصره به ، سامعه به کوره
 تقسیمیمز اساسدر .

۳

تقلید . — ایلک نظرده شعرک ، رسمک ، هیکتراشینک وظیفه سی ،
 موضوعی ممکن اولدینی قدر تام بر صورتده تقلید کی کورونور .
 فی الحقیقه بر هیکل حقیقه ذیروح بر انسانی تقلید ، بر تابو

تدقیقاتنه تحریات تجربیه بی علاوه ایله اصول تاریخیه بی وضع ایدر ایتمز
تدقیقاتی بر حکمت ، بر کیمیا ، بر نباتات ، بر حیوانات علمی کبی اجرایه
باشلامش ، بر دستور میدانہ قویہ رق بونک تفرعات و تفاسیلنی
هپ او نقطه نظر دن تدقیق ایدہ جک یرده حادثات و فعلیات ایله اشتغال
ایتمشدر . زیرا بونده سائر علوم و فنونده اولدینی کبی مثبت حادثات
موجوددر ، که دیگر لری ناصل کوریلورسه اونلرده کوریلہ بیلیر ،
نباتات ، حیوانات ناصل عائلہ لری ، فصیلہ لری اعتباریلہ تفریق اولنیور ،
تدقیق ایدیلورسه ، بونلرده اوصورتله تدقیق اولنه بیلیر ، تفریق
اولنه بیلیر . دیگر لری حقنده ناصل اصول تحلیل استعمال اولنیورسه
بونلر حقنده استعمال اولنه بیلیر ، ناصل بر نباتات ، بر حیوانات
هیئت عمومیہ سیلہ نه اولدینی آرانیلیرسه بر اثر صنعتده اوصورتله
آرانه بیلیر ، برنجیلرده ناصل تجربه اساس ایسه بونلرده تجربه دن چیقماز ،
مقایسات متعدده ایله ، طی ونفی تدریجی ایله آثار صنعتہ عائد
اوصاف و خطوط عمومیہ میدانہ قونیلہ بیلیر ؛ بوندن ماعدا آثار
صنعتی ذکای بشرک دیگر محصولاتندن تفریق ایدہ بیلیر خطوط
متمازده آیریلہ بیلیر .

بو ، مطالعاته بناء تن تحریات و تدقیقاتی نتیجه سنده صنایع
نفیسه نك باشلیجه لرندن بوانسان شعری ، هیکل تراشی بی ، رسمی ،
معماری بی ، موسیقی بی اله آله رق ، موسیقی ایله معمارینک ایضاحنک
کوجلکنه بناء اونلر حقنده کی ایضاحاتی بر آزاخیر ایدہ رک دیگر
اوچنده بروصف مشترک بولمشدر ، که اوده آزاچوق صنایع تقلیده دن
اولملریدر .

حالبوکه دیگر ایبی صنعتہ کلنجه بونلرده تقلید پک آزا اولقله

بر سر بستی ترك ایتمكده در . « دیور . بواصول كرك تنقیده ، كرك تحریّ قوانین و نظریاتده ثابت ، مثبت دلائل اوزرینه استناد ایتمك آرزوسنددر . تن و طرفدارانی بر اثری نظر اعتباره آدقلمری زمان مؤثرینی یعنی صنعتکارینی ابتدا بتون خصوصیت احوالیله ، ثانیاً منسوب اولدینی مكتب ادبی ، ثالثاً محیط اجتماعیسنك اوزرنده حصوله کتیردیکی تأثیر و عكس تأثیر ، زمانی ؛ و نهایت حادثات صنعتك تدقیقندن انتشار ایده بیلهك قواعد و قوانینی نظر اعتباره آلرلر .

ایلك نظرده بونی برمسلك مخصوص ، برمسلك حقیقی تلقی ایتمك ممکن کوریله بیلیرسهده بر آاز مسئلهك ماهیتی تدقیق ایدلدیکی تقدیرده کوریلیرکه بوبالاده ذکر ایدیلان ایکی مسلك آرهسند برخط فصلدن باشقه برشی دكدر . زیرا تدقیق حادثات صنعتده بر طاقم قوانین مخصوصه تولد ایده جكدرکه بونلره تبعیت ایتمك صورتیله صنعتکار ، منقد مطلقیت اصولنه رجوع ایتمش اولور ، حالبوکه ینه بومسلك بر سر بستی تام داخلنده هرشیئی تدقیق آمر بولمنسی حسیله شخصیتك اجرای تأثیرینه مساعددر ، که نقل حسیات و تأثرات اصولیلهده برله شیور دیمكدر .

خلاصه حکمت بدایع نقطه نظرندن ایکی اصول اساسی موجوددر ، بونلردن بری مطلقیت dogmatisme ، دیکری impaassionnisme نقل تأثرات و تحسسات اصولیدر . اصول تاریخییه کلنجه بوایکی مسلکیده دهها مادی ، مثبت ، قطعی رابطه لرله بند ایدن بر اصولدر .

۲

تحریات تجربیه نتیجهسند تقسیم صنعت. — « تن » حکمت بدایع

بویکی مسلکدن بشقه دیگر برمسلك دها واردر که اوده تحریات تجربیه مستند اصول تاریخیدر .

بواصول « فلسفه صنعت » محرری تن طرفدن احداث اولمشدر . تن بو اثر مفیدینک مقدمه سنده « بزم اصولز یکیدر . مطلقیتدن متفر اولق ، تاریخه استناد ایتک اعتباریله اسکینندن آیرلمقدهدر . یعنی برطاقم نظریات وقواعد ثابته وضع ایتز ، فقط او برطاقم قوانینک موجودیتنی ظاهره اخراج ایدر . بو صوک اصول ، آثار بشریه یی ، خصوصیه آثار صنعتی ، اسبابنک تحریمی ، خصائصک اظهاری ضروری اولان برر حادثه ، برر محصله عد ایدر . علم ، بوتون اشکال صنعت ، بوتون مکاتب صنعت حقنده توجهکار در . حتی بربرینه مخالف اولسه لر بیه ... بوتون بونلری آیری آیری ذکای بشرک تظاهراتی دییه قبول ایتکدهدر . » دیور .

حکمت بدایع شو صورتله تعریف ایدلدیکی تقدیرده مطلقیتدن مجرد ایتش دیمکدر ، مع مافیه نقل تأثرات وتحسسات اصولندنه بعیددر . زیرا او بوتون اشکال صنعتی عینی درجه قیمتده طوتیور ، هیچ بریسی حقنده توجه وترجیح کوسترمه یور . بو ، او حالده حکمت بدایعک تکمیلی دکل ، برقسمی دیمکدر . زیرا بالنتیجه بو ، نقل تأثرات وتحسسات اصولنه انتقال ایدر . مادام که علم بوتون اشکال صنعتی برطوتمقدهدر . شخصی تمایلات وهوسات نهایتده برینی ترجیح ایده جکدر دیمکدر . اساسآنده عینی فکرده بوانیور ، یوقاری به برقسمی نقل ایتدیکمز مقدمه نک برنقطه سنده « علم ، هرکسه ، کندی تمایلات مخصوصه سنی تعقیب ، مزاجنه خوش کافی ترجیح ایچون

شو سطرلر نه قدر متواضع ، نه قدر محویتکار کورونیرسه
 کورونسون ، ینه برغروری محتویدر . زیرا مطلقیت طرفدارانی
 بر حقیقته اطلاع پیدا ایتدکلرینه ، حالبوکه دیکرلرینک نقصان ذکادن
 طولای ایده مدکلرینه قانع اولدقلرینی کوسترمکده ، ادعا ایتمکده درلر .
 حالبوکه برنجیلر ایکنجیلره نسبتله اکثریا هم مواد ذکائییه ،
 هم ده مواد حسیه یی مزج ایده بیلمک قابلیتته مالک اوله بیلملرینه
 نظراً اکثریا پک زیاده موفقیت کوستردکلری حالده دیکرلرینک بیان
 ایتدکلری فکرلر ، حکملر پک معناسز ، پک بارد قالیور . فی الحقیقه
 بعضاً نقل تحسّسات و تأثراتی مسلك اتخاذ ایدن منقدر یالکز کندی
 شخصلرینی ترنم ایله بر اثر تنقید حصوله کتیردکلرینه اینانیورلر .
 حتی جان صیقیجی بر شکل آلیورلر سده بونک پک نادر بر کیفیت
 اولدیغی ده اونو تمامق مقتضیدر . اکثریا « ژول لومتر » کبی بو
 خصوصده موفقیت ابراز ایده بیانلر کندی تأثرات و تحسّساتی نقل
 ایتمکله برابر بونی ایضاحه ، اسبابینک نه ایدوکنی بیانه طوغری
 کیدیور . بوصورتله مطالعه لرینک تمامیه معنوی اولمادیغی آکلاته -
 بیلیورلر . بونک ایچوندرکه تنقیدلرنده هم مواد ذکائییه ، هم ده
 مواد حسیه بولونیور ، باشقه بر لطافت اکتساب ایدیور . حالبوکه
 اصول مطلقیت طرفدارانی بو امتزاج لطیفی اظهار وارانّه ایده مه مک
 کبی بر محرومیتک محکومیدرلر . زیرا اونلر عقل و منطقک تحکمی آلتند
 بولنیورلر . تأثرات و تحسّساتک قارشوسنده بولنسه لر بیله ابدی منطقک
 حقیقتلرینی کورمکدن باشقه برشی پایه ییورلر . فقط عقل و منطق
 بعضاً نه قدر آلدادیجیدر . .

حقنه بيان مطالعه ايديورلر ، تقدير ايديورلر ، رد ايديورلر ،
نفي وتبعيد ايديورلری .

ايشته بر حقيقت مطلقه تلقيسيلا اوکا کوره آثار صنعتی تدقيق
وتحقيق ايتمکه حکمت بدايعده اصول مطاقت ديرلر dogmatisme
بونک قارشوسنده ديکر بر مکتب صنعت دهبا بوليوردی . اوده
حسنندن ابتدا ايله مسئلکنه بر رنک مخصوص ويريوردی . فقط
ديکر لرندن پک مهم بر فرق ايله آريلیوردی . او حسنک مطلقيته دکل ،
شخصيته ، معنويته قاعدی . بناءً عليه هر درلو روابط خارجيه دن
آزاده ، انانيته قائم بر کيفيت اولديغنه قانع بولنديغدن بر اثر
صنعت يا خود بر منظره طبيعيه ، بر واقعه ، بر حادثه قارشوسنده حس
ايتدکاري ني افاده ونقلی دهبا طوغری ، دهبا موافق بوليوردی ، که
بوکاده نقل تأثرات وتحسسات اصولی impresiomisme ديرلر .

بوايکی اصول کرک ابداع صنعت ، کرک تقدير صنعت خصو -
صنده کوکله شمش ، اعصار مديده دنبری دوام ايده گلش برر طرز
رؤيتدر . بونک ايچون کرک مطلقيت طرفدارانی ، کرک نقل تأثرات
وتحسسات طرفدارانی آره سنده بر چوق مجادلات ومناقشات تحت
ايتش . تحت ايتمکه بولنمشدر . برنجی قسمه ميال اولان منقدر
ايکنجیلره « نه ، ديورلر ، شخصيتيکيزک هر کسه نسبتله مکمليته قانع
اولديغکيزدن طولايی سزده حصوله کلن تأثرات وتحسساتی بو قدر
اهتماله ، بو قدر تقيدله بزه نقل ايديورسکيز ؟ بو بزم کبی عقل
ومنطق قارشوسنده شخصيتلرینی سيلاه بيان محويتکار ومتواضع
منقدری رنجيده ايده بيله جک ناقابل تعريف وافاده بر آبدالقدن
يشقه ندر ؟ »

تقلید مسئله‌سی

اصول مطلقیت ، نقل تأثرات و تحسسات اصولی ، اصول تاریخی . —
تحریرات تجربیه نتیجه‌سنده تقسیم صنعت . — تقلید . — اثر صنعت تقلید
تأیید ؟ — وصف اساسی مسئله‌سی . — ره آیزم ، ناتورالیزم ، مساکری ،
و شخصیت . — ادبیاتک علوم ساثره ایله درجهٔ مناسبتی .

۱

اصول مطلقیت ، نقل تأثرات و تحسسات اصولی ، اصول تاریخی . —
صنعتی حسنک افاده‌سی دییه تلقی ایتمه‌نک نتیجه‌ی اوله رق حامت
ادبیاتده بر طقم مسالک مختلفه طرفدارانی ظهور ایتشدر . بونلردن
بعضیلری حسنک بذاته متولد ، طبیعت وانسانک فوقنده بر حقیقت
مطلقه اولدیغنه قانع اولانلر ، یاخود طبیعتده موجود اولدیغنه اینانانلر
برر قاعدهٔ ثابته ، برر نظریهٔ ثابته وضع ایدهرک صنایع نفیسه منتسبلرینک
اوقواءدک حدودندن خارجه چیقمه‌مسنی طلب ایتشلر ، کندی نقطهٔ
نظرلرینه اک زیاده تقرب ایدن استادان صنعتک آثارینی تقلید ایتملرینی
بیان ایلشلردر .

مثلا مادامک حکمت بدایع حسنک افاده‌سی دیمکدی . او حالده
حسنک تعریفی بولمق اقتضا ایدردی . بناءً علیه بونلر حسنه بر تعریف
مخصوص ویریورلردی . حسن غایهٔ کمال اخلاقینک افاده‌سیدر . حسن
نامرئینک افاده‌سیدر ، حسن احتراصات بشریه‌نک افاده‌سیدر . و بو
نقطه‌لردن عزیزیم ایتمک شرطیله بر اثر ادبی یاخود بر اثر صنعتکارانه

یا لکز بونقطه ده براعتراض ایله قارشو قارشویه کایورز: مادامکه صنعت براویوندر ، هراویونده صنعته عائد میدره؛ کوچک برنقطه تفریق ایله بواعتراضی ده قالدیره بیلیرز. عادی اویونلرده بز عضویات فعاله نك بی فائده بر صورتده حرکت کلمه سنی کوریورز. حالبوکه صنعته عائد اولانلرده بر موسیقینك استماعی ، بر تابلونك تماشاسی کی عضویت آخذهیه عائد فضله قوتی فعالیت کتیره رك صرف ایدیورز. ایشه آره لرنده کی فرق بوندن عبارتدر .

صنعتکار؛ کندیسند طویلانان ، اشیا و مناظرک حضورنده تولد ایدن هیجاناتی نقل ایتمکه فضله قوه عصیه یی صرف ایتدیکی کی قاره ، تماشا کر ، سامعده موجودیتنده کی وظائف آخذه سنك عدم فعالیتدن تولد ایدن فضله قوایی دفع ایچون صنعتکارک حصوله کتیردیکی آثاره شتاب ایلر. صنعت ، بووظیفه طبعیه سنی ایفا ایتدیکی دقیقه دن اعتباراً غایه سنه ، مقصدینه واصل اولمش دیمکدر . مع مافیه صنعت درجه تالیده ، اخلاقه ، جمعیه ، علم و فنه ده خدمت ایده بیلیر. حتی آثار صنعت افکار و ظنرورانه یی تولید ایدن اسباب و عوامل داخلنده بیله بولمقدردر . برطاقم آثار نفیسه ، تشکل جمعیتی تبدیل ایله خیری ، رفاه و سعادت تأمین ایله بیلمشدر. فقط اساس اعتباریله صنعتك مقصد و فایه سی دکدر . بونلر برر واسطه ، یاخود درجه تالیده برر واسطه در .

بر اثر حسن بدیعی ایله بزده ذوق بدیعی تأمین ایتدکدن صکره وظیفه سنی ایفا ایله مش اولور .

ذوق بدیعی ایسه اذواقك اصیلی ، اك ضرر سزیدر .

بیلیمکسزین بو حسنه تبعیت ایدیور . جدال بوتون اویونلرک منابع اساسیه سندن بریدر . سپنسره کوره صنعت ده رقت پیدا ایتش بر اویون اولوب کرک طبیعته ، کرک انسانلره قارشو سوق طبعی مجادله نك ایلک تظا هراتیدر . بوکون بیله صنعت فضله قوتک صرفه بر واسطه تشکیل ایتکده در . صنعت بوکون امنیت سدا ده سی خدمتی ایفا ایتکده در .

شورایه قدر ویریلن ایضا حاتدن اویونک ، بزده کی فضله قوتی صرف ایتک صورتیه ناصل بر ذوق حصول کتیردیکنی آکلامش اولیورز . شمدی ذوق بدیعینک ، بو نقطه نظردن تحلیلینه کچلم . . . ذوق بدیعی ، اک زیاده اشعار و توصیف ایدن شی اونک بر فائده واضحه تأمین ایده مه مسیدر . الوانک ، اصواتک اذواقی ، هیچ بر فائده مرثیه مرهبط اولمکسزین شو ویا بو عضه ک ساده بر فعالیت کیرمه سندن عبارتدر . مثلاً مکتبه بزی تنفسه چاغیران بر ترامپتی ایشیتدیکمز رمان هان تنفسی دوشونیرز . حالوکه اوفانفار طاقی داخلنده بوتورسه یالکز ترامپت اولق اوزره دیکلهرز ، اوزره طوغریدن طوغریه بر فائده تأمین ایله مز مع مافیه ینه بزم خوشمزه کیدر . شوندن شون نتیجه یی اخراج ایدرز ، که حس حسن یاخود دها طوغری ، حس حسن بدیعی هیچ بر فائده مادییه مرهبط دکلدیر . فی الحقیقه صنعت ، حیاته طوغریدن طوغریه بر فائده تأمین ایتزه بالواسطه اونک تکاملاتنه خدمت ایلر . بو منظومه دماغیه نك بر ژیمناستیکدر . عضویمز تکامل ایتدکجه دها زیاده قوت تصرف ایدیور ، بناء علیه بو فضله قوایی آنجق صنعتله احا ایده بیلیورز . ایشه بونک ایچون کیتدکجه صنعت بر احتیاج یومی حاله کیریور .

بولدیغی شیلری حسن بدیی ایله سوسله یه رک قارشوسنده کنک روحنده
هیجان بدیی بی تولید ایتمکدن بشقه برشیئی نظر اعتباره آله ماز .
بونى باشقه بر صورتلده حل ایده بیلیرز : تکامل بشریتده
چوجقارک اوینادیغی او یونک پک بویوک دخل و تأثیری واردر .
طبقات حیوانیه نك آشانی درکه لرند بولنان حیوانلر او یون اوینامازلر ،
حالبوکه دها ای برغدا ایله بسله نن حیواناتده فضلہ بر فعالیت عصبیه
قالیرکه اونى صرف ایتمک مجبوریتند بولونیرلر . اوزون مدت
سکون واستراحتده بولنان هر عضو الکتریقله محمول بر پیله بکزر ،
حرکتله بوشالمق احتیاجنه مغلوب اولور . مثلاً بر طاقم فارملر
واردر ، که غدالری اولمایان شیلری ، منظومه دندانیه لرینی اشغال ایتمک
ایچون کیررلر ، بزیو کسک اورمانلر داخلنده کی عمیق سکوتدن ، درین
قویولر داخلنده کی سیاهییدن اضطراب طویارز ، چونکه کوزلر مزله
قولاقلرمن فعالیتیه کلمک ایچون ولوکه جدی ، فائده لی اولماسون ،
بر فرصت آزار ، بولور . حیواناتده او یون ، نوعلرینه و کندیلرینه
خاص اولان وفائده لی بولنان افعالک بلا فائده تکررندن عبارتدر .
زیرا آشدقلرینی تقلید ایله مک صورتیه عضویتلرند قالان فضلہ قوایی
قولایلقله صرف ایدرلر . مثلاً کویک مخیل برشکار آرقه سندن قوشار ،
دیگر همجنس لرله مجادله ایدیور کی بروضعیتده بولونیر . چوجقارک
محاربه ، بیک او یونلری اشتغالات بشریه نك تقلیدندن باشقه برشی
دکلدر . هر او یونده مخیل ویا ساخته دشمنه قارشو غالییت بر ذوق
مخصوص او یاندرر . هر جنس ، هر نوع ذیروح ایچون ، دیمک که
غالییت شرائط حیاتیه دن بری ایمش . کوچ غالییتلره قوشمقدن
ایسه بزا کثریا قولایلرینه شتاب ایدرز . بر شطرنج مراقلبسی

اخلاق ایله ، علم و هنر ایله مزج ایتدیکی ، و بو صورتله ، آکلا -
شیه ماز بر صورتله ، بر طرزله افراغ ایله دیکی بر مسئله بدیعیه داخلنده
بولونیورز .

صنعتک منفعتدن متباعد ، معری ؛ ذوق بدیعینک تطمینیه مکتفی ،
نه خیره ، نه ده شره طوغریدن طوغری به غیر مربوط اولدیغنی قبول
ایتمک قابلیتته مالک اولمیانلر اونی اخلاقه ، تهذیب اخلاقه بر واسطه
دیه قبول ایتشلردر .

بعضیلری ده علم و فن کبی تدریسی بر ماهیت ، بر وظیفه تودیعنه
قالقشمشدر ، بو صورتله علم و فنک معاونی تلقی ایله مشلردر . صنعتک
فن ایله ، اخلاق ایله نه درجه لرده مناسبتدار اولدیغنی موقع مخصوص -
صنده بر تفصیل ایضاح ایدیه جکی جهته شم دیلک بونلرک صنعت
ایچون برر واسطه اوله بیله جکلرینی ، بالمقابله صنعتک ده اونلر خدمت
ایده بیله جکنی سویلر ، صنعتک مقصد و غایه سنک نه تهذیب اخلاق ،
نه ده تدریس و تعلیم اولمادیغنی بیان ایدرز .

صنعتک مقصد و غایه سی ، حسن بدیعی نی تأمین ایله ذوق بدیعی نی
تأمین ایتمکدر . بو مقصد ؛ طبیعی ، ضروری ، اساسی بر مقصددر .
اشیا و مناظرک حضورنده بولنان ، تمهیج اولان بر صنعتکار ؛ شاعر ،
رسام ، هیکل تراش ، معمار ، تماشاجی ، هر نه اولور سه اولسون ،
هیجاناتی ضبط و تثبیت ایده مز . اونی نقل ایله باشقه لرینک ده روحه
اساله احتیاجنه مغلوب اولور . او بو دقیقه نقل هیجاننده اخلاق ،
نه فنی ، نه ده جمعیتی دوشونیر . صنعتکار افراد سائر بشریه نه بیله
دها زیاده قابلیت تهیجیه نی حائر اولدیغندن انضمام شخیصیتله کوزل

تقلیدی ، اهتمام صورتیله ، بر اثر صنعت حاله وضع ایدن شخصیت ، مبالغهیه دوشدیکی تقدیرده اونی بر معما حاله وضع ایلر ، بر اثر صنعتک قیمتی خصوصی بر هیجان ایله متهیج صنعتکاری ذکاسنک مداخلهسی دیمکدر . اثر ، صنعتکارینک شخصیت دائمه سنی ، افاده ایتدیکی مواد قارشوسنده کی آز چوق عارضی تأثرینی حامل اولدینی تقدیرده کوزلدر . بر کلمه ده ایضاح ایدیلیرسه صنعتکارک قیمتی اثرک قیمتده پک بویوک بر حصیه مالک ، صنعتکارک ملکات و خصائصیه نظر دقتمزی جاذبدر . بوملکات و خصائص نه قدر ممتاز ، نه قدر سوییلی ایسه او قدر اثرده ممتاز ، سوییلیلدر . وینه بواسباب طولایسیله بارد ، عادی اثرلری تفریق ایده بیلیورز ، بر اثر بارد ، عادی کوروندیکی زمان امین اولمیلدر که مبدعنک ملکات و خصائصیه عادی و بارد در ، یا خود مبدعی تعقیب ایده جکی مسلک خصوصنده آلدانمشدر .

خلاصه هر نه زمان که صنعتکار ذکائی ، جسمانی ، روحانی بر تأثر ایله متهیجدر ؛ بونی تماشا کر ویا سامعین روحنه ایصال ایده . بیله جک بر صورتده هیکل تراشی بی ، شعری ، رسمی ، موسیقی انتخاب ایتمشدر . صرف ایتدیکی ذکائنک ، افاده ایتدیکی تأثرک وسعتی ، ناقل اولدینی قوه سرایت درجه سنده اثر کوزلدر .

بواوچ شرطک امتزاجندن حسن صنعت وجوده کلیر . و بو شرائط تحتنده حکمت بدایعه « علم حسن » دیمکده ممکن اوله بیلیر .

۶

غایهٔ صنعت — ذکای بشرک ، عصر لردنبری ، صنعته مفتونیت طبعیه سندن طولانی سوسلهیه سوسلهیه احتیاجات سائر انسانیه نک مولودی

صنعتکار اولیه بر مخیله و حساسیته مالکدر، که اشیاى طبیعیه نك، مناظر تاریخیه نك قارشوسنده، ایسترایسته من، خصوصى بر حال و وضعیت داخلنده بولونیر. نه قدر حقیقیون دن اولدیغنه قانع اولورسه اولسون، او موضوعلرینی تصادف دن طویلاماز. موضوعك انتخابی بیله، معین بر تأثر و تحسس نتیجه سی ماده نك وصفیه صنعتكارك وصف روحیسنك آز چوق و آشکار بر صورتده امتزاجی دیمکدر. ایشته بو تأثر ایله بوامتزاجی اعاده ایده بیلیمك صنعتده کی فعالیتك تعقیب ایتدیکی غایه در. بو واقفانه اولسون اولمه سون، اثرك قیمتی بونده در. صنعتکاری صنعتکار یاپان بودر.

نه قدر بو وصف شخصیت ائرده کندینی کوستیررسه هیئت عمومی افاده ایچون تفصیل و تفرعاتك اشتراکی اوقدر نظر فریب؛ هر قسمده صنعتكارك حس ایتدیکی علویه، یأسه، حظه عائد تأثراتی اوقدر مرئی؛ حسیات عمومی بشریه یی افاده سی، ترتیب و تنظیمك، اثر دن آکلایانلری شاشیرتمه یه جق بر صورتده، موفقیت عمومییه مالکیتی اوقدر زیاده؛ تحسسات و یارادات حاکمه بشریه عائد اقسامنه تقلیدك تابعیتی اوقدر فضله در.

خسته ویا بوزوق بر مخیله یه مالک اولان بر صنعتکار شرائط طبیعیه نك خارجه چیقار. وکندیسی آکلایلمامغه محکوم ایدر. چوق خصوصى تخیلات، چوق غرب تأثرات، اصول و قواعد عائد غرابتلر، الهامك، اثرك قیمتندن برشی رفع ایده مه مکله برابر اوکا اولیه غریب و خصوصى بروصف علاوه ایدر، که قیمت حقیقیه سنی بوتشوشك آره سندن استخراج امکان خارجه چیقار. اکی خصائصك افراط و مبالغه سی اولنلری بر نقصان، بر خطا حاله افراغ ایلر.

بولنديغمز زمان بزم نظر دقتمزی جلب ایدن شيلر ، حکمت بدایع
نقطه نظرندن تدقیق ایدلیدیکی تقدیرده ، نه احمد جمیل ، نه اشیر ،
نده اسکندر در ، بزم نظر دقتمزی جلب ایدن بو اوصاف وطبایع
روحنه نفوذ ایدن حامدله خالد ضیانک نظر لرنده کی وسعت ، و بو
نفوذ نظر دن بونلری استخراج ایله صحنه یه ویا رومانه وضع ایدن قوه
الهامیه در . بزم اشخاص آثارده تقدیر ایتدیکمز اونلر دکل ، اونلری
ابداع ایله اونلره تودیع حیات و حرکت ایدن ، اونلری خصوصی ،
واسع بر حیات ایله حافظه دن سیلینه مه یه جک صورتده یاشاتدیران
صنعتکاری ، صنعتکارینک ذکا ودهاسیدر . بونلر حقیقی اولمقله برابر ،
حقیقتک فوقنده چقیورلر ، اونی وضوح ایله رؤیته مانع اولان
تفاصيل و تفرعات جزئیهدن آیره رق تکشیف و اکمال ایدیورلر ، و
بوصورتله بر وسعت تأثیره مالک اولیورلر ، که طبیعتده تصادف ایتک
امکان خارچنده در .

صنعتک حصه سی ایشته بو نقطه ده در ، و بوکا بناء بو ابداعات بالآخره
برر تمثال حالته کیریورلر .

صنعتکارلر ، ریا ، حرص ، ظلم ، فحش ، هر نه تقریر واران
ایدرلر سه ایتسونلر ، حسن بو ملوثاتک اساسنده دکل ، صنعتده ،
بوجانی خیالری ابداع ایدن شاعرلرینک شخصیتنده در .

دیمک که بزى تقلیدک طوغرولفی تسخیر ایتیهور ، حقیقتدن
مواد مخصوصه سنی اخذ ایله بو هیئت عمومیه مکمله نی وجوده کترین
صنعت جذب ایدیور . بز ، عرض و تشهیر اولسان فضایحی دکل ،
اونلری بالاتر برطرزده درک و تیقن ایله مکملاً عرض و تشهیر ایده بیان
صنعتکارک ذکا ودهاسنی تقدیر ایدیورز .

کې صنعتکار ايله هوسكارك الك قوى محرک نندن برى ايسه بوحسنتک
وظيفه سى منفيدر دينيله بيلير . طبيعته صنعتک عدم موجوديتى
صنعتکارى صنعت علاوه سته تحريك وتشويق ايدييور . عالم ايله ايش
آدمندن آرى اوله رق ، صنعتکارده طبيعته بوضورتله اشتراك ايدييور .
بوضورتله اونک داخلنده بولونييور . وحيات ووجداتى حيات ووجدان
عمومى يه مزج ايتمکله پک بويوک بر ذوق طويييور . فقط حيات
ووجدانى قواى صنعتک هيئت عموميه سته کوره تشکيل ايتشدردر . آنجق
بوضورتله کندى خارجنده اونلرى نشر ايتمکله راضيدردر .

بزم طبيعته ويرديکمز قيمتلىر اونده دکل ، بزده در . طبيعتک
لاقيدى بديعيسى ، لاقيدى اخلاقيسى ومنطقيسى کي مطلق وحققدردر .
اومالك اولماديفى شيئى بالطبع اوکړه ته مز ، اوضعتکاره ، کنديسنده
بولنمايان ، بيلم هانکى اصولى ، تدريس ايده مز . او بر منبع الهامدر ؛
فقط اونک الهام ايتديکى کندى طرز و موجوديتى دکل ، قارشوسنده کينک
وجداتى تربيه شخصيه واجتماعيه نه صورتله حاضر لامشه او صورتله
الهام در : صنعتکارک مکيتى طبيعت دکل ، صنعتنه خاص «ته قيقدر»
صنعتکار ايجاد ايتديکى حسنتک خارجنده بديعى برشى بوله ماز ، او کندى
ايجادينى تقدير ايدر . حکمت بدايع متخصصى ايچون ، بر منقد
فيلسوفک دوشونديکى کي ، انسان کنديسنتک خارجنه چيقاماز ،
او اشيا اوزرينه کنديسنتک خلق ايتديکى ، دماغنده طاشيديفى اشکالى
انعکاس ايتديرر .



طبيعت صنعت . — بزم اثر صنعتده تقدير ايتديکمز ، صاحب
اثرک دهاسى ، ذکاسيدردر . مثلاً مائى سياهده احمد جيلک ، اشپردردر
اشبر ، اسکندرک اوصاف وطبايعنک انکشافات متواليه سى قارشوسنده

بونكله فكر مبدع حيات لاقيدنيك توديع ايتديكي شيلري يكي قانونلر.
تابع قيله رق ، وجدان بديعيله دها انساني ياهر ق ، يالكز بشره
خطاب ايدن برلسان داخلنه وضع ايده رك كوزلشدير ييور .

هيئت مجموعه قواعديني ، بو اساس صنعتي بركله ايله افاده ايتك
عديم الامكان كيدير . صنعت فيلسوفلرك بر دستور مجرد ، بر جمله
موضوعه داخلنه وضع ايتدكلري بر جوهر صنعتي دكلدر . او دائما
تكامل ايله طالع لالانان بر مسئله مؤبده در . انكشافات بديعيه سنك
هر آنده عناصر داخليله ويا خصوصيه سنك وشرائط خارجيه ويا غير
بديعيه سنك بر نقطه معينه به طوغري توجهيدر . او ، عيني زمانده
نتيجه ماضي ، وراثت ماضيدير ، و او هر فكر حقيقي بديعينك تاريخ
تكامله بر موقع ايتمه سنه ، هيئت عموميه نك مشي عضوينه غير
ضروري كوچك بر حصه محر كه احضار ايله مه سنه ياردم ايدن شخصي ،
رها كار ، بر ابداعدر . او عيني زمانده مشترك ، شخصي حيات
صنعتدر .

عازي ويا طبيعي امتزاج و مداخله لري هر نه اولور سه اولسون
حسن طبيعتله ، حسن صنعت بزه برله شه مز كي كورينور . بوندن
مقصد صنعتك طبيعتدن تباعدي ، اوئي تدقيق و تفتيش ايتمه سي مي
ديمكدر ؟ بز بويله بر ادعاده بولنما يورز . حسن طبيعت ، حتي حسن
حسن طبيعت صنعتكاره عائد فعاليتك دستور و قانوني دكلدر ، فقط
بو اونك اسباب و عواملندن بريدر . بونلر صنعتكارك افعال و حر كاتي
سوق و اداره ايتمز ، ديكر حسياتي ، قوايي ، سوق طبيعيلري توليد
ايتدكلري كي بو فعاليتي ده توليد ايدر لر . صنعتكارده بو فعاليتي توليد
ايدن شي ، اثر ك قيمته بر شي علاوه ايده مز . عشق طبيعت ، عشق تناسل

کورولیور، که حسن طبیعتله حسن حسن طبیعتی بر برینه قاریشدیر مامق لازمدر، بونلردن برنجیسی غیر بدیعی، ایکنجیسی شبه بدیعیدر. بونلردن بری هر درلو قیمتک خارجنه چیقیور، دیگرى مختلف قیمتلرک بر اجتماعکاهیدر، بعض شرائط داخلنده، تکاملاتک بعض آننده صنعتک قیمتلریله برله شه بیلیور.

۴

صنعتده حسن بریمی. — طبیعت، بنفسه، نه مثبت، نه ده منفی بر صورتده بدیعی نامیله توصیف ایدیه مه یور. دیگر جهندن « کوزل طبیعت»، « طبیعت عادیه» بر حسن شبه بدیعی ایله توصیف اولونیور. مع مافیله بونکده بر قیمتی وارددر. بوندن دیگر بر حسن دها اخراج ایتک ضرورتی اوکمزه چیقیور؛ اوده صنعتک بنفسه قیمت بدیعیه سیدر.

بوراده عریض و عمیق سرد و مطالعات اتمیه جکیز. یالکز مطالعات سابقه دن استنتاج اولنان شیئی کمال وضوحله آ کلامیه چالشه جغز؛ بر اثرک قیمت صنعتکاریسیله طبیعتده کی موضوعنک قیمت شبه بدیعیسی یاخود حقیقت غیر بدیعیه آره سنده دهشتلی بر فرق موجوددر.

اساس اعتباریله فعالیت صنعتکارانه نه طبیعتک نه ده حسن طبیعتک تقلیدینه منحصر بر کیفیتدر. او بوتون فعالیت سائر بشریه کی عناصر مادیه سی، ملهمات حسیه سی طبیعتدن استعاره ایدیور؛ انسانده هیچ برشی یوقدر که بو ایکی منبعدن ظهور اتمه سین. وینه بو سببله در، که بونلر اونوی توصیف وتعیین ایده مز. اوبذاته، بر مولد آهنگ، بر شکل اسلوب، بر تزیین، بر مفکوریت در.

طولاییدر. اخلاقی چیرکینلک کرده بوکی اسبا بدن تولد ایدر. بوراده ده
ینه شخصلر حکملر من اساس تشکیل ایلر.

خلاصه طبیعتک حسنی، آنجق بر تربیه مخصوصه اوکا، بر لباس
مخصوص اکسا ایتدیکی تقدیرده در. صنعتکارلر حسن طبیعتک
ملهملری، مخبرلریدر. بولرده، بطی مشی ایله حرکت ایدن جمیعک
مترقی، مستثنا تمثاللریدر.

طبیعتک حسنی اساس اعتباریله جمیته مربوطدر، انسان، اونی
تکاملات اجتماعی سنک آرزو ایتدیکی دقیقه ده الده ایده بیلیر، عکس
حالده اونک بولندیغندن بیله خبردار دکدر، کذلک انسانلر حسن
طبیعتدن وجوده کتیردکری حسن شبه بدیعده صنعتک تکاملاتنه
تابع اوله رق تکامل ایدر. طبیعت، قلاسیکلر ایچون، صنعتک
قوه دن فعله چیقارمه یه چالشیغنی صفوته، صحت، عظمت و علویته،
آهنک معماری یه مالک اولدیغنی تقدیرده کوزلدر. رومانسیکلر ایچون
انتظامسزلق ایچنده بر افاده مهیجه ظاهریتته مالک اولدیغنی تقدیرده
کوزلدر؛ زیرا اونک صنعتی بونقطه داخنده تظاهر ایدیور. حکمت
بدایع نقطه نظرندن طبیعت بزم صنایع نفیسه مزک اوکا بخش ایتدیکی
شیلرله زنکیندر.

صنعت بر کشف اولمقدن زیاده بر ابداعدر. بذاته طبیعت نظر
اعتباره آلتدیغنی تقدیرده، لاقید، سکون و عظمت ایچنده، انسان
اولمه مش اولسه یدی، نه چیرکین، نه ده کوزل اوله بیلیدی. اونده
بدیعی هیچ بر شی یوقدر، او کوزل ایله چیرکینک خارچنده در. او
صنعتک آرقه سندن کورلیدیکی تقدیرده بر حسن اکسا ایده بیلور، که
بونی تام حسن شبه بدیعی دییه یاد ایده بیلیرز.

شایان دقت چاربا حیواناتی تقدیر اتمه یورز. مثلاً آدن بحث ایدلدیکی تقدیرده استیناس ایده بیله جک، یینه جکمز ویا سوق ایده جکمز، بزه اطاعت ایده جک، بزی ولی نعمت اولق اوزره طانییه جق آتی، بر پیغوله صحر اویدن بحث اولندیغی زمان شهرلرک تقاضاسنی اونوته جغمز، وظیفه و صنعتمزک آجیلرندن بزی اوزاقلاشدره جق، مسافر پرور، میوه دار کوشه لری تقدیر ایدرز. وبو ادراک شخصی صحت طبیعییه شکل عمومیسندن فضله اوله رق، اشیادن زیاده بزه عائد بر علاقه انتخابیه بی ده تضمن اتمکده در.

طبیعتده بزم کوزل تلقی ایتدی کمز شی ویا موجود دیمک، اونکله، دهها زیاده سعاده اشتراک ایده بیله جکمز شی ویا موجود دیمکدر. بزم ایچون طبیعی اولان شی بودر، بعض نقطه لرده دیگر اوصاف وخصائص بونک قارشوسندن سیلیرلر.

مادی بر صورتده، حسن طبیعی، بر حد وسطی، بر انکشاف منتظمدر. فقط دیگر جهتن، تمامیه نقطه وسطه وصول، اوراده توقف، صحت تامه ایچنده امرار حیات، خصوصی تی تمامیه کوستر مک نادر بر شیدر. طبیعی لکک ویا انکشافک حد اعظمیسنک تحقیق شایان دقت، مستثنا بر موفقیته در. بذاته عادی اولان بو وسطیلک کیفیتی بزم ایچون نادر، بناء علیه تقدیره شایاندر.

معکوساً زشتی طبیعی ده جنسک تیپندن افتراق، انکشافاتک توقفی، شخصیت جسمانیه و مغنویه نک آز چوق مرضی بر شکله انقلابیدر. انسانلرده موجود اولان چیرکیلک لک مکتسب ویا ارثی نقصانلردن متولددر. مثلاً دوداقلرک، یا ناقارلرک رنکسزلکی قانسزلقدن

قيمت بديعيه مر بوطدر . ايسته بوكا بناءً طبيعتك حسن شبه
بديعيسى واردر ، ديورز .

في الحقيقه ، اشياده ، ويا موجوداتده كوريلن حسن ندر ؟ .
طبيعتده ياشايان مخلوقاتده كي حسن ، اونلرك جنسه خاص اولان
وصف طبيعيه مالكيث ، عضوي ومعنوي خصائصك انكشاف تامي ،
طاشقين بر صحت ، نهايت بوتون بونلرك اشتقاق ايتديكي بر قوه
عاليه در .

غير ذيروح اولانلرده ايسه ، عاديته نفوذ ايتديرن علوبته ،
وسعته ، قوته مالكيث تاثيريني توديع ايده بيلمكده . . ايكي آغاچدن
اك كوزلي وسعتي اعتباريله اك واسع اولاني ، اندام وشكل اعتباريله اك
آتقين بولناني ، ياشي اعتباريله اك شايان دقت بولناني ، روزكارلره قارشو
مدهش عضلاتيله قارشو قويايله نيدر . ايكي چيچك چايرندن اك زياده
مبذول چيچكه مالك اولان ، ايكي قايدان اك تهديدكار ، اك مقاوم ،
اك بويوك بولنان ، ايكي چولدن اك زياده نوميد ايدن ، اك زياده
يكنسق ، وحشي اولان اك كوزلدر .

ا كر بو فكرر حسني توليد ايدن خيالاتك اصطفاسي شكل
بشريه ، شخصيته عائد بر جهته توجه ايمه مش اولسه يدي علم ارض
علماسيله حيوانات متخصصلرينك دو كوب صايدقلري اوصاف اساسيه
ايله بو حسن برله شه بيليردي .

في الحقيقه ، اشيادن ، حيواناتدن ، انسانلردن كوزل اولمق اوزره
تقدير ايتدكار مزده يالكز مجرد اوله رق جنسك وصف طبيعييني
آرزوله مايورز . بزم نقطه نظر منر دائماً دهها مادي بر شكلده در . بز
بالذات طبيعيتونك ويا طبقات الارض علماسنك منجمد اووالرينك

آلشلا دیغی بر اثری دیگر بر مملکت آکلامایور، آلشلامایور. حتی زمان ایله، ساعتله، بر شخص اوزرنده بوتنوع دونیور. مغویون، بونک شخصی اولدیغی، بناء علیه اشیاك متحولی، اك كریزانی بولسدیغی، عمومیتدن اوزاق ایدوكنی ادعا ایدیورلر. بوتون روابط خارجی، اوکا بیكانه اولان شیرك ارتباطی قیره جق درجده اونی انانیته حصر ایله یورلر.

فی الحقیقه حسن، اساسی اعتباریله درونی، هیجانی، هیجان بدیی اولتمسزین یا شایه ماز اوله بیلر، فقط بو اوکا بر تعریف مادی ویرمكدن واز كچمه یی مؤدی اوله ماز.

كله نك معناسیله، طبیعت كوزل دكلسه، هیجان بدیی نی تولید ایتمه یورسه، بونك ایچون تماشا كرك روحك اشتراكی لازمدر. صنعت ایچون مسئله اوله دكلدر. خلاصه حسن داخلی ویا خارجی هیجان بدیعیدن باشقه برشی دكلدر. اكر بوتون حسن بندن انتشار ایدیور، اكر بوتون حسن شخصك مولودی ایسه - هیچ اولمازسه اساسنده - مغویدر، بالذیجه دیگر لرینه قابلیت انتقالیه یی حائر، حسن مغوینك تظاهر خارجیسی عد اولنه بیلان بر حسن مادی ده موجود دیمكدر.

۳

طبیعتده کی حسن شبه بریدی. - « حسن طبیعتده » نه حسن، نه ده زشتی واردر. اوهر درلو فکر قیمتدن، انسانیتجه ممكن اولدیغی قدر، متباعددر. مع مافیه طبیعتك حسنی بر تقدیر قیمت، کیفیتدر، حالوکه حسن بر قیمتدن باشقه برشی دكلدر. فقط بو قیمتلر، طوغریدن طوغرییه، مشابه اولماق شرطیله،

عادی اذواقیله افاده ایدیورلر . بو، نه قدر حقیقتی احتوا ایدرسه ایتسون، بر چوق نقاطی ترك ایتدیکی جهتله طوغری دکلدر . ذوق بدیعی، حس حسن خوش ایله افاده ایدیله بیلن ذوق حسیدن عبارت دکلدر. بوندن باشقه ذوق بدیعی بر ذوق فکری، بر ذوق اخلاقی، حقیقتك کاشفی بر ذوق ذکائی، مقصد و غایه شتابان بر ذوق ارادی دکلسه بیله - ذوق بدیعی نه دیرلر دیسونلر ذوق اخلاقی و فی ایله برله شه مز - او، نوعما . بو ذوقلرک هیئت مجموعه - سی حاوی بر ذوقدر . ذوق بدیعی، هیچ بر زمان بلا هیجان طاتیلما مشدر.

بونك ایچوندر، که قانت حس حسنی، منفعت بکله مهن، آهنگدار اولان هیجان بدیعی ایله افاده ایتمشدر .

هر نه قدر حس حسنده حصه ذوقیه او قدر بویوک دکلسه ده بوصول نظریه غیر قابل انکاردر . حسن، کوزل بولدیغمز اشیا قارشوسنده حس ایتدیگمز بو هیجان لطیفدن باشقه بر شی دکلدر . حسن، حس - ایتمیزی حال فعالیتته کترین بوتون قوانك آهنگدار، تام بر صورتده انکشافی، وانکشافدن باشقه مقصد و غایه تعقیب ایتمه مسیدر.

بو تحلیلانك قیمتی نه اولور ایسه اولسون مغنویون هیجان بدیعینك نه اولدینی حقه ده بزه ایضاحات کامله اعطا ایده مه یورلر . مادامکه حسن بویله در، بزم خار جزده هانکی شیئه انتقال ایده بیله جکنی بیلیمک عذیم الامکان کیدر، تناس ایتدیکی مواد آره سنده او قدر تضاد موجود، که تعیین محالدر . بمضلری بر اثرده حسن بولدقلری جالده دیکرلری اونده حسن بونه مایور .. عصر لرله مملکتلر آره سنده تخلف تقدیر و حس يك چوق بویوکدر . بر زمانده هیجان ویرن بر اثر دیگر بر زمانده حائز اهمیت اولمایور . بر مملکتك آکلادینی

طبیعتده عدم موجودیتی تظاهر ایدر . بر منظره ، بر حیوان ، بر نبات ایچون کوزل دنیلیرسه بو ساده جه آهنگه ، انتظامه ، وحدته عائد بعض شرائطی حائز دیمکدر . حالبوکه بو مزیاتدن باشقه بر مزیتیه مالک اولمایان ، « قلهسی ایفل » کبی مکملیتک نمونه سی آثار صنعت کوزل تلقی اولمایور . مناظر طبیعیه حسنی تماشا کرک ویا صنعتکارک روحندن آلیور .

حقیقتده بولدیغمز حسن ، کندمزنک بر ایجادی ، بر ابداعیدر . او بزم طبیعته علاوه ایتدیگمز شیدر ، طبیعتک بزه احضار ایتدکریله روحمزده اونی سوسله مک ایچون حاضرلادیغمز الیسه دن باشقه برشی دکلدرد .

طبیعتده ، ویا اونک فوقنده ، بزم خارجمزده حسنک عدم موجودیتی کوره ن مغویون بونک تمامیه درونی ، ذکای بشرک ویاخود حالت روحیه نک ابداع ایتدیگی برشی اولدیغنی استخراج ایتدیلر . اولره کوره ، حسن ؛ تعریف ونقدیر ایدلمکدن زیاده حس اولونیر بر حالت حسیه در .

مغویون ایچون حسن ؛ بزم حکم ایتدیگمز ، ویا حس ایتدیگمز شیدر . بزم حکملرمز ، اساساً ، حسنی تشکیل ایدن تحسسانک ، یاخود دها طوغری ، هیجانانک تأثیر وتابعیتده در .

بو نقطه یه قدر کلدکدن صکره بو هیجانک نه اولدیغنی ، اونی نلرک توصیف ایتدیکنی ؛ دیکر لرندن نه صورتله ایرلدیغنی تعیین ایتمکدن باشقه بر مسئله قالمایور .

یونلر بونی ایضاحه چالشیرکن ینه بر طاقم قسملره ایریلورلر . بعضلری حس حسنی - تولستوئی ، ماریوپیلو کبی - حسیاتک اک

بولندیریور. اوراده فالغه تصادف ایدلدیکی کبی چیرکینلکهده تصادف ایدیلیور، چونکه عداوت ایله بی آهنگی اساساً اولنده موجوددر. دیگر جهندن، حسن صنعتک طبیعتدن متولد اولدینی حقنده کی فکر ونظر تمامیه یا کاشدر. صنعتک طبیعتک تقلیدی اولدینی حقنده کی ادعاده عینی درجه قوتده کاذبدر.

اگر بویه اولمش اولسهیدی صنعت، حقیقه چیرکین اولان شیرله بر حسن مخصوص، بر جاذبه مخصوص علاوه ایده مزدی. «غروس» ک «وبالیری»، «لیژییه ریشیه» نک «قیدی»، «غواییا» نک «جانوارلری» کاغد اوزرنده، طاش اوزرنده، لوحه اوزرنده تقدیره وحیره شایان کورینورلر.

طبیعتک اک کوزل شیرلینک تام بر صورتده اعاده سی، اظهار و افاده سی، باشقه بر شی علاوه ایتمه مک صورتیه، ساده بر قویه اولمق جهتیله کوزل اوله مایور.

اگر صنعت تقلید تامدن عبارت اولسهیدی بر تشریح درسک فوطوغرافیه عینی وضعیه، عینی ضایه مالک بولنان «رامبران» ک تشریح درسری آره سنده بر فرق بولنمه سی اقتضا ایدردی.

اگر حسن صنعت، حسن طبیعتک انعکاسی اولمش اولسهیدی صنعت طبیعتک پک دوننده بولنوردی. برسام تحتیه سی اوزرنده کی بیاض بویا؛ بر قارک بیاضلی یاننده نه در؟.. صنعت، طبیعتی آنجق پک اوزاقدن تنقیب ایده بیلدیکی جهتیله، بو ادعایه کوره حینه هیچ یتشمه مش دیمکدر. خلاصه صنعت حسنی طبیعتدن اخذ ایده من.

اساساً، کلمه برده وضوح تام ویریه جک اولورسه، حسنک

خارجده کی موده له مشابه بر صورتده اظهار و ارأیه قالدیشسون. بوکا شتاب ایدنلر دائما برودتک ساحه سنه دوشمشلر، موفق اوله مامشلردر. خلاصه حسن بر حقیقت، مافوق الحسیاته عائد حقائقک هیئت مجموعہ سی اولمش اولسه یدی صنعتکارلرک اثرلرنده کی انعکاساتک صمیمیتہ کوره یکدیکنندن آیرملری اقتضا ایدردی، که بوده صنعتده ممتازیت و خصوصیتک انکاری، صنعتکارلری آز چوق ماهر بر مقلد حائمه ادخال دیمکدی. اگر بویله اولمش اولسه یدی بر اثرده محرک شخصیتنه ویردیکمز قیمتدن صرف نظرله باشقه بر صورتده اظهار و ارأیه ایدلمش، اسلوبلری مختلف، فقط عینی موضوعه مالک آثار صنعتی مساوی درجهده کوزل عدايتک اقتضا ایدردی.

بوندن باشقه، صنعتکار بر اثر حسن وجوده کتیرمک ایچون کائنات حساسه دن مقدم وجوده گلش علوی بر موده لی تعقیب و تقلیده مجبور دکلدرد. بز حقیقتی یالکز بوتون عریانیسیله دکل، اک نقصان بر صورتده کوسترن آثاری بیله تقدیر ایدیوروز. حتی اشیایی چیرکینلشدیرن قاریقا تورلرده بیله حسنی بولیوروز. بوکون بونلرک بر اثر صنعت اولدیغنه اعتراض ایدن هیچ کیمسه یوقدر. بو؛ حسنی بر مثال مافوق الطبیعه عدا ایدن نظریه نك محکومیتی دیمکدر.

۲

طبیعتده حسن. — حسن طبیعتده موجود دکلدرد. اولای طبیعتده هر شی حسن داخلنده بولنا ماز. حتی بونی، طبیعتی حسنک ایلک شکلی دییه قبول ایدنلر بیله اعتراف ایدیورلر. طبیعت، کوزل دینیله بیان شیلری تولید ایتدیکی کی دروننده پک چرکین شیلرده

شی دکلدر . حسن مطلق ، غیر قابل ادراک بر کیفیت اولدینی ایچون ،
وبوکا بناءً دماغلرده بر موقع طوتمشدر . فی الحقیقه ، هر بر موجودک ،
عمومک حسنی اولمادقدن صکره حسن بذاته ، حسن مطلق نه
اوله بیلیر ؟ .. مثلاً حسن انسانی حقنده ناصل بر فکر ویریه بیلیر ،
اسمر میدر ، صاریشینمیدر ، اوزون چهره لیمیدر ، مدور چهره -
لیمیدر ؟ .. انسانک اندامی ، کوزلرینک رنکی ، آغزینک بویوکا-کی
ناصل اولمایدر ؟ . بوکا قطعی بر جواب ویرمک عذیم الامکان در .
وینه کوپکک ، کدینک ، اورمانک دکزک حسنی حقنده ده نه دینه بیلیر ؟ ،
عجبا بولدوقی ، فنومی دهها کوزلدر ، بونلری حله ، ایضاحه
چالشمق ، غیر ممکناتک شبکه سی داخله کیرمک دیمکدر .

شبهه سز بز - افرادی بالآخره اوکا کوره نظر اعتباره آلمق ،
مقایسه ایتمک ایچون - هر نوع ایچون بر مکملیت عضلیه تیپ دماغزده
یا شاتیورز . افرادی بالآخره ، اشکالی اعتباریه ، دماغزده کی بو
عضوی مکملیه تقریبی طولایسیله درجانه آیریورز ، فقط بومکملیتی
بز طبیعتده حاضر بولایورز ؟ بز اوئی ، تجارب حسیه مزدن استعاره
ایدیلن معلوملر طولایسیله ایجاد وابداع ایدیورز ؟

با خصوص مکملیت حسن ایچون ضروری بر کیفیت دکلدر .
باشک کوچک ، بویونک قیسه ، اوموزلرک دوشوک اوله سی
« هرکول فارنه ز » ی برشه صنعت اولمقدن ناصل منع ایتیه یورسه
« قانونا پهرسه » سنک غیر قابل متایسه بر مکملیه مالک اوله سی ده
اوئی بر اثر صنعت یاپه مایور . حسن ، عمومیتدن فرار ایدر ، برشه
آفریده صنعتده کی شخصیت ، خصوصیت اسلوب قدر خصوصیت
مالک هیچ بر شی یوقدر . هیچ بر صنعتکار مقتدر یوقدر که حسنی

بر حقیقت مطلقه دن ؛ هه کله ، شه‌لینغه کوره فکرك طبیعته
انمکاسندن ، انتها داخلنده بی اتهاك ادراکندن عبارتدر .

بوصوك نظریه حسنی بر حادثه مافوق‌الطبیعیه تلقی ایدنلرله اونی
داخل طبیعته وضع ایله‌ینلر آره‌سنده بر خط وصل خدمتی
کورمکده‌در . زیرا او حسنی مافوق‌الحسیات برشی تلقی ایتمکه
برابر طبیعتك اوکا واصل اولمق ایچون صرف غیرت ایتمکه کوزل
اولدیغی بیان ایدیور ؛ طبیعتك اونکله مشبوع اولدیغی قبول
ایله‌یور ، حالوکه حسنی طبیعت داخلنده فرض ایدنلر اونك طبیعتدن
منتشر اولدیغی ، هر یرده موجودیتنی ، حیاتك بر نتیجه طبیعیه‌سی
بولدیغی ، تحریر حسه قوشان بالذات حیات اولدیغی سویلدورلر .

بالتیجه برنجی صنف مادیون ایچون صنعتك وظیفه‌سی حسن
مطلق ممکن اولدیغی قدر اظهار واره ؛ ایکنجیلر ایچون ایسه طبیعتی
تقلید وافاده‌در . وبوندن طولانی ، بربرینه مخالف ایکی مکتب صنعت
تولد ایدیور . بری حقیقتی بعض موضوعلرده اکمال و اصلاح
ایدلش اولدینی حالده قبول ایده‌یلان « ایده‌آلیزم » ، دیکری ده ،
طبیعتك مناظر نفیسه‌سی ایله مناظر قبیحه‌سی ، هیچ برشی تبدیل
ایتمکسزین ، کوسترمك ایسته‌ین ره آلیزم « ناتورالیزم مسلک‌لریدر .

بو ایکی مکتبك استادلری نه قدر حائز اهمیت اولورسه اولسون ،
حصوله کتیردکلری اثر نه قدر مکمل بولنورسه بولنسون ، علم‌وفک
بوکونیکی ترقیاته نظراً ، حسنی بزدن خارج ، کرك طبیعتك داخلنده
کرك اونك فوقنده برشی تلقی ایتمك امکان خارجنده‌در .

حسن مطلق ادعاری ، خصائص منفیه‌سی ؛ آهنگ ، انتظام ،
وحدت دییه صایان فیاسوفلرک نخیله‌سند یاشایان بر عناددن باشقه‌بر .

حسن نه در ؟

فكر حسن . — طبيعته حسن . — طبيعته كي حسن شبه بدیی . —
صنعتده حسن بدیی . — طبیعت صنعت . — غایه صنعت .

۱

فكر حسن . — حكمت بدايعه اشتغال ايدنلر ، صنعتی تعريف
وافاده ایچون ، شمدي به قدر حسنه شتاب ايتملر ، بوكا « علم حسن »
نامنی ویرمشلردر . فی الحقیقه صنعتی حسنك افاده سی تلقی ایتك ،
ایلك نظرده ، هر درلو اعتراضات و احتیاجاتی دافع بر کیفیت کبی
کورونیر . فقط دقتله باقلدینی ، مسئلهك روحنه نفوذ ایدلدیکی زمان
بو تعریفك ده محتاج تعریف و ایضاح اولدینی تحقق ایدر .

حسن نه در ؟ ابتدا بونی ایضاح ، شمدي به قدر بونك حقنده
اعطا ایدیلن مطالعاتی ، صنوف مختلفه به تقسیم ایدرک ، تدقیق و تحقیق
ایتك ضرورتی قارشوسنده بولونیورز .

حسن ادعالری ظاهرأ ایکی هیئته منقسم اولیور . بعضیری حسنی ،
صنعتك تبعیته مجبور اولدینی ، مادی بر شی تلقی ، بعضیری ده اوکا
معنوی ، شخصی بر موجودیت تودیع ایدیورلر .

مادیون ایچون حسن انسانك خارجنده ، كرك طبیعت و صنعتك
فوقنده ، كرك داخل طبیعته بر غایه خیالیدن باشقه برشی دکلدر .
افلاطونه کوره حسن ، جنسه و شخصه لایتناهی بر صورتده فائق ،
بوتون حیرت و تقدیره لایق اولانلرك تطابق ایتدکلری بذاته موجود

ذوق ایچون ایکی شرط حاکم موجوددر : بونلردن بری سمعک ،
بصرک تأثرینه قارشو شدید بر تأثر فطری ، دیکری ده هر شیئک
شرائط بدیعیه سی حقنده درین بر وقوف و معلوماتدر . بو ایکنجی
شرط مختلف صنعتلری بر برینه قیاس ایله ، صنعته عائد تطبیقاتله اله
ایدیله بیلیر .

بو شرائطدن باشلیجه سی اشیانک فکره ، فیکرک شکله تطابق
و توافقیدر .

ذوق ، صنعتکارده بر کشف درونی ایله اشیانک کرک هیئت
عمومیه سنده ، کرک تفرعات و تفصیلنده موجود مناسبات توافقیه یی
کوره بیلمک دن عبارتدر . منقده ایسه بو خاصه ، خاصه تحلیل ایله
اکمال و اتمام ایدلمشدر ؛ بونک ایچوندرکه او ذوق اوزرینه مختلف
حکملرده بولنه بیلور . بر اثرده غیر مساوی بر طاقم پارچه لر
موجوددر ، بونلر حساسیت مزه عینی صورته تأثیر ایتزلر . رقت ذوق
دیمک تأثر عمومی ایچنده کی بو آنات خصوصیه یی تفریق ایتمک ،
یعنی اهتزازات عمومیه ایچنده هر لیف عصبی یه ویریلن شدت و قوتی
تحلیل ایتمک دیمکدر . منقدی تشکیل ایدن بو خاصه در . او نه قدر
خاصه تحلیلی ایلرله تیرسه او قدر مکمل ، تام بر منقد اولور .



یا غلرك عدم موجودیتته می قانع اولمیدر ؟ بوکا کیمسه اینانه من .
ایشته بویه بر قیاسله ذوقك عدم موجودیتی، یا خود شخصی اولدیغی
ادعا ایتکده درلر .

۴

نور نه در ؟ — ذوق ، حظ بدیمی یی حس ایدن آز چوق
انکشاف ایتش بر خاصه دن عبارت دکلسه نه در ؟ مع مافیه بو خاصه
موجوددر . بونی هیچ بر کیمسه انکار ایده من ، اکر موجود اولماش
اولسه دی صنعت موجود اوله مازدی . حتی ، اك صوك نقطه سینه
تنزیل ایدلیکی حالد ، ذوق بوتون انسانلرده موجوددر . انسانلر
آرسنده بوتون صنایع نفیسه یه لاقیدر بر کیمسه بولق مشکلددر .
بعضیلری رسمی ، بعضیلری شعری ترجیح ایدیورلر ، معماریدن
نفرت ایدنلر موسیقی دن خوشالانیورلر ، لاقیدی عمومی ادراك
اوله ماز بر کیفیتدر .

اولجه کوردیکمز وجهله ، محظوظیت ، هرکسه خاص الیاف
عصبیه نك حال تهیجندن متولددر . فقط قابلیت تهیجیه هرکسده
مساوی دکلدر . مع مافیه الیاف عصبیه نك قابلیت تهیجیه سی کفایت
ایده مه مکده در . محظوظیت حقیقه بدیمی بر شکل آله بیلیمک ایچون
بزه بو محظوظیتی ویرن اثرک مبدعی صنعتکار یا خود داهی ایچون
محتکار بر حس تقدیر بسله مه من شرطدر . بو حس تقدیر محررک
ویا مبدعک بو اثری وجوده کتیریمک ایچون چکدیکی مشکلات وایفا
ایتدیکی شرائط ایچون آز چوق واضح بر اعتقاده مالک اولمازسه ق
تشکل وتأسس ایده من . وبونه قدر مکمل ، نه قدر واضح اولورسه
اثرله مؤثرک قیمتی ده او قدر طوغریلقله اولجیله بیلیر .

بر يکسی دهاظهور ايدنجه قدير او منطقی ، معقول کورونيور .
 ذوق ، مودا خصوصنده کی تکاملاته تابع اوله جنی یرده ، ارتجاجاته
 تابع بولينيور . عینی نقطه لردن طور مقسزین کچن بر رقاص کبی بر
 مرکز داخلنده اولان بر نقطه دن دیگر بر نقطه یه کچيور . بوارتجاجات
 پک آز مرقی اولان ملترده کورولمه یور ، زیرا نخيله مدنیلرده کی
 قدر اونلرده طلبکار دکدر . حالبوکه مدنیلر فکرلره ، حسیاته قدر
 هر شیده تبدلاته خواهشکر در . بناءً علیه بونلرده مودالر تعاقب
 وتوالی ایدره کیدیور .

بونک اسبابی ، عارضیلرینی ترک ایتک صورتيله ، ترقینک نقصانه
 بناءً احتیاج تجددی تطمین ایتکدن تولد ایدیوردی . بعض
 مملکتلرده قادینلرک موقع اجتماعیلری او صورتله تشکل ایتشدیرکه
 تووالترلندن ، ذوقلردن باشقه بر مشغولیتلری بولنمایور . تربیه لری
 نقصان بولنمسه بناءً محیطلرنده کوردکلری امثال طولایسیله
 اک کوچک یاشلرندن اعتباراً جدی دوشونمیه غیر مقتدر غریب
 غریب ایجاداتله حس بدیعیلرینی تأمینه چالیشیورلر . صیقینتیدن
 اولمه مک ایچون ، جدیاتله اوغراشه مادقلری جهتله واهیاته ، غرور
 ایله ده متمادی تبدلاته قوشیورلر . هر نه قدر مودانک تبدلی حس
 بدیعینک تطمین احتیاجندن تولد ایدیورسه ده بونی مثال اتخاذایدرک
 ذوقلده تبدل وتنوعنی شخصی ، هر درلو قواعد ونظاماتدن عاری
 عد ایدنلرده بر دلیل تشکیل ایده مز . ذوق ، حقیقی برشی اوله بیلیمک
 ایچون ، بوتون انسانلرده عینی صورتله انکشافه محتاج دکدر ،
 نته کیم ذکاده ، دهاده بو کبی بر قیددن آزاده در . مثلاً بر آدم انی
 یاغ ایله فنا یاغی تفریق ایده بیلاهک بر ذائقه یه مالک اولماقله فنا

و یا حس اتمک خصوصنده یا طبیعه معلول طوغیورلر، یا خود بر تربیه مخصوصه یه مالک اولمادقلری ایچون برضعف مخصوصه مالک بولینیورلر. بوندن باشقه اشتغالات واعتیادات دماغیه نکه ده عضویتمز اوزرنده کی تأثیرینی نظر دقتدن دور طوتاملی یز، تاریخ دماغ بشر بوکا دائر بر چوق مشاهده لرله مالا مالدر. ادبیات جدیده ایله ادبیات عتیقه غوغالری بونک بر دلیدر. هر ایکیسنده ده ذوق مخصوصه مالک بر طاقم کیمسه لر بولنیورکه کندی نقطه نظرلرینی مدافعه ایچون اک کولونج موقعده قالییورلردی. آناری قیمت حقیقه لر ی ایله اولجه جکلری یرده تنظیم و ترتیب ایله کلری اصول ایله اولچیورلردی. فقط بوتون بو عصیانلر ذوق اوزرنده بر تأثیر اجرا ایده منزلر.

تجدد، حقیقه منطق، صنعتکارانه اولورسه، دائماً بو غیر منطقی تعرضاته غالب کلیر. ایله بر زمان کلیرکه مجادلات و مناقشات موازنه کسب ایدر. ملاحظه واعتیاد ایله یکی آثار آ کلاشلمه یه، حس ایدلمه یه باشلانیر. دیمک که ذوق خصوصنده تربیه نکه ده، اعتقادات باطله نکه ده تأثیری وارمشر. دیمک که ذوقک تنوع و تحولی بواسبابدن نشأت ایتمکه ایمش ... دیمک که بزم سرد ایتدیکنز نظریات طوغری ایمش.

۳

مردا. — بوکا مشابه بر تأثیرده موداده تصادف ایدیورز. بوتون مودایه عائد تبدلات و تحولات ابتدا بزه غریب و بی معنا کورونیور، فقط بر قوستومه بر دفعه آشدقی اولکی سنه ده کی قوستومی غریب بولمه یه باشلا یورز.

اگر بونك تعيينی خصوصندہ کی مشکلاتی حل ایتہ یہ جك اولورسہ ق
شمدی یہ قدر توسیع وایضاح ایتدیکمز نظریات ہبا اولمش اولور .
یاخود الك زیادہ فناجہت بوتون حکمت بدایعك افناوا محاسی مجبوریتیدر
متلون ، متنوع ، متحول بر شیئی قطعیت فنیہ داخلہ ادخال ایتك
ممکنمیدر ؟ بونی بعضلرینك تلقی ایتدککاری کبی تصادفہ می ربط
ایله ملی ؟

مسئله بویله دکلدرد . بزم استناد ایتدیکمز اهتزاز نظریہ سی ده
حادثات ، هم ده فنا ، بلا واسطه مشاهدہ ایله کوسترلمش حادثات
اوزرینہ مؤسسدرد . مادامکہ بونلرده برر حادثہ در ، ادواقك تخالف
وتبدلی مسئله سنی تدقیق وایضاحه چالشه لم .

۲

بونلرک اسبابی . — الك زیادہ نظر دقتی جالب اولان حادثہ
الیاف عصیہ نك هر شخصده عینی صورتده قابلیت تهییجیہی حائر
اولمامہ سی کیفیتدر ، بوخصوصده کی تخالقات شایان دقت بدرجہ ده در .
بعض اوبور کیمسه لر بیدکاری شیلرک الك اینجه چاشنی سنہ قدر
آکلادقلری حالده بر چوققلری بوندن محروم بولمنقده درلر . بعضلری
بر اورکسترانك الك آز حس اولنه بیلن تفاصیل و تفرعاتنه قدر
آکلادقلری حالده بر چوققلری ده الك زیادہ غیر مشابہ نوطلری بیلہ
بر بوندن تفریق ایتك خصوصندہ تردد ایتمکده درلر .

بونہایت نقطه لر آره سنده بی نہایہ بر درجہ تحول موجوددرکہ
اعضانك ادراک خصوصندہ کی قوت ونفوذینہ عائد سلسله تنوعی
حصولہ کتیریور ، دیمک کہ بعض کیمسه لر بعض شیلری کورمک ،

ذوق نه در ؟

ذوقك تنوعی ، قابلیت تحویله سی . — بونرك اسبابی . — مودا . —
ذوق نه در ؟

۱

ذوقك نوعی ، قابلیت تحویله سی — اكرُ حظ بدیعی ، معین
شرائط داخلنده باصره ایله سامعه یه عاُذ الیاف عصیه نك اهتزازات
مخصوصه سنه عاُذ بر نتیجه ایسه ، كوز ایله قولاق مرا كز عصیه یه
اشكالك ، خطوطك ، الوانك ، اصواتك ، حركانك تأثراتی نقله
مأمور ایسه بالنتیجه حظ بدیعی ده کیفی ونسبی هیچ بر شی بولنمهیسی
عینی مناظر قارشوسنده بولنان ، عینی اصواتی ایشیدن انسانرك عینی
صورته متأثر اولمهیسی اقتضایدردی .

حالبوکه بو نتیجه منطقیه ایله افکار عمومییه ، دهسا طوغریسی
احداثات ووقایع طابان طابانه ضد بر موقعه در . دنیاده تنوعه میال
بر شی وارسه اوده آثار صنعت حقنده کی حکملردر ، اك مشهور
منقدرل بیله بر اثر صنعت حقنده عینی نقاط نظره مالك بولنمهیورلر ،
بولنسلر بیله نسل آتینك بر آز خلافسده بولنمهیجغه دائر بو بر
ضمان قوی تشکیل ایده مه یور . دنیاده مودادن دهسا متحول نه
موجوددر ؟ حالبوکه بو الیسه لر اوزرنده تعین ایدن بر ذوق بدیعیدن
باشقه نه در ؟ بعضلری طرفندن مدح ایدیلن بر اثر دیکرلری طرفندن
ذم ایدیلیور . اك زیاده پرستش ایدیلن بر مودا بر قاچ آی صوكر
كولونج اولیور .

طویار که خارجده ، باشقه بر یرده اوکا تصادف ایتمه سی امکان خار جنده در بو انجذاب اونک هیجاننک منبعیدر . بوکا تبعیتله ، خارجاً هیجانا تمیزی افاده ایچون ، اونی متأثر ایدن الوانی ، اشکالی ، خطوطی تکرار ستحصاله شتاب ایتکده در . ققط الیاف بصریه نك اهتزاز اتندن متولد بوکا ، بر سلسلهٔ اصوات آهنگدار علاوه ایتک ضروریدر . کوز واسطه سیله طوغریدن طوغری یه حس اولنان تأثر و تحسسه ، درجهٔ تالیهده ، دماغ بشرک تشکل مخصوصی ایجابندن اوله رق عینی زمانده حصوله کلن بر طاقم تأثرات و تحسسات رفاقت ایدیور . بونک اهمیت وعددی بشرک انکشافات دماغیه سی نتیجه سنده تراید ایدیور . بوندن صنعتکارلر آره سنده بر تخالف ، بر درجه حصوله کترین ، ملکات صنعتکارانه ایله ملکات سائر آره سنده آنجق حس اولنه بیلن توافق و یا عدم توافقدن متولد بر تنوع و تکثر ظهور ایدیور . بونک ایچون رسم ، هیکل تراشی ، معماری اويله بر قیمت افاده یه مالکدرلر که بونک حدودینی تعیین ایتک ممکن دکدر .

شو مطالعاتدن آ کلاشیلور که مختلف صنایع نفیسه آره سنده کی حدود مطلق تعیین ایدیله میور . اصوللرینک تنوع و تخالفنه رغماً اونلر برلرینک حدودینی تجاوز ایدیورلر ، زیرا اونلر نقطهٔ عزیمتلی نقطهٔ وصولری اعتباریله بر مرکز مشترکه ، یعنی انسانله مربوط بولینیورلر ، و بو مرکزک مشوشیتی اوندن انبعاث ایدن هرشیده آز جوق تظاهر ایدیور .



اصواتك معماریسی ، معماری بی ده وسعت و مسافه نك موسیقیسی تلقی ایتك ممکندر ؛ هرایکی طرفه ده تناسب و آهنگ ضرورتی موجوددر . اهتزازات صوتیه ایله اهتزازات ضیائیة نك مشابهتی طولایسیله اصوات والواندن متشكل احتساسات و تحسسانك مشابهتی بیان ایتك ممکندر . اصواتك حرکاتندن عبارت اولان موسیقی ده ، رقص ناصل وجودك اوضاع و اشاراتك حرکاتی تنويع ایدیورسه ، حرکاتی تنويعه مجبوردر . بوجهتدن موسیقی یه اصواتك رقصیدر دینله بیلیر . نو طر ، معماری ایچون طاشلر ، رسام ایچون الوان نه ایسه ، موسیقی شناس ایچونده او یله برر خام ماده در .

باصره یه خطاب ایدن صنعتلر اشکالك ، خطوطك ، الوانك امتزاجیله کوز اوزرنده حصوله کلن تحسسانه تعلق ایتمه یور . شه سز بو امتزاجات اساسی در ، زیر ابوصنعتلرک علت اساسیه سی بونلدر ، تناسبدن آهنگدن ، صحتدن فرار ایدن بر هیکل تراش ، بر معمار ، بر رسام ، وزن سز منظومات وجوده کترین بر شاعر ، پرده لر آرد سنده کی مناسباتی دوشونم یین بر موسیقی شناس کی ، صنعتکار لغه لایق دکلدر . بوصنعتلرک شرائط اساسیه سی وابتدائیة سی طوغریدن طوغری یه اشیا نك رؤیتندن متولد محظوظیتلره قارشو کوزك حساسیت مخصوصه سیدر . ایکنجیسی ده صنعتکارک روحی اوزرنده حصوله کلن احتساس و تأثرک تظاهری واسطه سیله مرئی ظاهریاته بر وضوح و طلاق ویره بیلمک ملکه سیدر .

رسام او یله بر مخلوقدر که طبیعت طرفندن الیاف عصیه سمعیه سنك فضله تهیچندن متولد بر امتیازك مالکیدر . یالکز کوزلریله محظوظ اولور . او اشکالك ، خطوطك ، الوانك امتزاجندن او یله بر ذوق

مختلف صنایع نفیسه‌ی یکدیگرینه ربط ایدن مناسباتی تعیین ایده‌رک بو تعریفی توضیح و اکمال ایده‌لم .

۳

صنایع نفیسه مختلفه آره‌سندره‌کی مناسبتمه ، مشابهمه . — شعرک ساحه‌سی ، بلا استثنا بوتون حسیاته قدر توسیع ایتدیکی ، آز چوق بوتون افکاری افاده‌یه قابیلیتی بولندیفی جهته غایت واسعدر ، فضله اوله‌رق ، مخیله بشریتک شکل مخصوص تشکلی اعتباریله آز چوق بر مقیاسده ، دیگر صنعتلرکده یرینی طوته‌بیلیر . نظرده بر خیال یاشاتمق صورتیله اشیایی ، مناظری تصویر ایده‌رک خطوط ، الوان ، اشکاله حسیاتی تودیع ایتک قابیلته مالک اولدقدن باشقه قافیه‌نک تنوع وتشددی ، کله‌رک انتخابی ، تسلسلی ، آهنگی اعتباریله افاده ایدیلن فکردن ، حسدن عاری ، یالکز صماخی تلذیز ایدن بر قوت موسیقیه‌ده مالک بولنیور .

بوندن باشقه اقسام وتفصیلک ترتیب وتناسبی ؛ منظومه‌لرک ، افاده‌لرک مقامی ، رونق ؛ جمله‌ده‌کی حرکتک وضوح وتنوعی ، لواحقک تضادی اعتباریله‌ده سامعک دماغنده آنجق باصره‌یه خطاب ایدن صنعتلرله افاده ایدیله بیلیر تحسیناتکده هیئت مجموعه‌سنی تولید ایدر .

موسیقینک نفوذ وقوتی اصواتک ، قوافینک اهترازاته کتیردکلری الیاف عصیه سمعیه ایله توافقدن نشأت ایتکده‌در . بونلرده حال حاضر فنک کوستردیکی غریب خصوصیتلرله صنایع نفیسه سائره‌یه مربوطدر . نوظلری تشکیل ایدن اعدادک سایه‌سندره موسیقی‌یی

مادامکه صنعت بشرک احوال روحیه سنک افاده سیدر ، ماهیت
صنعتده حصوله کلن بوترقی غایت طبعیدر . حال حاضر صنعت
افاده کار بروضعت آمشدر . انسانلرک یکدیگری آره سنده کی تقابل
محبت استناد ایتکده در . او هیجاناتی اوصاف وطبایی کو سترمکده در
انسانک انسانه قارشو کو ستردیکی توجهی او بر طرز صنعتکارانه ده
اظهار ایله مکده در . حسن ، بوکون صنعتده درجه تالیده قالیور .
مقصد و غایه انسان ، انسانک عارضی و یا دائمی طبایع و اوصافی ، فضائل
و خطیاتی در . رومانی ، تماشایی دیگر صنعتلرک فوقه اصعا دایدن اسبا بدن
بریده بودر .

بو هیجانات و محظوظات روحیه نك اساسلرینه خطوطك ، اشكالك
الوانك امتزاجاتی ضیا و كولكلرك مناسبات مبسوطه و معكوسه لرینی
علاوه ایتلیدر . آلت حظی کوز اولان بونوع حظوظات و هیجاناتك
تحریر غیر ادرا کیسی رسم ، هیکل تراشی ، معماری دینیلن صنعتلرک
تولیدینه باعث اولیور .

اوحالده صنعتك تعریف عمومیی ایچون خصوصی قوافیه ،
آهنکه تابع الفاظك ، اصواتك ، اوضاع و حرکاتك تعاقبی و یا اشكالك
خطوطك ، الوانك امتزاجی واسطه سیله خارجاً اظهار ایدیلن بر
هیجانك افاده سیدر دیمك ممکندر .

اگر بو تعریف طوغری ایسه بر اثر صنعتك قیمتی ، هر نه
اولورسه اولسون ، علت غائیة سی اولان هیجانك افاده و تظاهری
قوتیه اولچیله بیلیر ، و بو اونك وحدت اساسیه و عالیة سنی تشکیل ایدن
نتیجه سنی استخراج ایده بیلور . شمدیلک بو قدرله اکتفا ایدرک

بالتیجه سعادت ، سروری ، محظوظیتی ، وبونلره متعلق بوتون
حسیاتی تولید ایلر . بونک عکسی حالاتده ایسه اضطراب ، یأس ،
قورقو ظهور ایلر . هرایکی حالدهده یا مأیوس ویا مسرور بر هیجان
موجوددر ؛ وبوهیجانک اساسنده ، برطاقم اوضاع و اشاراتله خارجاً
اظهار واره اولمق خاصه سی واردر .

بوهیجان ، حرکات و اوضاع موزونه ایله ارئه ایدلیکی تقدیرده
رقص ، نغمات ایله افاده اولدینی تقدیرده موسیقی ، الفاظ آهنگدار
ایله اظهار ایدلیکی تقدیرده شعر وجوده کلیر .

دیگر طرفدن انسان ، تقابل محبتله یاشار بر مخلوقدر . بر چوق
احوالده کندی مصائب و حظوظاتی ایمن کبی دیکرلرینکده
اضطراباتیلله ، حظوظاتیلله اوده محظوظ ، اوده مأیوس اولور . بوندن
باشقه او حادثات مخیلہ یی ایجاد قابلیتنه مالک اولدینی کبی بونلری
حادثات حقیقه دن ده زیاده شدید الوان ایله اظهار ایده بیلیر . بونک
ایچون ساحه صنعت اونک اوکنده آچقدر . زیرا وسائط هیجانیه
یالکز اطرافنده یاشایان ، واوکا آز چوق صیقی رابطه لرله ، اشتراک
افکار و منفعتله ، مشابہت موقع اجتماعی ایله مربوط بولنان همجنس لرینک
عددیله دکل ، شاعر لره مخیله سنک ایجاد ایتدیکی بیکلرجه احوال
و موجودات ایله ده تراید و تضاعف ایتشدیر .

انسانک انسانه قارشو اولان بومحبتی صنعت نقطه نظرندن غایت
حائز اهمیتدر ؛ بونک فعالیت ، ترقیات و انکشافات انسانیه نسبتنده
تراید ایدیور . بوحس ، نقطه تعارفه واصل اولدینی زمان صنعت
ابتدائیہ نك تمامیله اوصافی ، ماهیتی تبدیل و تغیر ایتدی ؛ یکی ، تمامیله
روحی ، ده یوکسک بر درجه ده صنعت وجوده کلدی .

اساساً معماري، هيكل تراشي ديمكدر. هندك يكدنسق بر طاشدن معمول هيكللري بونك بر دلييدر، يالكز آره لرنده شو فرق موجوددر، كه هيكل تراشي طبيعت طرفدن مودوع اشكالي تقليدايدر، حالو كه معماريه نك خطوط واشكالي معمارك فكدردن ظهور ايلر.

۲

صنعتك تعريف عموميسي. — شورايه قدر كوستريلن معلوماتدن مستبان اولديني وجهله صنعت، مدنيتك زهره سي دكل، رشيمي، صنعت صنعى دكل، طبيعيدر. انسان كنديسنه نظرلرني عطف ايتديكي، شخصيتتي برنجي آئارنده اظهار ايتديكي دقيقه دن اعتباراً اوده تظايره باشلايور. علم وظائف الاعضايه عائد اساس اعتباريله اوانسانيتي تشكيل ايدن عناصره عائددر. انسانك وصف ممتاز و اساسيسي، هر نوع افعال و آثاره تعلق ايدن انقطاع ناپذير بر فعاليت دماغه در. بو فعاليتك غايه سي، ناظمى تحري، حسن، يعنى احتياجات ماديّه و مغنويه سنك تظمين و تسكيني كيفيتيدر.

بوتون حيوانات ايچون مشترك اولان بو خاصه انسانده غايه ايله وسائلى بربرينه توفيق ايدن غايت واسع برملكه دن عبارتدر.

احتياجات جسمانيه ي تظمين ايدن مجبوريت حياتي تأمين و تسهيل ايدن صناعتي توليد ايتدي، احتياجات مغنويه و دماغه سنه كلنجه بوني تظمين و تأمين ايچون اك اول، فكرلرك تولدندن اول بيله، صنايع نفيسه يه شتاب ايتدي. حيات حسيه حيات فكريه يه عصرلرجه تقدم ايتمشدر.

بو احتياجات حقيقيه و مخيله نك؛ حالاً ويا آتياً تظمين و تأميني

فقط بو کون بوتون صنایع نفیسه ساثره دن زیاده حقیقتله
 اوضراشه بیله جک بر ماهیت و قابلیتده در. ذکای بشردن پارچه پارچه
 قوپان بوابداع، اشیانک اک مکمل بر آینه سی، مناظر طبیعتله قارشو
 قارشویه کلن انسانک اخذ ایتدیکی تحسباتک اک زیاده حائز قابلیت
 بر مترجیدر. تاریخنده ایکی جریان موجود در: بعضلری، اوندن
 شاعری، انسانی خذف ایدرک، طوغربدن طوغرییه بر مقلد تام
 اولمه سنی طلب ایتدیلر، بعضیلری ده افاده یه عائد نفوذ و قوته باقهرق
 و اونی لسان تکلم و تحریرک بر معاونی عد و تلقی ایله دیلر. اک بویوک
 رساملر بو ایکی فکرده مقاومت ایدنلر، و رسمک ایکی خاصه سنی
 بر وحدت داخلنه ادخال ایله یه بیلنلر در. بو کون رسم تحریر حقیقتله
 مشغولدر. حال حاضرده افکار عمومیه هر شیده، هر یرده حقیقتی
 تحریر ایدیور.

معماری ابتدا بر صنعت دکل ایکن بالآخره بر صنعت حاله کیرمشره.
 ایلک یوواسنی، ایلک کلبه سنی اعمال ایدن ایلک انسان بر اثر صنعت
 وجوده کتیرمه یی دوشونمده دی، اونک دوشوندیکی حکمت بدایعه
 مناسبته دار اولیان شیردی. مادامکه بر کلبه بر طاقم خطوطدن،
 اشکالدن مرکبدی، بونلره رؤیتیه اک زیاده موافق کلن اک کوزل
 طرزی انسانک حس فطرتی صنعتیه تبعیتله ویزمه سی عیدم الامکاندی.
 الهلره حصر و تخصیص اولنان مبانیده طبیعی اوله رق بو ترجیحلر
 ابتدا کندیلرینی کوستردی. طبیعی معبدلر، سرایلر، ساکنلرینک
 عظمت و اقبالی کوسترمک ایچون اشخاص عادییه مخصوص بنالردن
 وسعت، علویت، طرز تزیین اعتباریه آیرلق اقتضا ایدیوردی.
 بو بر رشیم اولدی. و بوندن مختلف طروز معماریه ظهور ایتدی.

باصره يه خطاب ايدن صنايعدن ارضده اك اول كورونن اشكالى ابعاد نلثه سيله كوستره بيلن ، هيكلتراشيدر . آلات تدافيه ابتدائيه ، مواد تزينه هپ اشكالى كوسترمك اعتباريله هيكلتراشنك رشمليدير . مغاره لرده ياشايان ابتدائي انسانلر اشكالده ظرافت آرايورلر ، وبونى وهى بر صورتده قوه دن فعله چيقاريسيورلر تقليدك مداخله سى بالآخره در . وتقليدك تأثيريله نباتاتك ، حيواناتك ، انسانلر اشكالى استحصال ايدلدى . ابتدا پك ثقل اولان بو استحصالات اعتياد پيدا ايتدكجه ، آلات تكمل ايتدكجه ياواش ياواش تكمل ايتدى . بعض صنعتكارلر حقيقتى تماميله اظهار ايتديلر ، بعضيلرى اساطيره عائد اشكالى ، حسن مخيلى دوشونه رك دور قديمده هيكللر وجوده كتيرديلر . فى الحقيقه تقليدك طوغريلغى اعتباريله بوكونكى هيكلتراشى اسكى يونان هيكللرينه معادل دكلدر ، فقط افاده طبابع ، وسعت معنويات اعتباريله اونلره مرجعدر .

رسمه كلنجه ... بونك مبدأ ومنشئى بولمق خيلى كوچ بر كيفيتدر . يالكز قبل التاريخ بعض موادك طرز اعمالى دها او زمانلرده بشرك تنوع الوانه ، فسون ضيايه مفتونيتنى اثبات ايتمكده در . بعض وحشى اقوامك يوزلرينى چيزملرى ، بويامق ، ديشلرينى ، صاچلرينى ، دريلرينى تلوين ايتملرى بودوقك سوق طبيعى يه عائديتنى اثبات ايديسيور . حتى رسمده هيكلتراشى قدر اسكيدر دينيله بيلير ؛ فقط رسمك مربوط اولدينى قواعد او قدر مشوش ، اصوللرى او قدر وقوف ومعلوماته محتاجدر كه بر تكامل نسبي يه مظهرى ايجون پك چوق سنه لر بلكه مسى ضروريدر . يونانستانك اك مترقى ، اك مكمل بر دورنده رسم ملون هيكلتراشيدن باشقه بر شى دكلدى .

حتی بر محیط داخلنده یاشامه یه آلمش ، اصالتک رقت و زراسته . مشتاق بر جمعیه کفایت ایده بیلیدی . وقتا که ادبیات بو صنف مخصوصه خطاب ایتکدن اوزاقلاشدی ، عمومه خطاب ایتک ایستدی بو یکی قارئلرینک ذوقیه حسیاتنه توفیق حرکته مجبور اولدی ، بونلره لازم صمیمیت ، حیات ، صنعتده حیات حقیقه ایدی . ایشته بو احتیاجک تأثیریه حیات تماشا متمدن مملکتلرده تمامیه دکشدی . رومانده عینی جریانی تعقیب ایتدی . بوکون تمامیه بشری ، بوتون جمعیه شامل آثاره مالک بولونیورز . اشخاصک سلسله افعالیله حیاطده اولدینی کی اوصاف و طبایعی کوستریلیور .

رقص ، روحک بعض هیجانانندن متولد حرکت وجودیه احتیاجنک تأثیر غیر وجدانیسیله باشلادی . سریع یاخود بطی حرکتی تنظیم ایدن آهنگ وقافیه طولانیسیله بر صنعت حالنه کیردی . مشاغل حیاتییه افادهیه مقتدر اولدی . حربه ، دینه ، حصاده حتی حیات جوییه ، حرکات کواکی کویسترن حرکاته عائد رقصلر ایجاد ایدلدی . نهایت بو اوپرالرده اولدینی کی بر تماشا حالی آلدی .

موسیقی ده رقص کی بر تأثیر جسمانی داخلنده حصوله کلشدر . اونک ایلک رشیمی اضطرابدن ، سعادتن ، عشقندن ، حدتن متولد صدادر . بو قافیه و آهنگ ایله ثمره دار اولدی ، تنوع ایتدی . قولاقل واسطه سیله آقوردلرک امتزاجاتی قوانیننه تبعیت ایله دی . هیجانان روحیه ایله اصوات آره سنده کی مناسبات مشاهده ایدلیدی تقدیرده موسیقینک حدودی توسع ایدیور . یکانه ، معین بر حسک افاده سی اولان ، یکنسق ، محدود ایلک شرقینک یرینه بوکون روحی مختلف صفحاتدن کچیره بیان متنوع ، نفیس مه لودیلر قائم اولدی .

حامل بولنیور ، عمومک حسیاتی افاده ایدیوردی . بو هیچ بر شاعره عاڈ اولماق اعتباریله غیر شخصی ، یعنی ملی بر صنعت دیمکدی .

بولردن صوکراییکی بر صنعت یا خود معنایه وضوح ویرمک ایچون صنعتک یکی بر شکلی تولد ایتدی . صنعت کنديسنک نه اولدیغنی آکلادی . وبوصورتله صنعت مقدمه دن تمیز ایتدی . صوڪ زمانلرك صنعتی ديمك اولان بو صنعتده شخصیت صنعتکارانه کیتدکجه ترايد ایدیور ، حتی صنعتی بیله انکار ایده جک بر ماهیتده بولنیور . بو صورتله ابتدائی زمانلرك صاف ، وهی صنعتی یرینه متشکر ، کندندن خبردار بر صنعت قائم اولیور ، هیجاننک صنعتنه بناء تسلیم موجودیت ونفس ایدرکی کورونمکدن اجتناب ایدیور ، اضمحلالدن اضمحلاله قوشارق غعنوی بر شکل آلیور .

فقط شعر اولمک ایسته مده دی ، تکرار دیرلمک ایچون حقیقتله تماس ایتمک اوکا کفایت ایتدی . اضمحلال دورلرینی متعاقب پارلاق شیلره مالک اولدی . شخصی اشعار نفیسه فکر تحلیلمک انکشافیله طوغدی ، فقط بعضاً ینه اونکله اولدی . انسان دروتی کورمکه باشلادینی زمان لاینقطع روحنده تحریاته باشلادی ، منفعت تجسس ، منفعت صنعتکارانه نك فوقه چیقیدی کویا فلسفی تلقی ایدیلن ، حادثات روحیه و اخلاقیه یی حادثات جسمانیه دن تفریق ایدن ، اونلری برعالم خیله عاڈ کبی کورهن روحیونک نظریاتی ساحه شعرده داخل اولدی ؛ یاواش یاواش اونک ابداعاتی جانسنز ، مجرد برر شکله وضع ایله دی .

بومبالغه روحیه چوق زمان دوام ایده مده دی ؛ بویانجهلمش ،

کنارنده قویونلرینی اوتلاتیرکن سما سا کن الہلرک شیاطین لیاہ قارشو معاونتلرینی طلب ایتدکلری ادعیۂ مذہبیہ شہردن باشقہ برشی دکلدی . بونلر حس امید ایله حس خوفی اوقدر نفوذ و قوتله افاده ایدیورلردی، که اختیاری ، کفقله محاط اولماسی نسبتندہ بومشترک ، عمومہ عائد شعرلرده تأثیر نفوذده آرتیوردی . بونلرده نہ تدقیق ، نہ دہ سعی و غیرت واردی . بونلرک قوتی شعری الہام ایدن ہیجانک صمیمیتندن تولد ایتملرندہ ایدی . بواشعار حسیاتک اوصاف و طبایعی اعتباریلہ صورت مطلقہ دہ معنوی اولدقلری حالہ افاده اولدقلری اشکال اعتباریلہ اکثریا مادی ایدیلر . بواشکال ، بونوع شعرلرہ تمامیلہ توافق ایدن حادثات جویہ یہ تعلق ایدن ، تعریف و توصیفدن تشکل ایدیوردی . فقط بونلر بر طاقم ارادت خیر خواہانہ و یا بدخواہاننک تظاہراتی تلقی ایدلک اعتباریلہ تعریف و توصیف برر فاجعۂ زندہ وزیروحہ منقلب اولیوردی . آریالر ایچون یر ، کوک ، قر ، کونش ، روزکار ، شفق ، نجم ، بولوط ، آتش ، حتی فداکارلق دعا برر معبود ، یعنی ارادہ یہ مالک ، فعال ، ہردرلو قید قانونیدن آزادہ ، انسانہ نسبتلہ چوق یوکسک ، حدتلندیرمک ، حدتلندیرمہ مک صورتیلہ اونی بوتون فسالقلرلہ تہدید ایدر ، اوکا بوتون اییلکلری تأمین ایلر برر مخلوق تلقی اولینیوردی .

بومصور بشر دینلردن برطاقم اساطیر و خرافات تولد ایتدی، کہ بونلرک معناری مرور زمانلہ ظلمت کسب ایتدی . بوفاجعات سماویہ یاواش یاواش حکایات قہرمانانہ یہ تبدل ایله نسلدن نسلہ وصف اساسنی تغیر، ازمئہ قدیمہ نک الہ بویوک زمانلرینی تولید ایلہدی .

بواستحصالات مشترکہ قومیه طبعی قومک طبایع واوصافی

صنعت نه در ؟

صنایع نفیسه دن هر برینک انکشافات تاریخیه سی . -- صنعتک تعریف
عمومی . -- صنایع نفیسه مختلفه آره سنده کی مشاهیر .

۱

صنایع نفیسه دن هر برینک انکشافات تاریخیه سی . -- کوردیکمز
وجهله ، صنعت انسانله برابر دنیا به کلیور ؛ اکثری افعال وافکاری
درونده بولونیور . او انسان ایچون اوقدر ضروری اوقدر طبیعی که
افکارینک انتظامی تأمین ایدیور ، لسانه آهنگ ویریور .

استحصالاتی چاقق طاشندن معمول یچاقلر ، کرز اولدینی
بر زمانده بیله انسان بولری طرز اعمال ، وبولره تودیع اشکال
نقطه نظرندن برصنعه مالک بولونیوردی . بو باواسطه تظاهر ایتدیکی
حاله بلاواسطه اوله رق سوسلر وزینتلر ، یچاقلرک وظیفه تدافیه لرینه
برشیلر علاوه اتمه یین رسملره تظاهر ایدیوردی .

بشرک موسیقی ده رسم قدر آشناسی دی . بوکا عائد بولنان آلات
وادوات بونک دلیلد . رقص ایله شعره کلنجه بولر حقنده برطاقم
فرضیات و تخمینانده بولنه بیلیرز ، مع مافیه بوکون وحشی اقوامده بو
ایکی شکل صنعت مختلف درجه ده بولونیور ، حالبوکه رسم پک
ابتدائی محدود بر حالده کورلمکده در .

بر استعداد فطری وطبیعینک محصولی بولنان شعره ازمئه
تاریخیه نک مبادیسنده تصادف ایدیورز . آریالی چوبانلر چایلرک

هر نه اولورسه اولسون ، قوپیه لر ، اتخاللر حقهده حس ایتدیکمز
عدم تزلدر .

« بر کلمهده حظ بدیی بر حظ عالی در . بوذوق ، مطالعه و تماشا
ایتدیکمز اثری سلسله اشیا آره سنده ممکن اولان تکاملاتک غایه
حدودی اولمق اوزره تلقی ایدیلن نقطه سینه ایصال ایدن هیجاناتی
و تأثرات آهنگدارک وسعت و تنوعندن متحصل فعالیت دماغیه نک
فعالیت عصبیه نک ایضاظندن متولددر . » حس تقدیر و تحسینه کلنجه
بزم ایچون غایه خیال اولان بر مکملیتک تخمینندن ، اثرده شخصیتی
انعکاس ایدن صنعتکارک مزیاتنک کشفی طولایبسیله تحصیل ایدن
حیرتدن تولد ایلر . نه قدر بو تأثرات واسع ، متنوع ، آهنگدار ایسه
او قدرده حصوله کتیردکاری حظ بدیی تمام و مکملدر . شمذیلک
حظ بدیی حقهده بو قدر معلومات کفایت ایدر ، ذوق ایله دهابجخلاری
اونک نواقصنی اکمال ، مبهماتی توضیح ایده جکدر .



شرائط داخلنده کی ذوق ذوق بدیعینی حصوله کترین حسابتک .
خارجنده بو اثری وجوده کترین صنعتکارک علویت ملکاتنه عائد بر
حس محبتله ده تضاعف ایدر .

بومطالعه اساسی بر نقطه نظر دن غایت مهمدر . حادثات حقیقه نك
مواد حقیقه نك رؤیتدن تحصیل ایدن تحسینات ایله بونلرک آثار صنعت
داخلنده بولندیغی اثناده کی تحسیناتی بر بریله مقایسه ایتک بو اهمیتی
ایضاح ایچون کافیدر . اک زیاده نفرت انکیز ، اک زیاده الم آور بر
شیئک بر اثر صنعت داخلنده بولنمه سی بزه بر ذوق مخصوص ویره بیلیر .
صنعتک قارشوسنده حصوله کلن حیرت و تقدیر اشیانک حصوله
کتیره جکی تحسینی ازاله ایله یرینه قائم اولور .

حقیقته بزم نظر دقتمزی جلب ایدن ، ظن ایدلدیکی کبی تقلید
دکل اثر صنعته صنعتکارک شخصیتک انضمامی ، مقلدک قوه صنعت
کارانه سیدر .

شخصیتک تأثری او قدر زیاده درکه حتی دیگر مزایانک یرینه
بعضاً قائم اوله بیلیر . بعضاً نقصانلرله ، خطالرله مالی بر اثر خصوصیت
وغرابت مخصوصه ایله صنعتکارینک شخصیتی اظهار واره ایتدیکی
ایچون صحته ، ترتیه مالک اولان بر اثره تفوق ایدر . بر اثر صنعتده
صنعتکارینک دستستی ، ذکاسنی ، دهاسنی آرامق بزده بر احتیاج
حالنده در . صنعتده محویت عدم اقتدار دیمکدر ، حقیقه متأثر بر
صنعتکار هیجانی غیله سنده حصوله کتیردیکی الوان ایله افاده ایدر .
بو خاتم شخصیت نه قدر غریب اولورسه اولسون واقفین نزدنده
شایان توصیه بر مزیتدر . بونک دیگر بر مثالی ، اساسنده کی کوزللك

ترايدندن تولد ايدر . و بواهتزازات ، بالاده ذكر ايديان شرائط داخلنده حصوله كاپر . بونلر ذوق شامه ، ذوق لامسه ، ذوق ذائقه آره سنده كي فرقى ده آ كلامق ضروريدر .

بو فرقلردن باشليججه سى ذائقه نك ، لامسه نك ، شامه نك ذوقنك كنديلرينه منحصر بولميه سى در . اكر بونلر حسيات وافكاره مربوط بولنيرسه باشقه بر ماهيته بولن ان تاثيرات سابقه نك تحطرى صورتيله در .

بالعكس سامعه ايله باصره طوغريدن طوغرىيه ، وهى بر صورتده حسيات وافكارك تحصيل ايتديكي مرا كزده مربوطدر . بو خصائص خصوصيه طولاييسيله در ، كه سامعه ايله باصره بشرك انكشافاتنك ، يازى و لسان واسطه سيله . معاونى ، مكتسباتنك خزينه سى اولمشدر . هر نه قدر بو ايكي عضوك بو خصائصنى انسانك فعاليت دماغيه سنك بوتون انكشافاتنه حصر ايتمشلر سده اولنره خاص بعض افكار و حسياتك موجوديتي ده غير قابل انكاردر . انتظام تناسب ، تنوع ، وحدت ، حيات فكرلرى سامعه ايله باصره ده عائد تحسساندن آنى بر صورتده تولد ايتمشدر .

غير ادراكى ، غير وجدانى بر طرزده تولد ايدن بونلر بالاخره فكر حاله انتقال ايديورلر ، استحصالات صنعتكارانه نك قواعدى حكمنه كيرييورلر سده بونى تاثير و تحسس ابتدائينك تشوشاتندن تخليص ايدن خاصه تخليك فعاليتنه مديونز . بو عضولرك بولندينى هر اثر ، اشتراكك نسبتى درجه سنده ، بزه كوزل كورينير ، بونلردن هر برى ، داخل اثرده ، تصور ايده بيلديكمز اك مكمل بر درجه نسبتده اك آهنگدار بر امتزاجده بولنيرسه اثرده او قدر مكمل اولور . بو

بياه تحکم ايدر. خوابت، يعنى صنعت شفاهيه اوزرينه آثار وجوده کتير نلرده بوکا قاندر لر. سامعينک اوزرنده بر تأثير محبتکار حصونه کتيرمه ين بر خطيب، افکارى نه قدر منطقی اولورسه اولسون، توليد اعتقاد ایده مز.

طبیعی، تقابل محبت کیفیتى، ذکادن زیاده حساسيته خطاب ایدن صنایع تقيسه ده اهل ایديله مز.

مع مافیه بوملاحظات نتیجه سنده صنعتى، اخلاقك بر قسمی ديه قبول ايتديکمز تصورنده بوللماسين. صنعت نه اي يي نده کوزلی اساس و غايه اتحاد ايتشدرد، بزم سويله مک ايسته ديکمز فسون صنعته فسون خير و حسن علاوه ايديليرسه توجه عمومى يي جلب ايمه نک دها قولای اولمه سيدر. زیرا عموم، بر تابلونک، بر هيکلک تأثير اخلاقينى، تأثير حسنيى تأثير بديعيسندن دها قولايقله مص و تمثيه قابليت داردر.

صنایع سائر حقه ده سويله ديکمز بو مطالعات ذکايله مربوطيت قديمه سنه رغماً شعرده تطبيق اولنه بيلير، او حساسيت عصبيه اوزرينه قسم موسيقيسى ايله - هر نه قدر وسعتی آز ايسه ده - اجرای تأثير ايدر، افکار و خيالاته کمنجه اوبر تابلونک ويره جکی تأثيردن زیاده بر تأثير ايله نظر غيظه اوکنده بر سلسله تصاویر و تمثیل ديزدرك کزينير.

۸

فرضه. — بالتيجه، بوتون حظوظات کي حظ سمع، حظ بصر الياف عصبيه نک اهترازی ايله آنی بر صورتده فعاليت دماغيه نک

مربوط اولمسی بر شرط اساسی ایسه بر اثر صنعتک حظ بدییی به حظ ذهنی ده علاوه ایتهمسی و حظ ذهنی بی تأمین ایده مهین آتاردن دها زیاده تولید محظوظیت ایتهمسی بادیدر .

رقص ، هیکل تراشی حقنده ده بو مطالعاتی یوروت بیلیرز . بر هیکل کنديسندن باشقه احتیاجاتک طلب تأمینی حقمز اولماسنه بناء اشکالی نام و مکمل صورتده کوستریرسه وظیفه سنی ایفا ایدر . رقص ده لطیف ، ظریف ، بر تعاقب حرکاتی ایفا ایدر ایتمز حظ رؤیتی تأمین ایتمش اولور .

فقط اشکالک مکملیتته ، حرکاتک لطافتته افاده ایدلک ایسته نیلن شیک طبعیتی ده علاوه ایدر سه ک یکی بر محظوظیت ده اطویمش اولورز .

دیمک که انتخاب موضوع ، بمضایرینک ادعالری هر نه اولورسه اولسون ، حظ بدییی ده غایت اهمیتیلیر .

موضوعک اخلاقیته کلنجه بونک ده اهمیت مخصوصه سی واردر . حسیات و افکارک عادیتی بزده طبیعی اوله رق بر نفرت اویندیرر ، حالبوکه بالعکس علویت روح ، صفوت قلب بزده بر حظ تولید ایلر . بونک تطبیقاتنه اک زیاده تماشاده تصادف ایدیلیر . انسانک محبت متقابله سی کیفیتی آثار تماشاده پک بویوک بر رول اوینار . هر پیه سده هیچ اولمازسه عمومک توجهنی ، دقتی جلب ایده بیلجک بر شخصه احتیاج واردر . بو اثر تماشانک قیمت صنعتکارانه سی هر نه اولور ایسه اولسون ، بویکانه شرطدن محروم اولدینی تقدیرده موفقتی ، عدم امکان داخلته وضع ایتهمک ایچون - صعوبت پیدا ایدر . بو محبت متقابله نک بر طاقم تمایلات مغنده سی واردر ، که نفوذ منطقی به

منطقی زده له مکله برابر کنیدی بر اثر صنعت دییه ده قبول ایتدیره مز. برستون منفرد، بر طاق ظفر بر هیئت تزیینیه نك بر قسمی اولمق صورتیه قابلیت متحملیه بی حائزدر. اکر بونلر بغدادیلرله اورتولو بر تارلا داخلنده، یا خود بوش بر یول اوزرنده بولنسه بویه کولونج بر موقعده قالیرلردی. حالبوکه رسم ده، موسیقی ده موضوع بروسیله حالنده در. بر رسام، بر منظره نك قارشوسنده الوان، خطوطک آهنگیه اشتغال ایدر. حادثه نك اخلاقی، تاریخی، ومعنوی مزیاتی یالکز شایان ترسیم بر تأثری احتوا ایتک صورتیه اونک نظرنده کسب اهمیت ایلر. مختلف نوطلرک بر برینه ضم وعلاوه سندن عبارت اولان بر آهنگ صدا یالکز تأثیر موسیقیسی اعتباریه استماعه شایاندر.

فی الحقیقه رسمله، موسیقی دماغ بشردن کچن بوتون افکاری افاده ایده بیله جک بر قابلیت مالک دکلدر. صنعت ده بر لسان اولمق اوزره فرض وتلقی ایدیه بیلیر؛ زیرا حسیات وافکارک خارجاً اظهار و افاده سنه مأموردر. مع مافیه هپسنگ کنیسنه مخصوص اصول وقواعدی، بناء علیه حدودی وار دیمکدر. بو حدوددن وصف اساسیلرینی غیب ایتمکمزین چیقمازلر.

رسم، اساس اعتباریه، خطوطی، الوانی استعمال ایدر؛ بناء علیه رسام اشایی بونلرک معاونتیه مخیله سنده یاشاته بیلیر. زیرا دماغی بر صورته تشکل ایتشددر، مع مافیه بو خصوصده مبالغه ایتمه مایدر. بو خطوط، بو الوان ده افکاردن تمامیه محروم دکلدرلر.

اثر صنعتک حصوله کتیردیکی تأثرک تنوع وسعتیه قیمتک تزییدی و وحدتی تشکیل ایدن بر آهنگ داخلنده بو تأثراتک بر برینه

مکمل افاده سی اولان ، فعالیت ، انکشافات متوالیه بی علاوه ایله یی ، بزى بر محبت متقابله ایله برلشدرن حیات در .

اسکی آثار هیکلتراشی ده اولدیغی کبی حیات ساکنده بزى تسخیر ایدر ، بزى جذب ایدر ؛ حیات فعاله ده . حنی یالکنز بر شخصله دکل ، بر چوق اشخاصک اجتماعيله ده بزده عینی تأثیری حصوله کتیریر . صنعت ، کرک حیات عتیقه ده ، کرک حیات جدیدده بر واسطه افاده در . بناء علیه عوامک پک محدود بر مغاده استعمال ایتدیکی بو کلمه نك معناسنی اتمام ایله توسیع ایتک بی معنا بر شی اوله ماز .

بوراده انتخاب موضوع مسئله سی ده کیره بیلیر ؛ بوکا بر چوق کیمسه لر عطف اهمیت ایتمه مکده درلر . حالبوکه انتخاب موضوع ، صنعتکارک قوه دماغیه سی مقایسه نصوصنده خدمت ایدر ، اکر بر اثر صنعتک قیمتی محررینک شخصیتی حائر و حامل اولسیله اولچیلدور و بو بر حقیقت حائده بولونیورسه موضوعک انتخابی بر اهمیت عظیمه بی احتوا ایدیور دیمکدر .

منقذرک شخصی دکل ، اثری تدقیق ایتدکاری حقنده کی مطالعه لر ی طوغری دکلدر ، اثر و محررک شخصی بر برندن آیريله ماز . اکر اثر فنا ایسه محرری فنا . یاخود اثری یازدیغی زمانده قیمت صنعتکارانه سی غیب ایتمش دیمکدر . شو صورتده اثر صنعتده حیات واردر .

مع مافیه موضوعک اهمیتی مختلف صنعتله کوره تخالف ایدر . افکارک مقامی اشغال ایدن طنت و آهنگ اشعار ایله مالی ، ذکایه خطاب ایتمین بر اثر ادبی دن هیچ برکیمسه برشی آکلایه ماز . صرف زیندن عبارت ، عملی هیچ بر فائده بی حائر اولمایان بر بنا ، حس

وقایعك ترقى منطقيسنه تابع اوله رق مزج ايتمكله قلاسيك آثارك منتظم ، يكدنسق حرکاتك تأمين ايدمه ديكى تأثيرى وجوده کتير مكدوده. ظلمت وضيانك تضادلى رسمده ده عینى تأثيرى اجرا ايتمکده در .

تکراره ، علم بالاغتك الك قوى عامللرندن برى اولان بوده باشقه بر جهتندن ده الك مؤثر بر واسطه تهيجیه در. عبدالحق حامدك مقبرده کى « تابوت » پارچه سیله « سپس » منظومه سى بونك بويوك دليلدر ، معماری ده ، بوشاقلرله طولوقلرک ، ستونلرله دیوارلرک امتزاجندن متولد تضاده برابر اشکال متشابههك تکررى بنانك وصف اساسینى میدانه چیقاریر. عمومی شریقلرده نقرانك تأثيرى غیر قابل انکاردر. هر ملتک ، هر ادبیاتک ، هر زمانک آوازنده تکراره عائد بر چوق مشاهده لره تصادف ایدیلیر .

بونلر خطوطه ، الوانه ، اصواته ، حرکاته تطبیق ایدلدىکی زمان بر مبالغه اختیاریه ویا طبیعیه ایله بونلرک هر برینك حصوله کتیردیکی تأثر خصوصى بی شدتله تریید ایدرلر .

دیمک که صنعتك شرائط روحیه سى وحدت منطقیه ، تضاد ، وتکراردن برده وحدت داخلنده اقسامك تنوعندن عبارتدر .

۷

صنعتیه هیات واضهور . — خطوطك ، اشکالك ، اصواتك ، حرکاتك . الوانك امتزاجندن زیاده ذکای بشرى بوکون اشغال ایدن دیکر برشى واردر : اوده هر شیئى احاطه ایدن ، هر شیئک فوقده بولنان ، تنوع ایله کوزلله شهن وحدتک الك صوک ، الك

افکاری، احتساستی اهتزازاتی تأمین ایده بیان الیاف عصبیه بولنه مامشدر. بوندن باشقه هر هیئته عائد اعضانك تفاصيل و تفرعاتیه اشتغال ایتك ده وظیفه من دكلدر. بزه اونلرك فعالیتك بر سلسله اهتزازات عصبیه ایله وقوعه كلدیكنی بیلمك کفایت ایدر. شعر ایچون آریجه بر ترتیبده بولمق منتج فائده دكلدر.

مخلوطیت بدیعه نك شرائط اساسیه سندن بولنان اهتزازاتك توافق آنهكداری اثر صنعتك مولدی بولنان فكرك وحدت انتهایه سنده کندینه بر معاون بولور. بو اساس اوزرینه اصول تحریرده کی ترتیب وتنظیم قواعدی استناد ایتکده در. ناصل که برهیکلك، بر تابلونك خطوطی، اشکالی بر آهنگ عمومی داخلنه ادخال ایده بیهلجك عمومی بر ظرفه احتیاجی واردر، عینیه منطق روحی بی تأمین ایچونده بر اثرک مختلف اقسامنده افاده ایدیلن مختلف افکاری هیئت واحده داخلنه صوقه یه احتیاج کورولمکده در. بر منظومه، بر تابلوده وحدت بولنمادیغی زمان دماغ فنا بر نوط ایشتمش بر قولاق کبی، متأثر اولور. اقسامك مزایای هر نه اولورسه اولسون، تحسسی منع ایچون، اونی انقطاعه اوغراق ایچون، حظ بدیعی تأمین ایدن وسعتك تزايد وترقیسنه مانع اولمق ایچون بوکافیدر.

تضاد وتکرارده وحدت قدر مهمدر. بعض دائمی یأسلری ویا حشمت وعظمتی افاده ایدن حسیاتك تبلیغنه مساعد یکنسق تأثرات، دیگر بر چوق احوالده حساسیتی تخریش وتنویم ایتمکدن باشقه بر شیه یاراماز. تضادلر ایه بالعکس بردنبه نظر دقتی جلب ایدر، تأثراتك تعا کسبله دماغی حال فعالیتده بولوندریر. مثلاً شکسپر نامنده کی انکلیر تماشا نویسك فاجعه لری حسیات وطبایعك معکوسلریغی

ذوقك وسعتی عینی زمانده حال حرکته وضع ایدیلن ایاف عصیه نك مقداريله تزايد ایلر و بونلرك سرعت و وسعتیه تابع اولور .

یالکیز دقت ایتلی، که بوتون اهتزازاتک بربرینه مشابه اوله سی مقتضی دکلدر. وسعت تحسسانی تولید ایچون برطاقم هیئتلر تشکیل ایدن اهتزازات آره سنده اتحادک موجودیتی کافیدر. اگر بو هیئتلر بربرلرینی افنا ایتملر، بربرلرینک اوزرینه موضوع اولورلرسه وسعت اهتزازه تنوع هیاتی ده ضم و علاوه ایتک صورتیه ذوق فعالیتنی تضعیف ایتدیرلر.

دیگک که محظوظیت ایچون بزم اوج شرط اساسیمز واردر :

۱. — وسعت .

۲. — تنوع .

۳. — اهتزازاتک آهنگی .

بو ملاحظات موسیقی به، رقصه تطبیق ایدلیکی کبی باصره یه خطاب ایدن صنعتلرده تطبیق ایدیه بیلیر .

۶

شرائط روحیه : رسمت منطقیه، نوع، تضاد، تکرار. —
بو سرد ایدیلان مطالعاتک تاثیرندن قسماً قورتیلان بر صنعت وارسه اوده شعردر. بوکا آنجق طوغریدن طوغریه افکار وحسیاتی افاده ایتک صورتیه موفق اولمقده در. فی الحقیقه اصوات، آهنگ، قافیه اعتباریه هیئت عمومیه داخل اوله بیایور. دیگرلری کبی اهتزازات ایله ذوق تأمین ایدیور. مع مافیه شمده یه قدر فنا

اهتزازاتك عینی زمان تحصل ایدوب ایدمه‌سنه کوره یا بسیط و یا خود
مشوش اولیور. دیمك كه حسیاتك عضو ابتدائیسی بر جزء فرد
ضیائیك و یا خود صوتینك حرکندن عبارتدر .

بو حادثه فیه بزه پك چوق شیرلی اثبات ایدر. مثلاً تحسسانك
وسعتی بونكه آ کلایه بیلیرز .

منبع محظوظیتك ، قوه حیاتیه دهنیلن شیئی حرکترلیله تشکیل
ایدن عضویاتك تهیج خصوصیتی اولدیغی قبول ایدلمش بر کیفیتدن
وبو ذوق ، حیاتك تزید فعالیتدن عبارتدر دیمكدن باشقه برشی دکلدر.
بونك ایچون عینی زمانده حال اهتزاز و حرکته کیرن اعصاب نه قدر
چوق اولورسه اونك انتاج ایتدیکی تحسساتده او قدر چوق اولور ،
یا لکن بونلرك بر برینی افزائیمه‌سی ایچون آهنگدار اولمه‌سی مشروطدر.
بعض شرائط داخنده موجات ضیائییه و یا صوتیه بر برلینه تصادف
ایدر لرسه یا سکوت و یا ظلمت تحصل ایدر. موجات صوتیه‌نك
بر برللیله اتفاق ایدمه‌سی قولاقلری تخریش ایتدیکی کبی موجات
ضیائییه‌نك ده عینی حالده بولمه‌سی ، انقطاعه اوغرامه‌سی کوزلری
یورار .

دیگر جهتدن اکر جزء فردلرك حرکاتی قاریشیق ، کرک امتداد
و کرک وسعت نقطه نظرندن غیر مساوی ایهلر اونلر آنجق کورولتو
حصوله کتیرمکدن باشقه برشی یا پامازلر. احوانك آ کلاشلیمه‌سی حصوله
کتیردکاری حرکاتك آهنگدار اولمسنه ، بر مدت ایچون بر برینه
مشابه اولمسنه متوقفدر. بالتذیجه اصوات ، الوان ، حرکات ،
اشکال ، خطوط اعصاب بصریه و سمعیه‌دن بمضلرینی آهنگدار بر
صورته حال اهتزاز کتیریرسه ذوق تولید ایتمش اولور ، وبوحس

ايدمه مشدر . فقط بوكون الده ايديلن نتايچ بزى آلداته ميه جق بر قابليتده ، بر ماهيته در . يالكيز بونلرى موضعى بر حاله وضع ايتمك حال حاضرده امكان خارجنده در ، كثرلرى ، تشوشلرى بوكا مانع اولمقده در .

عضو سمع بى نهايه دنيله بيله جك قدر عصبي انخالدن مر كبدركه بونلر لاپيرنتك عظامى دهليزلرينه كيررلر ، و اوراده كنديلرينه مخصوص بر صويه باتارلر .

ميقروسقوب واسطه سيله صاييله بيلن بو الياف عصبينه ك مقدارنى اوچ بيكه ابلاغ ايتمشلر در . ديمك قولاق بيانوسنك طاشلرى اوچ بيكه چيقدينى حالده انسانك ايجاد ايتمش اولدقلى آنجق سكسان درت دانه در . بويله بر عضوك نفوذ و رقت تحليلنك نه اوله جغى ، كوچك بر اعتيادله يالكيز نوطلرى دكل ، پردلرك تحواندن ، مختلف اصواتك بر برينه ضم و علاوه سندن حصوله كلن عارضى نوطلردن متولد سلسله آهنكى قولايقله تفريق ايدمچكى آكلاشيلير .

بوكونكى اوزكسترالرك جسد-ارت وكستاخلغنه رغماً اوچ بيك صوتى عيى زمانده حر كته كتيره بيله جك هيچ بر دانه سى موجود دكلدر . مادامكه بو عضو اوچ بيك اعصاب سمعيه مالكدرك ، منطقاً بونلرك هيسنه عيى زمانده مختلف ، خصوصى اهتزازات ويرمه سى و بو صورته شدت سمعيه سنه معادل بر وسعت تهيجيه مالك اولمه سى عديم الامكان دكلدر ، بونكله موسيقى به ترك اولسان ساحه نك نه قدر كنش اولديغى ايضاحدن مستغندر .

حس رؤيت ده بر موجه ضيائيه نك الياف بصريه يى اهتزازه كتيرمه سندن تولد ايديلور . بالتتيجه حسيات ، برويا بر چوق

اعتباراً شخصی بر شکل آلمش - هیجاناناک خارجاً اظهار واقاده سنی ،
محظوظاتک تزیادینی آمر بولمان و انسانه خاص اولان سوق طبیعینک
تظاهر اتیدر .



صنعتک علم وظائف الاعضایه عامر سرائطی . — نه قدر تاریخدن
اوزاقلا شیرسوق اوزاقلا شهلم ، اک جساتسزلرینک بیله قرق ویا الی
بیك سنه دییه تخمین ایتدیکی مبدأ خلقته یا قلا شیرسوق یا قلا شهلم ،
انسانک بعض خطوطک ، بعض اشکالک ، بعض اصواتک ، بعض
الوانک امتزاجنی دیکر لرینه ترجیح ایتدیکنی کوریرز . . بوترجیحک
علت غایه سی عجبا ندر ؟ کیف ما اتفق بر سرخوشه نیچون بر قدح
شرابی دکل ده ایکی قدح شرابی ، یا خود نیچون ای شرابی فنا شرابه
ترجیح ایتدیکنی صوریکز ، سزه بلا تردد ایکی ذوق بر ذوقه ترجیح
اولتور دیه جواب ویرر .

او حالده حس ذوق نه در ؟ بو اعصاب حساسیتک تهییجی ، اولره
خاص اولان فعالیتک حرکت وضعی ، حیاتک آز چوق موضعی بر
صورتده تنبیه و ایقایدرد . بو ایقاظ حیات جسمانیه اوزرنده اولدینی
کی حیات روحیه و دماغیه اوزرنده ده وقوع بوله بیلیر . حیات
دماغیه نک ذوقنی تأمین ایدن اعضای دماغیه یی تهییج ایله فیکر لرینک ،
معلوماتنک توسیعنی ، حسیات بدیعه سنک تکثر و تزیادینی آرزو ایدن
انسان و صنعتکارله بر سرخوش آرمسند علم وظائف الاعضا نقطه
نظرندن فرق یوقدر .

بو مراکز عصبیه ، بو اعضا آرمسند کی فراتر تمامیه تعین

بو ايكي قسمك تميز و تفرقي حصوله كترن اك نظر قريب او صافدن برنجيلرك، هيجهانه كلش عضويتك، هيچ بر معاونت خارجيه محتاج اولقسزين، نتيجه سي اولمه سي؛ ديكرينك ايسه محقق بر واسطه محتاج اولمه سيدر. بو وصف اساسي برنجي سلسله نك تاريخ تولد اعتباريله ديكرينه تقدم ايتديكني واضحاً كوسترمكده در. بو تصنيفات او قدر حائز اهميت دكسه ده فائده دن ده خالي دكلدر. مزج ايدلديكي تقديده محذوري داعي اوله بيله جك بعض خصوصي خطوطي سائر تصنيفات كي توضحه مجبور ايتمكده در.

شو مطالعات نتيجه سنده صنعتك، احتمال تصادف ايديله مه بيله جك احوال و حادثاتك امتزاج غريبندن متولد تصادفك محصولي دكل، فعاليت دماغيه نك، فعاليت بشريه نك طوغريدن طوغريه، غير اختياري، ضروري انكشافاتندن اولديني تظاهر ايدر. حقيقتده ايسه صنعت طبيعت بشريه نك، اك ابتدائي، اك بشري احتساساتك افاده تامندن عبارتدر، اوني خصوصي بر ملكه نك تظاهراتندن تلقى ايتك اهميتني تنقيص ايتكدر. انسان كنديسي احاطه ايدن كائناتي، حياتي، تدقيق ايمه دن اول سامعه سي، باصره سي تلذذ ايده بيله جك اشكالك، خطوطك، حركاتك، اظلالك، خيالك امتزاجني دوشونمش، بو صورته صنعت فكره تقدم ايتمشدر.

بو نقطه ده دفته شايان اولان شي ايلك زمانده تقليدك بشره كفايت ايده مه سي، خيالي، اختياري اشكالك ايجاد و تحريسي در. قبل التاريخ مغاره لرده وجود بولان صنعت بيله شخصيدر. بوكون اده بولان آثار بونك بر دليل واضحدر.

صنعت — حتى اك زياده تقليده محتاج اولانلر بيله مباديسندن

تصنیف خصوصاً ترده محل بر اقاماز . رقص ، آهنگ ، حرکت ،
 تعاقب فکری ، معماری انتظام ، تناسب ، مواقع فکری ، او یاندر-
 بیور . بوندن باشقه آهنگ سامعهیه خطاب ایدن صنعتارده نظر
 فریب بر شکلده بولمقله برابر بویالکمز اونلره خاص بر کیفیت دکلدرد ؛
 بوتعبیر اکثریا سامعهیه عائد صنایع حتمده استعمال اولونیور .
 خطوطکده حرکات و اوضاع کبی کندینه مخصوص آهنگی واردر .
 ایلاک نظرده موسیقی ایله رقصه عائد کبی کورون حرکت ، دیمک
 رسمک ، هیکل تراشینک حرکتسز لکیله غیر قابل تألیف دکلدرد . دیگر
 طرفدن هر نه قدر معماری اساس و اصلی اعتباریله لسان تحریریه عائد
 دکسهده رسم کبی خطاطی ، اشکالی کوستردیکندنینه تعلق ایده بیلیر .
 بالتیجه ، از چوق بر احتیاطله ، صنایع نفیسه نی زیرده کی وجهله
 تقسیم ایتمک ممکن اوله بیلیر .

شعر ، موسیقی — رقص

سامعهیه خطاب ایدنلر

بواسطه افاده

لسان تکلم

حرکت

آهنگ

متعاقب

باصرمیه خطاب ایدنلر

بواسطه افاده

لسان تحریر

انتظام

تناسب

مواقع

هیکل تراشی ، رسم — معماری

اولان حرکات دماغیه ، کرک یازی ده ، کرک تکلمده الفبا ایله نثری تشکیل ایدن اعتیادی ، استمراری بر طاقم اشارتله ابداع ایدیور حیات حساسیه عائد تأثرات ایسه اعتیاد واستمرارده پک آز موقعی اولان وحسیات اوزرینه طوغریدن طوغری یه خیالات ، اصوات واسطه سیله اجرای تأثیر ایتک اوزره تحسّسات و احتسّساتی ایقاظ خاصه اساسیه سی بولنان سلسله اشاراتده افاده سنی آرایور. بوخاصه ایسه صنعتک خاصه اساسیه سندن باشقه برشی دکدر .

تحلیل مغنوینک تزاید ترقیسیله ، غیر اختیاری اوله رق لسان تحریردن ، لسان تکلمدن آریلان صنایع نفیسه برطرفدن موسیقی ایله شعر ، دیگر طرفدن رسمله هیکلتراشیدر. بونلر اولافاده لرینک طبیعت اساسیه سی ، یعنی باصره یه ، سامعه یه عائد اولملری اعتباریله ؛ تشکل ابتدائیلری ، یعنی لسان تحریردن ، لسان تکلمدن انبعاث ایتملری طولانیسیله ، تطمین وتأمین ایتدکلی - حرکت ، انتظام ، یعنی تعبیر بدیعیلریله آهنگ ، تناسب کی - مختلف احتیاجات دماغیه نک تنوعیله ، خلاصه فکر زمان جهندن - تعاقب ، مواجهه کی - مناسبتلریله بوا یکی قسمی تشکیل ایدیورلر .

معماری ایله رقصه کلنجه بونلر اساسلری اعتباریله نه لسان تحریره ، نه ده لسان تکلمه عائد بولونیورلر . بونلری ایلک نظرده بالاده کی تصنیف داخلنه ادخال ایتک پک کوچ کی کورونیور. مثلاً رقص اوضاع و حرکات اعتباریله باصره یه ، و بونلری اذاره ، تنظیم ایدن آهنگ اعتباریله سامعه یه خطاب ایدر کی کورونیور . معماری دنده بر لسان تشکیل ایتک عدیملامکان کیدر . معافیله بو صنعتله دیکرلری آره سنده اوילה بر مشابّهت واردر که بوناری

اولدى. تشكلات اساسيه سندن مشتق، مع مافيه سوق طبعى دينيله بيله جك، محافظه شخصيت، ادامه نسل كې حسياتدن ماعدا تأثير محيط، تأثير اعتياد ايله عشق وطن، عشق عائله، عشق انسانيت كې حسلر تولد ايتدى. بو احتراساتى بشر ديكرلرينه علاوه ايتدىكى كې فته ده علاوه ايتدى، واوندن احتياجات دماغه سنك. حس متحرى حسنتك تظمينى طلب ايتدى. حالوكه بشر ادوار ابتداءيه ده بو حسلردن محروم بولونيور، غير وجدانى، غير ادراكى برخودبينيك دائره سى ايجنده اسير بولونيوردى، يالكز محافظه شخصيت اوكا تحكم ايدييور، تنوع ايمهين، يكنسق برطاقم هيچانك محكوم تعاقبي ايدييوردي.

تشوش ابتداءيدن ملكات عقليه و منطقيه ي قورتاران بو سعى و فعاليت ديكر ملكاته ضرر ايراث ايمه يور، بالعكس ديكرلرينك ترك ايتمش اولدينى اشاراتى آلييور، كندينه يارايه بيله جك بر حاله وضع واونلرى اكمل و توضيح ايدييور، بوضورتله حقيقت محسوسه يه ده ا زياده ياقلاشييور انسانك الفبا سى هر نوع اشكالدن، بوتون ضيانك حالاتندن، بوتون اصواتك امتزاجاتندن، خطوطدن، آهنگدن تشكل ايدييور. خلاصه باصره يه، سامعه يه ذوق ويره بيله جك بر شينه مالك بولونييور، ذكا ايجون بر معنا افاده ايده بيله جك بر حاله كيرييور. مرور زمانله انسانك فعاليت دماغه سنه عائد بوتون خصائصى انكشاف ايتدير مك صورتيله قابليات طبعيه سنى تفريق و اظهار ايدييور، صنعت ياواش ياواش كنديسنه عائد اولمايان شيلردن آريلييور.

ايلك زمانلرده بوكې احتساساته مالك اولمايان لسان تكلم و تحرير احتياجاته تقابل ايده بيلمك ايجون ايكيه انقساسام ايدييور: هر شيدن اول سهلته استعمال اولونير، هر نوع انخارله قابليتلى آلاته محتاج

جهتيله وقوع بوله جق هر درلو تعدیلاتی قبول ایدم بيله جك برماهیت کسب ايله مشلردی .

مادامکه اشیا یی نظرلردن نابدید ایتشلردی ، یاواش یاواش ، غیراختیاری برصورتده یازییه اشارات تقلیدیه یرینه اشارات صوتیه یی نهایت الفبایی وضع ایتدیله . حروفك امتزاجیله ، خاطرلایه جق یرده ، حافظه یه اخطار ایدیور .

یازیده حصوله کلن بوتحول ، لسانده حصوله کلن عینی ماهیتده برتحوولدن مؤخردر .

لسان ویازی ، اصوات و اشارات اعتباریه حاله قلب اولور اولماز مجرد ، عمومی افکار یکی بر اصول افاده ایستدیله . ایشته بوکامقابل افکار شخصیه و غیرمجرده شعرك ، صنایع نفیسه نك ساحه سنی آچدیله . آهنگ ، اشارات تقلیدیه یی عادی لسان ویازییه ترك ایتدی ، شعر و آهنگ ايله مناسبتی اولمایان حرکات دماغیه یی افاده یه باشلادی . نثرله ، نظمك بو افتراقی کیتدکجه شدتلندی ، قوت پیدا ایتدی . نثرک ساحه سی حیات روز مره یه تعلق ایدن بوتون حادثاته ، اعتیادك بزى لاقید بر اقدینی بیکلرجه احتیاسات و تحسیناته ، حسدن طوغمقله برابر دماغده حصوله کلن بر سلسله تحولات نتیجه سننده مجازی ، تمثالی برشیئی افاده ایدمه یی افکاره بشمیل ایدلدی .

بوتحول طولاییسيله بشرک طبعی انکشافات روحیه سینه ذره قدر خلل کلمه دی . اوینه اسکیدن اولدینی کبی هیجانه ، احتراصه قابلیتلی بر روحه مالک اولدی . حتی حیات دماغیه سی انکشاف ایتدکجه ، خاصه تحلیل واسطه سيله اشیا ايله کندى آرهنده برچوق مناسبات بولدکجه ، هیجان و احتراص دها زیاده قابلیت مهیجیه یی حائر ، دها زیاده نافذ

بوژه پك کوچ بر شی کبی کلیور . حالبوکه اوزمانده کی حالت دماغیه تمامیه موافق و مطابقدی . افکار مظلم ، مشوشدی . بناء علیه لسانك ، یازینك مشوشیتندن دماغ مضطرب اولمایوردی . اشارات صوتیه نك تعاقبنده کی مناسبت عمومیه اونلره کافی کلییوردی . دیگر مناسبات ، اشیا آره سنده واضح ، بارز اولمامه سنه بناء اونكله مترجظن ایدیلییوردی . احتیاج وضوح ، مدنیتك ترقی و تکاملنك بر نتیجه سیدر . بشریتك تعقیب ایتدیکی مراحل ترقی آنجق بونكله اولچولیر .

ایشته بو تکامل نتیجه سی اوله رق بر زمان کلدی ، که بر جوق فکرلر تجدد ایتکه و لسان و خط تقلیدی بونلری افاده ایده مه مکه باشلادی . نظر ؛ نفوذ تحلیل ، زاید تجارب و حسیات ایله اشیانك تقلیدی خصوصنده دهها طلبکار اولدی ؛ ابتدالرنده پك مختصر اولان تحریر تقلیدی به یکی یکی شیر علاوه ایتدی ؛ عینی زمانده خاصه تحلیل اشیاده مشترک اولان مواد ایله ، خصوصی اولان موادی آیردی ؛ بوراده بر طاقم فکرلر تولد ایتدی که تقلید اونلری بلا واسطه افاده ایده مه دی .

بو حالت دماغیه بالطبع یکی برر واسطه افاده آزادی . بو واسطه افاده ده تمامیه مادی عناصر دهها آز اولق ، و بر انحنای مخصوص ایله ، اطاعت ایله فکرک هر احتیاجنه جواب ویره بیله جک مزیتلره مالک اولق اقتضا ایدیوردی .

بونك ایچون اوزاقلره کیمه به لزوم یوقدی . اشارات صوتیه نك کثرله استعمالی فکرک اونلره انتقالی تأمین ایله اختصاری بر شکله کیرملرینی موجب اولمشدی . یاواش یاواش اونلر قیمت تصویریه و تمثالیه لرینی غیب ایتمشلر ، طانماز بر شکله کیرمشلر ، معنا

لسانه نمبر و نظمك ايكيه انقساندره باشليبه اشكال صنعتك
 نورى . — انسان حيوانات سائره كې اضطراباتى ويا محظوظاتى
 افاده ايچون ايكي واسطه تبليغه مالكدر؛ بونلر كېرى صدا ، ديكرى ده
 حركات و اشاراتدر. ديمك كه اشكالى و اصواتى حصوله كتيره بيله جك
 ملكاته مالكدر. حالو كه بوتون بونلر اشكال صنعتك شرائط ابتدائيه
 و اصليه سندن برىدر. حيوانات سائره ايله آره سنده كې فرق اونك بو
 اشكالى ، بو اصواتى ، تقليد واسطه سيله لايتهاى بر صورتده تنويع
 و تبديل ايده بيلمه سيدر. او محيطنده كې كور و لتورى ، حركاتى بوميله
 تبعاً همان استحصال و نقل ايدر.

حتى پك چوق زمانلر بومفسر ابدى وظيفه نى ايفا ايدن،
 افاده ايدملك ايسته نيلن شيئك يوز ايله ، ال ايله تقليدى اولمشدر.
 حالا لسان خطابت بوكا محتاجدر. يازى ده ابتدا اولجه كورد بكمز
 وجهله تقليد ايله وجود بولمشدر. خط تقليدى تماميله مشوش ،
 و خاصه تحليلدن محروم بر حالده بولنيوردى. بويله بريازى اوزمانده كې
 لسانلر كه قدر مشوش ، نه قدر بسيط اولديغنه دائر برفكر ويره بيلير.
 اسكى اسانلرده هر ماده آز چوق تقليدى برر اشارت صوتيه ايله
 افاده ايديلوردى. فكر — دائماً مادى اولديغى حالده — كرك
 تحريرى ، كرك شفاهى اولسون ، حافظه ده كې ترتيب و صيره سنه تابع
 قالمق صورتيه ، بو اشارات صوتيه نك يان يانه وضعيله افاده ايديلوردى.
 سامع ويا تماشا كر ، اشاراتك ، اصواتك تعاقبندن باشقه بر معاونه مالك
 اولمقسز ين افكار آره سنده كې ارتباطى ممكن اولديغى قدر بولسيوردى.

يازينك تقليد ايله حصوله كلمه سى لسانك ده تقليد ايله حصوله كله جكنه
بر دليلدر . يازى لسانه نسبتله يكي بر شيدر ؛ لسان يازى به اعصار
متعدده ايله تقدم ايتمشدر . اكر المزده خطوط تمثاليه بولماسه يدي ،
بولنر نابيد اولسه يدي ، يازينك ابتدا اوشكلده بولنديغنى عقلاً بولمق
امكان داخنده اولورميدى ؟

اسكى لسانلرك يكانه وصف ممتازى آهنگدى . معادل ، مشابه
اصواتك تعاقبدن چوجقار فوق العاده محظوظ اولورلر ، بونى يالكز
اصواتده دكل ، حر كاتده بيله آرارلر .

آهنگك نفوذ استبدادكارانه سى غير قابل انكاردر . داوول ،
دومبهلك سسنى ايشيتن وحشيلر همان اوينامغه ياخود اونك آهنگنه
ترديف حر كاته باشلارلر . نه قدر ماضى به رجوع ايديليرسه اوقدر
لسانى آهنگله ممزوج بوليورز . اساساً موسيقى ده ابتدائى بشريتده
آهنگدن باشقه بر شى دكلدى . ديمك كه لسان موسيقى ايله صنعتله
ممزوجدى .

بوتون شو ملاحظات بزه صنعتك متفسخ ويا مترقى جمعيتك
محصولى دكل ، بشريتك بشيكننده بولنديغنى ، اونك فعاليت دماغه سنك
ايلك تظاهراتى اولديغنى كوسترييور . اساساً نظم نثره عصر لرجه تقدم
ايتمشدر ؛ ايلك آثار ادبيه - ايليدا ، وه داس كى - نظمله يازلديغنى
كچى حقوق كتابلىرى ، قانونلر ، اسرار كائناتى تدقيق و تحليل ايدن
ايلك طبيعيات كتابلىرى ده منظوم اوله رق يازلمشدر . ايلك نثر آنجق
حضرت عيسى عليه السلامك تولدنن بيك سنه اول ظهور ايتمشدر .
مع مافيه بوتون لسانلر آهنگ شعري يى بوكون بيله محافظه ايديورلر .

اگر اشیانك اسیری اولسهیدی ایلرلهیه مز ، ترقی ایده مزدی .
دیمك كه صنعت عضویت بشریه نك بر نتیجه طبعیه سیدر .

لسانك ، تقلیدك ایقازیله وقوع بولدیغنه دیگر بر مثالدها موجوددر .
اوده ، اشیا و مناظر ك آهنگدار ، مشابه اصوات ایله افاده سندن عبارت
اولان شعر تقلیددر . ابتدای بشریتده شعر تقلیدی موجوددی .
دیمك كه لسان تقلید اصوات ایله وجوده كلدیکی کبی انسانك حس
صنعتکارانه سنك ده مولودیدر .

یازییه كنجه ، ایلك یازیلر خطوط تمثالیه دنیلن یازیلردر . بونلر
طوغریدن طوغرییه افاده ایتك ایسته دكاری شیك تمثالی بر طاقم
كوچك خطوط ایله نقل و تصویر ایتك دن عبارتدی . اشیا طوغری
طوغرییه تصویر ایدیلیور ؛ افكارده وصف اساسی كوسترلك اوزره
آكلاتدیریلیوردی .

مثلا یوكسك دیمك ایچون بر خط چیزیلرلر ، اوزرینه بر نقطه
قوییلرلر ، آشاغی یی افاده ایچون بر خط آلتنه بر نقطه ؛ مساوی یی
كوسترلك ایچون بر خط اورتیه نقطه وضع ایدیورلردی . بر برینك
معاقبی اوچ شخص تعقیب ، بر برینك قارشوسنده موضوع ایکی قادین
منازعه ، آچلرك آره سنده بر كوش طلوع ، بر یووا بر كوش
غروب ، بر صو سطحی اوزرنده بر كوز کریه ، بر دیوار بر قولاق
تجسس دیمكدی . بونلر بسیط ، ساده اولان شیلری افاده ایچون
برر برر وضع ایدیلیور ، بر آزدها مشوش اولدینی تقدیرده یان
یانه وضع ایدیلیوردی . دیمك كه یازیده صنعتله مزوج اوله رق تولد
ایدیور . دیمك صنعت عضویت بشریه نك بر نتیجه طبعیه سی اولماسهیدی
یازیده تولد ایده میه جكدی ، دیمك كه صنعت مدنیتك رشیمیدر .

حرکته کلیر. بر طاقم احساسات و تحسسات تولد ایدر. بونلری تولید ایدن تأثیر جسمانی ایله بونلر آره‌سنده کی مناسبات قطعیه یی تعیین ایتمک بوکون عدیملامکندر. مثلاً کیف ماتفق بوتون موجودیتمزده بر تأثراواندیرمقله برابر یا برنوع حزن ویا برنوع سرورده تولید ایدر. بونده کی سبب منطقینک نه اولدیغنی آ کلامق ممکن دکلدیر. فقط التحاق واشترک افکار قانونی موجبنجه اوحزنه ویا سروره حیاتمک برآننده تصادف ایتمک همان اولجه ایشیدیلن صوتی اخطار ایدر. اوحالده احساسات و تحسساتمزله اونی حصوله کترین اصواتی تحلیل ایتمک صورتیه برلسان تشکیل ایتمک ممکندر.

انسانده جبلی، فطری حس صنعت اولنامش اولسهیدی لسان تشکل ایده‌مزدی، لسان تشکل ایتمه‌سیدی مدیت‌ده تشکل ایتزدی. دیمک که صنعت عضویت بشریه‌نک بر نتیجه طبعیه‌سی، مدیتک رشیمیدر؛ دیمک که لسان صنعتله ممزوجدر.

بونی باشقه بر مثال ایله‌ده ایضاح ایده‌بیلیرز. اسکی لسانلرده صرف ونحو قاعده‌لری یوقدی. او زمانلرده یاشایانلر مناظرک، حرکاتک سلسله تعاقبی اعتباریه کله‌لری جمله‌لره وضع ایدیورلردی. لسانده تقلیدک مدخلدار اولدیغنی بو دلیل ایله‌ده آ کلاشیلور. بو قاعده‌سزلکه، یاخود بو حال طبعییه آز چوق قاریشان انسانک کندی شخصیتدر. او سلسله تعاقبی نظرلریله تعقیب ایتدیکی اشیا و مناظردن، حرکاتدن برینی دیکرینه ترجیح ایدر؛ بو ترجیح طولایسیله بری دیکرینه تقدیم اولونیر. انسان شاعر طوغمشدر، او حیاتک اسیری و تابعیدر. و بو، دهاسنک اک ممتاز بر مزیتدر.

دکدر. مع مافیه حال حاضرده کی لسانلرده بیله بوا دعایي تأیید ایده جک کلماته تصادف ایدلمکده در. بعض کله لر، افاده ایتمک ایسته دکلری شیئک اصواتنه معادل، مشابه برر صوت چیقارمقده در. مثلاً فورطنه کله سی بزه فورطنه نک کورولتیسنی احساس ایدیور. چیتردامه کله سنده آتشک چیت چیت ایتمه سنی بولماق ممکن دکدر. فشافنی دکزک فیش فیشنی بزه خاطر لاتدیریور. حتی بعض لسانلرده حیوانات بیله چیقاردقلری صدایه مشابه اسملرله افاده اولمقده در. مثلاً فرانسزجه «Bœuf» کله سینه باقیکز، افاده ایتدیکی حیوانک چیقاردیغی «بووو!» صداسنی سزه اخطار ایتزمی؟ مادامکه حال حاضرده کی لسانلرده بوکی کلماته تصادف ایدیلیور، اسکی لسانلرده بونلرک ده زایاده اولمه سنی عقلاً استخراج ایتمک ممکندر. اشیا ایله اصوات آره سنده کی آز چوق بارز مناسباتی براز تعدیل ایتمک صورتیله او زمانده کی انکشافات مدینه سینه کافی و خادم بر لسان چیقارمه سی امکان خارجنده دکدر. شو مطالعه منطقیه نتیجه سنده تقایدک لسانی تولید خصوصنده بویوک بر تأثیری اولدیغی تعین ایدر. یالکز تقیاد بونک سبب اصلی ویکانه سی دکدر. خاصه تحلیل و دماغده نقطه تکلم اولماش اولسهیدی لسان تشکل ایده مزدی. مع مافیه بونلر، و تقلید بر لرلرینک لازم غیر مفارقیدر. مثلاً صاغر طوغانلر نقطه تکلمه، خاصه تحلیله مالک اولمقله برابرینه کوریشمه یورلر. خصوصیه شایان حیرت اولان جهت لسانک حواس خمسه دن یالکز خاصه سمعک معاونتیله حصوله کله سیدر. بونی ایضاح غایت قولاید. انسان صنعتکار، شاعر اوله رق تولد ایتشد. موسیقی نک انسان اوزرنده کی تأثیری دوشونولسین! موسیقی ایله بوتون عضویت بشریه

انسانلہ حیوان آرسندہ کی فرق نہ در؟۔ انسانک تجارب ذاتیہ سی
رفیقہ ، انسان آتیہ یہ نقل ایتہ سی ، بو صورتلہ طریق مدیتدہ
ایلرلہ مہ سی ؛ حیوانک ایسہ بوندن محرومیتدر۔ بوندن باشقہ انساندہ
بر خاصہ تحلیل ، بر خاصہ تعمیم وارددر۔ او تحلیل واسطہ سیلہ اشیادن
افکاری استخراج ایدر ، احتسات وتحسسانی اقسام وتفرعاتہ آیدر ،
تعمیم ایلہدہ مزاج ذکاسنہ کورہ بونلری ترتیب وتنظیم ایدر۔ اصل
انسان ایلہ حیوان آرسندہ کی فرق اساسی بو ایکی خاصہ نک انساندہ
موجودیتلہ تعین ایدیور۔ انسان بوتون تکاملاتی ، ترقیاتی ،
انقلاباتی بو ایکی خاصہ یہ مدیوندر۔ بونلر اولمامش اولسہیدی نہ علم
وفن ، نہ دہ صنعت تکامل ایدردی۔ بونلرک ابداعانندن بری دہ
لساندر۔ لسان ایسہ ابتدا صنعت ایلہ ممزوج بر صورتدہ تولد ایتمش ،
صوکر ایکی یہ انقساملہ سامعہ یہ صنعتلرک اساساتی حاضر لامشدر۔

۳

لسانہ ریازی ایلہ صنعتک امتزاجی وبونلرک تشکندرہ ضرمتی۔ —
کرک قبل التاریخ صنعتک موجودیتی ، کرک خاصہ تحلیل وتعمیمہ
انسانک مالکیتی مدیتک ، صنعتک تکاملنی ایضاحہ کفایت ایدہ مز۔
ا کر بشر حس تقلیدہ مالک اولسہیدی، ترقیات حصولہ کلہ مزیدی۔
تقلید اولمامش اولسہیدی بشریت محدود بر ساحہ احتساعات
وتحساعات داخندہ قالیددی۔ تقلید ایسہ صنعتک عناصر اساسیہ
وابتدائیہ سندن بریدر۔ لسانک تشکلی یالکز تقلید صوتی یہ عطف
ایدنلر وارددر۔ لسان میلیارلرجه سنہ اول تشکل ایتمش بر کیفیت
اولدیغندن شمدی بونی تخمینہ بر صورتدہ بیلہ اثبات ایتک ممکن

قبا ، ثقیل بو وحشیلر - ایلک بشر - حال حاضرده کی انسانلردن
زیاده - قانون تکامل طوغری ایسه - میمونلره بکزه یین بودده لرمن
حسنی تحری ایتشلر ، چرکین ، غلیظ رفیقه لرینی سوسله مکی دوشونمشلر ،
آلات تدافیه لرینک اوزرینه بوکون بیله طانیله بیله جک بر ماهیتده
رسملر ، تصویرلر نقش ایتشلردر . دیمک که صنعت عضویت
بشریه نك نتیجه طبعیه سیدر ..

یچون ، بشریت باشقه شیلری دوشونمهدن اول صنعت شتاب
ایتمشدر ؟ انسانده سائر حیوانات کی بقای نوعه ، محافظه شخصیتنه
مجبور بر حیواندر . حیوانات سائره بو احتیاجی دفع ایچون حیاته
مجهز و مسلح کلمشدر ؛ حالبوکه انسان ابتدای خلقتده حیواناتک اک
ضعیف ، اک بچاره سیدی ؛ کندینی مدافعه ایده بیلیمک ایچون او دهاش
فعالیت دماغیه سنه مراجعت ایتدی ، سلاحنی ، آلت مدافعه سنی
ابتدا اعمال ایلدی ، و اونک اصلاح واکمانه صرف غیرت ایتدی ..
بناء علیه سلاحنه ویردیکي شکل طبعیتده موجود اشکالدن بری دی .
مختلف اشکال آره سندن برینی انتخاب ایتمه سی اونده حس صنعتک
فطری ، جبلی اولدیغنه بر دلیل تشکیل ایتزمی ؟ . دیمک که صنعت
عضویت بشریه نك بر نتیجه طبعیه سیدر .

حیوانات سائرده انسان کیدر . اونلرده حیاته ذکا و دماغ ایله
کلیرلر ، اونلرده بو قوتلرینی اضطرابدن فراره ، سعادت و حضورلرینی
تطمینه صرف ایدرلر ، اونلرکده حواس خمسہ سی واردر . بشریت
ایچون اولدینی کی اونلر ایچونده بونلر برر واسطه حظوظ اولدینی
کی برر واسطه اضطرابدرده ... حتی صوک زمانلرده حیواناتده
حس تحری حسنک موجودیتی فنا ادعا ایدلمکه باشلاندی . او حالده

صنعتك آيينه بر استناد گاه اولمق اوزره بر سؤال وضع ايدلم:
 صنعت مترقى وياخود متفسخ عد ايدلن جمعيتكى مى محصوليدر، ياخود
 عضويت بشريه نك بر نتيجه طبيعيسى، مدنيتك رشيمى، تخمى ميدر؟
 بوكا بلا تدقيق و تحقيق شمدى بر جواب ويره جك، و صوكر
 تدقيق ايدم جكز: اوت، صنعت، عضويت بشريه نك بر نتيجه
 طبيعيسى، مدنيتك رشيميدر. فى الحقيقه انسان؛ حادثات و اشيا ايله
 قارشو قارشويه كلن روح بشرك هيچاتى افاده ايتك شرطيله اصواتك،
 خطوطك، اشكالك، اوزانك، خيالاتك، اوضاع و حرركاتك
 امتزاجندن ذوقياب اولور. اكر بونى - صنعتك؛ عضويت بشريه نك
 بر نتيجه طبيعيسى بولنديغنى - اثبات ايدرسهك، تكاملات و انكشافاتنى
 كوريرسهك تعريفك، حكمتك، ماهيتك، وظيفه سنك نه اولديغنى
 قولايقله آ كلامش اولورز. بونك ايچونده قبل التاريخ صنعتى،
 يازى يى، لسانى تدقيق و اسباب اجتماعيه و جسمانيه سنى، اسباب
 روحيه سنى تحرى و تحليل ايدم جكز.


۲

قبل التاريخ صنعت . -- تاريخ داخلمده نه قدر اوزون و اوزاق
 مسافله لر قطع ايدمرك ماضى به طوغرى كيدرسهك كيدلم؛ ينه آثار
 صنعته تصادف ايدرز. حتى تاريخك قيد و افاده ايتمه ديكي بعيد، مظلم
 زمانلرده، قبل التاريخده بيله صنعت موجوددر. قبل التاريخ ياشايان
 انسانلرك مغاره لرنده اجرا ايديان تحريات اخيره نتيجه سنده طاشدن،
 كيمكدن مصنوع آلات تدافيه آرهنده بر طاقم قابا، ثقیل بيله زيكلره
 كردانلقلره، يوزوكلره تصادف ايدلمشدر. ديمك كه شكلسز، يچمسز

بر معنا چيقارمق ايچون عقل و منطقدن باشقه شيلره شتاب ايتمك
اقتضا ايدنيور .

صنعتك ده سلسله ازمان آره سنده تعقيب ايتديكي بر مسافه سي ،
يعني بر تاريخي واردر . ديمك كه صنعتك ده حادثاتي موجوددر . بو
حادثاتك منبعه قدر كيتمك ، ايلرله مك ، اوندن صكره بر نظر نافذ
تدقيق ايله كري يه عودت ايتمك بزه صنعت حقنده تام وقطي
معلومات ويرير . بر شيك نه صورتله تولد ، و نه صورتله انكشاف
وتكامل ايتديكني بيلمك ، آكلامق ، او شيئي تماميله اوكرتمك
ايچون ضروريدر . بونك ايچون صنعتي اك اول حادثات اجتماعيه
نقطه نظرندن تدقيق ايده جكز . دها صوكر صايع نفيسه ناميله ياد
اولنان شعره ، رقصه ، موسيقي يه ، رسمه ، معماري يه ، هيكل تراشي يه
نظرلر مزي د نديره جك اولور سهق بونلرك بر قسمك باصريه ،
بر قسمك ده سامعه يه خطاب ايتديكني كوريرز . بناء عليه علم وظائف
الاعضاءك مبحث السمعيله مبحث البصريه عائد كشفيات نتيجه سنك بزه
برضا خدمتي كورمه سي ممكندر . بونك ايچون تدقيقا تمزي بونقطه لرده
سوق ايده جكز . هر نه قدر بو خصوصه كي تدقيقات وكشفيات تماميله
واضح دكلسه ده ينه بزه استناد ايده بيله جك بر اساس فني وعمل
اوله بيليرلر . بوندن باشقه صنعتك بر تأثير دماغيسي ، يعني بر تأثير
روحيسي واردر . بونقطه ده دها زياده كيف بر ظلمت داخلنده
بولونيورز . حادثاتي قيد وثبيت ، ترتيب وتنظيمدن باشقه المزدن بر
شي كله يور ؛ بوده فائده دن خالي دكلدر ؛ زيرا حياتده ، حادثات ،
نظريات ده دائما تقدم ايتشددر .

بالكز ، بالاده كوسترديكمز نقطه لردن تدقيق وتبع ايده جكمز



۱

تعریفدن اول

صنعت عضویت بشریه نك نتیجه طبیعی سیدر . — قبل التاريخ صنعت . —
 لسان و یازی ایله صنعتك امتزاجی و بونلرك تشككنده خدمتی . — لسان تحریر
 و تكلمك مرقی بر صورتده ایکی به انقسامندن باشلیجه اشكال صنعتك تولدی . —
 صنعتك علم وظائف الاعضایه عائد شرائطی . — شرائط روحیه : وحدت
 منطقیه ، تنوع ، تضاد ، تكرار . — صنعتده حیات و اخلاق — خلاصه

۱

صنعت عضویت بشریه نك نتیجه طبیعی سیدر . — حیات بشریه ده
 صنعت قدر حسن خیللك ، حسن مطلق ادعالرینك بولودلری آره سنده
 صیقیشه رق علوم مافوق الطبیعیه نك عندی ، فرضی نظریاتی آره سنده
 بوغولمش هیچ بر علم یوقدر . افلاطوندن طوتیکزده صولك
 زمانلره قدر هر متفكر ، هر عالم اونی كندی نقطه نظرینه كوره
 ایضاح ایتمش ، قواعد تالیه و متفرعه سنی ده بو تعریفات عندییه تبعاً
 اشتقاق ایتدیر مشدر . فی الحقیقه صنعت حسنك افاده سی عد اولمه سنه بناءً
 ابتدا حسنك ، یعنی بر شیئی بوتون وسعتیله ، و بوتون سهولتیله حسن
 ایتمه نك نه اولدیغی ایضاح ایتك ، بوكا بر تعریف اویدیر مق ،
 صوكراتدیقانه کیریشمك عقلی ، منطقی کورینیر . فقط عقل و منطق
 دائماً طوغری بر میزان دكدر . او حالده صنعت حقنده تام ، قطعی



مَعْلُومَاتِ ادَبِیِّہ

ایک نئی جلد

محرر

شہاب الدین سلیمانہ

کوہیلی زادہ محمد فوار

مسائل بدیعہ و انواع مختلفہ ادبیہ

صاحب و ناشری : قناعت کتابخانہ سی صاحبی الیاس



در سعادت — قناعت مطبعہ سی

۱۳۳۱

۲۵۶	— التفات
۲۵۷	— استفہام
۲۵۸	— تشخیص و انطاق
۲۶۰	— تکریر
۲۶۱	— مبالغہ
۲۶۴	— ندا
۲۶۷	— فکری صور بیان : ادب کلام
۲۶۹	— تدریج
۲۷۲	— تردید
۲۷۴	— تجاہل عارف
۲۷۵	— تضاد
۲۷۸	— حسن تعلیل
۲۷۹	— رجوع
۲۸۰	— قطع

آلتنجی مبحث

۲۸۲	— صنایع لفظیہ
۲۸۳	— تناسب
۲۸۴	— ایہام تناسب
۲۸۴	— ایہام تضاد
۲۸۵	— توریہ
۲۸۶	— لف و نشر
۲۹۰	— تلیح
۲۹۳	— عکس
۲۹۴	— جناس
۲۹۹	— اشتقاق
۲۹۹	— شبہ اشتقاق
۳۰۰	— اقتباس
۳۰۱	— تضمین
۳۰۲	— سجع
۳۰۶	— ترصیع
۳۰۷	— تاریخ
۳۰۹	— تاریخ مجوہر
۳۱۰	— تاریخ مہمل
۳۱۰	— تعمیہ لی تاریخ
۴۱۱	— ایجاد حسابی
۳۱۱	— صنایع لفظیہ ناک اسکی
	ادبیاتندہ موقع و ماہیتی
۳۱۵	— مأخذ

- ۱۶۵ — اسلوبك شخصه كوره تحولى
 ۱۶۸ — اسلوبك موضوعه كوره تحولى
 ۱۷۰ — اسلوبك دهاى اقوامه كوره تحولى
 ۱۷۱ — اسلوبك زمانه كوره كوره تحولى
 ۱۷۳ — بر اسلوب الله ايديله بيلمى

اوچنچى مبحث

- ۱۷۷ — اسلوبك خصائص عموميه سى
 ۱۷۹ — صحت
 ۱۸۸ — وضوح
 ۱۹۱ — طبيعىت
 ۱۹۲ — منقحيت
 ۱۹۵ — اكثار
 ۱۹۸ — موافقت
 ۱۹۹ — ممتازيت واصلت
 ۲۰۹ — ترويج
 ۲۱۲ — تقليد
 ۲۱۴ — آهنگ
 ۲۲۰ — مغل آهنگ شيلر
 ۲۲۴ — آهنگ تقليدى
 ۲۲۸ — تصنيف اسلوب

دورنچى مبحث

- ۲۳۱ — مجازك صورت تشكىلى
 ۲۳۳ — مجاز
 ۲۳۶ — تشبيه
 ۲۴۱ — استعاره
 ۲۴۷ — تشبيه ابله استعاره آردسندى كى فروق اساسيه
 ۲۴۹ — كنايه، تعريض

بشنجى مبحث

- ۲۵۵ — صور بيان : تعريف و تقسيمى

بیت	— ۱۰۶
رباعی	— ۱۰۷
قطعه	— ۱۰۸
غزل	— ۱۰۹
قصیده	— ۱۱۰
مدحیه	— ۱۱۳
مراثیه	— ۱۱۳
فخریه	— ۱۱۴
ترکیب بند	— ۱۱۵
ترجیع بند	— ۱۱۶
هجویه	— ۱۱۷
مثنوی	— ۱۱۷
مسمط	— ۱۱۸
مربع	— ۱۱۸
خمیس	— ۱۱۹
مسدس	— ۱۲۰
شزرق	— ۱۲۱
اشکال جدیدۀ نظم	— ۱۲۲

قواعد مجرب

قواعد تحریر ، اهمیتی	— ۱۲۷
ایجاد	— ۱۳۰
وحدت : هر موضوع بروحدتد ، بر فکر در	— ۱۳۵
ترتیب	— ۱۴۲
حرکت	— ۱۴۶
ادا	— ۱۴۸

ایکینجی مبحث

اسلوبك ماهیتی	— ۱۴۵
علی الاطلاق صنعتده اسلوبك اهمیتی	— ۱۵۷
اسلوبده اساس وشكل	— ۱۶۱

برنجی جلدك مندرجائی

مدخل

صحیفہ

- ۱ — ادبیاتك ایكى تعریفی
- ۲ — بو تعریفك حكمت بدایع نقطه نظرندن نقصانی
- ۷ — ادبیاتك اوجنچی تعریفی ، تعریف بدینی
- ۸ — ادبیات، خارج از ادبیات
- ۱۰ — قواعد ادبیہ کتابلری و دوجہ خدمتلری
- ۱۶ — آثار ادبیہ
- ۲۲ — ادبیات و صنایع نفیسه
- ۲۸ — ادبیاتك هیئت اجتماعیه ده کی موقعی و اہمیتی

نظم و احوال نظم

- ۴۱ — نظم و نثر
- ۴۷ — وزن ملی، ماہیت و قیمتی
- ۵۳ — وزن ملینك اقسام مختلفہ سی
- ۵۷ — وزن ملی ایله یازلمش آثار ادبیہ
- ۶۲ — وزن ملینك موقع حاضری
- ایکینجی مبحث
- ۶۵ — عروض و زنی، صورت تدوینی
- ۷۰ — ادبیات مزہ صورت دخولی
- ۷۳ — عروض و زنیك ماہیت و قیمتی
- ۷۹ — عروض و زنیك انواع مختلفہ سی
- ۸۵ — تقطیع
- ۸۷ — الیوم مستعمل و زنلر
- ۹۲ — مستزاد لر، اشکال قدیمہ و جدیدہ سی
- ۹۹ — قافیہ
- ۱۰۴ — اشکال قدیمہ نظم
- ۱۰۶ — مصراع

امیل فاکه - دہڑہ نرسانس : ماقس نورداو - مدیت حاضرہ ناک اکاذیب
 موضوعہ سی : ماقس نورداو - حال حاضرک احوال روحیہ سی : پول -
 پورژہ - فلسفہ درسلی : امیل بووارداق - بدیع حاضر مسائلی : ژان
 ماری کوئیو - صنعت : اوکوست رودن - ژول لومہ تر ، امیل فاکه ،
 فالوبر ، تھن ، رمی دورغومون و دہا سائتر بعض اعظم محررینک آثار
 ومقالات مختلفہ لری . . .





مأخذ زر :

تعلیم ادبیات : رجائی زاده اکرم بك - بلاغت عثمانیه : جودت پاشا -
 مبادئ الانشا (ایکی جلد) : سلیمان پاشا - میزان الادب : دیار بکرلی سعید
 پاشا - اصطلاحات ادبیه : معلم ناجی افندی - مجمع الادب : مناسترلی رفعت
 بك - ادبیات : منمنلی زاده طاهر بك - ادبیات : سلیمان فهمی بك -
 ملی عروض - : نجیب عاصم بك - عروض تورکی : مناسترلی فائق بك -
 وزن ملی : ولد چلبی افندی (خزینة فنونده منتشر سلسله مقالات) - وزن
 هجائی : منمنلی زاده طاهر بك (معلوماتده منتشر سلسله مقالات) - فلسفه
 اوزان : جناب شهاب الدین بك (ثروت فنونده منتشر بر مقاله) - مدنیت
 اسلامیة تاریخی : جورچی زیدان (ذکی مغامر بك طرفندن مترجم) -
 قافیه : اسماعیل صفا بك ایله استاد اکرم بك بعض رسائل قدیمده منتشر
 مقاله لری - نظم حقنده : توفیق فکرت بك (ثروت فنونده منتشر مقاله) -
 عروض ملی : کوپرلی زاده محمد فؤاد (ثروت فنونده منتشر) - آمدان
 سخن مناسبیله : کوپرلی زاده محمد فؤاد (ثروت فنونده منتشر) - صنعت
 تحریر و ادبیات : شهاب الدین سایان - کلهلر : احمد هاشم بك (ثروت فنونده
 منتشر مقاله) - حیات فکریه : کوپرلی زاده محمد فؤاد - وداها سائر
 بر طاقم آثار و مقالات

آثار اجنبیه : فلسفه صنعت : ایبولیت تن (ایکی جلد) - حکمت
 بدایع : اوژهن و هرون - مبادئ صنعت : غروس - مسئله اسلوب : رمی
 دوغورمون - صنعت تحریر : آنتوان البالا - تشکل اسلوت : آنتوان -
 البالا - صنعت تحریر حقنده نصایح : کوستاولانسون - اسکی و بیکی درام :

و تشبیهاتجہ تجویزات و تصدیقات عقلیه نسبت قبول ایده میه جک
سوزلردر . بو سوزلر نظاماً سویله نمیوبده بر ماح طرفندن لساناً
برمدوحه اطلاق اولنسه ، اومدوح اوسوزلری استهزا عد ایله حدت
و نفرت کوستره جکی بی اشتباهدر .

طبعی و صمیم روحلری آ کلا تاجق برده متها دیاً اسکیلری
تقلید ایله ما لوف شاعرلر یقشدیرن ادبیاتمز ، بوسبیلله پک چابوق
بر دوره تفسخه واصل اولدی . بر جوق اسباب و عوامل تا یریلله او
اسکی بنای ادبیات ییقیلوب «شناسی» نك و بعض هم مسکری نك همتیه
فکر واداده بر انقلاب حاصل اولدقدن صو کرا ، ایلک بر عکس
العمل سائقه سیله صنایع لفظیه قارشی مدھش بر هجوم واقع اولدی .
ضیا پاشانك ، نامق کمالک بو خصوصده کی مقالات و مطالعاتی اوقوناجق
اولورسه ، عکس العملک درجه شدت و افراطی حقنده واضح بر
فکر ایدینیلله بیلیر .

مع مافیه بتون بو هجوملرله برابر ، ادبیات مجرای طبعی تکاملنی
تعقیب ایدرک ضایع لفظیه دها اپی مدت ساحه صنعتده حکمران
اولدی . اسکینسه نسبتله بوتأثیر پک اهمیتسز اولقله برابر هر حالده
موجود ایدی . فقط یاواش بوتأثیر بوسبوتون آزاله رق ، الحاله هده ،
عادتا معدوم حکمنه کیردی . ادبیات حاضره مزده ساخته لفظ
اویونجاقلرینه حالا تصادف ایدیله بیلیرسه ده ، اواسکی بی فائده
صنایع لفظیه و بالخاصه تصنع مقصدیلله پایلان صنایع مردوده همان
هیچ راست کلینه مز . بوکون صنایع لفظیه ، صرف ادبیات قدیمه بی
آ کلامق ایچون شایان تدقیق وهمان همان متروکدر .



بعض اثرلرنده بو صنایع مردوده نك پارلاق وجداً موفق مشالیرینه تصادف اولوناییلیر .

صنایع لفظیه نك كرك نظم وكرك نثر مزده نه كبی قسقلر اجرا ایتدیكنی ، رادییات قدیمه مزك تفسخ و انحطاطنه نه درجه یارديم ایلدیكنی بوراده دور و دراز تدقیق ایده جك دكلز. فقط مثلاً «سجع» ك نثرمن اوزرنده كی تأثیر مشئومنی آكلامق اوقدر اوزون بر تدقیقه محتاج دكلدر ؛ سنان پاشانك مشهور «ضراعتنامه» سنده سجعك تأمین آهنگ خصوصنده كی خدمتی غیر منكر اولغله برابر ، نثر مزك ماهیت موصوله سنی عصر لرجه محافظه ایتمه سنی بوسبیه عطف ایتك همان ضروریدر . قوچی بك رساله سی ، قوجه سكبانباشی لایحه سی ، صحائف الاخبار ترجمه سی ، نعیم تاریخی كبی بعض آثار قسماً استثنا ایدیله جك اولورسه ، شناسی یه كنجه یه قدر نثر ك بیان افكار و احتساسته غیر صالح بر حالدله قالماسنده سجعك بیوك بر تأثیری واردر .

دیار بكرلی سعید پاشا ، «میزان الادب» نامنده كی اثرنده «اشعاره دائر ملاحظات» عنوانی آلتنده بومسئله نی بك كوزل ایضاح ایدیور : «لسانمزجه شعر سویله ن قدما ی ادبا ایران شعرا سنه تقلید ایله نظم یوانی آچش اولدینی معلومدر . شعرا من عموماً اویولی طوتوب کیتمش اولدیغندن شعرده لسانمزجه مخصوص بر یول آچیلما مشدر . بناءً علیه شعرا من مدیحه لرجه حقیقه مغایر تعیرات مبتذله و مبالغات مردوده و غزلیاتجه بك چوق تشبیهات مستهجنه استعمالنی استلزام ایتمكه ادبیات شعریه مزك اكثری سویله جك بر صورتده قالمشدر .

اكابر حقلرنده تنظیم اولونان قصیده لرده كی اوصافك چونغنی كوریورزكه ممدوحلرك حقیقت اوصافی و خلقت اصلیه لرینه و تعیرات

اسکیدن ، مملکتده شعر وصنعتله اشتغال ایدن صنوف متفکره و کزیده نك محیط اجتماعیلری ، طرز تربیه لری ، قابلیت دماغیه و روحیه لری لایقیله تحلیل ایدیله جك اولورسه ، - بوکون حتی قسماً مستهجن کورونن - جناسلرک ، اثره بخش برودتن فضله برخدمتی اولمایان بی لزوم وفائده صنعتلرک کمال خواهشله ناصل اجرا ایدلدیکی بک قولای آکلاشیلیر . نظرلرینی طبیعته وصمیم روحلرینه دکل ، ایران دیوانلرینه عطف ایدن و ابداع و تمثیلدن زیاده تقلیدی قولای بولان شاعرلرمن ، علی العاده بر عمله ک دیمک اولان صنایع لفظیه کریوه لرینه سقو طی ، زمانک و روحلرینک تمایلاتنه دهاموافق ودها شایان تقدیر بولمشلردر . بر کدینک ثلومنه ، فلان اقدینک صقال بر اقسنه ، بر دکانک انشاسنه اوزون اوزادی تاریخلر سوبله مک ، بوکون بزه غیر معقول و حتی کولونج کورونسه بیله ، اوزمان ایچون بک بسیط و طیبی ایدی . چوجغی طوغان بر کیمسه یه بر تاریخ تولد تقدیم ایدن محله شاعرلری ، او واسطه ایله اله ایده جکلری جائزه یی دوشوندکاری کی ، دورک جدآمتاز واستاد صنعتکارلری ده پادشاهلرله وزرانک التفاتنه نائل اولمقدن بشقه بر غایه تعقیب ایتمورلردی .

اسکی شاعرلرمن ، صنایع لفظیه خصوصنده جدآ بعض خارقه لر ، فوق العاده لکلر کوستر مشلر سه ده بوخصوصده ایران ادبیاتندن چوق آشاغی قالمشلردر . « حذف » کی ، « حیفاء » ، « رقطاع » ، « منقوط » ، « مقطع » ، « موصل » ، « معجم » کی بوکون یالکزر کتب قدیمه نك سینه مجهولیتده قالمش بعض صنایع مردوده واردرکه ، ادبامن اولنره مثال اولابیله جك آثار بدیمه تنظیمنه موفق اولامامشلردر ؛ حالبوکه مثلاً « فیضی هندی » نك « سواطع الالهام » ، « موارد الکلم » کی

ابجد حسابی

۱	ب	ج	د	ه	و	ز
۱	۲	۳	۴	۵	۶	۷
ح	ط	ی	ك	ل	م	ن
۸	۹	۱۰	۲۰	۳۰	۴۰	۵۰
س	ع	ف	ص	ق	ر	ش
۶۰	۷۰	۸۰	۹۰	۱۰۰	۲۰۰	۳۰۰
ت	ث	خ	ذ	ض	ظ	غ
۴۰۰	۵۰۰	۶۰۰	۷۰۰	۸۰۰	۹۰۰	۱۰۰۰

۱۷

صنایع لفظه نك اسكى ادبیانه، موقع وماهیتى . — عثمانلى ادبیات قدیمه سی، اساس و بنیه سی اعتباریله و طبیعى برچوق عوامل اجتماعیه نك تحت تأثیرنده اولارق عجم ادبیاتنك نفوذى آلتنده قالدیغى ایچون ، ایران آثار صنعتنده پك مرغوب و مستعمل اولان صنایع لفظیه ، جناسلر ، ترصیعلر ، اشتقاقلر بزم ادبیاتمزدده مهم بر موقع اشغال ایتمشدر. لسان ، اساس و بنیه سی نقطه نظرندن بوسنایعك اجراسنه پك مساعد اولدیغندن ، ایران مقلد پرستشکاری اولان شاعرلرمن ، نکته دانلق صفت ظریفه سنه بحق کسب استحقاق و ابراز قدرت ایده بیلمك ایچون پك چوق چالشمشدر ، و بوغایه لرینه تماماً دكلسه بیله قسماً واصل اولمشلردر .

دیدم [شناسی] دعا کونہ جوہرین تاریخ
چنانہ حق علی اغایی ایلیہ ایصال
شناسی

(۱۲۶۳)

اولیجق شرطہ توفیق وزان ساحلہن
ابتدی دریایہ صوین بولدی سراغ بحری
سویلدیم بحر رملدن اکا کوهر تاریخ
فلاکہ فلک فلک اولدی سراغ بحری
شناسی

(۱۲۶۳)

تاریخ مرہمل . — یالکز نقطہ سز حروفک داخل حساب ایدلمسیلہ
اولان تاریخدر . « بوکا تاریخ سادہ » دخی دینور .

حروف سادہ لرلہ ایلدم تخریر تاریخن
بکر اغا قوروب سور تزوج بر مراد اولدی

(۱۱۹۳)

نعمیہ لی تاریخ . — عدد حروفک تام اولمسی ایچون ناقص ویا زائد
کملرک طرح وضعی اشراپ ایدیلرک یاپیلان تاریخلردر . راغب پاشانک
بلغراد فتحہ دائر یازدینی :

بلغراد قلعه سنی آلدی محمد پاشا

تاریخندہ سکز یوز اللی بر عددی زائد ایکن ،

چیقاروب لشکر کفاری دیدم تاریخن

مصراع اولندہ کی « لشکر کفار » چیقارلیدینی حالہ مطلوب
اولان عدد حروف حاصل اولیور .

آئیلوب میدان نظمہ سویلہ دم تاریخی
طوپچیان ایچون ۸۰ قیشلہ پادی شہ سلیم
(۱۲۰۸)

صدر اعظم ایدی فوت اولدی رشید پاشا واه
التیدر آلمشیدی جاہ صدارت ایله شان
مصطفی اسمی ایدی عین کرم جسمی ایدی ،
عقلا قسمی ایدی ، عقلہ دلہستہ همان
فوتہ تام بوتاریخی [شناسی] یازدم
صدر ، مأودہ رشید الوزرا بولدی مکان

تاریخ باشلیجه ، تام ، جوهر ، مهمل ، تعمیه قسملرینه آیریلیر .
تاریخ تام ، مصراع ویا بیتک تکمیل حرفلری داخل حساب اولان
تاریخدر . شناسینک رشید پاشانک وفاتنه دائر یازدینی تاریخ ، تامدر .
تاریخ مجوهر . — یالکز نقطه لی حرفلرک داخل حساب ایدیلدیکی
تاریخدر . تاریخک مجوهر اولدینی « جوهر ، کوهر » کلمه لرله اشارت
ایدیلیر .

دریغ وواہکە ، وس خاوصی پاشانک
اب شفیق فنادن بقایه کیتدی بوسال
کمال خیر ایله معروف عالم اولمشدی
صلاح حالنه حالا اولور مأثری دال
اوحق پرستدن الحق صدور ایدردی همان
احاس حسنات وعالی اعمال

ایدوب شفاعت اکا حضرت حبیب الله
دخی میسر اوله رؤیت جمال وجلال

فاتح سلطان محمد زماننده ، عصرک ادبای مشهوره سندن خضر بک
طرفندن سلطان مشارالیهک انشا ایتدیردیکی جامع شریفک تاریخ
انسانسی مشعر بر مصرع ایله باشلار .

جامع ذیله عمر بنی عمره

دها اوللری ، تاریخ ، عباره اردسنده ترکیلر، کله لرله یاپیلیدی.
« خراب » (۸۰۳) کله سی تیمور طرفندن سیواسک تاریخ تحریریدر؛
« بلدة طیه » (۸۵۷) استانبول شهرینک زمان فتحنی بیلدیرر .
ادبای قدیمه عثمانیه نک آتارنده ، زمانک وقایع و حادثاته دأثر
ساده ، لطیف و یانکته لی، تلمیح لی صورتلرده تاریخلره، بک چوق
تصادف ایدیلیر . بالخاصه سروری تاریخ خصوصنده اک زیاده ابراز
موفقیت ایتمشدر . عثمانلی پادشاهلرینک فتوحاتنه و زماننک وقایعنه
دأثر یازدینی تاریخلر بک مشهوردر .

ملک مصری شه سلیم آادی چکوب سیفینه

سروری

باصدی نیل اسا آقوب مصری جنودشه سام

سروری

ینه قصد ایوب مصری سپاه شه سلیم الدی

سروری

مصر اعلى سلیم اولک ۱۲۲۶ ده مصری فتح تاریخلریدر .

اولدی عال العال کیم قیلدی بنا طوڤخانهک

سمت بالاسنده بر والا اثر شاه کریم

عارف علامه قدرت نصاب
واقف فهامة حكمت مأب
عاقل ودانا خداوند زمین
کامل ویکتا هنرمند فطین
مبتدای خطبه فضل و رشاد
منتهای رتبه عقل و سداد
دستگیر عاجزان روز کار
مست شیر قهرمان کارزار
لطف و مهربی مشعردار نفیم
عنف و قهری مخبر نار ججم
ضیا پاشا

ای ملک علام ! وای مالک اذمه انام ! سن اول موجودسك كه كل
رخساری اكمام ارحامده تقدیر كله پیدا ایلرسك ! سك اول مبدعسك كه
رخسارکلی ارحام اكمامده تدبیر كله هویدا ایلرسك .
سنان پاشا

شاه ملکوت عرشپایه
ماه چبروت فرش سایه

شیخ غالب

ترصیع یایعق مقصدیله قلمی اله آلمق طوغری دکلدر ؛ ترصیع
حال طبیعیده ، ظریف ، مطبوع اولدینی تقدیرده خوشه کیدر ؛
یوقسه صوثوق اولور .
اك بویوك صنعت صنعتیز کورونه بیلمکده در ، قاعده سنی
اونوتما ملیدر .

تاریخ . - وقایع و حادثاتك تاریخ وقوعنی ابجد حسابیله نظماً
پیلدیرن بر صنعت لفظیله در . ادبیات عثمانیه در ، بوصنت ، اك اول ،

جناسك مقبول اوله بيلمه سي ايچون مطبوع، ظريف، طبيعي، نادر اولمه سي لازمدر؛ يكيلر بودقيقه احتياجه رعايتله بعضاً تأمين آهنگ ايچون حس ايدلمه جك درجده كوزل جناسلر ياپارلر :

اوروپا بوتخریب وافنا عملياتی تمدینک ایلک وظیفه مقدسه سی عد ایله محل جرمدہ کی مأمورین سیاسیه سنک اللریله الفشلامقدن اوتامدی بیله ! ..
ایتالیا خسته خانہ لری طوبہ طوتہ رق جانلی ، جانسز نہ قدر وسائط تشفیہ وارسہ هسنی مصادره ایتمکدن چکنمدی . اوروپا ، حق حربک حق حیاته تقدیم ایتدیکنی بر قاعده سماویہ صورتندہ تدوین ایدن بر سکوت ایلہ ماجرای ستر ایدرک وجدان بشرک انفعال پا کنی بر کلمہ ایلہ اولسون اظهار ایتدی بیله ! ..

سلیمان نظیف کی بر اسلوب ممتازہ مالک بر قلمده « اوتامدی بیله » « ایتدی بیله » جناس مفروقی، نظر خراش اولمقسزین نه اینجه، نه ظریف بر آهنگ تأمین ایدہ بیلور .

۱۵

ترصیع . — سجعک دهازیاده مقیدی بولنان بوصنعت، نثرونظم ایچون مشترکدر . بر مصراعده یاخود بر جمله ده بولنان کله لک ایکیدن زیاده سنک حرکات ، سکناات ، خلاصه وزن وقافیه اعتباریله متشابهنگ دیگر جمله ومصراعده تکررینه « ترصیع » اطلاق اولونیر :

منبع انهار آب مکرم
مطلع انوار تاب مرجمت
برده انداز خفا یای بطون
روشناسازی خبابای فنون

کوزل مزاحلر یاییله بیلمکده در . بالاده کی مطالعات نثر مسجعک متروکیتنه لزومندن زیاده بر دلیل تشکیل ایتک ایچون بیان ایدلمشدر ، سجع ایکی درلودر . برینه « سجع مطلق » ، دیگرینه « سجع ربطی » یاخود « مقید » دیرلر .

تراکیب آره سنده ، ویا فواصل کلامیه ده بولونوبده بر عطف ایله ویا بر لفظ ایله جمله نهایتته مربوط اولمه یان سجعار مطلقدر ؛ بونک معکوسی ایسه مقیددر .

سجع مطلقه مثال :

فقط خصیله چارشمغه باشلار باشلاماز ، سوق روز کارا حزای وجودی
تارمار ایتدیکندن او آنشاره جلات یوق یره عو اولدی کیتدی .
گال

سجع مقید، مثال :

مراسم توقیر توفیرنده احوال و تقصیر اولنیوب خلع فاخره و انعامات
زاخره و ضیافات و افره ایله ذوالقدر اوغلی طائفه سی منم اولدیلر .
خواجه تاریخی

برده « سجع مفروق » وارددر که سیاق افاده مفصول اولدینی
تقدیرده وجود بولوز :

دنیا ، برپیره زن و عجزدر که : لباس عرایس دخترانده کورو نور ، و بر
خراب اباد ویرانه در که : مظهر آبادانیده کوزو کور . آنک ذوق و صفاسی ،
وفای زنان وابر تابستان کی ناپایدردر و غرض و جفای اوراق اشجار اعداد
مال کی بی شماردر . . . کربه کی طوغوردیغنی کندی بر ، کلب کی
تلق ایتدیکنی ایصیرر . کیمکله عهد ایتدی ده بوزمدی ، کیمکله عقد ایتدیده
چوزمدی .
سنان پاشا

بو بر عكس العمل ایدی ؛ بر زمان کلدی، که سجع و ترصیع ابتلاسیله شکل اساسه فدا ایدلمکه ، بوش ، بی معنا کله لرله صحیفه لر طولدرلمغه باشلادی . حتی کلمات متشابهه نهایت بیتدی . اسکیلرک قوللاندق لرینی نقل و اعاده ایتمکده بر مزیت تلقی ایدلدی .

یازیلن آثار ا کلاشلمز درجهیه چیقدی . شفیقنامه ، سیر ویسی کبی آثار غریبه بازار معرفنده رواج ، نفیس ، مبدع ، ظریف آثار کساد بولدی . بوکا بر شفا لازمدی ، اوده بر عکس تأثیر اوله بیلیردی . عاکف پاشا - شناسی دوره تجددی ایله باشلایان بر عکس تأثیر تأثیرک شدتیله مناسب اوله رق توسع و تشدد ایتدی . « سجع » لری حدود ادبیاتدن اخراج ایتدیکبی کبی او صورته یازیلان آثاریده اتهام ، ساحه صنعتدن اخراج ایتمکه یلئندی . فضولیده بولدیغی ابرو ، ماهو ، آهو کبی قافیه لری ، سجع لری ، هضم ایدمه یه رک « نمونه ادبیات » نده ابوالضیا توفیق بك تنقید ایدر ؛ صوئوق بولور . نسل اخیر ایسه دهها منصف اوله رق نثر مسجع حقنده صنعتکارینک موفق اولوب اوله مه دیغنی نظر اعتباره آلییور ، اوکا کوره حکم ویریور .

مع مافیه بوحد معقولدن خارجه چیقهرق نثر مسجع ایله اوزون اوزادییه بوکون اوغراشمق جئندر ؛ نثر مسجع حال حاضرده خامه هزل و مزاحك لسانیدر ؛ مزاح نویسان آثار قدیمیه یی تقلید صورتیله حال حاضرک احوال عمومیه سنی ظریف ، نفیس بر طرزده تنقید ایدمه بیللیورلر . . . بونلرک آثارینه ، آثار خنده نثارینه بر نشوئه بوی ماضی قارشمه سی حقیقه دهها نفیس بر ذوق ایله انسانی متحسس ایدیور . فقط شو سوزلردن لسان مزاح نثر مسجعدر . دستور قطعینسی چیقارمق . بوکونکی لسانلده پک

ما اتفاق آثار قدیمه دن برینی آنی بر طرزده نظردن کچیرسه کز سجع
تصادف ایدرسکز: مثلاً «ضر اعتنامه سنان پاشا» دن تحری کلفتند
بولنمقسنزین شو سطرلری آلیورز:

«بر حاکمک که قضاک محکمه سنده عقل کاتب این ، بر حافظسک که
حفظک خزانه سنده بر نقطه کتاب مبین ، قادرسک که قدرتکی تحریرده قلم
اعلی عافر ، عالمک که معلوماتک احاطه سنده لوح معلی قاصر ، رحیمسک ،
دارین نسیمک رحمتندن برنقحه ، کریمسک ، عالین کریمک دکنندن برنقحه . . .»
جمله نهایتلرینه باقیلنجه حروف و حرکات و سکناتجه کلماتک بر برینی
تعقیب ایتدیکی ، و بر آهنگ مخصوص و صنعی تشکیل ایتدیکی کورولیسور.
ینه بر باشقه سنه مراجعت ایده لم ، فضولینک بغدادلی نشانجی محمد
پاشایه یازدیغی شکایتنامه سندن کیف ما اتفاق شو سطرلری آله لم :

«ای غافل ! عالم صورت مظهر الهیدر ، و مہبط انوار حظوظات
نامتناهیدر ! هر آینه ملک ملکوتدن منفک اولز ، و خصائص ملکدن بهره مند
اولیان سرائر ملکوتہ دسترس بولز .»

شو یوقاریکی جمله لرده «الهیدر» ، «نامتناهیدر» «اولز» ،
«بولز» کلملری حرف روی اعتباریله بر برینه مشابه و متوافقدر .
بناءً علیه سجع واردر .

مع مافیه خامه صنعت اداره ایدلدیکی تقدیرده بر آهنگ مخصوص
تولید ایده بیلمه سنه بناءً «سجع» پکده شکایت ایدیله جک بر صنعت لفظیه
دکلدر . حال حاضرده تمامیلہ متروک دنیله جک درجهیه کلش اولان
«سجع» له مالا مال آثار قدیمه یی فهرست ادبیات و صنعتدن اخراج
ایده جک قدر کستاخ بر دور صنعت و مطبوعاتده تاریخ ادبیات
عثمانیه کور مشدر .

ابیات، قوت و بلاغت خصوصند اولکی شکله فائق اولدینی تقدیرده
ممدوح و مقبولدر . عکس حالده مقبول دکلدر . فضولینک :

سعادت ازلی قابل زوال اولماز
ضیایر اوستنه دوشمکه پامال اولماز
مطلعندن اقتباس ایدیلن :

خاکساری هنر پیشه‌ی ذات صانع
پرتو مهر یرره دوشسه‌ده پامال اولماز

ییتده ایکنجی مصراعک شدت و بلاغت اعتباریله اولکندن
پک چوق دون بولنسی واونک عادی بر تقلیدن باشقه برشی اولماسی
اعتباریله مقبول دکلدر .

بن بونی که دیدم
فرض ایدلم که دیدم
اسکی کلامدر شهم
« سبک من باغک »
باقی

۱۴

سجع . — نثره عاؤد بر مزیت لفظیه‌در . تاریخ ادبیات عثمانیه‌ده
« سجع دوری » نامیله اوزون بر فاصله تاریخیه آچه بیلیمک ممکندر .
سجع، رفیقی اولان « ترصیع » ایله برابر عصر لرجه دست خامه‌یه تحکم
ایتمشدر . بر زمانلر قیمتی بر کاتب اوله بیلیمک ایچین تراکیب و عبارات
آره لرنده ، کلامک فاصله لرنده ، بر برینه معطوف ویا بر لفظ ایله
مربوط جمله لره نهایت لرنده حروف ، حرکات ، سکناتجه مساوی
کله لر بولندیره بیلیمک اقتدار ولیاقتنه مالک اولمق مقتضیدی . کیف

تضمین. — دیگر بر شاعرک مصراعندن بر بیت ویا مصراعی
ایجابی حالده افادهیه قوت وزینت ویرمک ایچون کندی اثرینه
علاوه ایتمکدر.

ضم ایدیلن اییات معروف اولدینی تقدیرده سرقته حمل
اولونماسی ایچون صاحبیری ذکر ایدیلیر . نفی :

بوحلده عجب اوصافنه جسیان کورینور
نوله بو بیتنی باقینک ایدرسهم تضمین :
« دفع یاجوج غمه ایشیکیدر سد سدید
منع چیش اله درکبیدر حصن حصین »
نفی

قصیده سنده شو ایکی مصراعی اسمنی ذکر ایده رک باقیدن آلمشدر.

بونظمی پیامیدن ایشیت حاله مناسب
کیم زبده یاران سخندان عجمدر :
« مارند سبوحی زده بزم الستیم
« پیش ازهمه ساغرکش و پیش ازهمه مستقیم
روحی بغدادی

بوتون امللری کوکلندن ایلش ابعاد
« نه ویرسه لر اکا شا کر ، نه قیلسه لر اکا شاد »
توفیق فکرت

نه وغرودر دیدیکک ای ذکای دورا دور .
« اسر دکزده تسلی هواپی هر ساعت »
فائق عالی

شکل اصلیلری محافظه ایدلیه رک شکل دیگرده تضمین ایدیلن

اصلیه دن مأخوذ اولم یوب یالکز تلفظ و کتابت لرنده مشابہت اولدینی
ایچون ، بیتده شبه اشتقاق واردز .

راحسک راحت فزای خاطر مستانهسک

روحسک نقد روان عاشق دیوانهسک

نفی

نفیعنک یوقاریکی بیتده « راح ، راحت ، روح » کلمه لری ارمه سنده
یالکز لفظاً مشابہت واردز .

۱۲

اقتباس . — بیانی تقویه و تزین ایتمک ایچون ایات کریمه واحادیث
شریفه دن استشهاد ایتمکدر . بونلرک ایات کریمه ویا احادیث شریفه دن
اولدقلری تصریح ایدلمز .

افاضه « ومن الماء کل شیء حی »

فسرده جسم نباتاته اولدی روح نشار [۱]

بیٹی « وجعلنا من الماء کل شیء حی » نظم جلیلندن اقتباس اولنمشدر .
اقتباس اولسان کلامک ضرورت وزندن طولای تغیرینه ویا کلماتک
تقدیم وتأخیرینه جواز واردز . نته کیم : « وجعلنا من الماء کل
شیء حی » نظم جلیلنده ، ضرورت وزنه مبنی « جعلنا » ترک
ایدنمشدر .

مجلسده مصحف رخ دلداری دون کیجه

بوس ایتمکه تقرب ایدنجه رقیب دون

اول کلمذار کولدی دیدی « لایسحوا »

بن بوس ایدوب دیدم همان « الاالمطهرون »

سامی

ابتدی بردمده مشامه تشمیم
 بوقدر نثر شمیم ایتمز ایدک
 اولسهک طرئه دلبرده مقیم
 نفی

یوقاریده کی بیتلرده « شمیم ، مشام ، تشمیم » کلهلری بر ماده
 اصلیه نك مشتقاتیدرلر .

آلها ، ملکا ، پانشاها ! سن اول اولسك ، كه سكا ابتدا یوق .
 سن اول اخرسك كه سكا انتها یوق . سن اول ظاهرسك كه کیمسه نه ایدوكك
 بیلمز ، سن اول باطنسك كه کیمسه دن کیزلنمز . بر حی سك كه عالمك حیاتی
 سندن اولور . بر قیوم سك ، كه جمیع محتاج حاجتی سنده بولور . بر
 جبارسك ، كه « انا جعلنا فی اعناقهم اغلالاً » زنجیر یله جبارلرك بوینی
 باغلامشسك در . بر قهارسك ، كه « وقطنا منه » تیغیله قهارلرك جان
 طمرلرینی كسمش سك در . بر سبوح قدوس سك ، كه تسبیحك ایچون
 هزاران هزار جواهر زواهر ارواح مجرده معارج علوی وطارم بالاوسموات
 اعلاده موج موج ، فوج فوج بحر تسبیحكده ساغ وچهان تقدیسكده ساغ
 اولوب صبحولری « نحن نسبح بحمدك » غبوقلری « وتقديس لك » .

۱۱

سبه انتقاص . — بر ماده اصلیه دن مأخوذاولیموب تلفظ وکتابتارنده
 مشاهیدن طولایی بر ماده اصلیه دن مشتق کی کورینن کلهلرك
 عبارده جمعیدر .

قپوكده بپتر حاجت مورومار
 دمكله یانار شعله نورونار
 سنان پاشا

شو بیتده « مور » « مار » « نور » « نار » کلهلری عین ماده

اساسدن ، فک کردن ، لطافتدن ، نراهندن عاری پک چوق سوزلر دیوانلری املا ایتیش ، برچوق جدی ، متین ، علوی فکرلرک بر اویونجاق حاله کیرمه سنه سبیت ویرمشدر . ادبای جدیده ممکن اولدینی قدر بو بی فائده زینتی ساحه صنعتدن اوزاق بولندیر مقده درلر . حتی جناس معنوی بیله یاواش یاواش نابدید اولمقده در . صنعتیدن آزاده و حال طبیعی ده بولندینی تقدیرده بعضاً ، پک نادر اوله رق تصادف ایدیله بیللمکده در .

مع مافیه جناس تعریض و کنایه خصوصنده بعضاً پک مهم روللر اوینایه بیلیر ، باخصوص جناس معنویک بو نقطه ده پک زیاده تأثیری کورولیر .

۱۰

انتقاده . — بر ماده اصلیه ایله انک بر ودها زیاده مشتقاتی عبادده جمع وتلفیق ایتمکدر .

فلک دیدکلری اول نابکار سفیدن
نه در بواهل دلاک چکدیکی عذاب والم
بر ایکی ملتزمی ایلدی حواله بکا
که اشتراک ایله ایتیشلر التزام ستم [۱]

قطعه سنده ، نفی ، « التزام » و اندن مأخوذ اولان « ملتزم » کلمه لرینی عباره ده جمع ایتمشدر .

کشور چینیه می دوشدی کذرک
یانه در بونفس نافه شمیم
بیکی جهان نکبت مشکین نفسک

[۱] تعلیم ادبیات : اکرم پک

رقیق ، غرور آور اولور . بوندن باشقه صنعتکار بر قلم ایچین جناس
معنوی بر بازیجه الفاظ حکمنده دکلدر ؛ بر فکر ابداعی ، بر شکل
ابداعی ماهیت و قیمتنده در . بعضاً بردست صنعت کلمه یه ایکی مهم فکر
تسلیم ایده بیلیر ، بونی ده جناس معنوی یه میونددر . مثلاً :

دل ماجرای عشقی دلداره آچه دی
بیک داغ نازه آچدی ولی یاره آچه دی
اسعد موصلی

بوراده کی « یاره » کلمه سنده ایکی معنا وارددر . بری « سوکیلینسه
کوسترمه دی » ، دیکری ده « یاره یی آچوب کوسترمه دی » دیمکدر ؛
دیمک که معنا تکرر ایدیور . مع مافیه بوندن آلیغمز ذوقی :

قسمتکدر کز دیرن بر یر سنی
غافل اوله عاقبت بر یر سنی
لاادری

جناس لفظیلسندن آله مه یز ، زیرا بری حق کشفی ، بناء علیه
ذوق کشفی بزه براقیور ، دیکری طوغریدن طوغری یه نظر لر مزه
عرض ایدیور .

جناس ادبای قدیمه نك اك زیاده رغبت ایتدکری بر صنعت
لفظیه در . دیوانلره شویله برر نظر آتمق بیکارجه لفظی ، معنوی جناسه
تصادف ایتمه مک ممکن دکلدر ، بونلر نه قدر صوئوق اولسه بیه بومرض
تزییننده بو بوک بر مزیت کوریورلردی . حتی اکثریسی بر کوچک
جناس تولید ایده بیلیمک ایچون ترله یورلر ، بونالییورلر ، تکلف و تصنع
ایچنده بوغولوب قالیورلردی . خصوصیه اونلرده جناس معنویدن
زیاده جناس لفظی یه توجه و محبت واردی . بو معلولیت حسیله

جناس غیر تام بالاده ذکر ایدیلن وجوه ار بعده اتفاق بولنه مامسندن
کلیز :

قیلیدی دهئک تک پریشان حالی خالک سنک
بر کون ای بی درد صورمازسک نه در حالک سنک
فضولی

بیتنده « حال » ایله « خال » کلمه لرنده اولدینی کبی .
بر کلمه نك مختلف معنالرده استعمال اولنمه مسندن ده جناس تولد
ایده بیلیر :

مجلس ارباب دل بر لحظه سنسز اولمه سین
حرمتک انکار ایدن عالمده حرمت بولمه سین
نقی

« حرمت » کلمه لری کبی که بری « حرام » ، بری ده « رعایت »
معناسنه در . ایشته بوتون بونوع جناسلر جناس لفظی در . جناس
معنوی یه کلنجه بر سوز ایکی معنالی اوله رق ذکر ایدیلن الفاظک
دیگر معنالیله صد بحث آرسنده آز چوق بر مناسبت بولنمه مسندن
متولددر ؛ بونکله جناس لفظی آرسنده کی فرق بریسنده لفظک
تکرری کورلمه مسندن ، دیکرنده معناک تکرری حس اولنمه مسندن
متشکلدر . جناس مغنویده بر محویت ، بر کتم ، بر رقت وارددر ،
حالبوکه جناس لفظی ده تمامیه عکسنه در ، اونی ایلك نظرله کوریر ،
آکلار ، حس ایدرز . جناس لفظی کوهزه ، ، راز افشان برزینت
ادبیه در . باخصوص جناس مغنوینک قارئ ویا سامعده اویندیردینی
ذوق جناس لفظیدن دها زیاده در . خفایا آرسنده بر شیئی بولوب
چیقارمق خصوصنده ذکایه دوشن حصه ذوق شهسز درین ، واسع ،

بوکابناء جناسی ؛ جناس تام ، ناقص اولمق اوزره اولایکی یه ،
جناس لفظی ، جناس معنوی اولمق اوزرده ثانیاً ایکی یه تقسیم ایتک
مجبوریتده یز .

جناس تام ، ایکی لفظی تشکیل ایدن حروفک نوع ، عدد ،
ترتیب ، هیئت - که حرکه وسکوندن عبارتدر - خصوصنده متفق
اولسندن تولد ایدر . بوده یابسیط ، یاخود مرکب اولور .

ایله مه وقتکی ضایع دیعه قیش « یاز » اوقو « یاز »

سنبلزاده وهی

بکارم هفته ده بر نامه بو « یاز »

یازه جقه ک دیدیکم وجهله « یاز »

اسماعیل صفا

توجه ایلسه دانشوران دهره قضا

ویربر افندی ضروری مان قضایه رضا

سوزلرنده اولدینی کبی ..

جناس مرکب : کلمه لری مجرد اولدینی حالده صرف ونحوه بناء
فعل صورتیه ، یاخود مفعول صورتیه یاخود باشقه بر صورتله تبدیل
ایدلکلری تقدیرده جناس تام مرکب اولورلر :

فریادی آنک دکلای واهی

بلبل ده بیلیری آه و واهی

صفا

دست کوتاهمزی ایتمه منن الله رسا

منبع جودینی یوقسه المزله قاپارز

بزه ویرسونی خدا آب حیات توفیق

خضری بولساق ره ظامته کلاهن قاپارز

عزت منلا

مستقل بر سما اولان سودا
اوسسك معكس مكوكيدر ،
فائق عالی

قطعه سنده «راز روح» ایله «روح راز» نه معنیدار، نه اینجه
نه ظریف برعکسدر .

بر مصراعك عكسیله دیگر بر مصراع تشکیل ایدوب بر بیت
وجوده کتیرمه کلنجه بو هر وقت منتج موفقیت اوله مز . حصوله
کتیریله جك مصراع حقیقه کزیده ، بر جسته ، نفیس ، صنعتکارانه
اولمایدرد . زیرا آز چوق عینی سوزك تکراریدر ، بناء علیه بر صنعت
نفیسه اوله اینجه ثقلت بخش اولور .

هنکام جوانیدر تحصیل هنر وقتی
تحصیل هنر وقتی هنکام جوانیدر .

و :

ممکن دکل خدای بیلمکده بیلمه مکده
بیلمکده بیلمه مکده ممکن دکل خدای

بیترلنده اولدینی کی بوکا بکزر عکسلر دائما کوزل اوله ماز .
بوکی شیلر اکثریا ذوق بدییی آز چوق ازاله ایدر لر .
بناء علیه بو طرزده عکسه مراجعت ایتمه مکده ایدر .

۹

جناس . — مختلف معانیده اولان ایکی لفظك کتابتده و یا تلفظه
مشابه اوله سیدر . بوکا «تجنیس» ده دیر لر . بومشابهت یاتام و یا ناقص
اوله بیلدیکی کی جناس لفظی و معنوی ده اوله بیلیر .

و ممتازیتنه اشارتله « بو بنم ایچین تنزل در » دیدکدن ماعدا اسکندره نشانی اولدیغنه تلمیح اولق اوزرهده « استهزا فادر ، بالاخره بکایی انتاج ایدر » دیور. یالکیز، تلمیحده اک مهم شی اشارت اولنان شیئک ، هر نه اولور ایسه اولسون ، معلوم اولسی کیفیتدر . اگر معلوم اولماز، مبهم اولورسه ذوق کشفی احما ایدرکه بوتقدیرده صنایع لفظیه دن مطلوب اولان نتیجه الده ایدلمه مش اولور .

۸

عکس . — کله لری تقدیم و تأخیر ایتمک ، بر مصراع ایکی سطرندن بری تأخیر و تقدیم ایدیلنجه مصراع دیگر حاصل اوله جق صورتده سویله یوب بوندن بر بیت تشکیل ایده بیلیمکدر .

عکس نامیله یاد ایدیلان بو صنعت لفظیه اکثریا مؤثر ، لطیف ، ظریف ایسه ده معناسزلغه ، سوء استعماله پک زیاده مساعددر . مثلاً « کلام کبار » ی تقدیم و تأخیر ایله « کبار کلام » یاپار ؛ بوندن « کلام کبار کلامدر » جمله سنی وجوده کتیریرسه ک کوزل بر جمله ، طاتلی بر افاده ، ای بر عکس وجوده کتیریرز .

عکسده اک زیاده دوشونیهلجک نقطه وجوده کتیریلن عکسک معنیدار اولوب اولماه سیدر . معناسز اولانلرینی رد ایتمک لازمدر . « دکزک یوزی ، یوزک دکزی » کی عکسلر بارد اولدیغی قدرده بی معنادر . بونک ایچون عکسک اک مبهم شرطی معنیدار اولمسنده در :

راز روحیله روح رازنده

هپ معالی شعر اوچار کبیدر .

دهشتلی اولوردی اول تنزل

مریخ اینیور کبی فلکدن

عبدالحق حامد

ییتنده « مریخ » ایله « حرب الّه » سنه اشارت اولنمشدر .
 تلمیح، توریه کبی تعریفکده اک بویوک وسائطندن بریدر؛ بونکله
 مدحیات پک کوزل تأمین ایدلدیکی کبی تعریفات دخی تأمین ایدیله بیایر .
 کوزل بر تشبیهی محتوی اولان « تلمیح » قدر قوتلی ، نفیس برشی
 یوقدر . غرورمزی ، حدتلمزی ، کینلمزی ، مسرتلمزی تلمیح
 ایله بعضاً بوغار ، کوستیر ، آکلاته بیلیرز :

سومرو

مفتونیمی ، سمنی ؟

روکزان

بن !

سومرو « زهر خند ایله »

عجائب ! . .

روکزان

بلکم دخی غارب غرائب .

زیرا بویم ایچون تنزل ! . . .

« سومرو قهقهه ایدر »

زائد هله خنده تهزل ،

هم بلکه ایدر بکایی انتاج !

اشیر . - عبدالحق حامد

مکالمه سنده نه کوزل ایکی تلمیح وار . دارانک قیزی روکزان
 اسکندر نشانی . . و حکمداری زیاده سیله سویور . سومروده
 عاشق . . کوریشیرلرکن روکزان باباسنک اقبال وعظمتنه ، اصالت

بزه عرض جمال ایتزوی بلقیس امل آخر
 فوہما خاتم داغ محبتله سلیمانز [۲]
 فہوم

بیتندہ حضرت سلیمان علیہ السلام ایلہ « بلقیس » قصہ سنہ ؛

ہمیشہ کاوش افسوس ایلہ جگر خونم
 غریب کوہکنم سنک راہ کلکونم
 نائلی قدیم

بیتندہ « کوہکن » طاغ یاریجی معناسنہ « فرہاد » ہ ، « کلکون »
 دخی « شیرینک » بیندیکی « آل آتہ » ؛

بیستون غمدہ باقی سنک محنت کسمہدہ
 شویلہ استاد اولدی کیم فرہادہ صنعت کوستیر
 باقی

بیتندہ « بیستون » کلمہ سی فرہادک یاردینی « طاغہ » ؛

میدان سخندہ یوغ ایکن سن کبی برار
 بر شاعر روم اولدی سکا شمدی برابر
 ضیا پاشا

بیتندہ « روحی بغدادی » یہ ؛

نور فخر عالمہ ایلہ توجہ دائما
 ماہ قلبک ایدہ انکشت عنایت ایکی شق

بیتندہ « شق قمر » معجزہ سنہ ؛

[۲] بلاغت غنایہ : جودت پاشا

احتیاج کورولیر . فقط « مرتب » اولان نثردهده کوزل برزینتدر .
 یالکز بونک صنعتدن آزاده اولمسهنه ، حال طبعیده تجلی ایتمه سنه
 دقت ایتک لازمدر . برده آهنگ و موسیقی الفاظ طولایسیله بعضاً
 نثرده غیر مرتبه مراجعت ایده بیلیرز . اساساً اولجدهده سویله دیکمز
 کبی بونلر ریاضیات قاعده لری کبی هر زمان عینی نتیجه یی ویره مز ؛
 فنا اولوب اولمدقلرینی رقت صنعتکارانه ، حس صنعتکارانه تعیین
 ایدر . بناء علیه بوقاعده لر ، بومطالعہ لر ثابت ، قطعی دکادر . هر
 قاعده تزین روحه نشوه ، دماغه سکون ، کوزلره ذوق تأمین ایدر ؛
 مسئله اونلری حسن استعمال ایتک قابلیتته مالک اولوب اولمه مقدهدر .

۷

تلمیح . — عباردهده ، ذکر ایتکسزین بر وقعه یه ، بر آیت
 جلیله یه ، بر حدیث شریفه ، بر کلام کباره ، بر شخص مشهوره ، بر
 ضرب مثله اشارت ایتکدر .

تلمیح ، بر استعاره ، یعنی بر تشبیه ضمنی دیمکدر ؛ زیرا اشارت
 اولنان ، ذکر ایدیان شی آرہ سنده بر مناسبت معنویه و مشهوره موجود
 دیمکدر . بزم دماغمژده یاشایان بر فکری ، تلمیح واسطه سیله قارئک
 دماغنده جانلاندیره بیلیر ، تأمین ذوقه موفق اولورز :

اختر مطلبی آفاق فلکده طوغماز
 کونده بیک شی طوغوربر لاله حبلا ی عدم [۱]
 عا کف پاشا

بیتمده « اللیلة حبلی » مثل مشهورینه ؛

[۱] مجامع الادب : مناسترلی رفعت بک

بیتمده « لف و نشر غیر مرتب » موجود در ، زیرا نشرده برنجی
اولان « تیغ » لفظنه مقابل « یچدی » کلهسی لفته اوچنجی ؛
ایکنجی اولان « خنجر » کلهسنه مقابل « کسدی » کلهسی لفته ایکنجی ؛
اوچنجی اولان « نگاه » « دزدیار » کلهسنه مقابل « چاریدی »
لفته برنجی کتیرلشدر .

وصلنده یم هجران ، هجرنده محنت جان
درد فراق ربویله ، وصل کنار بویله
نوعی

بیتمده « وصل یم هجرانه » مقابل « وصل کنار » ، « محنت
جانه » مقابل « درد فراق » لف ایدلشدر که لف و نشر غیر مرتب
موجود در .

بن بر صدقم ، « ۱ » سن ابر نیسان « ۲ »
ویر قطره لر « ۲ » ، آل درغلطان « ۱ »
فضولی

« لف و نشر غیر مرتب » مقبول اوله بیلیمک ایچون آکلاشلمایه جق
درجهده اوله ملیدر . ایهامه دوشولدیکی تقدیرده افهامی ، بالنتیجه
حسن ذوق ازاله ایدر . حالبوکه بونک وظیفهسی ذوق کشفی تأمین
ذوق بدیی یی تزیید ایتمکدر ؛ بونک ایچین « ذوق کشفی » احسا
واقنا ایده جک درجهده مشوش اولنلری مقبول دکلدر .

باخصوص « لف و نشر غیر مرتب » نثرده اوقدر قولانیلما ملیدر .
زیرا بویر ضرورت مخصوصه نک تأثیرنده وجود بوله ماز ؛ حالبوکه
نظمده ضرورت وزن طولانیسیله مشوش ، مختلط لف و نشره اکثریا

« نسرین بر » کتیرلمشدر، که « لف ونشر مرتب » لرك اك بدیعلرنندن،
اك تفیسلرنندن بریدر .

اوکرندی غزالان جهان ای کوزی آهو
قاچاغی ، آتلماغی ، دونوب باقنی سندن
مشق ایلدی پروانه وشمع کل صدبرك
یاغماغی ، یاقلماغی یا قاییرتمنی بندن
کاظم پاشا

نشر اولنان « پروانه یه » مقابل « یا تمق » ، « شمع » ه مقابل
« یا قیلیمق » ، « کل صدبرك » ه مقابل « ییرتمق » کله لری لف ایدلمشدر.

امواج فورطنه یله بیقار پنجه لشمه دن
آرتق مهیب فورطنه ده ذی کلادر ؛
امواج پر ضیا « ۱ » ایله انوار موج زن « ۲ »
رقص لیالدر « ۱ » ، نفحات لیالدر « ۲ »
فائق عالی

لف ونشر غیر مرتبه کلنجه ... لف اولنانلر مختلط ، معکوس ،
مشوش اوله رق ذکر ایدلدیکی تقدیرده تعین ایدر. مثلا : « ابوبکر و
عمر حضراتی صدق وعدل ایله شهرت بولمشلردر » دیدیکمز تقدیرده
« لف ونشر مرتب » بولندیغنی حالده « ابوبکر و عمر حضراتی عدل
و صدق ایله شهرت بولمشلردر » دنیلدیکی تقدیرده « لف ونشر غیر
مرتب » بولونیر .

تیغ غمزه خنجر ابرو نگاه دزدیار
چارپدی کسدی بیچدی شهراه محبتده دلی
حسینی

لفظك فقره اخيره دهده برنجی؛ ایکنجی لفظه عائذك ایکنجی؛ اوچنجی لفظه عائذ اولانك اوچنجی، الخ اوله سیدر. خلاصه ترتیب تقابلیه رعایت ایدلدیکی تقدیرده «لف و نشر مرتب» موجود اولور :

عشق ایله اولدم بحکم بادوآب و خاک و نار
زار زار و اشکبار و خاکسار و داغدار .

شناسی

برنجی فقره ده کی «باد» کله سنه مقابل ایکنجی ده «زار زار»، «آب» کله سنه مقابل «اشکبار»، خاک کله سنه مقابل «خاکسار»، «نار» کله سنه مقابل «داغدار» کله لری قوللانیلمشدر، که ترتیب تقابلیه رعایت ایدلمش دیمکدر؛ بناء علیه بوراده «لف و نشر مرتب» واردور .

بیاض کردن و دندان و حسن و لعل جانخشك
یم نور و دریكتا كل زیبا مل احمر
فتاده خسته حسرتكش ستمخوار اولامه شاهد
دل زار و لب خشك و رخ زرد و تن لاغر
بنی سوزان پریشان مست و حیران ایلدی عینی
اوکلر خسار و سنبل زلف و ترکس چشم و نسرین بر
عینی

«بیاض کردنه» مقابل «یم نور»، «دندان» مقابل «دریكتا»، «حسنه» مقابل «کل زیبا»، «لعل جانخشه» مقابل «مل احمر»، «افتاده» مقابل «دل زار»، «خسته» مقابل «لب خشك»، «حسرتكش» مقابل «رخ زرد»، «ستمخواره» مقابل «تن لاغر»، «سوزان» مقابل «کلر خسار»، «پریشان» مقابل «سنبل زلف»، «مست» مقابل «ترکس چشم»، «حیران» مقابل

بوراده « سلیمانیه » لفظنك ایکی معناسی واردر : بزى استانبولده
 « سلیمانیه » جوارنده اسکی زمانلرده بولسان دارالشفاء ، دیکریده
 « موصله سلیمانیه » پایه علمیه سیدر . بوراده برنجی معنامقصوددر، که
 اوده نائیک دلی اولمه سیدر .

قویوب قالدیرمه دن ایکیده برده
 قزان دورلدی سرنردی اوجاغی
 عزت منلا

بوراده « قزان قالدیرمق » طولایسیله « یکچریلره » اشارت
 اولوب بوراده کی اصل معناسی ده اودر .
 اساساً « توریه » نك معنای لغویسی آرقه یه آتمق دیمکدر .

۶

لف ونشر . — تفصیل ویا اجمال صورتیه برجه یه الفاظ متعدده
 نشر ایتدکن صکره تعین مرجع ایتمکسزین او الفاظ قاچ عدد ایسه
 هر برینه مقابل وعائد برر لفظ ، برر شی ذکر ایتمکدر . بوضعت
 قارئه کشف ایدیه جك برشی براقدینی جهتله قارئه ویا سامعك ذوق
 کشفی اوقشادینی کبی ، ترتیدن حصوله کله جك آهنگ طولایسیله ده
 سامعه یی اوقشار . بوضعت نثر دن زیاده نظمده نفیس ، آهنگدار ،
 ظریف اوله بیلیر . « لف ونشر » صنعتی بین الادبا پك زیاده منتشر
 بر صنعت لفظیه در .

لف ونشر ایکی در ، یا « لف ونشر مرتب » ویا « لف ونشر
 غیر مرتب » ویا خود « مشوش » اولور .
 لف ونشر مرتب ، فقره اولی ده نشر اولسان برنجی لفظه عائد

بر کلمه ایله تضاد تشکیل ایله مسی و یا خود بر برینک مقابل وضدی اولان کلماتک جناس معنوی یولنده بر جمله ده ایراد اولنمه سیدر .

طالی صبح اولدی شامک ایله دی سوریه سور [۱]
راغب پاشا

بوراده « شام » کلمه سی « آقشام » معنانه آلدینی زمان « صبح » کلمه سیله تضاد تشکیل ایتدیکی کبی .

بابا طاغنده ده اولسه م آنا کی آغلادیرم
کاظم پاشا

بیتنده « بابا » ایله « آنا » کلمه لری بر جناس معنوی به بناء تقابل ایتدیرلمشدر . ایهام تضاد صنعتدن آزاده اولدینی تقدیرده ذوق آوردر ، کلفت تصنعله وجوده کلنلر صوئوق و بارد اولور .



توریه . — بر نکته مخصوصه به بناء بر لفظک معنای بعیدینک مقصود اولمه سیدر . توریه « کنایه » ، بناء علیه « تعریض » دیمکدر . زیرا « توریه » صنعتنه مالک اولان بر لفظک هم معنای ماوضع لهنده هم معنای ماوضع لهنک غیره استعمالی ممکن اولدینی کبی ، شی غیر مقصودی افاده ایتمه کله شی مقصودکده افاده سی ممکندر :

ماملک خا کستر اولدی کندسی کل اوکسوزی
نابک قالدی ایشی الطاف رحمانیه

خاتمان سوزی ایدوب ایراث سودای جنون
شمی استعداد کسب ایتدی « سلیمانیه » به

[۱] ادبیات : سلیمان فهمی بک

ایدرمی « ساز » سینهم دکمه بر « مضراب » دن « فریاد »
راغب پاشا

« سرشك » ، « كوز » « جاری » ، « بحر » ، « جذر و مد » ،
« مه » ، « ساز » « مضراب » ، « فریاد » کله لری آره سنده ماهیه ،
فکراً بر مقارنت موجود اولمقله بو سوزلرده تناسب وار دیمکدر .
تناسب ، اتحاق و اشتراك افکار قانوننك بر مولودی اولمقله آثار
ادبیه ده پك زیاده تصادف اولونیر غایت طبیعی بر محصول شاعریتدر .

۳

ایهام تناسب . — بر کله نك موضوعه ، فکره باشقه بر معنا
اعتبار یله ده مناسبت معنویه سی بولنمقله در .

صویرر هر صبحدم کوز یاشی تیغ آهمه
کیم دو کم قاتن سپهرک صاله مهرین ماهمه
فضولی

بوراده « مهر » کله سی « محبت » معناسنه ایسه ده « سپهر » ،
« ماه » کله لری نك ده جمعدن « کونش » معناسنه ده کله بیله جکندن
بوراده « ایهام تناسب » موجوددر .

لسان عثمانینك قابلیت مخصوصه سنه بناء ایهام تناسب صنعت لفظیه سنه
ادبیات عثمانیه ده پك زیاده تصادف ایدیلیر . فقط بونلرک اکثریسی
صنعی و بارددر .

۴

ایهام تضاد . — بر لفظك مقصود اولمیان معنا اعتبار یله دیگر

شکلک بویکی تزینات ایله مزین اولمهی بر بنانک اوزرنده کی سوسلره بکزر ؛ واقعا بونلر بولنمزه اساسه ، روحه برخلل طاری اولمهی ؛ینه فکر ، او فکدر . فقط بونلرک موجودیتیه فکری دها زیاده ذوق ایله ، سهولت ایله آکلامق ، حس ایتمک ، طامق ممکندر . ممتازیت بخی ده اساساً بونلرک برقاعده تحتده جمعی دیمکدر . «شکل هر شیدر» ، «اساس شکله تابعدر» ، «شکل ایله اساس بربرینک عینیدر» کی قاعده لرصنایع لفظیه نک لزوم موجودیتیه اک بویوک برر دلیلدر .

بر بنانک دیوارلرنده کی تزینات معماریه نه ایسه صنایع لفظیه ده اودر ؛ بونلر اثرک قیمت سمعیه ورؤیتیه سنی تزید ایدر . یالکز دقت ایده جک بر نقطه واردر : اوده جبر وزور ایله صنایع لفظیه یی وجوده کتیرمه مک ، اعتدال دن آیرلمه مق ، مبالغه یه دوشمه مک ، ثقلت بخش اولانلر ویاخود سلیقه حاضره یه غیر موافق بولنانلری ترک ایتمکدر . بومزینات حال طبعیه ده ظهور ایدرسه ، مؤمن فائده وذوقدر ؛ صنعت کیردیکی تقدیرده صوئوق ، ثقیل ، غلیظ اولورلر . اک بویوک صنعت ، صنعتسز کورونه بیلیمکده در قاعده سنی اونوتمه ملیدر .

۲

نائب . — ماهیت وفکر اعتباریه یکدیگرینه مقارن اولان اشیا ومعانی یی بر عباره ویا بر فقره داخلنده جمع وتلفیق ایتمکدر . بویکا «مراعات نظیر» ، یاخود «تلفیق» دیرلر .

« سرشکم » « کوزلرمدن » قبض وبسط اوزره اولور « جاری »
 بو « بحرک » « جذر ومد » ی غالباً اول « مه » لقانددر .
 دیار بکری سعید پاشا

التعجبی بحث

صنایع لفظیہ . — تناسب . — ایہام تناسب . — ایہام تضاد . —
توریہ . — لف و نشر . — تلمیح . — عکس . — جناس . — اشتقاق . —
شبہ اشتقاق . — اقتباس . — تضمین . — سجع . — ترصیع . — صنایع
لفظیہ ناک اسکی ادبیاتہ موقع وماہیتی .

۱

صنایع لفظیہ . — اسکیلرک « علم بدیع » نامی آئندہ طوپلادقلری
اسامی تزیینات ادبیہ ناک اکثریتی جامع اولان بومبحث ، تحریر
خصوصندہ تأمین مہارتدن زیادہ ، آثار ادبیہ دہ تصادف ایدیلن برچوق
حیل صنعتی برر اسملہ ذکرہ ، بناء علیہ تفریقہ خدمت ایدر .
آثار صنعت « ذوق سمع » ایلہ « ذوق رؤیت » ی تأمینہ مأمور
اولدقلری جہتلہ الفاظ و کلماتک حیلہ لرینہ مراجعتہ ہر صنعتکار
مجبوردر . کلامک انسجامندہ ایسہ روحہ ذوق ویرہ بیلہ جک برچوق
اینجہ لککر ، بر چوق نظر فریب ، سامعہ نواز ، رؤیت نواز محاسن
موجوددر .

شکلہ اساساً بر کوزللك ، بر یکیلک ، بر نفاست بخش ایدن
بونلردر . باخصوص صنعت دیمک ریاضیات دیمک دکلدر ، اونک
قطعی ، ثابت بر طاقم قواعدی یوقدر . ریاضیات ہر زمان عینی نتیجہ
اقتران ایدہ بیلیر ؛ حالبوکہ حسیات و خیالاتمزک عربان ، سادہ برشکلہ
افادہ سی دائماً مؤثر اولہ ماز . بناء علیہ بر طاقم مزینات و محسناتہ
مراجعتہ مجبوریت وارددر ،

ویرمکدر. تصریح ایدیلن فکر اهمیتدن محروم دکل ، بالعکس دها
 قوتلیدر. آثار اسلافده تصادف ایدیله مهین قطع ، آثار جدیدده مرغوب
 و مستعملدر .

ای رآس فروبرده که ، اق پاق ، فقط ایکنج ،
 ای تازه قادین ، ای اونی تعقیبه قوشان کنج ،
 ای مادر هجرانزده ای همسر مغیر
 ای کیمسه سز ، اواره چوجقزلر . . . هله سزله
 هله سزله . . .
 اورتون ، اوت ای هائله . . . اورتون ، اوت ای شهر
 اورتون ، ومؤبد اویو ، ای فاجره ده !
 توفیق فکرت

چوجوق دوشوندی شکایتلی بر نظرله ، - یابز ،
 یابن ناصل یاشارم سز اولورسه کز ؟ حالا
 طیشارده کورله بهرک کوکره مش براردو کی
 دوکردی ساحفی بیکنرجه طالفه لر ، عصی .
 توفیق فکرت

آه ای کیجه لر ، ای چولک اوستنده کی اسرار
 ای کللی زهریله یاقان چوله کی روز کار
 آه ای کیجه . . .
 بر خلقت اول کی چول نائم و مبہوت .
 امین بلند



چیکنه یوب کچه بیله جکنی علاوه ایتدکن صوکر ، فکرندن رجوع
ایده رک بونک قابل اوله مهیه جغنی سویله یور .

رجوع قدما نك آثارنده پك چوق تصادف ایدیلن صور
بیاندندر .

دلبر سر اولان بزم میک عاشق زاره
هر ساغری بر دیده خوبانه چکاندر
خوبانه دکل باده سی زهر غم هجران
هم نغمه چنک ونی فریاد وفغاندر

او فیضله بر بحر - رواندر که خیالم
امواجی کهر بیرینه سیاره فشاندر
سیاره دکل هربری بر جوهر علوی
کم اکه بهاما حصد کون و مکاندر
نقی

بر اهتزاز تسلی بولور بوسنده اینلر ؛
بوس خطاب معالی ، بوس خطاب اخوت
که کائناتی ایدر سایه فلاحنه دعوت ...
بلاد روم و عرب دیکر ، افریقا ، جاوا دیکر .

اوت توجه ایدکن بوس جنوب و شماله
خار ، بو دیدیغمز شی نه سس ، نه نغمه ، نه الحان .
بو برشلاله قدسیه درکه خاک فنادن
چیقار ، فقط دو کولور غایه سمای کماله .
فائق عالی

قطع . — عبارده تصریح ایدلمه سی افاده نك قوت و لطافتنه خلل
کتیره جک بر فکری اکمال ایتیه رک بیانه بر شکل ممتاز و مهمیت

ایدوب ضیاسنی آفاق دوردن ایصال ،
 شب درازی ایلر بوغریبتک تنویر ؛
 اولور فضائل سودایه حمله گاه وصال
 بر آسمان منور ، بر آسمان منیر .
 فائق عالی

۴

رجوع . — صنعتکارک دوشونجه سندن ، حسندن نکول
 ایدهرک افاده سنه قوت و شدت ویرمک ایچون تحسرات و تفکراته
 باشقه بر مجرا ویرمه سیدر . رجوع شدت ایچون اولدینی کی افاده یی
 اطراد ویکنسقلقدن قورتارمق ایچون ده قولالانیلیر . عبدالحق حامدک
 آتیده کی منظومه سی رجوعه کوزل بر مثالدر :

کاهی فدا قلوب اولورم خنده ناک ذوق
 بر حکمت محتمه یی بر فکر باطله
 بر آن زائله نیجه ایام راحت
 بیک کشف عالمانه یی بر ذوق جاهله
 تعقیب ایچون خیالی عزم ایتدیکم زمان
 باقام کمین رهزنه یاسد حائله
 حتی یولده بن سزی ده ایلرم کذر
 اویمازسه کز هوا ی دل حزن مائله
 یوق ، یوق اورتبه بن دها جنت کتیرمدم
 من بعد بنمزده اولور شیمی فاصله
 ویردم مزه اراده جزیه ی بوکون
 ایتدم حواله نفسی قهار عادله

شاعر خیالی تعقیب ایتمک ایچون یولنده تصادف ایده جکی هر
 درلوحائلری ، مانعه لری اقتحام ایده جکنی سویله رکه ، حتی معشوقه سنی ده

فقط پیامکی کل ، کندک آسمانن صور
نه بر هبوط تجلی ، نه بر تسلی وار .
فائق عالی

قونفرانس مقرراتی نه ایله تطبیق ایدیه جکدر ؟ . اوروپانک قوای عمومیه سی
پترسبورغک خیالی ویا حقیقی قونفرانسنه اجرا مباشرکی ایدیه من . بونی امید
ایتمک ، مدنیت حاضره نک جسم منورنده «پیه لر میت » ک روح مظلومی حاکم
طن ایتمکدر .

سلیمان نظیف

۱۳

صحن تعلیل . — اثره بخش لطافت ایچون هر هانکی بر خصوصه
حقیقتدن بعید بر سبب مناسب بولمقدردر . مثلاً سماده ییلدیزلرک کیزلی
شعله لرله پارلادیغنی کورمن شاعرک ، اهتزاز نجومی اونلرک سو کیلیسنه
کوز قیرپدینی طرزنده تفسیر ایتمه سی بر حسن تعلیلدر :

فراش کریه بولولطرده ایشته بر ییلدیز
اوزاقده کیزلیجه کوز قیرپبور دکلی سکا ؟
حسین سیرت

اوده اولمش وطن جدا ، سیار
نه حزین آغلیور شوا بر بهار
معلم ناجی

دوشرکن دست نازکدن چیچکلر ،
حزین برلوزش حسرتله تیتدر ،
صولوق بر کل ، سونوک بر قلب مغیر
کوزل پارمقلرکدن بوسه بکلر . . .
توفیق فکرت

بو بحر ساهره تک بر مطاف اولان اختر
سنک نگاه شفیقکدر ایشته ، ای مادر !

طبیعی و معتدل اوله رق موفقیته قوللانیلینی تقدیرده ، اثر
 صنعتہ بخش قوت ایدن تضاد ، بعضاً « بیاض - سیاه » ، « علیا -
 سفلی » کی لفظی و آشکار اولدینی حالدہ ، بعض وقتده « وحشت
 نرمین » کی فکری و استعاری اولور . جنابک « وحشت نرمین » ی
 عبدالحق حامدک « تابوت » ، اوخطیب صم و ابکم « مصراعیلہ » لکن
 بودرین سکوت دینسین « مصراعندہ کی تضادری ، لفظی دکل ، فکری
 و استعاریدر . آنجق بیوک صنعتکارلرک اثرلرنده تضاد اولنان بوکی
 تضادلرک تأمین ایدہجکی موفقیته ایله ، « بیاض - سیاه » ، « نور
 و ظلمت » ، « سرور و الم » ، « جنان و حجیم » کی عمومک مالکانه
 تحریرینہ کیرمش عادی تضادلرک تأثیرمضری آرہسندہ کی فرق آکلاتمغہ
 لزوم بیلہ کورمیورز . بو ایکنجی قسم تضادلر اثرہ بخش قیمت شویله
 طورسون ، بالعکس تنزیل موفقیته سیدیت ویرر . عبدالحق حامدده ،
 سلیمان نظیفده ، فائق عالیدہ ادبیاتمزلک الک کوزل تضاد مثاللرینہ حتی
 مفرط بر صورتده تضاد اولونور .

تبسمندن اوچار بر تحسس کریان ؛
 وکوزلرنده شہالک دونوق سہاسی عیان
 اولور ، وبعض جنوبک لیل صیفی کولر . . .

مساو فجرینی بولدم ہب آندہ سودانک ؛
 اوبر دقیقہ رؤیتلہ ایشته قاچ سنہلر
 حدودی بندہ دیعکدر لیل بلدانک .
 فائق عالی

باقنچہ مہبط الہام وحسنی آکدیریور ،
 نوارتفاع ایله باش دوندورن درین قبالر ؛

نتیجہ ہی تولید ایلر . « تضادی ، قارئین وسامعینک نظریہ چارہ جق
 ویا فکرینہ انتہاء ویرہ جک ویا قلبہ تاثیر ایلہ یه جک صورتده یاملی ،
 آچیق پارلاق ، مناسبتلی وطیبی اولمی . زورا کی وبر چوق تأمل
 ایلہ بولمنش کورونمه ملی . زیرا حسن تالقی کوره مز . » [*] کرک ادبیات
 قدیمه مزه عائد آثارده ، کرک آثار جدیدده موفقیتله اجرا اولونمش
 تضادله پک چوق تصادف اولونه بیلیر .

قراردی طاکیری ، بن شمعدان آرار کزه دم
 آغاردی ریش سیاهم ، جوان آرار کزه دم
 سنیح

ییتنده « قرارمق » و « آغارمق » لفظ مخالفلرینک تقابلی ،
 « آغارمق » ایلہ « ریش سیاه » مدلول متضادلرینک قارشیلشدیرلمه سی
 بو ییتده پارلاق برتضاد وجوده کتیرمشدر .

دیگر مثاللر :

بیاض برفی سواد لیاله مزج ایدیکز :
 اورنک سرد ایلہ منظور اولوردی روی سما .
 توفیق فکرت

دوشمشدی سیبه رک شبه شبنم سیمین
 شبنم کبی تیرردی قرلیل اوزرنده ؛
 برشپره خفته ، بر آهوی چرنده
 ویرمشدی بو ظلمتکجه بروحشت نرمین .
 جناب شهاب الدین

برجلر ، اول خنابق علیا
 قبه لر ، اول شواحق سفلی
 عبدالحق حامد

[*] تعلیم ادبیات : استاد اکرم

ادرته شهریمی بویا کاش ماوامیدر
 آنده قصر پادشاهی جنت اعلا میدر
 بیت معمور فلکمی اول قضاده اول سرای
 یازمینی جنت اولش کعبه علیامیدر
 جویارمی دور ایدن طرف چنزارین یاخود
 مائی پرواز ابله قطع اولش یشیل خارامیدر
 سنزوخرم بر فضائی هرکنار جویبار
 یامیان جوده عکس کنبد حضرامیدر
 نفی

بیلم بکا آنمی شانی لازم؟
 کلبنی یا کهکشانی لازم؟
 آغوش وفا نشانی لازم؟
 برپنجه خون فشانی لازم؟
 جاناتمی کوزل ، جهانمی خوشتر؟
 عبدالحق حامد

« اشبر » ده اسکندرک ایراد ایتدیکی بوسوزلر ، تباهل عارفه
 بر مثال اولابیلیر ؛ چونکه اسکندر کندیسنه شان وشرف قدر
 آغوش وفانک ده لازم اولدیغی پک ایی بیلدیکی حالده تباهل
 کوستریور .

۱۲

نضار . — ایکی فکر مخالفک بر عباره ده قارشیلشدیرلمسده دینور .
 موفقیتله استعمال ایدلیدیکی تقدیرده ، اثر صنعتک قیمتی پک زیاده
 تزئید ایدر . یکدیگریله هیچ مشابعت وقرابتی اولمایان ایکی رنکک
 بر یرده مزجی ، اونلرک ناصل بردنبره نظره چارپه سنی انتاج ایدرسه ،
 بر عباره ده ده یکدیگرینه ضد ایکی فکرک یان یانه کتیرلمه سی ده عینی

۱۱

تجاهل عارف . — بر سوزك بر نكته یه مبنی حقیقت حال معلوم
دكش كی ایراد اولمئه سیدر . تنشيط ، توبیخ ، تحیر ، مبالغه كی
نكته لره بناءً اختیار اولسان بو طرز افاده ، موفقیتله ادا ایدلیدی
تقدیرده پك ظریف اولور .

شیخ غالبك « كل عارف اول كه معرفت اولسون تجاهلك » مصراع
مشهوری ، بو خصوصده موفقیتك ظن ایدلیدی قدر قولای اولمادیغنی
كو سترمكده در . آثار قدامده پك لطیف تجاهل عارف مثالرینه
تصادف ایدیلیر . آتیده کی غزل ، تمامیه ، كوزل بر تجاهل عارف مثالیدر :

چاغلیان جوی سرشك چشم پر خونمیدر
ایکله یین شب تاسحر بو قلب محزونمیدر
خا کپایکدن بنی محروم و مهجور ایله یین
کثرت عشقکمی بیامم طالع دونمیدر
اوصاچی ایلا دیمز کوبنده جولان ایله یین
بسته زنجیر عشقم کندی مجنونمیدر
چیقدی استقباله عقل و صبر و آرامم عجب
مبهمان دل خیال قدموزونمیدر
محنت و فرقتله میدان محبتده شرف
آه ایدوب قان آغلامق معتاد وقانونمیدر .
شرف خانم

ای کربلا نه در اول سبز جامه لر
ایام ماتمك بومیدر رسم وعادتی
حسینی

اعجاب مقصديله ياپيلان تردیده توفیق فکرت بکک «سها پروین»
منظومه سنک بعض پارجه لری پک کوزل بر مثال اولابیلیر :

بربرین

او آیریلش ده نیچون صابنکه . . . جبر ایدن واری ؟
باقک شوقوشلره آیرلیق ایستورلری ؟
بوتون جهان قاووشورکن . . .

سها

وهب جهاندن اوزاق ، آیری ، بر زمان قالیرز .
بوافراقی ، بونک تلخی* لذیذخی سز
نخیل ایتکه بیلیم که مقتدر میسکز ؟

استاد اکرمک « تردید مطایب » نامنی ویردیکی مزاح آمیز بر
شکل تردید دها واردرکه قارئک نظر دقتی بر نقطه اوزرینه جلب
ایده رک جدی بر نتیجه ویره جکی ظنی حاصل ایتش ایکن هیچ
بکله نیلمه یں لطیفه آمیز بر نتیجه ایله ختام پذیر اولور. « تعلیم ادبیات »
بوطرز تردیده غایت کوزل بر مثال کوستریور :

شعراى زمانه دن بریسی
دزد معنیدن ایلوب شکوی
دیدى نظمده کی خیالاتم
چالیدلر هب برر برعرفا
کوش ایدنلر دروغه حمل ایدمچک
بن دیدم که اولاکه صادق اوله
فی الحقیقه سوزنده صادق ایمش
کوردک اشعارى جمله بی معنا
ملیح احمد

گاه اولور برفغان تیزهوس
 بوتون اعصاب کائناتی کرز ،
 قلب خوابیده جهان تیره ر . .

صبرکرا برشقه بکا اوله رق
 دوشر آغوش لیل تاریکه ،
 چالیشیر روح صمتی تحرکه ...

صوکرآ تدریجاً آ لالوب صوله رق
 اوقدر پست اولور که اوکسوره رک
 ظن ایدرسک نباه اولوب کیده جک . .
 جناب شهاب الدین

۱۰

ترجمه . — افاده نك ناصل نتیجه پذیرا وله جنفی حقنده قارئی مراقه
 دوشورمك ایچون عباره بی بردنبه کسوب متعاقباً فکری تبلیغ ایتمکدر .
 قارئه مراق و تردد بخش ایده رک نظر دقت واهمیتی بر نقطه اوزرنده
 تکشف ایتمک مقصیده اجرا اولونان تردید ، موفقیتله یاپیلدیغی
 تقدیرده پک کوزل بر تأثیر حصوله کتیریر .

عبدالحق حامدک « ترزنده » ملک عبدالرحمن ثالثک « حاضر اولسون
 آمله هپ خدمه » دیمه سی اوزرینه خلقلک « نزهیه کیتمک ایسته یور » سؤالنه
 قارشى « عدمه » جوابی ویرمه سی تردیده پک قوتلی بر مثالدر . قارئی
 اعجاب مقصیده یاپیلان بو طرز تردیددن ماعدا حقیقی طبیعی بر تردید
 ده ا واردر :

انسان دنیایی اغفاله موفق اولسه بیله بر شخص قالیرکه آنی آلداتمه سنه
 امکان اوله من : اوده کندی نفسیدر .

مقدراته اولسون خرابه لر خندان .
بو حشر ماتم ایدن قبه* مكو كنهك

ضیای مظلمی آلتنده لیکشای اینن ،
چنازه لرله ، اولوملرله حشر اولوب قالیم .
او کده صاعقه لر ، برق ورعدلر دولسون ،
کذر کهیمده بوتون مشعل سما سونسون ،
نصیبسز یاشامقدن نصیب عمر آلام .

وهپ غضبلری ، آفاقی بدن افلاکک
تباعد ایله سین ، بر دقیقه سن لکن
یتر بوقیمقه* شوق وعشقه پایان ویر ،

دکلی یوقسه مقدر سکون بویله یرمه ؟
کچوبده قارشیمه الله ایچون او یاندیرمه
نواز شکله عقلمز باشمده زلزله لر .

ایم اولور صوکی هر ذوقک آ کلادینم ،
یتر یتر بویم قهقهه یله آغلادینم ،
یتر طلوع ایدرک ظلمت نکاهمده

عقوله صاعقه لر یاغدیran سحابکله ،
سحرلرکله ، شهابکله ، ماهتا بسکله
قوپارمه زلزله* کفری سجده کاهمده
فائق عالی

تدریج هابطه مثال :

گاه اولور اینجه ، نازنین برسس
لیل ایچنده سور و کلنیر ، ایکلر ؟
اونی ظلمت سکوت ایله ، دیکلر ..

زسپنسرك بومطالعهنی قسماً قبول ایدہ پیلرز. افكار وحسیاتك برسلسله منتظمه شكندہ توالیسندن حصوله كله جك حظ روحی - او سلسله ایستر متزاید ایستر متناقض برترتیب تعقیب ایتسون - هر حالده موجوددر. تصویر ایدیلن موضوعه ، افكار وحسیاتك نوع وماهیته کوره افاده بعضاً آچالیر ، بعضاً یوکسلیر . برنجیسنه « تدریج هابط » ایکنجیسنه « تدریج صاعد » دیرلر . فقط تدریج كرك هابد كرك صاعد اولسون هر حالده افادهك قوت وتأثیرینی تزید مقصدیله یاپیلیر .

فائق عالی بكك « انفعالات مر بضانه » سی ، باشند آشغیه
تدریج صاعده اك پارلاق بر مثال اولابیلیر :

بو كائنات خیالات ایچنده بن بیکس
تضرعاته اوج سما ایکن مەكس
حضیض خاكه دوشوردك بوتون دعالری ؛

بوداء مهلك روحك دواى منفردی
امیدسز یاشامق چیریدنوب تپنمكدی ،
شفا ویروب بكا غصب ایلدك شفالری .

براق بو حال سکوندن چیقوبده بن واریم
بحاره یالواریم ، کردباده یالواریم ،
مقیم عالم وحشت ، سقیل وسر کردان ،

وحوش همدم . . . انیسم کتائب ظلمت ،
پر آشناکی عفریتلرله هم صحبت ؛

کیتدی هوا یولنده حیاتم ، یازبق ! کناه !
 تسربت فعالی سوبلردی لیک هب
 منزیاد ایدوب آیاقلرم آلتنده هرکیاه !

ادب کلام ، اساساً تعریفندن ده آکلاشیله جنی و جمهله ، استعاره اولمقدن فضله بر ماهیت و قیمتی حائز دکلدرد. بناءً علیه توسیع و تزین ایچسون یاپیلان استعاره لره ادب کلام عنوانی و یرمه یرک بونی یالکز « لفظ حقیقیسیله افاده سی حالنده مخل نزاهت اولان شیر » ه حصر و تخصیص ایله ملیدر .

۹

نرسیم . — افکار و حسیاتی افاده ده اونلری درجه اهمیتلرینه کوره یامتزاید یامتناقص بر صورتده ترتیب و تنظیم ایتمکدر . بو طرز بیان ره رایعاً یازلمش بر اثری اوقویان قاره ، افکار و حسیاتک برسلسله منتظمه شکننده توالیدنندن بر حظ روحی حس ایدر . سپنسر دیورکه :

اک زیاده نظره چاربان کله ایله جمله یه نهایت و یره رک شایان دقت بر تأثیر وجوده کتیرمک طبعی اولدینی کبی بو ترتیبی زیروز بر ایتمکله بر تأثیر معکوسه میدان و یرمک ده محققدر . کونشه باقدقدن صوکره هان عادی بر آتشی کوره میز ، حالبوکه اول امرده آتسه صوکره کونشه باقه رق هرایکسنی ده کوره بیلیرز ؛ ایشته بونک کبی پارلاق یا مهم ، یا خود مدهش بر فکر ایشیتدکن صوکره ده آاز پارلاق ، ده آاز مهم ، ده آاز مدهش بر فکری تقدیر ایده میز ؛ حالبوکه ترتیب معکوسده هرایکسنی ده تقدیر ایده بیلیرز . « [*]

[*] ادبیات : سلیمان فهمی بک

موضوعه سیله افاده سی حالده محروم لطافت ویا قبا کورونه جک
افکاری الفاظ مجازیه سیله تصویر و بیان ایله مک « دره مثلاً » ترله مک «
هر حالده محروم تراهت برشی اولدیغندن ، شاعر اونی لفظ موضوعیه
ادا ایتیه رک ، « نابی » نک « خیر آباد » نده اولدینی کی :

قات قات دوشوب اول بری حجاب
غرق اولدی کلاب اضطراب

طرزنده افاده ایدرسه ، ادب کلامه رعایت ایتیش اولور . کذلک ،
بسیط بر فکرک تزید تاثیر ایچون اسلوب مجازیه اداسیده - اسکیره
کوره - ادب کلام اقسامنددر . شیخ غالبک « حسن و عشق » نده ،
چیپلاق و صوسز برقیله افرادینی آ کلاتمق ایچون :

کییدکاری آفتاب تموز
ایچدکاری شعله جهانسوز

دیورکه بوده ادب کلامک توسیع و تزین ایچون اولان بوقسمه
برمشالدر . استاد اکرم ، یقه جق مزار غننده کیجه روزکارک
اویاندیردینی سسلری ادب کلامه مراجعتله شوصورتله تصویرایدیور :

بر عجیب سس کلیردی درسندن شبیه آم !
وحدت تنفس ایلرایدی صافکه کاه کاه !
اشجاردن زمینه دوشن سایه کشف
چکمشدی پیشگاهمه بر پرده سیاه .
اول ظلمت عمیقه هیچی نموده
پرواز ایدردی دهشت ایله طائر نگاه .
تعمیق ایده ایده او ظلام شدیده یی
فکرمدی حاصل اولدی بر آرز نور انتباه .
برخیرک اوئنه دن - دیدم - ایواه مصوری

ماضیلری آتیلره نقل ایتمه مأمور ،
ای دیشلری دوشمش ، صیریتان قافله سور ،
ای قبه لر ، ای شانلی مبانلی مناجات ،
ای طوغرولفك عمل اذکاری منارات ،
ای سققی چوکوک مدرسه لر ، محکمه جکلر ،
ای سرویلرک ظل سیاهنده برریر
تأمین ایدمه بیلشم نیجه بیک سائل صابر :
کچمشلره « رحمت ! » دین الواح مقابر ،
ای تره لر ، ای هریری پرولوله بریاد
ایقاپ ایدمه رک صامت و ساکن یاتان اجداد ،
ای معرکه طین و غبار اسکی سوقاقلر ،
ای هر آچیلان رخنه سی بر وقعه سایقلا
ویرانه لر ، ای مکمن پر خواب اشرا ،
ای قاب قاره طاملرله برر ماتم برپا
تمثیل ایدن آسوده و فرسوده مساکن
نوفیق فکرت

پدرم ! مزار بیک اوزرینه مانکار نورلری سرپیور ؟ ویا سن نیم کلدیکمی
حسن ایدیورده تبسمی ایلدورسک که شیمدی به قدر هیچ مثلنی کورم دیکم بر شعاع
معنوی بری ملکوتده بری سافلینده ابکی روحی بر برینه ربط ایدیور ؟ آه پدرم !
مزار ابدیتک قابوسیدر ، بن اوقاپوی چاله به کلیورم . وا اسفا که او خفا خانه
حق ایقک مفتاح بابی کندیسنده اولان بر دست مجهول کوکس مدن طوته رق
« ممنوعدر ! » دیور . اذن ویر بکا پدرم ! شعاع شفقک مزارینه ایلک عکس
ایتدیکی « صباح قوشنک اوزرکده ایلک فریاده باشلادینی زمانده ، بنده
شوراجقده ، مزارک شوکوشه سنده ، ابدیتک بواسیکنده یاواش یاواش آغلایم .
سامی پاشا زاده سزائی

۸

فکری صور بیانه : ادب کلام . — شیمدی به قدر یازیلان
بالعموم ادبیات کتابلرنده موجود تعریفه کوره ، ادب کلام و کلمه

بو قدر نثر شمیم ایتمز ایدک
اولماسهک طرّه دلبرده مقیم
نفعی

سن شیمدی اوچوللرده بریشان ومکدر
بر طوپراغه قلب اولدک ؛ اوفقای سیاهک
آفاق جحیمندن اسن صیتمه لی قیزغین

روژ کارلر اولور فوق مزارکده شناور .
افواج محیطات آچار قهریکه سینّه ،
پر خنده مهتاب ، منور کیجه لرده
انوار کواکب آقهرق سطح زمینه
ایلر کییدر خاطره روحکه سجده . . .
جلال ساهر

ای آشنای الم ، ای هلال بی وایه !
داغیلدی حسنکی یأسیله صافلایان سایه ،
بو قوس سیم وحریرک که آلتی عصر اول
بر افق ساکنه دوغمشدی پرهوس ، برامل
قویولسون انجم خولیایه دوغرو پروازه !
بوکون بوسندن اینن نور تسلیتسازه
بر از آجیلحق ایچون منتظردی هپ کیجه نر ،
ای اینجه ، پنبه هلال ، ای یاریشکی مائی قر !
احمد هاشم

توفیق فکرت بکک « سیس » منظومه مشهوره سی همان تمامیه
ندالردن عبارتدر .

ای دبدبه لر ، طنطنه لر ، شانلر ، آلایلر ،
قاتل قوله لر ، قلعه لی زندانی سرایلر ؛
ای دجه مرصوص خواطر ، اولومعبد ،
ای غره ستونلر که برر دیو مقید ،

کتابلرنده « بویوک فلا کتلیک » شدید هیجانلرک تأثیریه قلبدن صادر اولان فریاد « طرزنده کی تعریفلر تمامیه یا کاش و غنیدر . چونکه اولا حقایق مثبتہ علمیه بونک معناسزلغنی کوستر مکده اولدینی کبی ، دیگر جهتندن ده ندانک یالکیز فلاکت والمه مختص بولونمه دینی دائما کورولمکده در . صنعتکار اثرینه بخش صمیمیت ایتک ایچون هر شیئه ، محبه خیالیه سنه ، طاغله ، دکزلره ، چیچکلره خطاب ایده بیلیر ؛ وبوخطابلر احساساتنک ماهیته کوره پرالم یاخود پرنشاط اولور .

بم بهار حیامده بر صباح ، ایرکن
 آجلدک ای صاری نیلوفر . . . آه بیلسه ک
 که والدهک نه قدر . . . یوق ، یتر یتر آرتق
 کل ای زوالی چوجق ، دورمه کل قوجامه چیق !
 حسین سعاد

مخاطب اول بکا ای بدن آسمان پیرا
 مواجهه کله سنک شعرلر دوغار زیر !
 بوشب سنکله منور شو صحنه تاریک ،
 بم بومنظره سودای ایلور تحریک .
 کفله نیر کبی کاهی محاط ابر اوللا ،
 شوخته روحه ظلمت نمای قبر اوللا !
 افقده صانکه بر اکیل کوهسک شیمدی ،
 فروغ آنک ابله پر شکوهسک شیمدی
 اسماعیل صفا

آفرین لطفکه ای باد نسیم
 بونددر آنجق اولور فیض عمیم
 عالمی کل کبی یاقدی نفسک
 ایلدک جهره ایامی بسم

آفرین ای روزگارک شمسوار صفدری
 عرشه آص شیمدنکرو تیغ ثریا جوهری
 سرفراز ایتدک لواء الحمد دین احمدی
 کافره کوستردک الحق دستبرد حیدری
 تذککه نوله یمین ایلرسه روح صرطنی
 برغزا ایتدک که خشنود ایلدک پیغمبری
 ایلدک بر حمله ده برباد ملک دشمنی
 کرد رخشک کرچه کیم سدابندی راه صرصری
 ماه نوصانه فلکده کوربحک پیکارکی
 تیره دی مہرام الندن دوشدی زرین خنچری
 اول قدر قان دوکدی شمشیرک که عکسبله آنک
 کاسه یاقوته دوندی کنبد نیلوفری
 غمزہ خوبان کبی جاری اوجندن ینہ خون
 بویله قالیرسه اکر یکرنک ایدر بحر و بری
 برآووج کوه صاچاردی عالمه کوبا کفک
 صالیدیغجه دشمنه کاهی مرصع ششبری
 قارشى طورمن سا که شمدن صوکر ا بواقبال ایلہ
 دشمنک کر قهرمان اولسه سرا سرلشکری
 بویله آغا زایلسون شیمدنکیرو القابک
 جامع نه قبة کونک خطیب منبری :
 آفتاب بحر و بر ، صاحبقران شرق و غرب
 شمسوار نامور ، رایت کشای صفدری
 اسمان دولتک خورشید قدسی پرتوی
 بزمکاه شوکتک چشید خورشید اقمیری
 نفی

۷

نرا . — اثرک روح قارئده حصوله کثیره جکی تأثیری تزیدایمچون
 صنعتکارک فریادلرده ، خطابلرده بولونمه سیدر . علی العموم ادبیات

بیله او ائنده او یله برشی یاپدیغندن خبردار دکلدر : اون دقیقه ده اونک رؤیتی اوزرنده اجرای نفوذ ایدن حس ، اوکا طبعی تقلید واستساخ ایتدیکی شکله کوسترمشدر . یعنی آثار حقّه کی مبالغه هیچ بر وقت جعلی وساخته دکل ، صمیمی وطبیعیدر .

اسکی ادبیات کتابلرنده ، مبالغه ساخته وکاذب برشی کبی تلقی ایدلدیکی ایچون اوکا برطاق شرائط مقبولیت عطف واسناد اولونوردی . بونک نه قدر یا کلش اولدیغنی ایضاحه بیله حاجت یوقدر . مبالغهده بر حد معقول وحقیقی تعینی غیر ممکن بر شیدر . آنجق پارلاق بر خیله صنعتدن محروم آدمک یاپدقلمی مبالغه لر طبعی کریه و بی معنا اولور؛ برده « مبالغه عجمانه » نام تزییفکار یله یادایدیان مفرط مبالغه لر اکثریا غایت صوتوق دوشر . کاظم پاشانک :

آمانی برایدردخنه فجم امل

مطبخ جودی اکر آچسه سپره باهنک

یتی بوکا پاک ای بر مثالدر . یالکیز تشبیه واستعاره لرده نه درجه افراط اولورسه اولسون ، خیال لر رنگین وتازه اولدیغنی ، شاعریک حسیات صمیمیه سنی ، تخیلات ممتازه سنی افاده ایتدیکی تقدیرده ، موفقیت محققدر . مثلاً شیخ غالبک « حسن وعشق » نامنده کی بدیعه خیالیله سنده مبالغه ناک مفرط شکلرینه تصادف اولوندیغنی حالده ، بوافراط حسن وعشق قیمتی اخلال دکل بالعکس تزیید ایدیور . عبدالحق حامدک « مقبر » ی ایچونده عین ملاحظه وارددر . ذوق صنعی اوقشایان مبالغه لر ، نه قدر مفرط اولورسه اولسون ، مقبول وممدوح صاییلیر .

« مبالغه ، دائماً حقیقتی تجاوز ایدر ، دائماً حقیقتدن فضله برشی افاده ایدر ، فقط مقصدی حقیقتی تغیر دکل ، اونی بوتون حقیقتی یاخود بوتون شدتی ایله تصویردر . لایرویه رده بو فکری تأیید ایدیور : مبالغه ، دها ای آکلاشلمه سنی تأمین ایچون حقیقتی تجاوز ایدر . دیه بیلیرز که مبالغه . اصلاً آلدانمایان ، شکل جعلیسی ایله فکری دها زیاده ادراک حقیقه سوق ایدن بر کذبدر » [۱]

مبالغه نك حقیقتی تغیر واخلال دکل بالعکس تشدید و تقویه ایتدیکنه قانعر . آنجق مبالغه یه کذب نامنی ویرمک هیچ بر زمان طوغری اوله ماز ؛ چونکه مبالغه بر شکل جعلی بیان دکل ، بر طرز صمیمی افاده در . حکمت بدایعک ماهیت صنعت حقنده کی بیاناتی نظر اعتباره آینه جق اولورسه ، آثار ادبیه ده کی مبالغه نك صمیمیت و طبعیتی واضح بر صورتده میدانه چیقار . چونکه بر شیئ حقیقت ظاهره و بسیطه سیله ، یالکز صنعتکارلره مکشوف اولان حقیقت صمیمیه واصلیه سی آره سنده پک درین فرقلر واردر ؛ مبالغه دینیلن شی ، ایسته او حقیقت اصلیه یی ابراز و افاده ایدر . فرانسر مشاهیر صنعتکارانندن « اوکوست روده ن » ده بونی تأیید ایله یور : « بر فوطوغرافی بر شیئ صرف منظره خارجه سنی کوستیرر . حالبوکه طبیعت بوندن عبارت دکلدر ؛ او شیئ معنوی ، روحی ده طبیعتک اقسامندندر . صنعتکار بونی ارانه ایچون حقیقتک یالکز جهه سنی دکل ، هر جهتی مشاهده ایده رک ، ارانه ایله جکی حالت روحیه یی اک ای افاده ایده بیله جک خصوصی اظهار ایلر . » [۲] یعنی طبیعتی دکیشدیرسه ، مبالغه ایتسه

[۱] ادبیات : سلیمان فهمی

[۲] صنعت : اوکوست روده ن .

ماضی ، ابدی صحنهٔ پر خون مظالم ،
 حال ایسته بر از سوسلو فقط طبقی او صحنه ،
 آتی بیله لکه اوده ماضی کبی مظالم ،
 آتی بیله لکه اوده ماضی کبی کهنه ...

آرتق یتیش ای دست کرم ، دست رهاور ،
 آکلات بزه ، ای نور حقیقت ، بزی قاندر ،
 آکلات که یالان ، هپسی یالان ، هپسی یالاندر .

آکلات که عدالت ، مدنیت کبی سوزلر
 دیرکن ینه قان ، قان ، ینه حق نامنه قوت ..
 آرتق یتر ، انسانلره انسانلنی اوکرت ...
 سلیمان نسیب

توفیق فکرت بکک آتیده کی بیتده ده کوزل بر تکریر مثالی
 وارد :

قارشکده صوک ترانهٔ روحم بم ، مدید
 بر صیحهٔ امید اوله جقدر .. امید ! .. امید ! ..

۶

مبالغه . — بر شیء کمال موفقیتله تبلیغ واحساس ایچسون ،
 اوشیئک اوصافی حقیقت اصلیه سندن بعید بر صورته تصویر ایتکدر .
 مبالغه یی هیچ بر وقت جعلی بر شکل بیان ، بسیط بر صنعت ادبیه
 اوله رق قبول ایتمه ملیدر ؛ چونکه طرز تولدی اعتباریه شخصی و درونی
 اولان آثار صنعت ، طبیعتک فوطوغرافی کبی بسیط بر تقلیدی دکلدز .
 هر محرر صنعتکار ، مثلاً طبیعتدن آلدینی بر حصهٔ تحسسی افاده
 ایدرکن بالضروره اونک بر چوق جهتلرینی کندی شخصیته کوره
 تعدیل ، وبعض جهتلرنده مبالغه ایدر .

« بنی تعقیب ایت ای شکسته حیات ! »

دیه زک سویله نیر لب موجات ،،،

خالد ضیا بک « موسیو قانغورو » نامنده کی کوچک حکایه سنده ،
قرده مستهزی بر چهره کورن قهرمان اثرک احوالت روحیه سنی تمامیه
تصویر و ترسیم ایچون ، قرده شو صورتله بحش نطق و حیات ایدیور :
[او، بو حیاتک بوتون آجیلرینی ایشته شو چوققدن چیقارمق ایستیوردی .
ایشته اونی بو اوچورومه آتمق ایچون آرزو طویور ، دیمک او بو قدر
کو تولشمش ، دیمک او چهره نك صاحبی ، او قانغورو ، او وحشی حیوان حیات
بو حیات صنعتدن نهایت چیقارمق بیر تیجی پنجه لرینی کوسترمش ایدی ؛ اوزمان
بو آدم بوتون حیاتنده کند یسنه بیکانه اولان برخس طویدی ؛ تا چوققلغنده
دو کولدکجه بر کوشه یه چکیلوب آغلا یه مدینی ایچون دیشلرینی غجیرداتان ،
اووقته قدر هیچ آغلا یه ماش اولان بو مخلوق بو کیجه شو کنج فیرک
بر جسد میته بکزه یین وجودینک کنارنده یواش یواش ، اوزون اوزون
کویا بوتون بر حیاتک مترکم آجیلرینی بوشانیور مشجه سه آغلادی ، آغلا ی .
یوقاریدن قرصاری خنده سیله صیریتور ، آجی راستهزا ایله « موسیو قانغورو ! »
آغلا یور میسکز موسیو قانغورو ؟ .،، دیوردی .]

۵

تکریر . — بر کله ویا بر تعبیرک بر قاچ دفعه حسن صورتله
تکراریدر . پک مهم بر نقیصه تحریر اولان کثرت تکرار و بالکعس
بر صنعت ادبیه اولان تکریر حقنده اولجه معلومات کافیه ویردیکمز
ایچون توضیح مسئله ایچون بر قاچ مثال کتیر مکله اکتفا ایده جکز :

حقیقته دوغرو

هرکون یکی بر درر ایله مقهور سقات ،
هرکون یکی بر موت ایله بر پارچه ثولورکن
آفاق امیدنده ملون و مزین
بر رؤیت آتی ایله تیرتر بشریت .

افاده لرینه بخش قوت واصلت ایچون برصنعت لزو ملی لزومسز
مراجعت ایدنلر ، عمومیتله موفق اوله مزلر . چونکه تشخیص و انطاق
صنعی برشی ، بسیط برکله اویونی دکل ، پک صمیمی برحالت روحیه
نتیجه سیدر . انسانلرک بعضاً اویله آنلری اولورکه قارشیلرنده کی اشیا
اوزمان موجودیت جامده سنی ترک ایدرک جانلانیر ، یورور ، حتی
قلبه بعض شیلر سویلر . اکثریا برطاقم امراض روحیه مبتلا اولان
صنعتکارلرک ، موجودات و مجرداته بخش نطق و حیات ایتملری ،
تحت تأیرنده قالدقلری برصفحه حسیه صمیمی برصورته افاده
ایتمک ایسته مه لرندندر . بناءً علیه تشخیص و انطاقی برصنعت عادیه کی
دکل ، روحک برحالت مرضیه سی کی تلقی ایتلیدر .

رضا توفیق « ایصسر کیچهلر » نامنده کی اثرنده ، کیچهلرک
سکوننه ، یالکزلغنه شو صورتله بخش حیات ایدیور :

دوشونور معبد ووبرانده برروی غمین
نه دیوارسم درو دیوارده میمندر هپ ،
دوشونور - وجد ایله دمیسته - سجاوات وزمین
نه کورورسم او سکونزارده ابکمدر هپ ،

اوزمان بن ازلی عکس صدالر دیوارم ،
او سکونک ظاماننده ندالر دیوارم ،

جناب شهاب الدین بک ، طالعهلرک موسیقی فسوتی شومصر اعلرله
تشخیص و انطاق ایدیور :

ایپک انکلری طرزنده برکوزل قادینک
فیصله اشیر اب دعوتله نازنین موجات ،
ایپک انکلری طرزنده برکوزل قادینک

وايشته بونك ايچون يالكىز انسانلره دكل، امواته، جماداته ده خطاب
اولونه رق اولوردن برشى صوريله بيلير. عبدالحق حامدك :

سن اي طاش سنك راهه بىكزه منسين ،
سنك حالكده نىست وار الابه ،
يچون اي ماه او ماهه بىكزه منسين ،
يچون اي ماه بىكزرسين او ماهه ؛
سنى او كورمك ايستر ، بك سوردى ،
شفا بولاق كر كمز مېدى دردى ؟

شعرنده كى استفهاملره ، استاد اكرمك آتيده كى مرثيه مشهوره سنده
موجود استفهاملر فوق العاده مؤثر و صنعتكارانه در :

فاخرهم ، درت بىحق ياشنده سنك
يارا شيرمېدى طوپراغه بدنك ؛
كوملكك چاك ايدوب عيان اللر
بىچديلر جسمكه كوره كفنگ .
سويله يالكىز مېسك چكر بارهم
اىصيدان يوقى خاك ايچنده تنك ؟
بلبل ناطقهك نه دن صوصدى ،
صولدى ، آه ، غنجه دهنك ؛

۴

تشخيص و انطاق . — نطق و حياتدن محروم اولان موجودات
و مجرداته بخش نطق و حيات ايتك صنعتيدر. استعارهك بك مؤثر
برشكل مخصوصى اولان بوتشخيص و انطاق صنعتى ، كمال موفقيتله
اجرا اولوندينى تقديرده افادهيه بويوك برقوت و لطافت ويرر ، عادتا
سياحه افكارى كيشله تير .

نغمات طربفزا سنده

توتفیدر اینن یاسی بوتون

آغلیور قلبی - کولک ایسترکن

ساراران چهره سی سفالتله ! -

سن فقط ای خطیبه شیون

بوسکوت تحسسی دیکله :

شیمدی هرکس سسکله مستغرق ؛

بر دقیقه سن ایله نجه سکوت

برجوق آلفیش صداسی جاغلیهرق

دوکولور صحنه مهارتکه ،

تعزیت صای بونی فلاکتکه ،

بوکیجه دردکی بونکله اویوت !

سلمان نعلیف

بونهظومده شاعر بر صحنه سفالت اوزرنده ترنم ایدن بر مغنیه نك
ملال روحنی آ کلاتیرکن ، بردنبره اوکا خطاب ایده رک « هر طرفدن
دوکولن آلفیشلری بر رائر تعزیت عد ایتمه سنی اونکله تنویم اضطراب
ایله مه سنی سویله یور . بوراده اولدینی کبی کمال موفقیتله اجرا ایدیلن
التفاتلر ، افاده ده کی شدتی تزئید و بخش حیات و حرکت ایلر .

۳

استفهام . — بر محرر ویا بر خطیبک ، هر هانکی بر حالت روحیه
تحت تأثیرنده ، ماهیته پک اینی واقف اولدینی بر طاقم سؤاللر
ایراد ایتمه سیدر . یأس و نفرت ، الم ، کین ، شفقت کبی احتراصات
وحسیاتی بوتون قوت و صمیمیتیه تبایغ ایچون ایراد ایدیلن بوسؤاللردن
مقصد ، حقیقی بر جواب آلمق دکل ، افاده نك شدتی تزئید ایتمکدر .

« تعليم ادبيات » ده « مجاز تبليغي » نام عمومىسى آلتنده ذكر ايديلن صوربيانك خدمتى استاد اكرم شو صورتله آكلاتيور :

« مجاز تبليغي كاه اولور كه التفات ، استفهام ، ندا صورتيله افكارك تعبيراته جانلى واحتراصلى برمشى وجولان ويرير ؛ كاه اولور كه قطع ، ترديد ، رجوع واسطه سيله افاده نك جريانى توقيف ويا تعديل ايدر ؛ كاه اولور كه عكس ، تكرير ، تدريج بهانه سيله كلامك خط استقامتى تبديل ويا خود روش وحر كشته ايراث بطائت ايلر . [۱] »

اسلوب افاده به بخش قوت ولطافت ايدن صوربيانى ، ادبيات معلمى فهمى بك ، منبى حس ويا فكر اولديغنه كوره حس وفكرى ديه ايكي به آيرييور . و هر صنعت منحصر آ حسدن ويا فكردن تولد ايده مديكى جهتله بو تقسيم بك قطعى وحقيقى برشى دكلدر « [۲]

فقط بك طبعى اولان بو عدم قطعيتله برابر ، تسهيل تدريس ايچون بزده او اصوله اتباعى مفيد كوردك .

۲

التفات . — بر محرر ويا بر خطيبك ، هر هانكى بر شيشى موضوع بحث ايدركن بردنبره دونه رك ديكر بر شيشه ويا بر شخصه توجه خطاب ايله مسيدر .

شائوز

منكمر ، مشتكى صدا سنده

چير پدير بيك جريجه سى عمر ك ،

[۱] تعليم ادبيات

[۲] ادبيات : سليمان فهمى بك

بشمې مېټ

صوريان : تعريف و تقسيمى . — حسى صوريان : التفات . —
استفهام . — تشخيص و انطاق . — تکرير . — مبالغه . — ندا . —
ادب کلام . — فکرى صوريان : ادب کلام . — تدريج . — ترديد . —
تضاد . — رجوع . — قطع .

۱

صوريانه : تعريف و تقسيمى . — بحث مخصوصنده اسلوبده
شکل و اساسک يکديکړندن آړماديفنى ، آره لړنده عينيت اولديفنى
سويلشده . ايشته بونقطه نظرده ، صوريان دينلان و اسلوب حقيقى
ايله افاده و ابرازى ناقابل بعض حالات مخصوصه يي مصور اولان طرز
بيان ساخته و عارضى بر شکل افاده ديمک دکلدر . صنعتکار بر حس
و فکرى نکه طبعى ، اک صميمى شکليه تبليغ ايتديکي زمان ، افادهده
استفهام کې ، مبالغه کې بر شکله تصادف اولونه بيلير ؛ فقط امين
اولمليدزکه صنعتکار او حس و فکرى تبليغ ايدرکن جبرى و صنعتى
اوله رق اوليه برطرزه مراجعت ايتمک ايسته مه مشدر .

مأثر فکريه و حسيه لري دائماً پايدار اولان اساتذه ادبک بوتون
اثرلرينى اوقوييکنز : او اثرلرده تشخيص و انطاق کې ، تضاد کې ،
ندا کې برطاقم صوريانه تصادف ايتمکه برابر بونلرک هر درلو جبر
و تصنعدن آزاده و عاداتا غير اختيارى بر صورتده سنوح ايلديکنى حس
ايدة جکسکنز .

انسان اوکا دیرلرکه ایده قاب رقیق
آلام بی نوعی ایله کسب ملالت

بیستی اوقورسه ق هم سوزك شدنی تنقیص ایتمش ، هم ده
سویله نه جکی سویله مش ، هم ده بو بیستی بولوب اوقومقله ذوقیاب اولورز ،
مخاطبمزده مقصدی بولمق ایچون صرف ایده جکی سعی دماغی ایله ذوق
کشفک تأثیری آلتنده کوجه نه جکی یرده بالعکس کولر ، محظوظیتنی
بیان ایدر .

کنایه ایله مجازات سائره آره سنده کی فرقه کلنجه اونلری معنای
موضوع لهده استعمال ایتمک ممکن دکلدر ، زیرا قرینه مانعه واردر ،
حالبوکه کنایه بی هر ایکی معناده ده استعمال ایده بیلیرز . آره لرنده کی
فرق بوندن عبارتدر .



همیشه می ایستاده احیا ،

عاجز قاله جق دکلکتریا لانی

کوله اولدی

ایحیا قیلک اولدی کرسه مغیر !

مع مافیہ تعریضی یالکز احتراصات شدیدہ نک ، حرارت مغلوبیتک تأثیریلہ وجودہ کلز . بعض حقیقتلر واردر ، کہ اونلری افادہ ایتک خصوصندہ تردد ایدرز ، بعض اشخاص ووقایع واردر ، کہ اونلرک حضورندہ سویلہ نہجک سوزلردہ بو مزیتہ التجادن باشقہ چارہ یوقدر .

« بووالو » قرالہ اعتراض ایدرکن سوزینه سویلہ باشلامشدر :
— ذات حشمتناہیلری ؛ بنی اقناع ایچون چالشدقلری زمان ظرقندہ یکر می شهر آلہ بیلیرلردی ..

وبوندن صوکرا

— بوتون آوروپادہ ، ذات ملوکانهلرینه قارشی طورہ بیلان یکانہ شخص وقوت اولدیغمہ بناءً فوق العادہ محظوظ وبتخیارم .
سوزلرینی علاوہ ایتمشدر .

ایشته بومثال نقاب ظرافت وستایشہ بورونن تعریضک الک کوزل مثالیدر . تعریضک بونوعنه عوام « رشوت کلام » دیرلر .

تعریض وکنایہ اننای تکلمده الک زیادہ بشریتہ خدمت ایدن برر واسطه دماغیہ در . مقصود اولیان شیلہ مقصود اولانی افادہ ایتکده اینجہ ، درین بر ذوق واردر ؛ ہم دیکلہین ، همده سویلہین ذوقیاب اولور . . بر آرقداشمز مرحمتسنزلک کوستریرسه اوکا « سن مرحمتسنزسک ، انسان دکلکسک » دیرسہک کوچنیر . حالبوکه :

زنجیر ایله باغلی برده سلطان !

چکدیردی تبرکالوانچق

شهرک قاپوسنده برده شتقاق !

« داورده اولان سومرونی کوستیر »

طوبراقده یاتان یوقانلی هیئت

دکمز می چکرسه بویله رایت

الوانته اولدیکزسه مجلوب

بخش ایلرانی پوشاه مغلوب !

« قهقهه لر ایدر »

اسکندر

تلعینه سزا بوفعلک اشیر

الله ده بن ده بوکا فقیر

کروبیون دوش بردوش

تعبیر دیکرله هوش بر هوش

قیلمقده بورزمکاهه فی الحال

باقی باقی نظرلر ایصال !

یرکوک سکا شیمدی بددعاده !

اشیر

برایشی اویبکی اعاده ،

کیم هر به قدر اولورسه دشوار ،

هر برایشه اقتدارکز وار !

معشوقه کزی جهانده مادام

بر عاجز ایکن بن ایتدم اغدام

سنرکه بدکزده دست قدرت

حکم اتمده هم نفوذ فطرت

مغرور ومشکل و بهادر ،

برشمسکز امر ونهیہ قادر

اشبیر

معذور اوله ایتدیکی جسارت ،
 معشوقی ایچین سلامه طورمش !
 اسکندر

ایواه ملک ده محو اولورمش !

اشبیر

برموقع صرغفده مردار ،
 ایتش ایسه بویله عرض دیدار ،
 سائق بوکاشدت غرامی ؛
 انجق سزی کورمه درصرامی ؛
 علت سزی کورمه سنده حتی
 ساکن طوریورسه عین موتا !
 — شدتله مستهزیانه —

دون قان اقرق جریحه سندن
 اصرا ایلدی کیم قریحه سندن
 پنجاه کیرنجه شاه دشمن ،
 مردوزن وعسکر وبرهن ،
 هپ برلك اولوبده قارشو کیشین !
 پیشنده بو یولده سجده ایتسون
 « عشر امواتی ارانه ایدر »

دشمن هله شهره واصل اولدی ؛
 اصرا ایتدیکی شی ده حاصل اولدی ؛
 کیم وارسه حضور مرده ذیروح
 باق نصف شهید ، نصفی مجروح
 نصفنده اینن که طبله قائم
 نصفنده سکوت ، اوصمت دائم
 ضابطلری خون ایچنده غلطان

اوقشار ؛ فقط دقت ایدیله جک مهم بر نقطه واردر ، اوده کنایه نك ابهامه دوشمه مه سیدر . مبهم اولان بر کنایه مطلوب اولان ذوق و کشفی افنا ایدر . محافظه نراحت ضرورتی قارشوسنده بولندیغمز زمان کنایه یه شتاب ایدرز .

تعریض کلنجه اوده مقصود اولان شیئی افاده ایچون شیئی غیر مقصودی ذکر ایتمکدر . بر آبدال حقنده « چوق ذکیدر » دیمکده تعریضده موجوددر .

تعریض بشریته تسلی ویره بیلن کوزل بر مزیت ادبیه در ، کین واحتراصله بوغولوبده آچیقدن آچیغه افاده مرام ایده مه یئر کنایه یه قوشارلر . مغلوبلرک غالبلره قارشو استعمال ایده بیله جک لری یکانه سلاح تعریضدر . ادبیاتده نراحت مؤدائی تعریض قدر تأمین ایده جک هیچ برشی یوقدر . عثمانلی ادبیاتنده تعریضک اک کوزل مثالی « حامد » ک اشبرنده موجوددر . اشبر مغلوب ، کین وانتقامله قلبی مالی ، آتش جلادتله کوزلری دونمش ، معافیله مغلوبیتک آجیسیله زبون « اسکندر » ک سؤالرینه استهزا ایله جواب ویریور . تهکمک ، استهزائک لسانی تعریضدر :

اسکندر

کیمدر بوقادین که بونده مصلوب [۱]

اشبر

ایشته او قادیندی سزجه مطلوب

اسکندر

سومرو نه جهنی نظارت ،

[۱] عثمانلی ادبیاتی : منمنلی زاده طاهر

بوندن باشقه استعاره تشبیهه نسبتله دها اقتصادیدر . سلیمان فهمی
 بك ادبیاتنده « سپنسر » دن نقلاً « بیاض بر خیالك شعاعاتی بر
 بلوردن کچرکن نصل انحلال ایدوب قوس قزحک رنگلرینی وجوده
 کتیریرسه ، حقیقتک رنگسز شعاعاتی ده روح شاعردن مرور ایدرکن
 پارلاق رنگلری اولان بر شعره انقلاب ایدر . تشبیهی بر استعارهیه
 قلب ایتکله بویوک بر تصرف اجرا ایدلمش اولور : « حقیقت ، او
 بیاض نور هزار صیفیحاتی اولان قلب شاعردن کچرکن یاییلیر ،
 اوراده قوس قزحی ، شعری وجوده کتیریر » دییور .

۶

کنایه ، تعریضه . — برلفظک معنای حقیقیده استعمالی ممکن
 اولدینی کبی برقرینهیه بناءً معنای ماضع لهک غیریسندهده استعمالی
 ممکن اولورسه کنایه دیرلر . بلاغت عثمانیه صاحبی « جودت پاشا »
 شوصورتله تعریف ایدیور : بر لفظک معنای حقیقیسنک ارادهسنه
 قرینه مانعه بولنمه مقله برابر اولفظک معنای ماضع لهک لوازمندن
 برینی بیاننه اطلاق اولونیر . « دیه تعریف ایدیور .

کنایه اولان لفظه « مکنی به » ، معنایدهده « مکنی عنه » اطلاق
 اولونیر . مثلاً : « فلان آدمک قاپوسی آچیقدر » دیدیکمز زمان
 بوراده ایکی احتمال واردر ، یا حقیقه قاپو آچیقدر ، یا خود فلان آدم
 جومرد در دیمکدر ، بوراده « قاپوسی آچیق » مکنی به ،
 « جومردلک » ده مکنی عنه در .

کنایه قارنه کشف ایدیله جک بر شی بر اقدینی ایچون ذوقی

مضاعف، مشوش تحسّساتك امتزاجی اهمیتله تلقی اولونیور. «بودله»ك خیالترینی تحلیلله یلتهن «اودیلون رودون» منطق رؤیتی ترك ایله منطق خیالییه شتاب ایتمه مجبور اولمشدر. بزم ایچین، تحسّسات مشوشه طولایسیله شاشیرمش دماغمزده موجود وبر حادئهك رؤیتدن متولد خیالات مضاعفیهی بر برندن تفریق ایتك غیر ممکندر. حال حاضرده صنعت، هر استمدادك درجه شدت وقوتنه کوره، عینی زمانده ایکی حادئهی بر برینه ممزوج بر صورتده کوستره بیلمك قابلیتینی اکتساب ایتمشدر.

بوندن بشقه استعارهك تشبیه ایله فرقی حقیقتدن بزی تبعید ایدر کی کورونمه سندهدر. بر یالاندن نه صورتله ذوقیاب اولونیرسه کوزل بر استعاره دنده او صورتله ذوقیاب اولونیر. هر استعاره بر حکایهدر. وقایع خارق العاده ومشوشه، غرامیات متعجبه، فتوحات عظیمه، تحولات اجتماعیه بر کله ایله افاده ایدیلیور دیمکدر.

اك ابتدائی استعاره لر خرافات واساطیری ایجاد ایتدیلر. استعاره لر تعاقب وتوالی ایتمهکله برر اعتقاد حالنی بیله آلیرلر، اوقدر شدتلی، اوقدر قویدرلر. خرسیانلر «باکر» مقامنده «کوکرچین» کلمه سنی قوللانه قوللانه «کوکرچین» ده «بر بکر معصوم» کورمهکله باشلادیلر. چوجقاره «ملك» دینه دینه جاهل قادینلر اولدکلری زمان اونلرک ملك اوله جقلرینه اعتقاد ایدر اولدیلر. پری حکایه لری اکثریا لویح متعددهیه تقسیم اولمش برر استعارهدر. حال حاضرده استعاره اوقدر عمومیدر که ایجاد قابلیتیه ملك اولمایانلر اساساً موجود اولانلری استعمال ایدرلر.



تشبیه اید استعاره آرمه منزه کی فروغ اساسیه . -- تشبیه مخیله
 بشریه نك ايجاد ايتديكى اك ابتدائى شكل خيالىدر؛ تشبیه حیات انسانی ده
 استعاره ده تقدم ایتمشدر. زیرا استعاره طرفین تشبیهدن برینك خذفی،
 هیچ اولمازسه بونلرك بربريله امتزاجی دیمکدر. « یونس امره » ده
 استعاره مفقود اولدینی کبی ارضك اك اسکی شاعری اولان « اومیروس » ده
 موجود دکلددر. استعاره یی تولید ایدن، اعصار ابتدائی مولوداتی
 اولان تشبیهاتك انقاضیدر. ارضك ابتدالرنده حیاتك شدید، فکرك
 ساکن، الك چالاک، لسانك عاطل، حسیاتك حال موازنه ده اولمنسه،
 حساسیت عمومیه نك قابلیت انکشافیه سنك واسع بولمنسنه بناءً استعاره نك
 موجودیتی عديم الاحتمال ایدی. تحسسات متوالی و متعاقب اولدینی
 جهتله طرز افاده ده تعاقب و توالی به تمایل ایتمشدی. « اومیروس »
 بر فعلی، بر حادثه یی کورییور، اولجه کورمش اولدینی دیگر بر
 حادثه ایله مقایسه ایدیوردی؛ و بو ایکی شی بربری تشریح و افاده
 ایتمکله برابرینه آیری بروضعیتده بولونیورلردی.

« اومیروس » کذب صنعتکارانه یی ادا ایده مزدی: زیرا اوکا
 تحسسات یکان یکان واصل اولیوردی، بناءً علیه اوده بونلری عینی
 صورته اعاده، افاده ایدیوردی. حالبوکه صوك عصرك شاعرلرنده
 استعداد کذب صنعتکارانه تمامیه انکشاف ایلهمش، و بوندن بر
 استعداد صنعت انتها نا پذیر تولد ایتمشدر. بوکون بربرندن آیری،
 تمامیه بری دیگرینك اوزرینه وضع اولونه بیلیر، ایکی مشابه و موازی
 شیدن زیاده ظاهراً مغناسز، صنعت نقطه نظرندن شایان حیرت،

ای ضربهٔ مبیحله ، ای دود منتقم ،
کیمسک ؟ نه سک ؟... بوصولته سائق ، سبب نه ؟ کیم ؟

آرقه کده بیک نگاه تجسس ، وسن نهان ،
بر دست غیبی آکدیریورسک ، رهافشان .

مالک سسک او سورت رعدین غیظه که
هر یرده حس حق و خلاصک محرکی ..

صدمه کله پای قاهری تیتره تغلبک ،
اک غره تاج حشمتی صارصار تقربک .

سیلکوب عقود ربقة اعصاری ، اک چتین .
بر اویقودن اویاندیرر افوای دهشتک .

ای شانلی آوجی ، دامکی بیوده قورمادک ،
آتدک ... فقط یازیق که ، یازیق لکه وورمادک !
توفیق فکرت

بوسطرلر یالکز بومبایی افاده ایچون سویلنمشدر : یکنظرده
آکلامقده ممکن دکلدرد ؛ فکرت سرلوحه اوله رق « لحظه تأخر »
ترکیبنی استعمال ایتمکله برابر :

طورسهیدی بر دقیقه جفز دور بی سکون
یاخود او طورماسهیدی ، اوا کلیل سرنکون ،
قانلرله بر جنایته یک بکزهین بوایش
برخیر اولوردی ، مثلی عصرلرجه کچمه مش .

سوزلرینی علاوه ایله ابهام اساسیه بر نیم وضوح ویره بیلنمشدر .
زیرا سلطان حمیده آتیلن شی ، بومبا ایدی .

عملیات میخانیکیه سنه تابع اوله رق کیتمکدنسه احتیاجه ، حسیات صمیمیه ، مخیله شخصیه استتاده یکیدن ایجاد وابداع ایتک لازمدر .

برده ابهامه دوشمه ملیدر . کله نك افاده ایتدیکی معنای اصلی ایله تشبیه ضمنیه بناء حائر اولدینی معنا آره سنده کی مناسبتی تعیین ایچون اوغراشیلیرسه ، استعاره دن مطلوب اولان قوت وشدت ، ظرافت و ذوق بدیی ازاله ایدلمش اولور .

بوندن باشقه استعاره لر کندی کندینه تولد ایتمه سنه دقت ایتملیدر . جبری ، اختیاری اولانلر بارد و صوئوق اولورلر . صنعتده ال بویوک مزیت صنعتسز کورونه بیلمکده در . باخصوص مولود طبعیت اولمه ینلر واضح اوله مزلر ، ابهامه دوشرلر .

بعضاً بر صفتله ، ویاخود سائر بر کله یله براستعاریه بر آز کولکه بر آز نور ، بر آرزحات ویرلمزسه مهیتدن قورتیله مز . برده استعاره لر آره سنده کی عدم ارتباط ابهامك ال بیوک مستحضریدر .

بعضاً کله اصلیه یی افاده ایچون یالکز بر کله قوللانیلماز : اوزون اوزون جمله لر بونك مقامنه قائم اولور . مثلاً توفیق فکرت بك بومبایی بر کله ایله دکل ، اوزون اوزون جمله لرله ، استعاره لرله ، خیال لرله افاده ایتمشدر :

برضره . . . بر دومان . . . و بوتون بر گروه سور

بر معشر و ضیع تماشا ، خشین ، عقور

طیرناقلزله برید قهرک ، دیدک دیدک

یوکسلدی غورجوه باجاق ، کله ، قان ، کمیک . . .

ینه استعاره‌نک تشبیه ایله مناسبتی نظر اعتباره آله‌رق طرفین تشبیه کوره تکرار ایکی به تقسیم اولمشدر .

۱. — طرفین تشبیه مفرد اولدینی تقدیرده استعاره مفرده در:

۲. — ایکی هیئت یکدیگریله قارشیلشدیریلورسه استعاره

مهرکبه در:

نیجه دمندر که کلن ایلدی بلبلدن دور

داد الندن بو شکست اوله سی کنج قفسک

مهرکبه در: تشبیه کوره تکرار ایکی به تقسیم اولمشدر —

بوراده «روح» هم کلندن آری بلبله ، هم ده کنج قفسه تشبیه

اولمشدر . بناء علیه بو استعاره مهرکبه ده «مشبه» مخذوفدر .

استعاره ده «مشبه» «مستعارله» ، «مشبه منه» «مستعارمنه»

دیرلر .

استعاره یی تولید ایدن فکر ، التحاق واشترک افکار قانوننه بناء

یقینده بوتان فکرلری ایقاز ایدر ، اولنری ده عینی صورته شکل

خیالی به افراغ ایدر :

صاندم که سوپور ، بر ال اوج عواله

چیقمش ده کهکشان ونجومک طاقم طاقم

ذرات نود و شعرینی عمق خیاله

فائق عالی

استعاره لرك مقبول و معتبر اوله بیلرسی ایچون ممتازیت واصلته

مالک اولرسی مشروطدر . بر قاج عصر دنبری قولانیلان ، ابتذاله دوشن

استعاره لری قولانمق مطلوب اولان مقبولیتی تأمین ایده من . خاطرهنک

« نالش » لرك بر انسان ، بر حيوان كې تيتره مه سی محالدر ،
 ديمك كه « تيتره مه » نك موضوع اولديني معنادن باشقه بر معناده
 قوللانله سی ضرور يدر . بوراده كي معناسی « دوداقلر مدن فریادلر چيقيمق
 اوزر در » ديمكدر .

خلاصه استعاره بر تشبيه ضمنی در ؛ مشبه ، یا خود مشبه به استعاره ده
 مخذوف در . بونی نظر اعتباره آله رق ، متقدمین استعاره بی ایکی قسمه
 آیر مشلدر .

۱ . — استعاره مصرحه در كه مشبهك خذفيله تعین ایدر :

بر سرو بسلم نیجه ییل باغبان اولوب
 سر كشلک ایتدی اولدخی دامنكشان اولوب
 ابن کمال

بالاده کی بیتده « سرو » کله سی « سروی کبی بوی » معناسنه در .
 بناءً علیه استعاره یا یلمق اوزره « مشبهی » اولان « بوی » کله سی
 خذف ایدلمشدر . بونك ایچون استعاره مصرحه واردر .
 ۲ . — استعاره مکینه در ، که « مشبه به » خذف ایدیلیر :

اوملون سرود شوخ بهار
 اومطر مشافهات ریا ح
 توفیق فکرت

« ریا ح » بوراده « انسانلرک مشافهاتنه » بکزه تیلمشدر . حالبوکه
 « انسانلر » کله سی خذف ایدلمش ، « مشافهات » کله سیله اوکا اشارت
 اولنمشدر . بومصراعك اصل مناسی « ریا ح مشافهات بشریه کیدر »
 له افاده ایدیله بیلیر .

افاده ايتديكى مواد آره سنده بر اشتراك طبيعت و حال بولونير.

كيدكلرى آفتاب تموز

ايچدكلرى شعله جهانسوز

غالب دده

شاعر « اونلر يالكز آفتاب تموزى كيمشلك كى چىلاقديلر ،
صوسزلقدن كويا شعله جهانسوزى ايچيور كيديلر » ديمه يور ، « اونلر
آفتاب تموزى كيپرلر . شعله جهانسوزى ايچرلر . » سوزلرينى
سويله يور ، حلبوكه تموز كونشنى كيمك قابل دكلدر ، بناء عليه
بوراده « كيمك » كلمه سنى وضع اولندينى معنائك خارچنده قوللانمق
مجبوريتنده يز . اوده « چىلاق اولمقدر » زيرا شاعر « صيچاقدن
اليسه لرى يوقدى » فكرينى ، استعاره نك قوتنه استنادله بو طرز
نوين ده استعمال ايتشدرد .

سن تراب سيهو بر محبوس

بن چلبىاي غمده بر مصلوب

جناب شهاب الدين

بوراده « چلبىاي غمى » معنای اصليسنده آله مه يز . زيرا غمدن
بر چلبىانك موجوديتى محالدر ، اولسه اولسه بوراده كيزلى بر
مشابهت واردرد ، اوده « بر محكوم موتك ساعات اضطراباتى اخطار
ايدن ياس انكين چلبىانك عذابنه مشابه ازيچى بر غمله متأثرم » ديمكدر .

نيچون ؟ نيچون ؟ ... بو « نيچون » لرله شمدى پرخلجان

ديلمده تيره شيور اك ستىلى نالشلر

توفيقى فكرت

بوتون شوارض تې بی حضور ایدن برشی ،
چولک حیات رماده سنده بر رؤیا ،
اودانما یانان ، آسوده ، بی زبان چولده
بواحتضار ایله شد مراحل ایلرکن
عیون قافله کشف ایتدی براوزاق کولده
بر ارض حسن و صفا ، بر مظهر روشن !

بر آشیان منهر که بر طیور و طلال ،
بو یوک بر ارض بهاری که خلقی هپ سر هست ،
محاط زمزمه بر چشمه سار صاف زلال
که هپ قادی نلری رقصان نشوه ، دست بدست . .

بوده ازم آزایی ارض ساقه نك ،
بو خوش جزیره شاداب ایدنجه عرض لقا
عیون حشرقی مراکوز قالدی قافله نك
اوساحل طرب و شوقه ، بر سرور وضیا .

۴

استعاره . — بر لفظك مشابهت علاقہ سنه و قرینہ مانعه یه بناء موضوع اولدینی معنائك خارجنده قوالانسنه استعاره اطلاق اولونیر .
« صنعت تحریر » محرری « آلبالا » استعاره دماغه متحدث ،
مع مافیه کیزی بر مشابهت بناء بر کله بی معنای اصلیندن غیری
بر معنایه نقل ایتکدر « دیور » استعاره عینی زمانده دماغه ایکی
ماده بی عرض ایدر ، بونلردن بری کله نك موضوع اولدینی معنائك
افاده ایتدیکی ، دیگر ده بوکا بناء دماغه تولد ایدن معنادر . عمومیتله
استعاره ده بر تخم تشبیه موجوددر .

ییتنك ایکنجی مصراعنده کی « صو » مشبه بهی محسوساتدن ،
« موج ترانه طنبور » مشبهی معقولاتدندر .

بر عجب طاوس قدسم کلشن لاهوتده
اولدی جنت جنبش بال و پرمدن رنگ رنگ

ییتنده شاعر کنیدیسنی « طاوس قدسه » تشبیه ایتشدرکه بوراده
مشبه به اولان « طاوس قدس » معقولاتدن ، شاعرك کندی ایسه
محسوساتدندر .

بر شکل تشبیه دها واردرکه اوده مشبه به احوال مختلفه سیله
مشبهك متعدد حالارینی ، خصوصیتلرینی شرح وایضاح ایدر . جناب
شهاب الدین بلك بروجه آتی نقل ایتدیکمز « سعادت » نامنده کی
منظوسنده ، بشریت ، قورو بر چول اوزرنده تمهیداً ایلرلهین بر
قافلهیه تشبیه ایدیلرک او قافلهنك احوالیه بشریتك مقدراتی شرح
وتوضیح اولونیور :

قوافل بشریت ، شکسته ساق و توان
یورور سکوت ایله فیکای زندگانیدر ،
چولك حیاتی کی هپ قورور قالیرسوزان
حیات قافله بر اختر نهانیده .

بوتون بو قافلهنك دست اضطرابنده
سیاهدانه ایامی سبحة عمرک ؛
بوتون بو قافلهنك روح پر عذابنده
حریق هائی بر تشنکی حارومرک . . .

کچر بو قافله لرله هپ المله پیدرپی ؛
کچن بو قافله لردن وجود آلیر کویا

ابریقی می کپی کو بکندن ایشر کدی

تشبیهی قدر ایکنج ، مستکرمه برشی اوله ماز .

حیات خارجییه ایله حیات معنویه دائماً بربرندن استعانه ایدر ،
بر شاعر کائنات روحیه سنده قوپان المری ، فلاکتلی ، یاخود
طوفان مسرات و حظوظی افاده ایدم بیلکم ، کوستره بیلکم ایچون
کائنات خارجییه کی اشیان استفاده ایتدیکی کپی حیات خارجییه کی افاده
ایچون ده کائنات روحیه اینه بیلیر . . معنویات ایله مادیات بربرینه
دائماً معاونتده بولونیر . بونک ایچون طرفین تشبیه بعضاً محسوساتدن
بعضاً معقولاتدن اولور :

غالب دده نک

قبله کاه معنیه هر دم حضور قلب ایچون
نقش محراب عبادتدر کلاه مولوی .

بیتنده « نقش محراب » « کلاه مولوی » محسوساتدن اوله سنه بناء
طرفین تشبیه محسوساتدندر .

ظلمات حرفده سیاره مغنی غالب
کوهر اشکوفه سیدر زلف سیه دن کورینور

بیتی طرفین تشبیهک « اجزای عدیده سی بولمه سنه بناء مشبهه ،
مشبهه مرکب اولدینی کپی معقولاتدندرده . .
وینه غالب دده نک :

ریاض حیرتی سیراب فیض ایدر غالب
آقنجه صو کپی موج ترانه طنبور .

حالبوکه قره تشبیه ایدلیکی تقدیرده مرکدر ، زیرا هم مدورلك، هم پارلاق موجوددر .

تشبیهاتك كوزل اوله بيلمسی قیاس و تشبیه ایدیلن فکر و حس آره سنده کی مناسبته تابعدر . بونلر آره سنده کی مناسبته نظر اعتباره آلماناز ، کیف ماتفق تشبیهات صاحیلیرسه صوئوق اولور . اکر محیله اداره ایدیله مزسه ممتازیت نامنه غربته دوشلمش اولور . مثلاً « چیچکلك ایلک بهارلك برف رایحه دارى کیدر » دیمك بوقیلدندر . بوراده کی تشبیه ایله حس و فکر آره سنده کی مناسبته غایت معناسزدر ، زیرا قار بیاضلغی اعتباریله كوزلری یورار ؛ حسه دونوقلق ویرر ، فکری اویوشدیرر ، حالبوکه چیچکلك تمامیله عکسنه در ، روحه حیات ، زندگی ، چالاکی بخش ایدرلر .

آلفونس قار « حیاتمزه برکون محرری اولمقله افتخار ایتدیکمز کتابلردن برینی آله رق ، اوقویه جنی خطوطه کوره برقادین تصویری وجوده کتیرمه سنی آرقداشلمزدن برینه رجایدر و « اونك فیل دیشندن آلتی ، صفیردن كوزلری ، آبانوسدن کیرپیکلری ، کلدن یاناقلری یاقوتدن دوداقلری ، اینجودن دیشلری ، قوغو بوینته مشابه بوینی واردر » دییه اوقوروز . فقط دقت ایدیکمز کوستردیکمز شیلردن متشکل برقادیندن ده اچرکین برشی وارمیدر ؟ » دیور .

تشبیهلر جبر طبیعتله وجوده کتیرلملی ، بر مناسبته بعیده و غیر طبیعی نی حائز اولمالی ، ویا قابل تماس و نفوذ بر موجودیته مالک بولنملی ، مستکره عادى ماده قیاس ایدیلنلردن اولمالیدر . بونلر تشبیهك شرائط مقبولیتدر :

جملہ دہ کی « حسن » مشبہ در . « کبی » یہ کلنجه مقایسہ بی افادہ
ایدن ادات تشبہدر .

ادبیات معلمین مقدمہ سی تشبہی درده تقسیم ایدرلردی :

۱. — مفصلدرکہ وجہ شبہک ذکر ایدلمسیلہ تعین ایدر . « احمد
آواناقلقدہ قاز کیدر » جملہ سی بو قیلدندر . زیرا وجہ شبہ اولان
« قازلق » ذکر ایدلمشدر .

۲. — مجملدرکہ وجہ شبہ مخذوف اولدینی زمان تعین ایدر .
« احمد قازدر » دیدیکمز تقدیرده وجہ شبہ اولان « آواناقلق » مخذوفدر
بناءً علیہ تشبہ « مجمل » واردر .

۳. — مرسلدر، کہ ادات تشبہ بولندینی تقدیرده تعین ایدر .

۴. — مؤکدرکہ ادات تشبہ مخذوف اولدینی تقدیرده تعین
ایدر .

طرفین تشبہ هر وقت مفرد اولہ ماز ، بعضاً اجزای عدیدہ دن
تشکل ایدر ، تشبہک تعریفندہ کی ایکی هیئتک قارشیلشمسی قیدی
بو احتمالہ بناءً در :

قعر ظلمتده آقان چشمه بلور فسون
چشم غمدہ دوکیلن اشک کریزان کیدر

« قعر ظلمتده آقان چشمه بلور فسونی » شاعر « چشم غمدن
دوکیلن اشک کریزانه » بکزه تیور .

وجہ شہدہ مفرد، مرکب اولور ، « یوزی کلہ » تشبہ ایتمکده
بالکز کلک پنبہ لکی نظر اعتبارہ آلینیور دیمکدر ، بناءً علیہ مفرددر ،

یاخود بونلری بربرینه تمثیل ایده بیله جک بر مناسبت تولید ایدرسه تشبیه ، استعاره اولور ، معنای ماوضع لهک استعمالنه قرینه مانعه اولقله برابر آره یرده مشابهتدن ماعدا بر مانعه وار ایسه مجاز مرسل در . هر نه اولور ایسه اولسون مشابهته استناد ایتمه دیکی تقدیرده مجاز مرسل وار دیمکدر ، بوحقیقت معنای مجازی یه آلت اوله بیلیرمش ، یاخود بونلر بربرینه سبب اولورمش ، معنای حقیقی ایله معنای مجازی یکدیگرینه جزؤ اولورمش ، معنای حقیقی ایله معنای مجازی یکدیگرندن اعم بولنورمش ، یاخود اولجه یاد ایدلدیکی ویاخود ایدیله جکی اسمله ذکر ایدیلیرمش حائز اهمیت دکلدر اک مهم نقطه مشابهت اولوب اولمامسنی تعیین ایتمکده در بونی تعیین ایتدکدنصکره اسباب سائره یی عقلاً بولقی ممکندر . .

۳

تشبیه . — اوصاف مشترکه یه مالک اولان ایکی ماده نك ، ویا ایکی هیئتک بربریه مقایسه ایدلمسنه تشبیه دیرلر . ادبیات معلمی سلیمان فهمی بك اوصافدن برینک دیکرلرندن اتم اولمسی قیدینی تشبیه اساس طوتیورکه بواک طوغری برقیددر .

« حسن ارسلان کییدر . » دیدیکمز زمان « حسن » « ارسلان » بربریه مقایسه ایدیلور دیمکدر . دیمک که بو جمله ده ایکی طرف موجودر . بری « حسن » ، دیکری « آرسلان » بونلره طرفین تشبیه دیرلر . بونلری بربرلیله برلشدیرن بروصف مشترک واردر ، که اوده « شجاعتر » بوکاده « وجه شبه » دینور . شجاعت وصفنده دیکرینه نسبتله اتمیتی حائز اولانه « مشبه به » دینر که بوراده « آرسلان » دیکرینه « مشبه » اطلاق اولونر ، بالادهم

بونی تکرار ایتکده معناسزلقدر. یالکز حقیقت له مجاز واردر ،
حقیقت بر کله نک وضع اولندیغی معناده استعمالیدر ، مجاز ایسه بونک
عکسیدر . حالبوکه کله لک معنای ابتدائیلرله معنای حاضرلری
آره سنده اوچوروملر تشکیل ایده جک قدر فرق واردر ، حقیقت
معنا کله نک وضع اولندیغنه کوره دکل حال حاضرده استعمال
ایدلدیکنه کوره تعین ایدر . مجازلر شکلک سوسلری ، بناء علیه
ممتازیتک معاونلریدر ؛ کلماته افاده ایتدکلرندن باشقه شیلری افاده
ایتدیره بیلیمک صنعتکار بر قامک موجودیتنه دلیادر .

« محاسن اولور ، بیتر » دیمک ایچون فائق عالی :

قارشمش برر مقبری رایحه
کچن کونلرک دلنشین یادینه ؛
قوبارمه قده نسیان او بوم فنا ؛
خیالده ماعمی بر قهقهه .

طبیعتده بر آن نهان ، آشکار
محاسن ده برر کولکه واز ،
که هپسنده ایلر فنا اهتزاز .

دیور .

مجازاتی عقلی ، مرسل ، وبوایکنجینک علاقه لری اولق اوزره
تقسیم وتصنیف ایدیورلر سده بز بونلری طوغری برر تصنیف
اوله رق قبول ایتیمور ، فائده دن زیاده فکری قصر ایده جکلرینه قناعت
ایدیور ، تفصیلاتندن واز کچورز . یالکز مجاز مرسل ایله تشبیه
واستعاره آره سنده کی فرقی آکلاتمق کافیدر .

ذکای بشر ایکی ماده مختلفه آره سنده بروصف مشترک بولورسه ،

اوضاع و حرکات نه ایسه ادا ایچونده مجاز اودر . قارئه کشف ایده بیلجهک ، نفوذ ایده جک بر حصه ویردیکی جهته شعردن مقصود اولان نیم مبهمیته ، نیم وضوحی ایفا ایدر لر . مع مافیه افاده تحسینات وهیجانان خصوصنده حال طبیعی یی کچمه مک لازمدر . فضله عصیت وهیجان بزی مبالغهیه ، ابهامه سوق ایدر که ... قارئی صیقمقدن باشقه برشیئه یاراماز . مجازلرک بوتون قیمتی اعتدال دأره سنده بولمه لرنده در . اعتدال ادا ایدیلن فکرک ، خیالک ایجاباتیله مجازک متناسب اولمسی یکنسقلقدن تولد ایده بیلجهک تعب وکلالی ازاله ایلهمه سیدر . مبالغه ، افراط بعضاً پک کوزل آثاری احساس خصوصنده کی قوتی ازاله ایدر . فضولی « بن سندن جدایم » دیمک ایچون خیالات خصوصنده شو مصراعرلرده مبالغهیه دوشدیکی ایچون لطافت ادا واحساسندن آز چوق غیب ایتمکده در :

بلبل زارم گل رخسار آلکدن جدا
طوطی لالم شکر نسبت مقالکدن جدا
تیره اولدی روز کارم زاف وخالکدن جدا
اولدی صحرا مغرم وحشی غزالکدن جدا

حقیقی اسلوب ایله مجازی اسلوب آره سنده کی فرق دییه بعض ادبیات معلملرینک تولید و تصنیع ایتمش اولدقلری بحث یا کاش و بی معنادر . اسلوب دیمک اساساً طرز تفکر ، طرز تحسس ، طرز افاده در ؛ بناء علیه اسلوب مجازی دیمک حسیاتمژک ، تفکراتمژک شکل ایتدکلری طرزده افاده ایدیلهمه مسی دیمکسه طوغری اولهماز . زیرا اثر صنعت شخصیتک افاده سیله قیمت پذیر اولور . اگر طرز افاده ده کی تبدلات ایسه ممتازیتله اساس وشکله ویریلجهک محاسنله در که ..

تصادف ایتمه مک غیر ممکندر . بوتون صناعتکارلر آلات وادواته عاڈ
اسملری اک زیاده یقین بولندقلری ، اک زیاده کوردکلری اشیانک
اسملریله تسمیه ایدرلر .

استانبولده کی طولومبه جیلرک بولدقلری مجازلر حقیقه ظریف ،
واینجه در . « شیمنان » مقامنده « طولوم » کلهسنی قوللانمق ،
« نمایش » مقامنده « وبره سی به صاتش » دیمک هپ بوقیل مجازلردندر .
شو مطالعاتدن آکلاشیلیورکه « مجاز » طبعی برشیدر . عموم
لسانلره شاملدر ، دماغ بشرک ایجابات ضروریه سندندر .

۲

مجاز . — کلهلر ، کرک معنای اصلیرنده کی آلاستیقیت ، وقوه
الهامیه لری اعتباریله یالکنز بولندقلری وکرک برتماس ایله ، بر امتزاج
ایله مغالرنده حصوله کتیردکلری تبدلات طولایسیله برلشدکلری
زمان برر منابع نویندرلر . اونلر فکرک اشکال احتیاجندن هر برینه
آیری آیری جواب ویررلر . مغالرینک افاده ایتدیکی مواد و اشیادن
باشقه سنیده افاده ایده بیلرلر .

مجاز دیمک بر قرینه مانعیه بناء کلهنک وضع اولوندینی معناده
استعمال اولونه مامسی دیمکدر . مثلاً « عماده » کلهسی « صارغی »
معناسنده اولدینی حالده شمدی علمانک باشلرینه صاردقلری بزمعناسنه
کلمکده در . آره یرده بر نسبت و مقایسه بر مشابهاً نتیجه سنده کله
معنای ماوضع لهک غیریسنده استعمال اولونیورسه مجاز وار دیمکدر .
مجازلر لسانک سوسیدر ، مجوهراتیدر . ژاله لیدر . اکر بونلر
اوله سهیدی لسان قوری ، یابس بر شکل آلردی . بر آقتور ایچون

مثلاً « کونش چیقدی . . دیورز ، حلبوکه » چیقماق « فعلی ابتدا انسانلره ، ویا حیوانلره عأددی . حلبوکه کونشك اثنای طلوغنده کیزلی بریردن ظهور ایدر ، ارضك ویا سمانك قابولرندن چیقار کبی بر وضعیتده بولمهسی ، یاخود طاغه چیقار کبی اولمهسی بوکاده عینی فعلك اعطاسنی موجب اولدی . . « زمان کیدیور » ده بوقیلدندر . اشیا فکری ، فکر کلمهنی ایجاد ایتدیکی کبی کلمهده فکری ایجاد ایتشدیر . حیات خارجیہ ایچون وضع اولسان کلمات بالاآخره کائنات درونی بی افادهیه شتاب ایلمهشدی . مثلاً : « طار فکری » دیرز ، اساساً « طار » کلمهسی بول ، کنیش اولمایان اشیا حقنده جاری ایکن فکرك محدودیتنی افادهیه قدر کیتمشدر . « قورقودن دوندی » « هیجانندن قیزاردی . » کبی بر چوق سوزلر واردر ، که . . بونلر هپ مجازدرلر . ایلك نسلرك کلملره ویرمش اولدقلری بو حرکتلر انسال متعاقبهیه کچدیکی کبی اونلر طرفندن ده زنکینلشدیرلشدیر . هر لسانك کلماتی معنای اصلیرینه نسبتله آز چوق تغیر ایتشدیر . بو حالت دماغیه لسان خصوصنده تصرفی مؤدی اولیور که . . بوندن دهافانده بخش بر شی اوله ماز . آرتق بوکلملر معنای اصلیرینه مالک ایشلر کبی قوللانیلورلر . بونلرك برر خیال بولندقلرینی ، تمثال صوتی زماننده کی معنایی حائز بولندقلرینی کیمسه دوشونمه مکده در . بیتمهسی لازم اولان بر ایشك یوم آخره تعلیق ایدلدیکنی کورن بر شخص قطعاً تعلیق کلمهسندن « اصلماق » معناسنی چیقارماز . ایشته لسانده کی قلیشه لر بونلردر .

حیات عادیہ وروز مره نك ایجاد ایتدیکی مجازلر نامتناهیدر . عوامك هر افادهسندہ اینجه ، غیر وجدانی ، طبیعی بر طاقم تبدلاته

در دخی مجت

مجز . — تشبیه . — استعاره . — تشبیه ایله استعاره آره سنده کی
فروق اساسیه . — کنایه و تعریض .

۱

مجازك صورت تشكی . — هر كله بر فكري مفید در . حالو كه بر فكر
نهر ؟ .. بر فكر غیر مادی برشی دكلدر ؛ حیاطه مادیاتك خارجنده
هیچ برشی یوقدر ، بر فكر دیمك بر خیال ، اسکیمش بر خیال دیمکدر .
لسانلر بر چوق قایشه لرله طولودر . بونلر مبادیده قوه مجازی نهك
تأثیریه وجوده کلمش جرأتکار خیالات ایدی . بوتون کلمات مجرد
شکل مجازی به وضع ایدلمش افعال مادیه در . دوشونمك ، طارتمقدر .
لسانده هرشی خیالدر .. کله لر کندی افاده ایتدکری مغالردن باشقه
مغالرده افاده ایده بیلیرلر . ایشته بو صورته مجاز حصوله کلیر .
بشر دنیلن مخلوق اك زیاده یقین بولندیغی اشیا دن متأثر اوله رق تمایل
صوتیه ایله اونلری ابتدا تعیین و توضیح ایتدی . بونکله لسان
ابتدائی تشکل ایتمش بولوندی . انسان طبعی اوله رق بو حالده قلمه دی .
کائنات ، حیات حقنده وقوف و معلوماتی تزايد ایتدی . هر کون یکی ،
نوظهور وقایع و حادثاتك ، اشیا و موادك قارشوسنده بولوندی .
بونلرک هپسی ایچون آیری آیری بر کله ایجاد ایتمه دی . آرده کی
مناسبت و مشابهته کوره اولجه بولدقلرینك معناسنه حرکت ویردی .
کلامك معنای ماوضع لهنده استعمال اولونه مامسندن ده مجازات تولد
ایتمش اولدی ..

نوع اعتباریله تبدل ایدن ، بناءً علیه لایتنهای تحولاته معروض قالان
 برشی حقنده تقسیمات و تصنیفات وضع ایتمک ادبیات معلملرینک و اهمه
 تسهیل تدریسندن متولد بر غربیه در . مادامکه سادگی کلماتک اشیا ایله
 مناسباتندن زیاده موقع و زمان ایله مناسباتنی تعیین ایتمک در . مادامکه
 نظر لر ایچون باشقه بر لسان موجود در . مادامکه ممتازیت شکلک
 محاسننده در . بو تصنیفه لزوم یوقدر . باخصوص بر اسلوب ساده ایله
 بر اسلوب مزین ، بر اسلوب مزینله بر اسلوب عالی آره سنده کی حدود
 نه در . نرهدن باشلار ، نرهده بیتر ، بر یسنک افاده ایده چی افکار
 وحسیات نه لر در ، دیکرینه عائد اولانلر هانکی لریدر ؛ بونلری کیم تعیین
 ایده بیلیر ؟ .. هیچ بر کیسه .. بناءً علیه بوقدر عندی ، فرضی بر
 تصنیف تسهیل تدریساتندن زیاده تشویش استعدادی موجب اوله بیلیر .
 ینه فرانسه متخصصین ادبیاتندن « آنتوان آلبالا » « نه اسلوب
 ساده ، نه ده اسلوب عالی واردر . بونلر صرف و نحو جیلرک
 ایجاد ایدر که هر نه اولور سه اولسون تدریساتی بونلردن تنزیه ایتمک
 مقتضیدر . موضوعه موافق اسلوب موجود در . سوبله نیله بیله جک
 یکانه شی بودر . یا خود علویه ، الهامه ، محرره ، موضوعه ، تعقیب
 ایدیلن غایه کوره آانات اسلوب ، آانات شخصییه ، اصوات مختلفه
 موجود در . « دیور .

بو مسئله هر نه صورتله اولور سه تدقیق ایدیلر سه ایدلسون بو تصنیفاتنی
 جدی وطیعی تلقی ایتمک ممکن دکدر .

حقیقه سیدر . بوندن باشقه بر مرثیه نك ساده لکیله برهندسه دعواسنك ساده لکی بر برینه مشابه دکلدر؛ راسین مولیبه رك استعمال ایتدیکی ساده لکدن باشقه بر ساده لکه مالکدر؛ و یقتور هوغو نك ، لامارتینك بر صحیفه سی صوك درجه عادی ، بارد اولان « ده لیل » ك ، « سن لامبر » ك اسلوبندن دها ساده اوله بیلیر . حتی فکر اینجه ، علوی اولدینی تقدیرده اسلوب ساده اولقله برابر اینجه ، علوی ده اولور . ساده لکدن بید اولمدینی حقنده بر شهرت عظمایه مالک اولان « ماریون » بیله اکثریا سادگی یه رعایت ایدر . زبرا صوك درجه ده نفیس ، ورقیق اولان افکارینی افاده ایده بیلک ایچون یکانه واسطه بودر .

سادگی اسلوبك نه علویتنی ، نه ده رفتی ازاله ایدر بالعکس الك علوی احتیاساتی ، اك اینجه ظرافتلی افاده یه مقتدر اولور : فقط افاده ایدیله جك حسه ، فکوره کوره هر شیئك نظر دفته آلمسینی ایستیر . یالکز فائده سز زینتلره ، سوسلره کلماتی ازعاج ایدن صنایع بیانییه یی اصطلاح پردازلنی ، وضعیت جملیه یی حدودینك خارجنه چیقاریر .

او یالکز ، اشیا ایله ماسبتلرنده « کل ، زمان و موقع ایله مناسبترلنده کلماتک قیمتی تقدیر ایده بیله جك بر حسن ظریفه توافقک طالبیدر . سویله نیله جك ، باغیربله جق ، یازبله جق کله لر آیری آیری شیردره . بعضیلری ال یازیسنده کوزل کورینورلرده طبع ایدلکلری زمان قیمتلرینی غیب ایدرلر . « ژوبه ر » « سوزلری جله لری صدایه ، صدایی ده موقعه توفیق ایتک لازمدر . استماع قابیلیت اولان کلمات ، و بونلر توافق ایدن جل نظرلر ، یعنی قارئک قولافلیشه خطاب ایتدیکی زمان کولونج اولور » دییور .

یوزکشینك حضورنده بر شخصك حضورنده کی قونوشبله ماز . یازارکن لازم اولان کله لر ، مصطلح جله لر قونوشلرینی زمان استعمال ایدیله جك اولورسه ضحک آوردر . اثنای مکالمه ده بر کتاب یازار کی سوز سویله یی کیمسه لر قدر فسوت انکیز هیچ برشی طانیه یورم .

لانسون بومطالعاندنه نه قدر حقیلدر . شخص ، زمان ، موضوع ،

دو نمر بنفشه ، گل ، سمن مجوهرانه ژاله دن
 و برر زمينده لاله لر برر نشان پياله دن
 شراب نهرين آ کديرير صو عکس رنگ لاله دن
 دولار درون سرغزار طربله جوش ناله دن
 سحرده سيرباغه چيق صباح فيضباري کور
 استاد اکرم

۹

تصنيف اسلوب — اسلوب ساده ، اسلوب مزين اسلوب عالی
 بحثه تماميله کيريشمه دن اول بوتصنيفک هيچ برقطعت رياضييه واساسيه
 استناد ايمه ديکني ، شخصه موضوعه ، زمانه ، افکاره کوره
 اسلوب ده تصنيف و تفريق ايديله مهيه جک قدر نامتناهي تحولات
 بولنديغني سويلر ، « فرانسه تاريخ ادبياتي » محرر مقتدری ، وپارس
 دارالفنوتي ادبيات معلمی کوستاو لانسونک افکاريني نقل و ترجمه
 ايدرز :

« اسلوبلری انواع مختلفه به تفريق ايتک سنه لجه بشریتک ذوقني اوقشايان
 برکيفيت اولدی . اسلوب ساده يا خود اسلوب معروف ، اسلوب مزين ،
 اسلوب عالی بو حالت روحيه تک محصوليدرکه اشيايه ويريله جک اوصاف و خواص
 کله لره توديع ايدن بر تفريق خيالي در . عادی ، عمومی ، علوی ، حساس ،
 مؤثر ، مدعش اولان فکرلدر ، و اسلوبی کندی سيمالرينه کوره ابداع
 ايدرلر . کله لک يالکيز بر ميزيتلری موجوددر : اوده خاصه اساسيه لرندن
 منبعث ساده لکدر . فکرک شکلنه اويغق صورتيه اونى طوغری بناء عليه
 پک ساده اوله رق افاده به مجبوردرلر .

هيچ برکلام فصيح ، هيچ برشمر کزين ساده لکدن تباعد ايده من ؛
 چونکه ساده لک فکرله کله تک موازنه تامه سی ، شکل ايله اساسک ارتباط

برکول اوچنزاره سرین نفعه لرله
آقشاملری بر خواب معطر داغیتیردی ؛
شب به لر اشجاره درین نوحه لرله
برلحن سماوی غم آور داغیتیردی .

سازاقلری واردی اوکولک ، صمت لیالی
فکر تزدده حزن ایدی یورغون صولرنده .
برحسن پراکنده نك آواره خیالی
سورتور ایدی هر کیجه دورغون صولرنده .
رضا توفیق

اوغولتو دائما یافلاشییوردی . برآز صوکره بلکه اون بیک کره بویوتولش
قیزغین ، طاشقین بر قلبک ضربات عصیانکی کبی مخوف برخومورنی سرایک
نجره لرینک آتته قدر کلیوردی . غیر منتظم . نهایتسز آباق سسلری ،
سلاح شاقیردیلمی ، تهدید آمیز ، کویا بتون انسانیتک اشتراک ابتدکی بر
شکایت طالعسه سی دیوارلری دوکییوردی .

خالده ادیب

دور وادیده دورا دور بر سسس ، رودلر چاغلار
چمن مائی ، قویونلر پنبه ، رنگارنگدر طاغلر
شفقدن فجردن ایتکده جمع سیموزر باغلر
بوشنلکده بنم کوکلدر آنجق وارسه بر آغلر
بولوطلر ، طالعهلر ، اخترلر اطرافده هپ محرم
آغاچلر ، جوبلر ، قوشلر ، چیچکلر دائما حرم
عبدالحق حامد

مقیم راغ اول ای کوکل ، فیوض نوبهاری کور
شکوفه لرده موج اوران صفای حسن یاری کور
نه صنعت ایلمر آشکار هزار نغمه کاری کور
کنار حوض پا کده درخت سایه داری کور
ویرر حیاته اهتزاز خروش جویباری کور

کوکلرده روحزله مشافهیدی پک درین
 بر فکر سرمدی ؛
 قلبنده منکشف سحر بی نهایتک
 کیریکلرنده شبنم الماس یترده دی . . .
 حالاملول بکلپورم بن بو.عبدی ،
 کوکدن نزول ایدر دییه روح مؤبدی .

آهنک تقلیدی بی الدیه ایدیه بیلیمک ایچون یالکز بویله علوی وپر
 احتشام کلهلردن دکل ، ظاهر آ عادی کورونن هر کلهدن استفاده
 اولونه بیلیر . آنتووان آلبالا ، حسن صورتله استعمال اولنان هر
 کلهنک روحنده نهدرین بر موسیقی بولندیغنی کوسترمک ایچون شوصورتله
 سرد افکار ایدیور : « لسانک یالکز ناشنیده ، نادر کلهلرنده دکل
 بالعموم کلمات عادیه سنده طرز استعماله کوره تظاهر ایدن بر سحر
 ولطافت ، بر آهنک مخصوص واردر . کلماته موجود اولان بو آهنکه
 اک بیوک دلیل ، کرک یالکز کرک سائر کلهلره ممتزج بر حالده بولنسون
 اولنرله آهنک تقلیدینک غایت قولای بر صورتده الدیه ایدیه بیلیمه سیدر . »
 بزم اصول نظم مزده کلهلرک آهنکندن ماعدا ، اوزانک آهنک
 طبیعی ده نظر اعتباره آلمق واوندن ده بیوک استفاده لر تأمین ایتک
 لازمدر ! اوزانک موضوع ایله عدم توافقی تقدیرنده ، آهنک پک
 زیاده خللدار اولور .

حسن صورتله استعمال ایدیلن کلماتک - نظمده بوکا انضمام
 ایدن وزنک - آهنک موسیقیسی سایه سنده حیات وکائناتک هر صفحه سی
 برالم ، برکین ، بر بهار ، عمومی برکورولتی ، صولرک رعشه سکوتی ،
 آقشامک ملال وفسونی تقلید و احساس اولونه بیلیر :

بر موضوعك موسيقى طبعيسنك تقليدى ايجون هر وقت الفاظ صوتيه دن استفاده ايدلز ؛ بالعكس پك چوق دفعه ، ساده بر ماهيته مالك كورونن على العاده كماتك موسيقى بيانيله آهنگ تقليدى وجوده كتيريلير . بعضيلرى ابي ويا فنا كله بولماديغنى سويلرلر ؛ بوا دعا پك مشكل اثباتدر . ابي ، اصيل ، الهامكار كملر موجود اولديغنى كبي عادى ، عمومى كملرده واردر . فقط اصل سحر صنعت ، اصل عقده موفقيت بوكلماتك طرز استعمال و تركيبينددر . فنا بر محررك الله اك كوزل كملر اك فنا بر شكله ، بر دست صنعتكارده ايسه اك عادى ظن اولونان لفظلر برر الماسپارهيه منقلب اولور . مع مافيه بويوك صنعتكارلر لك هان هيسنك ، ترجيحكردلرى اولان كماتدن مركب برر لهجه مخصوص بيانلرى واردر ؛ سامى پاشاده سزائى بكده دائماً كوزه چاربان « اساطير ، ييزانس » كمللرى ، فائق عاليده دائماً تكرر ايدن « معبد ، ابديت ، الهى ، ازليت ، اعصار ، سرمدى » لفظلرى بوقيلنددر .

آنتوان آلبالا ، بويله اساساً كوزل واصل كمللردن بحث ايدركن دييوركه : « اسكى بررنك خصوصيتى ، يونان و يالاتين لون مخصوصنى حائز بعض كمللر واردر . بر آهنگ مخصوصه مالك اولان كمللر كوزل براسلوبده حسن صورتله استعمال اولنديغنى تقديرده فوق العاده نتيجهلر ويرير . » ايشته فائق عاليدن نقل ايتديكمز آتيدهكى پارچه ، بر آهنگ مخصوصه مالك اولان اصل كمللر لك حسن صورتله استعمالندن موسيقى بيانى تأمين ايجون نه قدر استفاده ايديله جكنى كوستره بيلير :

خالد ضیانک، سلیمان نظیفک بر صحیفه نثری، حامدک، اکرمک، فکرتک
بر منظومه سندن دها آز آهنگدار دکلدر .

آهنک تقدیری : کلماتک آهنگندن بحث ایدرکن، هر کله کله
آیری بر آهنگه مالک اولدیغنی سویله مشدک، کلماتک بو خواصی
مهمه سندن استفاده ایدن صنعتکارلر، موضوعک آهنگ طبعیسنی
آهنگ کلمات ایله تقلید واحساس ایدرلرکه بو کا آهنگ تقلیدی
دیرلر .

اصواتی تقلید ایچون اک زیاده الفاظ صوتیه نامی ویریلن کله لر
قوللانیلیر دلالت ایتدکلی شیه موضوعلری آره سنده مناسبت بولنان
« طنطنه، قعقه، ولوله، زمزمه، شیریلی، کومبوردی » کبی
لفظلره الفاظ صوتیه دیرلر . الفاظ تصویریه ایله وجوده کتیریلن آهنگ
تقلیدی یه اک ای مثال توفیق فکرت « بکک » نفی حقنده کی منظومه
مشهوره سیدر :

صانکه بر معرکه، بر معرکه جوشا جوش :
صیت ولوال وغا، ولوله چنک جیوش،
سوسر وعد هیا های ولهزای صفوف،
سوسو برق چکا چاک شرناک سیوف،
حمله صفشکن جانفکن پیل دمان،
صوت کرزگران، ضربت شمشیر و سنان .
کوس و تقاره هم آهنگ غریو هجمات
کوپورور هرکوشه دن دمدمه دیومات ؛
نعره لر مشته زن طبل صماخ کردون ؛
صدمه لر، زلزله لر خدشه رس قلب منون .
آتیلیر هر یانه بیک رخس صواعق پیرو،
کرد خشیته طولار کنبد وارونه جو . . .

آهنك اعتباريله نه قدر فایض اولدینی آ کلاشلیر . مال و معنا اعتباريله هیچده جالب دقت اولمایان بر طاقم ابیات و مصاریع قدیمه واردر که صرف آهنکلری سبيله حافظه مزی حالا اشغال ایدرلر .

آهنك نظمده اولدینی کبی نثرده موجوددر . آرده کی فرق ، آهنك نظمك قواعد معینه تبعتی اعتباريله دهاقولای محسوس اولمسی آهنك نثرك ایسه ده قاریشیق ودها آز محسوس بولنه سیدر . کله لرك ، ترکیلرك ، جمله لرك طرز تحریرنده ، صورت توزیع و ترتینده اویله بر مهارت استادانه لازمدر که آردهن چیقاریله جق بر کله ، بر ترکیب موسیقی بیانی در حال خللدار ایتسین . چونکه نظم کبی نثرکده بر موسیقی مخصوصی واردر ؛ صنعت ، او آهنك نقیسی وجوده کتیره بیلیمکده دره . جمله لر ، یکدیگرینه ایجه مربوط ، ای نتیجه لنش و متناسب اولورسه ، توازن و تعادلدن محروم بولنمازسه اوزمان نثرده بر آهنك مخصوص حس اولونور . فرانسز حکایه نویس لرندن « کی دوموسان » محرر شهر فلوبهرك تأمین آهنك ایچون ناصل چالشدیغنی شو صورتله تعریف ایدیور :

« بعضاً فلوبه رقاز تویندن قلملرله مالامال ، شرق محسولاتندن معدنی بر طبقك ایچنه قلمنی آتارق کاغذینی آلیور . کوره بیلجك بر مرتبه یه قدر یوکسه لیدیور ، وبر دیرسکنه طایانه رق اونی یوکك ، وقوتلی بر سسله اوقوبوردی . فلوبه بر بوضورتله نثرینك وزن و قافیه سنی دیکلیور ، بر آهنك کرزانی الده ایده بيمك مقصديله توقف ایدرك آتات اصواتی یکدیگريله مقایسه ایدیور ، حس ایتدیکی فضا طنطلی بر برندن اوزافلاشدیریور ، کمال دقت و اهتمامله وبر کولرك موقعی تعیین ایدیوردی . »

فلوبهرك نثرده تأمین آهنك ایچون صرف ایتدیکی بو غیرت واضح بر صورتده کویستریور که نظمده اولدینی کبی نثرده بر وزن ، بر آهنك مخصوص موجوددر . فی الحقیقه ، بر منتسب ادب ایچون جنا بك ،

تتابع اضافات ، همان تنافر قدر مغل آهنگ بر تقیصه در . ترجمه
 اضافت کرده متممك ايکيدن فضله اولمه سی اک مضر بر شیدر :
 « واپورك پروانه سنك کورولتوسی » مثالنده اولدینی کبی . فارسی
 اضافت کرده متممك ايکيدن فضله اولمه سی ، نثرده براز آهنگی اخلاص
 ایدرسه ده ، نظمده هیچ بر مضرتی داعی اولماز :

و بحر مظل هستیده مضطرب ، عجم ،
 غم آزمای تقاضای عصر اولان روحم ...
 بوتون متاعب اعصاری ایلر استحقار ...
 فائق عالی

علی السحرینه بن رهنورد هیچستان ،
 سیاه سزویلر آلتنده مغرب ، تنها ؛
 ایدر رشاشه مآله قلبی کریان
 بوتون ظلال کریزان فجر نو پیدا
 حسین سیرت

اماله وز حاف کبی اساساً مغل صحت اولان نقائص نظمیه نك آثار
 منظومه نك آهنگنی نه درجه اخلاص ایده جکی معلوم بولندیغندن
 بو خصوصده فضله معلومات اعطاسنه لزوم کورمه یورز .

نظم ونثرده آهنگ : کرک منظوم کرک منشور بالعموم آثار
 صنعتده آهنگک موجودیتنی بر سامعه وقوف و صنعتک اونی
 در حال آ کلایه بیله جکنی سویله مشدک . نظمده وبالخاصه عروض
 وزنلرینه تابع اولان طرز نظمده وزن اک مهم ، اک شایان
 دقت بر مولد آهنگ وظیفه سنی کوریور . عروض وزنی حقنده کی
 بحث مخصوصنه مراجعت ایدلدیکی تقدیرده ، بو طرز نظمک تولید

لسانمزد ، بینہ اصلہ سی اعتباریلہ بوکی سوء استعماللرہ پک چوق
میال اولدیغندن ، بوندن احتراز ایچون زیاده سیلہ صرف دقت ایتک
لازمدر . شاتوبریان ، فلوبر کی بویوک صنعتکارلر ، اثرلرنده کی
موسیقی بیانی محافظه مقصدیلہ کثرت تکراردن فوق العاده اجتناب ایدر ،
عادتابونی برصراق درجه سنه کوتورورلردی . محمد رؤف بکک «جدال»
نام تماشاسندن آلدیغمز فقره آتیہ ، کثرت تکرارک آهنکی نه قدر
بوزدیغنی کوستریور :

« خلقمزد ایچون دها یکی باشلامقده اولان تیاترو حیانه آلیدشوب اصابت
رأی صاحبی اولوق ایچہ بر زمانه متوقف اولقلہ برابر ، تماشاده موفقیت خلقک
ذوقنه . طابقتدن عبارت اولدیغندن تأمین موفقیت ایچون ، ذوقک حال
حاضرنی اولا تعیین ایتک لازمدر . »

مع مافیہ بعضاً افاده قوت وشدت ویرمک ، تأثیرینی تزیدایتک
ایچون بر کله ویا بر ترکیب بالاخیار تکرار اولونورکه بو ، بر نقیصه
دکل بالعکس بر مزیتدر . توفیق فیکرتک «سیس» منظومه مشهوره -
سندہ کی « ای » ندالری کی ... عبدالحق حامدک منظومه آتیہ سندہ کی
« تابوت » ک تکرریده افاده بالعکس قوت وشدت ویریور :

تابوت .. اورخمای مقبر ،
تابوت .. او هیکل مکدر ،
تابوت .. او خطیب صم وابکم
تابوت .. او برودت مجسم ،
تابوت .. او سکوت پای درس ،
تابوت .. او مصیبت مکرر ،
تابوت .. او وحشت معند ،
تابوت .. او مقبر سفربر ..

مخل آهنگك بيدر : مخل آهنگك اولان شيلر باشليجه تنافر ،
تكرر كلمات ، تتابع اضافات ، زحافات وامالات كبي نقيصه لردر كه
اونلرك كيمي سي صرف نظم ويانثره كيمي سي ده هم نظمه وهم نثره
شاملدر .

تنافر ، اثنای تلفظده لسانده عسرتي ايجاب ايدن نقيصه در كه
كله ده و تركيده اولور . تنافر نقيصه لرينه كرك نظمده كرك نثرده
صيق صيق تصادف ايديلير . « انحناءات ، قرقدرتدر مق » كله لري
كبي « قيريق قلب ، برهان نفوذ ، فرصت تكبر » تركيلري ده
متنافر در . تركيده تنافره ديكر بر مثال :

اويانوب بختمزده بر كابوس
ايكي روح اولدي بنته نابود :
سن تراب سپيده بر محبوبس ،
بن چليپاي غمده بر مصلوب .

جناب شهاب الدين

بوشب فرخنده ده ماهيه دن شهزاده ده
سير ايدنلر رسم تبغ ذوالفقار حيدري
چاي زاده عاصم

تكرر كلمات ، بر جمله ويا بر مصراعده عين بر كله ويا تركيبك
بر قاچ كره قوللانيلمه سيدر كه بوكا « كثرت تكرر » ده ديرلر . بو نقيصه
محرك فقر افكاريني ، ييوست خياليه سني كوسترديكی كبي ، اثرك
آهنكني ده تماماً اخلاص ايدر ، بالخاصه نثرده « اوني ، اوكا ، اوندن ، بو ،
شو ، اونك ، كندی » كبي كلماتك كثرت تكراري ، كذلك نظم
ونثرده « و » ادات عطفك فرط استعمالی ، آهنكي پك زياده مخلدر .

بر قاج بلوط بر برينك اوزرينه ييفيلوب بريكهرك اويله برشكل آماش كه قمرى بونلرك آره سنده ، قعر لاجوردى ليله - بزه بتون بعديتنى حس ايدهر ك - كوربيورم . دكر اوقدر راكددر كه قوى ظلمت ايچنده برآينه كې مظلم بر التاعله خواب آلود كورونيور . بوراده سما دها يقين ، قردها صولغون ، ايكي ساحلدن اينن ظلال نازلى نازلى طالفه ليركن قديفه ظن اولونيور ، قويك دكره ملاق اولدينى يرده الحان بوسش كې خفيف فشفشه لر وار . صوكره دكر امتداد ايدييور . واوراده ظلام ينه بريكهرك اناطولى يقه سى اتكلرينى سرييور . بو ظلامك فوقنده نارين بر بولوطك شفافيت باكرانه سى تيره يهر ك ، سمانك بوراده كى بايقين مائيلكي قرك تابش انواريله برلشهر ك خمور وپاك بر رنك ، يشبلى آكديرر معصوم بر رنك ايله دكر ك اوزافلاشدجه قورشونيله شن سطحنه عكس ايدييور ، اوفى مجرم بر تلاق ايله خفيف خفيف تلوين ايدييور . منظره اك ملول واك اميد پرور و نكلرك مستانه بر انحلالدن متحصل بر لرزه انوار ، بر منظومه الوان كې كتوم ، راكد ، تيره ك ...

محمد رؤف

محتويات منطضة قديمه سناك انقاض و اطلالى اوزرينه عصر لرجه كيزلى كيزلى ييغيله رق نهايت قبرستانلرله ويرنه لر آره سنده غائب اولان سوربى كرك داخلى ، انسانى آدمدن ايكي يوز بيك مخلوق مدر كه پناه معاشرت اولدينى زمانلر ده ، شطر العربله آق دكر آره سنده كى مسافه دها آز اوزون ، كونش دها آز قيزغين ، هوا ايله طوبراق امراض . ستوايه نك وسائط سرايتنى دها آز حامل ، طبيعت دها آز بى امان دكلدى .

سليمان نظيف

ايشته بومثالردن پك اعلا آكلاشيلور كه جمله لرك طرز ترتيننده كى فرقلر هيچ بروقت آهنگى اخلال ايدهميور . محمد رؤف وسليمان نظيف بكلرك اسلوب بيانلرى يكديكرينه هيچ بكره مهديكى حالده بو فرق و تخالف هر ايكي سنك اثرلرينى ده آهنگدار اولمقدن منع ايتمز .

ترتیبی اعتباریله قصورلی اولدیغی تقدیرده ، اولیله بر آهنگ وجوده کتیره مزه .

جمله لره موضوع ایله متناسب بر ترتیب آهنگدار ویرمک ، صنعت تحریرک پک بویوک و پک مهم بر سریدر . بو خصوصده ثابت و معین هیچ بر قاعده موجود اوله ماز . هر صنعتکار ، کندی درجه اقتدارینه کوره ، جمله لرینی شخصی بر صورتده ترتیبه و اولردن ایسته دیکی کبی بر آهنگ تأمیننه موفق اولور . عبدالحق حامدنه توفیق فکرتک ، خالد ضیا ایله جناب شهاب الدینک ، سلیمان نظیفله محمد رؤفک تشکیل و ترکیب جمل خصوصنده یکدیگرندن پک چوق ایرملری ، اشغال ایتدکاری مرتبه بلند ادبیدن اولری نذیل ایده مزه .

بعض محررلر اوزون جمله لر ، تمادی صفتلر ، معترضه لرله افاده مرام و تأمین آهنگ ایدر ؛ بعضیلری ایسه ، بالعکس قیصه جمله لر ، محدود صفتلره نالان و پرانکسار بر آهنگ وجوده کتیریر . بز بونلرک هر ایکیسنی ده تقدیر ایتمکه برابر هیچ بر وقت اولری یکدیگریله مقایسه یه و برینی نمونه آهنگ کبی کوستره رک دیکرینی معانبه یه قالدیشه مه یز . لسانک شیوه تعاملنه ، ترتیب منطقی نحو یسنه موافق ازملق شرطیله هر درلو جمله لرله تأمین آهنگ اولونه بیلیر ؛ فقط شیوه تعبیرونک غایت آلاستیقی و هر درلو تاویلات و تشریحاته مساعد اولدیغنی اونو تماملیدر . نحوه عادتیی جهتیله بو مبشده بزه تعلقی اولمیان جهتلردن صرف نظر ، بالعموم مسائل ادبیه کبی بوده نسبی ، سیال بر ذوق مسئله سندن عبارتدر . بو خصوصده کتیریلن ایکی مثال مسئله نی ده ائی توضیح ایده بیلیر :

اوزمان که ایدردی عکس قر
 صوده طرح ریاض برف و سمن،
 اوزمان که کلیردی هر یردن
 نغمه آب ایله بیاض سحر،
 اوزمان - آرمیده کوش و نظر -
 ایلوب ترك نایزار حزن،
 ساحل صاف بجره ایندم بن،
 سرمه اولدی برطاش اوستی مقر.
 غرق نور و سرور ایدی دریا:
 صانکه بر سسله بر بارلتی ایدی
 صوده هر قطره یی ایدن املا!
 کورولن بر ضیای شسته لقا،
 دو یولان طالتی بر چاغلتی ایدی:
 صانکه آغلاردی آب اینجده ضیا!

بواثرده قوللانیلمش اولان « نغمه آب »، « بیاض سحر »،
 « نایزار » کبی تراکیب و کلمات اساساً غایت لطیف بر قیمت موسیقیه
 مالک اولدقلری کبی، موضوعک موسیقی طبعیسیله ده غایت مکمل
 بر صورتده امتزاج ایتشلردر. کله لرك بالنفس حائز اولدقلری آهنگدن
 یعنی قیمت موسیقیه لرندن ماعدا، برده تشکلات مخصوصه لری، طرز
 مزج و تألیف لری اعتباریه آهنگلری واردر که بوده جمله لرك آهنگیدر.
 بر اثر ادبی اوقوندینی وقت، کله لرك آهنگ ذاتیسندن ماعدا ایکنجی
 بر آهنگ ده تفریق و حس اولونیر. جمله لرك طرز ترتیبی، صفتلرك
 مسندلرك، مسند الیه لرك طرز توزیع و استعمالی سامعه ده بعضاً اولیه
 بر موسیقی نوشین اویندیریر که بونی صرف کلماتک آهنگ ذاتیسنه
 اسناد ایده مه یز. انک آهنگدار کله لردن ترکیب ایدن جمله لر، طرز

درجه لزوم و اهمیتی حقنده بوقدر معلومات ویردیکمز آهنگ نهدر؟ آهنگ: کلمات و عباراتک معنای موسیقینی بیلهرک اونلری سامعهی خشنود ایده جک بر طرز مستحسنده قولالانمقدر. بوتعریفی لایقیله توضیح و تشریح ایچون آهنگ کلمات و جلی آیری آیری تدقیق ایتملی بز. کله لره آهنگی، کندی طنت اصلیه لرنده در. هر کله نک حتی بعضاً معنادن آیری، مستقل بر قیمت صوتیه سی وارد ره، عین مالی مفید دیگر کلمات ایله اونک موسیقی بیانی تأمین ممکن اولماز. کله لره ایسی، فاسی، آغیر آهنگلیسی، کورولتولوسی، خلاصه هر نوعی واردر. «طیقیرداته بیلماک»، «لقلقه کو»، «صقصقان» کبی حدذاتنده فنا و محترش بر آهنگه مالک کله لر موجود اولدینی کبی، «سکوت»، «رعشه»، «قیر»، «کول»، «ملال» کبی ظریف و آهنگدار کله لرده واردر. ایشه حقیقی بر صنعتکار، اساساً مخل آهنگ اولان کلماتدن اجتناب ایده ره، قیمت موسیقیه مالک، ظریف، نارین یاخود آغیر وطنان کله لر قولالانمیلدر.

بعضاً حدذاتنده لطیف بر آهنگه مالک اولان ایکی کله، یکدیگریله برلشدکری زمان سامعه خراش بر کورولتی، فنا بر آهنگ تولید ایده بیلرلر. مثلاً «زر» و «لرزش» کله لری آیری آیری کوزل اولدقلری حالده «زرلرزش» طرزنده برلشدکری زمان فابر آهنگ چقاریورلر فقط کلماتک آهنگند. بوندن زیاده روح موسیقیه دقت ایتمیلدر؛ صنعتکارک اصل موفقیتنی تأمین ایده جک جهت، آهنگ کلماتک، آهنگ طبیعی موضوع ایله متوافق بولونمه سیدر. جناب شهاب الدین بکک «آب و ضیا» نامنده کی منظومه سی آهنگ کلماتک آهنگ طبیعی موضوع ایله توافقه کوزل بر مثالدر:

بناءً عليه صرف سامعه ي ذوقياب ایدن آهنگدن محروم اولديني
تقديرده بونك بر قصور عد ايديله ميه جكني سويلورلر . آهنگك اك
زياده سامعه ي تلطيف ايتديكي محقق اولمغله برابر بو اعتراض اصلا
وارد اوله ماز: چونكه آثار قلميه نك ذوق سمعه عانده برروظيفه لري
واردر . بر فرانسز محررينك ديديكې كې « بر موسيقي شناس نوطه
دفترني كوزدن كچيرديكي ائنده قولاق لرنده ناصل اونغمات موسيقيه ي
ايشيتيرسه ادبياتدن بهره دار بر آدمده ، مثلاً بر مقاله ي اوقوركن
اونك سامعه ده آهنگني دويمغه موفق اولور »

آثار ادبيه ده اك چوق نظر اعتباره آلمه سي ايجاب ایدن ممتازيت ،
منقحيتدر ؛ اصالت و ممتازيتدن نصيبه دار و منقح اولان بر اثر اهنكدار
اولمديني تقديرده بيله ينه ذي حيات قالايلير و موقعي محافظه ايدر .
مثلاً « سن سيمون » ك اثرلري پك آز اهنكدار اولديني حالده كمال
لذتله اوقونور ؛ كذلك محمد رؤف بكك « ايلول » نامنده كي حكايه سي
آهنگسزلكه اك مكمل بر مثال عد ايديله بيلمكه برابر ، قيمت ادبيه سنه
اعتراض ممكن دكلدر .

هنك آء ، اساس و ماهيتي اعتباريله ساخته وجعلی برشی دكلدر ؛
بويوك بر صنعتكار ايجون ، نصيبه دار آهنگ اولان بر افاده ، افكارك
اك صميمي بر شكلي ديمكدر . مع مافيه بويوك بر اقتدار صنعتكارانه يه
مالك اولمايان محررلر ، بعضاً يالكرز شكل خارجيه بر آهنگ و انتظام
ويره رك بوضورتله اوكا اساساً مالك اولماديني بر قيمت بخش ايتك
ايسترلر ؛ حالبوكه بوياكلش بر اصولدر . آهنگك بر مزيت مهمه ،
برخاصه اساسيه حالي آلايلمه سي آنجق مزيات سائرء ادبيه يه انضماميه
يعني اصالت و منقحيتله توأم اولمسيله در .

طوغری یه تقلید ایدرسه کز کمال بکک مقلدی « وجیهی » کبی حیات ادبیه کز پک آز دوام ایدر ، اولور . ادبیات عثمانیه ده برچوق سیمالر واردر که « نظیره جیلک » ابتلاسیله اثرلرینی بر خاتم شخصیت وابدیت له اورته مه مشلر ، زمانک استعداد فراموشیله مقبر کزین نسیان اولمشلردر . خلاصه تقلید دیمک مص و تمثیل دیمکدر . عادی قوییه جیلک تقلید ادبینک خارجنده در . بویوک دهالرك فکرلریله ، حسلریله ، خیاللریله مشبوع اولمق روحکزده کی مایه شخصیتی بسله مک ، وبونکله اونلره تفوق ایتمک دیمکدر .

حامدده « شکسیر » ک ، « راسینک » « لامارتینک » « حافظک » « سعدینک » « غالب دده نک » انقاس خیالیه وحسیه سندن منسوج بر ماضی سعه مالکدر ، فقط بونلردن او قدر آیری ، او قدر شخصی در که ... اصل مهارت صنعت شخصیتی اظهارده در .

۸

آهنک — کرک منشور کرک منظوم اولسون بالعموم آثار ادبیه ده نظر اعتباره آذان بر خصیصه ده آهنکدر . بر اسلوبده ممتازیت و متفحیت نه قدر حائز اهمیت ایسه ، آهنکده اودرجه حائز اهمیتدر . بویوک شاعرلرك ، محررلرك آثارنده آهنکه تصادف ایتمه مک ممکن اولماز . « صنعت تحریر » مؤلفی آنتوان آلبالا : « آهنک ای بر اسلوبک اقسام متفرعه سندندر ؛ بتون بویوک محررلروحتی آهنکله استهزا ایدنلر بیله اثرلرنده آهنکی تأمین و تحریله مشغول اولمشلردر » دییور . آهنکدن محروم اولان بر افاده ، قوتندن پک چوق شی غائب ایدر . بعضیلری کتابلرك یالکسز حظ رؤیتی تأمینه مأمور اولدقلرینی ،

ینه منقده مشهور ره می دوغور مون « محررلردن اولانلرله اوله جققلر آره سنده کی تقلید ضروری، بر قاعده حالنده ذکری فائده سمر بر کیفیتدر .

شباب ایچون - متمد شباب ادبیلر واردر - تقدیر ایتک تقلید ایتمکدر . بو ایکی فعل بر ارتباط مقدرله بر برینه مر بو طدر . بر محررک دوره تقلیدیه سی تاریخ اعتباریله غایت مهمدر . نه قدر الهامک اساسلرینه ، دمانی تشکیل ایدن محسن ادبیه واقف اولونیرسه اوقدر محررک روحنه وقوف ونفوذ ممکندر . فقط منفعت حقیقه ، منفعت صنعتکارانه شخصیتک تحدشدن ، غیر قابل مقایسه برحاله کله سندن صکره باشلار « دیور .

بویوک بر محرر ، بویوک بر صنعتکار تقلید ایتمکه برابر زمانک موداسنه ، استادینک محیطنه تبعیت ایتمز . اونفوذ آلتنده بولمقدن زیاده کندی محیطی کنیدیسی تولید ایدر . دماغ بشر بر دکرمن کیدر ، اون یاپه بیلیمک ایچون بغدایه محتاجدر ، مع مافیہ ایی بر دکرمن بونی دهها اینجه ، دهها صاف ، دهها ایی بر صورتده وجوده کتیریر .

اگر بری « ییلدیرمک ییلاقوی حرکاتی صویه دوغری اینر ، دوشر « دیمشه سزده « ییلدیرمک اذیال آتشیینی صولر ایچنده بر صفیر دههاش ایله سوزر « دیکیز . . بری « دامارلرمدہ یانیغینلر قوشدی ، تیرہدم « دیمشه سزده « دامارلرمدہ کونشیر یاندی « دیکیز . [۱]

اگر بر باشقهلق ، بر تجدد وجوده کتیرمزسه کز طوغریدن

دها صوڪرا هاشمڪ ديدىكى ڪي بونون فڪر اعتباريله سويله نمه مش سوز يوق ڪيدر . يڪيدن تأسس وتشڪل ايدہ بيلنر پڪ آذرر . بونلره باشقه بر شڪل ويرمڪ مجبوريتي واردر ، تقليد ، ياخود تقليد تمثيلي بوني ايفايه مأموردر .

تفسير : باشقه بر اسلوبك افكار وحسياتي، خيالاتي مص وتمثيل ايله شخصيتمزدن ، خاطرات رؤيتمزدن بعض شيلر علاوہ ايدرك تزيين، اڪمال ، تجديد ايتمڪ ديمڪدر .

تقليدك اڪ زياده استناد ايتديكى نقطه شڪلدر ، شڪله ويريله جاك كوچڪ بر تبدل ، بر تجدد ايسه اساسه نفوذ ايدہ بيلير ، چونكه شڪل ايله اساسك عينيقي قاعدهسي بوني ايجاب ايدر ...

بر محرري تقليد ايتمڪ اتحال ايتمڪ ديمڪ دڪلدر . اونك منسوجات تحريره سنڪ آري آري مزاج و طبيعتي تحقيق ، خياللرنده ڪي ، حسلرنده ڪي ، فڪرلرنده ڪي ، افاده سنده ڪي ممتازيتك اسبابي تحري ايله مڪ ديمڪدر . بو صورتله حرڪت ايديليرسه تقليد مقبول ، شخصيت مؤمن اولور .

تؤفيل غوتيه « شعر تحصيل ايديلير بر صنعتدر » ديور . بو سوز قسماً طوغري ، قسماً ياكلشدر . زيرا شعر تحصيل ايديلير ديمڪ اساتذه ادبائي تقليد ايله الہ ايديلير بر صنعتدر ديمڪدر . اڪر بويله اولمش اولسهيدى .. بر رسام النده ڪي فورچه يني براقير ، بر قاچ آي ظرفنده تقليد ايله اديب اوله بيلير ، بر بقالده عيني صورتله اڪ بويوك محررلر صيره سنه ڪيره بيايردى . بو اوله ماز ، دستورده ڪي خطا بو نقطه دهدر ، حقيقت ايسه استعداد تقليده - تقليد تمثيلي يه - مالڪ اولانلر ايجون بونك ممڪن اوله بيلمه سندهدر .

تکاملات ابتدائیه می آورنده کی اعتیاد اندن معنا صاقلادینی ال مهم
خصیصه بودر .

ره می دوغورمون « تقلید یالان دکلدر، بوخاصه اصلیه وابتدائیه؛
بوتون مدنیّتک ، تولد جمعیتک ، تولد صنایع نفیسه نک ، تولد ادبیاتک
اساس واقنومی اولمق اعتباریله بالعکس صمیمیتدر . برطاقم محررلر ،
رساملر واردرکه صمیمیتلریله افتخار ایدرلر ، فیالحقیقه اونلری
باشقه صورته افاده وتبلیغ ایتمکده ممکن دکلدر . صمیمیدرلر ؛
زیرا کندیلرینی احاطه ایدن محیط ادبی یه ، محیط صنعتکارانه یه قارشو
طوره مزلر . برخیال ابداع ایله صمیمی بر صورتده مودا اولان
ادبیاتی ، مودا اولان رسمی تقلید ایدرلر . بونلر معدوم الفقرات
حیواناته مشاهددرلر ، دییور .

فیالحقیقه تقلید بوتون ادبیاتک اساسیدر . هیچ بر ادبیات
یوقدرکه ... خارجی بر مایه ایله نشوونما بولمش اولمه سین ! . عثمانیلر
عجم ادبیاتی تقلید ایله بر ماضی محتشم ادبیات ترک ایتمشلر، فرانسلرده
لاتین ، یونان ، انکلیز ، آلمان ادبیاتلرندن طویلاقلری مایه لرله
حرکات ادبیه لرنده کی تزلزلات محاسنی حصوله کتیره بیلمشلردر .

هرنسل کندندن اولکی نسلدن آتشی آلیر ، اونی بر آزیاقار،
کندندن صوکرکی نسله تودیع ایدر . هر صنعتکارک منابع الهامی
تدقیق ایدلدیکی زمان خاطره رؤیت ، خاطره حواس ، خلاصه
حساسیت خصوصیه وشخصیه سندن ماعدا بر باشقه شخصیتک
ایزلرینی حامل اولدینی کورولیر . دیمککه هر صنعتکار بر استادک
مقلیدر . دیمککه هر ادیب ، بر باشقه ادیبک شاگردیدر .

ذكانك ، جمعيتك ، تمايلات روحيه نك تكاملات و ترقياتندن متولد
 قطعى ، ثابت اولان كلماتى بربرندن آيرىمق ضرورىدر . « ژوبهر » ك
 « لسان تاريخى » ديهه توصيف ايتديكى مولود تصادف ، سرسرى
 كلماتى ممكن اولدينى قدر استعمال ايتكندن اجتناب لازمدر . خصوصيله
 ايجاد ايديلن كلمه ظرافت ، مطبوعيت ، آهنگ ، ادائى مؤدى خصوصنده
 مترادفى بولسان كلماتك فوقنده بولمليدر ، يوقسه بونلرى ايجاد ويا
 احيا ايتك فائدهدن زياده ضررى مؤدى اوله بيلير . بويله بر كلمه ي
 قوللانمقدن آباء و اجدادك وضع ايتدكلرى لسان داخلنده يورومك
 دها آييدر . احمد هاشم « لسانى يكي و آهنگدار بر كلمه ايله
 زنكيشديره جك اولان كيمسه نك بويوك بر صنعتكار اوله جغندن
 شبهه ايتمه مليز ، آثار ادبيه فكر اعتباريله حائز اهميت دكلدر . ذروه
 ذكا اوزرنده ياشايان آثار مؤبده نك ، بونقطه نظردن قسماً بر اثر
 مسروق اولدقلىرى بوكون هر كس آكلادى . شكسپير ، فكرلىرى
 دكل يالكز كلمه لىرى ، يالكز جمله لىرى ايجاد ايدميشدر . واونك
 فسون الفاظدن تجريد ايدلش سوزلرى ، لاعلى التعيين بر آدمك
 سويله يه بيله جكي شيلردن فرقى دكلدر . او سوزلر هر كسك اوله بيلير ،
 قناعاتك دائماً دكشمه لرينه رغماً آثارى جمله ازمانه قارشو يالكز
 شكلك كوزللكى وقايه ايدر » دييور .

تمنازيت بختنده تقليد مسئله سيله ده قارشىلاشيرز :

فى الحقيقه تقليد غايت مهم بر مسئله در ، حتى بوكلمه نك معناسنه
 بر آزده حركت ويرمك مجبوريتنده يز . . تقليد ديمك قوپيه جيلك
 ديمك دكلدر ، ادبياتده تقليد مص و تمثيل مقامنده قوللانمقده در .
 انسانلر بوتون حيات اجتماعيه ده كي ترقياتى تقليده مديوندرلر . بشرپتك

دیمک که لسانلرده ادبیات کی اشکال جمعیتک حرکاتنی تعقیب ایدیورلر. بر جمعیت تأسس و تقرر ایدر ایتمز؛ لسانده تأسس و تقرر ایدر. مع مافیه حال توقفده قالماز؛ نامرئی، بطی حرکتلرله ینه ایلرلر، تفرعات و جزئیاتده بر طاقم آنات خصوصیه اراشهسندن خالی قالماز. فقط بونلرده اختیارلر، بونلرده حیاتلرنده کی نسغ طراوتی غیب ایدرلر. اساساً بر کله دیمک بر فکر دیمکدر، مادامکه بر کله بر فکردر، اونک حیات بشریه مشابه بر حیاتی واردر. تنک دیدیکی کبی مبادیسنده بر کله نسغ حیات ایله مشحون پر حس و حیات طومور جقلره بکزر؛ زمان ایله سرتله شیر، صولار، اودون پارچه لری کبی اولور.

بو مطالعاته بناءً «ایجاد کلمات» بر ضرورت اجتماعی و لسانیه در. دها صوکر لساندهده مودا بوتون قوت و نفوذیه اجرای تأثیر ایدر. مودا دیمک حیاتده کی یکنسقی بی حرکتیه تبدیل ایتمک دیمکدر. بعض زمانلر پک زیاده قولانلین کله لر بالاخره ترک ایدیلرک، یرلرینی باشقه کله لره براقیرلر.. کله لرده برر ذوقدر: «رهمی دوغورمون» کله لردن آلان ذوق و حظ، افکارک بخش ایتدیکی اذواقه نسبتله دها زیادهدر «دیمشدر. مادامکه کله لر باشلی باشنه» فائده «ویرر برر «ذوق» درلر، بوتون اذواق کبی زمانک «جدول قیمنده» موقعلرینی تبدیل ایدرلر.. ترویجده بو احتیاجک مولودیدر.

ترجیح: اساتذۀ ادبانک استعمال ایتدکلری کلماتدن مقبر نسیانه کومولش اولانلری تکرار اخراج ایله احیا ایتمک دیمکدر.

مع مافیه بوراده بعض قیوداته رعایت مجبوریتده بولونیرز. مودانک موقع تداوله وضع ایتدیکی کله لردن حیات موقته مالک اولانلره

ایجاد : بر احتیاج ولزومه بناء مأخذمن اولان السنه دن بر کلمه یی استخراج ایدوب قوللایمق ویاخود اساساً بولنان بر کلمه یی یکی بر حرکت معنا ویرمکدر .

حیات اجتماعی ده کی تکاملات احتیاج ایجاد ی کوندن کونه تزید ایدیور . چونکه فکر لاینقطع تبدلات و ترقیات ایچنده بولنمقده در . علومک ، صنایعک ترقیاتی ، سیاسی ، اقتصادی ، اجتماعی ، دینی تجدیدات و انقلابات کوندن کونه دهها زیاده محسوس ، دهها زیاده نظر فریب بر شکل آلیور . بولنردن دماغ بشرده افکار جدیده طومور جقلری تولد ایدیور ، افکار عتیقه استحاله یه اوغرایور . بناء علیه الفاظ جدیده استعمالی ضرورتی قارشوسنده بولنمق غیر قابل اجتناب بر کیفیت ، بوخصوصه کی تجدیداته قارشو عما ایسه بر بلاهتدر . اون برنجی عصرده کی بر شخص کی دوشونمک ، بر ناجی لسانیه یازمغه قالمق ، معاسز برسی ایله یورلمق دیمکدر .

ابتدای بشریتده کلملر اشیانک بررتمثال صوتیسی ایدیلر ، بربرندن اوزاق مسافه لرله آیرلمش اولان انسانلر باشقه باشقه مناظر ، باشقه باشقه احتیاجات داخلنده بولندیلر . تأثرات و تحسسانه کوره هربری اللری ، ویاسمالری اویساتدیلر ، برر صوت مخصوص چیقاردیلر ، بولنرک تکرری لسانلری ایجاد ایتدی . مبادیده لسانلر آکلاشیله مه یه حق درجه ده تحولاته اوغرایورلردی . بر عصر اولکیلرله بر عصر صوکر اکیلرک لسانلری آره سنده تبدلات و تکاملاتدن طولانی درین اوچوروملر بولونیوردی . تدریجاً بوسرعت بطائت کسب ایتمه باشلادی . اشکال جمعیتک تقرر و تشکیله اشیا ی خارجیه دن طولانه بیله جک تحسسان و تأثرات ده تعین و تقرر ایتمش بولنیوردی .

آتش می باغار هوا یوزدن
 کلهی بتر اشتکا یوزدن
 بیلمز بری خاك و آسمانی
 سچمز کوزی نجم کلمستانی
 مجنون کبی هر بری کزدر
 اما قتی سرسری کزدر
 هر فصلی بهارینه قیاس ایت
 سوبلتمه خزانلرین هر اس ایت

غالب دده نك قوی مخیله سی کله لره باشقه بر زندگی ، باشقه بر روح ، باشقه قوت و یردیکی کبی ، کله لرده خیال لرینه ، فکر لرینه بر تازه لك ، بر جیادت و یریور .

افکار کله لری ایجاد ایده بیلدیکی کبی کله لرده افکاری ایجاد ایدر لر . احمد هاشم بك « کله لر » نامنده کی مقاله سنده « کله نك فکری ایجاد ایتمش اولمه سی محقق ایسه » کله « نك ده بویوک بر قسم افکاری تولید ایتمش اولمه سی محتملدر ، ایلك آدم لر ، دیشاریدن کلن تأثرات اوکنده کی حالت حسیله لرینی آز ویا چوق دوام ایدن ، ساکن ، اینیلتیلی ویا فریاده بکزر سسلرله ضبط و تأیید ایتدی لر . او تأثراته یابانچی قالمش کیمسه لر اوکنده عین سسلرک تکرار ایدلمسی ، بی شبهه ، اولرده ده عین حالت حسیه نی ایجاد کفایت ایده بیلمشدر . بوندن ماعدا ، بعض کله لرک مختلف مخیله لرده اویانیدردقلری افکار ایله کنیشه یه بیلملری ، کله لرک خلق افکاره مستعد اوله بیله چکنه بلکه آری بر دلیل اوله بیلور « دیور که پک طوغریدر .

فی الحقیقه ، کله لرک متمایزیتده پک بیوک دخل و تأثیری واردر . بونقظه ده بر مسئله ایله قارشیلایورز : ایجاد و ترویج الفاظ مسئله سی .

اول سمتہ کلنچہ نو بہاران
 صحراہ اولور دیلر کریران
 پیوند ایدوب آہ وداغی داغہ
 چون برق کیدر لر ایدی باغہ
 مقصود لری همان آقر صو
 یکسان لب شرحہ و لب جو
 شبوئی کوریر کبی صانور شب
 گیمبسی دہ سنبلہ دیر عقرب
 داغ غمی کلکشان صانور لر
 قان ایرماغن ارغوان صانور لر
 ہر بری کزر کنار باغی
 در شیر دیک لالہ کندی داغی
 بیلمز بری ذوق بوستانی
 آلمش آفی درد دلستانی
 بیلمز کہ نہ در نہال کلنار
 آتشی بتوردی یوقسہ کلزار
 کلکی کولر ارغوانی آغلر
 اطفال نہال قائمی آغلر
 بلبلدہ می کلدہ می بوافغان
 سنبلہی اولان عجب پریشان
 جوبارہ نیچون اورولدی زنجیر
 طور مضینہ کیمدن اولدی دلگیر
 کیمدر دوشیرن ہواہہ سروی
 آلمز قناد آلتینہ تذر وی
 دردی نہ کہ ترکس اولدی بیمار
 باقزمی یوزبنہ یوخسہ دلدار

بعض محرر لر ایکی سطرده افاده ایدیله بیله جک بر شیئی سطر لرله یازار لر. کله لر کله لر ی معناسز ، رنگسز ، قسوت انکیز ، جانسز بر صورتده تعقیب ایدر. بونلرده بر یبوست حسیه ، یبوست فیکریه واردر. بر شیئی ذوق آور بر صورتده افاده یه مقتدر اوله مازلر ... « چوله طوفان کلمات یامق ایسته ینلر » دایما ممتاز یك حدودنده قالمش لر ، اونک دروننه داخل اوله مامش لر در .

ممتازیتده حسک ، تفکر کده بر حصه سی بولندیغه بناء ، تشبیه و استعاره ده نوین ، ممتاز ، علوی ، اصیل اولمیدر . باشقه لر ینک قوللاندقلری ، سویله دکاری تشبیه و استعاره لر ی تکرار ایتک ، ادبیاتده تجدد شرط و اساس اولمسنه ، شخصیت بر وصف قطعی و اصلی بولمسنه بناء ، قوییه جیلک دیمکدر .

ادبیات قدیمه عثمانیه ده کی نظیره جیلک ابتلاسی عصر لرجه ممتازیته بر مانع قوی تشکیل ایتمش ، بیکلرجه شعرا آراسنده آنجق بر قایچ ذات بر تجدد ، بر ممتازیت ، کوستره بیلیمشدر .

اسلوبده کی ممتازیت ، افکار ، خیالات ، کلمات ، تراکیب خصوصنده شخصیت تجدد دیمکدر .

ادبیات قدیمه عثمانیه ده خیلاتنه اک زیاده بر شکل مخصوص با کر ، بر افاده نوین و کزین ویره بیلان « غالب دده » در . مشار الیهک « حسن و عشق » ی ممتازیت ایچون سرتابیا بر مثال مؤبددر . بو اثر نفیسدن « در وصف بهار ایشان » سر لوحه لی پارچه یی اقتباس ایدیورز :

دائما کیرلی ، کیرلہنن برال ،
دائما آچاق ، آچالان بر امل ؛

دائما زورلایان ، قیران ، دہویرن ،
محو ایدن ... صوکرما محو اولان برتن ..
توفیق فیکرت

شو منظومہ دہ کی کلمات یالکز باشنہ قالدقیری تقدیردہ عادی
کورونہ جکلری حالده توفیق فیکرت بکک بنان فسونکاری آلتندہ
سوسلنمشلر ، کوزللہ نملشر ، عادیت ابتدائیلرینی غیب ایتشلردر .
وینہ عبدالحق حامدک :

وارکنز قیالردہ طاغده ، قیردہ
دوش بر چوقوردہ کبر ، قاقیردہ !

و :

اولسون دیہہ اشتہاسی زائل
باق ایتدہ دعوت رزائل !

ناموسعی بویله محوہ مشتاق
کیمدر بو قادین ؟ نہدر بو قالتاق ؟ !

سوزلرنده کی « کبر » « قاقیردہ » ، « قالتاق » سوزلری حسن
استعمال ایدلکلری ایچون معنالرنده کی غلظت وثقاتی ترک ایلہ بالعکس
تزیید هیجان بدیعی به وسیله اولمشلردر .

حتی بعض موضوعلر ، بعض پارچهلر بوکی کلماتک استعمالیلہ
اساسلرنده کی شدت وعلویت ، اصالت و ممتازیتی محافظه ایدہ بیلیرلر .
بر چوق محررلری عادیتہ ، ابتذاله دوشورن ، کلهلردن زیاده
فکرلرنده کی ، اساسده کی بوشاق ، هیچلک ، عادیلک ، ابتذالدر .

مقدم طبعمه دیوان منیف اولسه حصیر
 قدر اجلاله نسبتله دکدر شایان
 عرفان پاشا

« صولجان قضا » ، « ایشر کدی » ، « مقدم طبعمه دیوان منیف
 حصیر اولسه » سوزلری، شکلریله اوقدر عادی، اوقدر صوئوق، اوقدر
 نظر خراش که عادتیک ، عدم ممتازیتک اک واضح مثاللری عد
 اولونه بیلیر . بو مثاللرده کله لرك عادیتدن باشقه حس ، خیال ، فکر
 اعتباریله ده ثقلت بارزه موجوددر . حالبوکه بردست مهارتکار صنعت
 اک غلیظ کله یه بیله بعضاً بر سیای اصالت و ممتازیت ویرر :

نه دیوردک بافی : آدم اولادی
 جانی بر جیفه ، بر یورور پیختی .
 صالیه ، یاخود یالان قوصان بر آغیز
 بر تعضوکه قان ، ایرین یالکز ،
 قوجه مان بر قارین ، کوچک بر باش :
 آرز دوشون ، چوق یه ، دائما اوغراش ؛
 قلبی امید و حرصه چاه شئون ؛
 حرص و امید آت ، مضیقه خون .
 بینی بر مضطرب جهاز عصب ،
 اونی قالدیر ، قالان چور وک برقاب ؛
 بر سیکیر پنجه سنده هر میلی ؛
 هر کولومسن بر تشنج عضلی .
 ذلت اوستنده بر جلای غرور
 دائما آج بر احتیاج غفور ؛

جهتله ، پك بويوك تلقى ايديلن — ماهيتلىرى اعتباريله مع التأسف كوچك بيله اوله ميان. — محرر لر ينك عدم اقتدار صنعتكارانه سنه شاهددر. بزده كي « فترت ادبيه » دوره سي بوكي عادى آثارك محشر ظهور وانتشارى اولمشدر. معلم ناجى افندى اكثرثيا عدم ممتازيتك امثال عديده سنى تشكيل ايده بيله جك مقالات ومكاتب وجوده كترمش ونشر ايتمشدر.

« طونه مطبعه سنده آريجه طبع اولنه رق غزته نك مش تريلرينه هديه طرزنده برر نسخه سي اعطا وارسال ايدلمش اولان « قلم » رديفلى قصيده كترانه نظيره اولقى اوزره انشا واهدا بيوريلان نظم بليغ عارفانه لرى بنده لرى كي هنوز سوز سويلكه ياخود يازمه باشلامش اولان ارباب هوس ايچون مشق ايدنه جك بر نسخه كمال اولديغنى انكار ايده جك هيچ برقيمت سنج مقال بولنه من » ،

« قصيده كترانه » ، « نظم بليغ عارفانه » ، « ارباب هوس » ، « نسخه كمال » كي سوزلر محويت واحترامك سنه لردنبرى قلمدن قلمه دوشن اشكال مبتذله سيدر. اكر بونلر ايچون بر فهرست يايىق ممكن اولسه يدي صحيفه لر طولدير مق لازم كليردى .

عادت يالكز هر كسك قوللاندقلىرى قوللانمقده حصوله كلز . عادى ، باياغى كلمانى حسن استعمال ايده مامكه ده بومرض تحريرك معلولى اولقى ممكندر . كله لرى موقعنده قوللانمقده بونك مولدى در .

فضاى فقر و فلاكتده صولجان قضا
كتوردى كوى صفت دونه دونه باشمه حال
باقى

دلدن سوررقنى سپه فكر فاسدى
ابريك مى كهى كوكبكندن ايشم كدى
مئيىف

حادثات روحیه بونک مسببدر ، بونک مقابلنده بر «ممتازیت» ک بولنمی ضروریدر .

«ممتازت» ، اسلوبک یعنی طرز تفکرک ، طرز تحسسک ، طرز افاده نک عادی افکاردن ، عادی حسیاتدن ، قبا ، ثقیل ، بایاغی الفاظ و جملدن عاری بولنمنه دیرلر . . خلاصه شخصیت خصوصیه نک افاده و تبلیغ ایدیه بیلمننه «ممتازیت» ، بونی ایفا ایدمه یوبده لسانده ، افکارده طولاشه طولاشه برر باصمه قالب حالنه کلن اشکالی تکرار ایتمه «ابتدال» دیرلر .

بعضیلری «اصالت» ایله «ممتازیت» ی آیریورلر ؛ و دیورلرکه پک نجیب ، هر درلو افکار فاسده دن عاری بولسان آئارده اصالت موجوددر . حالبوکه ممتاز اولان بر اثر دایما پاک ونجبیدر . بر اثر ضعیفکارانه بذانه حسن اولمنه بناءً دایما بر عامل اخلاقیدر . بناءً علیه اصالتله ، ممتازیتی آیرمق طوغری دکلددر . بر اثر ممتاز اولمایدرکه اثر صنعت تلقی ایدلسین !.. حسنک افاده سندن باشقه بر شی اوله یان صنعتده اخلاقسزلق تصویریه ممتازیتک اوزرنده برده اصالت بولندیرمق غیر طبیعی تصنیفاتک فهرسته بی لزوم بر اسم علاوه سندن باشقه بر شی دکلددر . بونک ایچون بزممتازیتله اصالتی بربرندن آیرمیورز .

عادیت و ابتدال ایله آلوده اولان بر اثر نه قدر اخلاقی اولورسه اولسون ینه مطلوب اولان تأثیری حصوله کتیره مز ، اساسک نجات وعلویتنه شکلده معاونت ایتلیدر . حالبوکه شکل و اساسک ابتدال وعادیتدن عاری اولسی ممتازیتدر .

برچوق آئار واردرکه بومزیته ، بوخصیصیه مالک اوله مه دقلری

بعضاً اونلره بوبرقاج کله کفایت ایتمز ، ده‌زایده حس‌ایدِر کِی کورونمک ایسترلر . صفت مرکبه‌لردن ، جمله‌لردن پک حاضر اولانلر اونلرک لهجه‌لری حکمنه کیرر . اولکیلره نسبتله بونلر فضله بر قاج جمله ، بر قاج سوز بیلیرلر . بر پاپاغان کِی تکرار ایدرلر ، بونکله مغرور اولورلر .

تکلم خصوصنده کِی بو عسرت ، بو هیچی یازی خصوصنده کورولیر . . . بر چوق کیمسه‌لر غزته‌لرده ، کتابلرده اوقودقلری ترکیلری ، جمله‌لری ازبرلرلر ، اونلری لازم اولدینی وقت خاطره‌لردن چیقاریرلر ، کاغدلره نقل ایدرلر .

بو ابتدالدر ، سقیم بر اعتیاددر . تکاسل و بطاشتک اِ بویوک اماره‌سی ، اک بویوک دلیلدر . زیرا کله‌لرک ، خیاللرک ایجادندن زیاده اونلری حاضر ، باشقه‌لرینک ودیعه‌سی اوله‌رق قوللانمق ده‌ا قولایدِر . بر شکل ممتازی ، بر فکر شخصی‌یی ایجاد ایچون ایسه چوق چالشمق ، چوق دوشونمک ، چوق ترله‌مک لازمدر .

یازی یازمقدن مقصد اثره بر شخصیت مخصوصه علاوه ایدمبیلیمکدر ؛ بونی علاوه ایدمبیلیمک ایسه حس ، فکر ، خیال ، لسان اعتباریله سائرلرینه تفوق ایتمک ، اونلردن آیرلمق دیمکدر . ایجاد وخیال الفاظی کوره‌بیله‌جک بر قابلیت مخصوصه دماغیه ، ایجه ، نافذ بر مخلیه‌یه ، طاشقین ، شخصی بر تحسسه مالک اوله‌مه‌یانلر عادی محررلر صیره‌سندمه بولونیرلر . فکر مزه ، حس مزه بر شکل نوین ، افاده‌مزه ، بر تجدد کزین ویره‌مزسه‌ک عادی قوییه‌جیلردن بر دقیقه اوزاقلاشه‌مه‌یز .

مادامکه بر ابتدال وارددر ، مادامکه شمدی‌یه قدر ایضاح ایتدیکمز

یوقدر . کله آز چوق افاده اییدیکی شیئی سامعک دماغنده ایقاظ ایدمبیلیر ؛ فقط اکثریا اشیا بو کلهیی خاطرده ایصال ایدممز . بر افادهیی آ کلامق دیمک اونو افادهیه قابلیته مالک اولق دیمک دکلدر ، محدود بر دائره کلمات داخلنده بولنان بر ذکا آچدر ، فکرلرینی توسیع و اکماله موفق اولممز ؛ مهم ، قرارسز تمایلات ایچنده بوغولیر ، قالیر ، تصادفاتک لطف اعانتیه آنجق تحصیل ایدیله بیلن اشکال ابتدائیة افادهیه مربوط بولونیر .

ایشته لسانه عدم مالکیت موافقتک ا بویوک دشمنیدر . بناءً علیه لسانه تمامیه صاحب اولمی ، الفاظ مترادفه آره سسندمکی فرقی بیلملیدر .

خلاصه موافقت ایچون بر صماخ موسیقیه وعین زمانده لسانه ، نفوذ نظره مالکیت لازمه دندر .

V

ممنازیت و اصاله . — فکر بشرده غریب بر محدودیت ، غریب بر قوییه جیلک موجوددر . پک چوق کیمسه لر وارددر ، که بر قاچ کله ایله حیات مادیه و مغنویه دن کوردکلری ، حس ایتدکلری شیلری افاده واحساس ایدرلر . « نفیس » ، « کوزل » ، « خوش » ، « خارق العاده » ، « اعلی » کبی کله لر بو ذواتک مخفضة دماغیه لرندمکی ثروت زینتدر . آثار صنعتدن برشیئی کوردیلر می ، نفیس ، کوزل کله سنی سوبلر لر ، آ کلاویه مدقلری برشیئک حضورنده بولندیلر می ، بالاتررد « خارق العاده » دیرلر .. کیفکز نصل دیدیکزمی « اعلی » ، بویمک نصل دیدیکزمی « اعلی » جوابی ویریرلر . خلاصه هر شی اونلرک نظرندم « اعلی » در ،

شعر مشهورى ناصل منفتح ايسه ، عبدالحق حامدك :

نته كيم خاك ايجنده بىك حشرات
 بسلىر سايه سنده اجسادك ،
 بوليور نغشك اوزره اولادك
 هر جريحه كده بىك غداى حيات .
 نه بويوكدر سنك بو احسانك !
 دها قدسى اوشير مادر دن ،
 دها شيرين دهان دلبردن ،
 دها روتقى رنك خاور دن ،
 دها رنكبن حياض كوئردن .

شعرى ده ، بوتون اوتكرير اتيلاه برابر ، هيچ بر زمان محروم منقحيه
 صاييله ماز : بالعكس اوتكرير ات ، افاده يه ويرديكى قوت سبيله ،
 منقحيه تاينه پك چوق خادمدر .

۹

موافقت . — فكر لر لك ، حسرك ، خلاصه خاطرات تهيجيه
 و رؤيته نك اك او يغون ، اك مناسب كلمه لرله افاده سنه موافقت دير لر .
 حيايات و افكار من طلوع ايتديكى زمانده ياشديد ويا ملايم اولور .
 بونلره كوره برر كلمه بولمق ، مترادفلر آره سندن اك مناسبى بولوب
 آيرمق ، آز چوق واسع براستعداد صنعته متوقف بر كيفيتدر .
 بونك ايچون اولاموسيقى كلماتى تفريق و تعيين ايده بيله جك بر
 استعداد سمعى يه احتياج واردر ، ثانياً كلمه لرله بحق مالك و صاحب
 اولمق مقتضيدر . فنا اسلوبك اسباب اساسيه سندن برى ده جهالت
 لسانيه در . بونك قدر دوشونمكه ، يازمغه مانع اولان هيچ برشى

پنجره سبندن معروض طوتار . . . طاوان بر بدیعہ صنعتدر : رسام کویا
بو خوابگاه لطیف بکارتی بر لیل دلربای پرتوبار ، برکنبد سماوی پرتانوار
ایله اورتک ایسته مش کبی . . . بوبستر پرخولیای و پرشباب اوزرینه منور ،
مکوکب برسمای پرخولیای و پرشباب چکمش . . . »

غایت محمول ، آغیر بر افاده ایله بی لزوم بر صورتده اوزایان بو
اوطه تصویری اوقدر مزعجدرکه قارئک اونو اوقورکن یورولوب
صیقله ماسی ممکن دکلدر . حالوکه عین محرر صنعتکار ، مؤخرآ
یازدیغی حکایه لرنده ، اک نا قابل تصویر ظن اولنان بدایع طبیعی بی
بر قاج سطر ایجازکار ایله یاشاته جق قدر بر قدرت استادانه
کوسترمشدر .

بعض مؤلفر ، منقحیت ایله کثاردن ماعدابرده « اطناب مقبول »
قبول ایدرک ، سوز بر نکته یه ویا بر لزومه مبنی اوزاتیلدیغی زمان اوکا
بونامی اضافه ایدیورلر . بزم نقطه نظر مزه کوره بو طرز تصنیف
عندی ویا کاشدر .

برافاده کرک تزیید شدت و کرک تزیین ایچون اوزاتیلدیغی زمان ،
هیچ بر وقت منقحیتی غایب ایتمش صایله ماز . ذوق بدیی تأمینی
وظیفه سیله مکلف اولان آثار ادبیه سوسدن ، تزییناتدن آزاده
اولامیه جفی جهتله ، اوسوسلری ، مزیناتی مخل منقحیت عد ایدرک
اوکا آریجه « اطناب مقبول » نامنی ویرمک غیر منطقی بر حرکت
اولور . مثلاً روحی بغدادینک :

خوش کوشه ذوق ایدی صفا اهلنه عالم
بر حال ایله سورسیدی اکر عمرینی آدم
صحت صوکی درد اولسه وصلت صوکی هجران
نوش آخری نبش اولسه سور آخری ماتم

کلمات ايله بيان ايدلمه يه رك بر چوق زواند ايله مالامال اولماسى يعنى محروم منقحيت بولمه سى اكثار دنيلن نقيصه ينى توليد ايدر. صنعتكارك موفقيتى نقطه نظرندن بونك نه قدر تهلكه لى اولديغنى ايضاحه حاجت يوقدر. ضيا پاشانك :

هنكام هرمده سويله مشدر
پير اولدينى دمنده سويله مشدر

بيتى بونقيصه يه پك ابي بومثالدر. شاعر مشهور نايينك، «خيريه» نامنده كى اثرينى اختيارلغنده يازديغنى آكلاقمق ايچون «هنكام هرمده سويله مشدر» مصراعى كافى ايكن ، عين معنائى مفيد ايكنجى بر مصراع ده ايرادى مغل منقحيتدر . اكشارى موجب اولان شى ، يالكز بويله عين معناده مصراعلى ، ياخود :

ايشم قره كيجه تاسيچ ناله و فرياد
نه ويرسه لر آكاشا كر ، نه قيلسه لر آكاشاد
فضولى

كوبك آغاچلىرى آلتنده مختفى ونهان
فزلرك متفكر ضيالرى بيتاب
حسين سيرت

ييتلرنده اولدينى كېي « ناله و فرياد، مختفى ونهان ، جهل ونادانى ، مديد و ممدود ، وقت وزمان » كېي كلمات مترادفه استعمالندن عبارت دكلدر ؛ مثلاً بر رومانده هيچ لزومى اولميان شيلرك اوزون اوزاديه تعريف و تصويرى ده اكشارى جلب ايدر. نته كيم خالد ضيابك «نميده» نامنده كى روماننده ، بر اوطه ينى تصوير ايدر كن بونقيصه يه دوشم مشدر :
« سمى بهار تلاطمزار لاجورد يسنى ، انوار ليال شعر خندا خند ينى ، آفاق خوليا طوفان اشعه فشاني كنچ قيزك پيش نكاهنه او اوطه نك كوچوك

افکار و حسیاتی مکمل و ناقابل مواخذہ بر صورتہ تبلیغ ایتک ایستہین ہر تحریر اثر لرنندہ منقحیتہ دقت ایتکہ ، بی لزوم کله لر ، پارلاق جملہ لر استعمالندن چکنمکہ مجبوردر ؛ بونک ایچون ایسه ہی ودقت همان ہر شیدن چوق لازمدر . بر صنعتکار نہ قدر بویوک براستعدادہ مالک اولورسہ اولسون ، اثر لرنی کمال اعتنا ایلہ یازمہ دیغی تقدیردہ منقحیتی تأمینہ موفق اولہ مازہ ادبیاتمزدہ مثلاً توفیق فکرتک شعر لرنندہ مشہود مزاولان درجہ منقحیتی تأمین ایتک ، بویوک برسعیہ ، بویوک براعتنای صنعتہ وابستہدر .

ساکن بر آقشامک تتق ارغوائی
 پیرتارکن احتراز ایلہ دست سیاه شب ،
 دوشندہ بر کونک یوکی برطل برتعجب
 سوق ایلیور افقرہ پای کرانی .
 تانقطہ غروبہ یقین مائی بر سحاب
 آتشلی غمزہ لرلہ سوزر آشیانلری ،
 کویا بوتون قوجا قلامق ایستر جہانلری
 یورغون قنادلریلہ اوزاقدن بر آسیاب .
 نالندہ بر قوال سسی اطراف ایکلہ تیر ؛
 نالندہ بر سرود ایلہ باد غریب شام
 اسدکجہ ، کولہ تیرہ شیر امواج پرغرام . . .
 آقشام ، حیاءک شوسکونتلی خالیدر :
 نالندہ بر سرود ایلہ بر باد پر حزن
 بعضاً اولور بحیرہ قلبمدہ موجه زن .
 توفیق فکرت

۱ کسار : اثر لرنندہ منقحیتی تأمینہ موفق اولامایان محرر لرک سقوط
 ایدہ جکلری کرداب ، کریوہ ا کشاردر . افادہ نک لزومی درجہ بندہ

وترکیبه موفق اوله رق وجیز بر صورتده تبلیغ واحساس ایتک آنجق
 بویوک صنعتکارلر ایچون قابلدیر . « اشیر » دن نقل ایتدیکنر شو
 پارچهده ارسطونک ویردیکی جواب ایجازه اک بایغ بر مثال اولابیلیر:

اسکندر

کینوس نه بودهشت وقیامت ؟
 سویله پربداس نه در بومحشر ؟ . .

پربداس

بطلمیوسه صور !

اسکندر

مورخ شر !

بطلمیوس

موجب نه حقارتنه آب آنسز ؟
 تاریخی یازان بنم ، یاپان سز . . .

اسکندر

افکارمی سنده ایتنه تمهیج ؛
 رطوبونه در ؟

ارطو

ظفرویا هیچ ! . .

منقحیه پک کوزل بر مثال اولان شوپارچه نك بالخاصه صوك « ظفرویا
 هیچ » جمله سی منقحیتك اك صوك درجه سنه یعنی مرتبه ایجازه واصل
 اولمشدر . كذلك تزرده ، عبدالرحمن ثالثك « حاضر اولسون
 آتمله هپ خدمه ! » یولنده کی افاده سنه قارشى ، خلكك « نره یه کیتمك
 ایستیور ؟ » سؤاله ویردیکی « عدمه ! » جوابی ایجازه دکر کوزل
 بر مثال تشکیلی ایدر .

ایسه ، آنجق منقحیتک موجودیتله قابلدرد . منقح اولمیان ، بی لزوم اطنابلرله مالامال بولان اثرلر ، قارئی یورمقن ، یبقدیرمقدن باشقه برشیئه یارامز . بویوک صنعتکارلر فکر وحسلینی اک منقح و بناء علیه مکمل ، اک موافق بر طرزده تبلیع ایدرلر . بر مبتدینک صحیفه لر طولدرمقله آکلاته مهیه جنی بر صفحه حسیه یی ، بر بدیعه طبیعی ، ماهر استادلر بر قاق سطر ایجازکار ایله احساس وتبلیغه موفق اولورلر . اوفاق بر قاق فیرچه ضربه سیله سحرکار منظرلر ترسیم ایدن بر مصور صنعتکار کی ، بویوک بر شاعرده ایکی مصراعه پک درین معنالر صیقیشدیره بیلیر . مهارت وموفقیت ، تبلیغ ایدلمک ایسته نیلن شیئک اوزونلغنده دکل ، کیفیتده ، طرز ادا سنده در . لزومندن فضله اوله رق قوللانیلان کلمات و ترکیبات اثره بخش قیمت ایتک شویله طورسون بالعکس تنزیل موفقیتته باعث اولور . مشهور « بووالو » : فضله سویله نیان شیلر رنکسز واستکراه آوردرد ، مشبوع سلامت بر فکر اوناری بلا تردد فدا ایدر « دیورکه تمامیله محق بر ملاحظه در .

بعض مؤلفینک « ایجاز » نامنی ویره رک منقحیتدن تفریق ایتدکلیری خصیصه ، حقیقت حالده اوندن بشقه بر شی دکلدر . منقحیتک براز ده ا فضله بر درجه سی ، ده ا طوغریسی حد غایه سی ایجازدر . ممکن اولدیغی قدر آز کله ایله افاده اولمش بر فکر ویا برحس ، موجز بر طرزده ادا اولمش دیمکدر . موجز بر افاده صوک درجه منقحیته واصل اولمش بر افاده در . اساساً منقح یازمق بویوک بر اهلیت واقتداره وابسته اولدیغی ایچون ، اونک صوک درجه سی اولان ایجازده موفق اولمق یعنی موجز بر اسلوبه پیدای مالکیت ایتک پک آز کیمسه لره میسر اولور بر مظهریتدر . افکار وحسیاتی غایت اینی بر صورتده تحلیل

اعتیادله اك صنعی كورونن آثار طبیعی كورونه بیلیر . اسکیلرده ، اسکی عثمانلی ادبیاتنده سنه لرجه ، عصر لرجه بو تلقینك ایزینه تصدف اولونیر . . بر زمانلر اك عادی سوزلر ، افاده لر سجع لرله ، ترکیبلرله ترصیع لرله ، کلمه لرله اورتولیر ، اوصورتله افاده اولونیردی .

بونلر استادانه ، ماهرانه ، صنعتکارانه استعمال ایدلدیکی تقدیرده هیچ بر زمان « صنعی » عد اولنه مزلر . « فضولی » نك مشهور مکتوبیله سنان پاشانك « تضرع نامه » سی اعصار متوالیه آره سندن ، بکارت ونفاستلرینی محافظه ایده بیلمش ایکی اثردر ، که طبیعتك حدودنده بولمقده درلر ، بولنه جقلردر .

بوکی اثرلری وجوده کتیرمه نلر ناصل بر لسان استعمال ایتسه لرینه موفق اوله مزلر ، ینه صنعتدن قورتیله مزلر .

منقحیت . — منقحیت ، افاده نك زوائدن عاری اولمه سی یعنی فکر وحسك لزومی قدر کلمات ایله بیان ایدلمسیدر . بالعموم آثار ادبیه یه عطف نظر ایتدیکمز زمان ، اك چوق نظر اعتباره آلا جغمز شی ، آهنگ ، ممتازیت و برده منقحیتدر . لایقيله تدقیق ایدیله جك اولورسه ، كرك و ضوحك ، كرك طبیعت و موافقتك ، منقحیتك دائره شمولندن خارج اولمادینی واضح بر صورتده آکلاشیلیر . تفصیلات و کلمات زائده دن بری اوله رق ، حد معقول ولایقنده افاده ایدیلن بر فکر ، بر حس ، بالضروره واضح ، طبیعی و حائر موافقت اولور ؛ منقحیت خصیصه مهمه سنه مالک بر اثرک وضوحدن ، طبیعتدن ، موافقتدن عاری اولماسی طبیعی دکل حتی ضروریدر .

بر محررک یازدیغی اثرده موفق اولمه سی ، قارئلری اوزرنده ایی بر تاثیر حاصل ایتمه سی ، اسلوبنده کی قوت و تأثیری محافظه یه مقتدر اولمه سیله در

۴

طبیعیّت . — فکرك كله ايله ارتباطی و امتزاجی ، شكل ايله اساسك موافقت وعینیتی تعریفیله ایضاح ایدیلن بوخصیصه اسلوب شكل و اساس مسئله سنك ادانك ، وضوحك ، بالآخره سرد ایدیه جك اولان منقحیتله ، موافقتك بر محصله سی ، یاخود بونلردن مرکب برخلیطه سیدر .

اولا طبیعی اولق ایچون انسان کندینی ، کندی روحنی دیکله ملی ایتمش ؟ .. شبهه سز ! . بوايجادك باشلیجه بر منبعی در ، اوحالده بونی بردها تکراره نه حاجت واردی ؟ ..

ثانیاً ادا ايله ، یعنی شكل ايله اساس یعنی فکر بربرینه موافق اولمیلی مش ؟ .. طبیعی ! شكل وجود ، اساس روحدر ، اساسه مالك اولوبده شكله مالك اولیانلر ايله شكله مالك اولوبده اساسه مالك اولیان آثار یاشایه مز . بونلر بحث مخصوصنده عریض و عمیق بیان ایدلمشدی برده موضوعه کوره اسلوبك تنوعندن بحث اولونیور . بوده ادانك وظیفه سیدر ، که بوده آریجه ایضاح اولندی ..

خلاصه طبعیلک دینلن خصیصه ادبیه باشلی باشنه بر مزیت ادبیه دکل ، دیکر لرینک اجتماعیله حصوله کلن بر مزیت ادبیه در ، حالبوکه سائر مزیات اسلوبه مالك اوله رق کاغدرله انتقال بر اثره شبهه سز صنعی دینیه مز ، طبیعی دینیلیر . معکوسی اولان « صنعیت » ایسه بر اثرک زواندله مالامال اولمسی ، یا شکله و یاخود اساسه مالك اولمامسی دیمکدر ، که بو نقصانلرک صحیح لرینی ، طوغرولرینی ینه باشقه تصنیفات داخلنده آرامق ضروریدر . حتی بعضاً زمان ،

۱. — تعقيدك ايكنجى نوعى بولميسيدىر كه ظاهر عبارده دن معنای مقصودك آكلاشيله مه مسيدىر . مثلاً فضولى :

دوزخه كيرمه ستمكدن يانان
قابل جنت دكل اهل عذاب

بيتيله « ستمكدن يانان عاشقه جهنم جنت كى كلير » ديمك ايسته ديكي حالده بومعنايه انتقال ايتمك غايت كوچ اولويور .

۲. — غرابتدر ، كه الفاظ غير مانوسه استعماليدر . عمومك بيلمه ديكي ، كورمه ديكي كلهلر يابانجى ، لا قيد سيمالره بى كز لر ، بر دقيقه انظارى توقيف ايدر لر ، فقط روحه قطعياً خطاب ايده مز لر . فرانسه منقدين مشهوره سندن « برونسيه » بر رومانچينك اثرندن بحث ايدر كن « بوكله لك جمله سنى طانيديم جهتله بالفعل اشياى كوره بيلدم بونلر بر طاقم لوحه لر در كه مشابه اولد قلرينى مدح و ثنا ايتمك ايچون موده لر لرينى كورمكه احتياج يوقدر ؛ چونكه ، هر شيدن صرف نظر ايدلديكى تقديرده ، اسكى عناصرك امتزاج نويندن ، اشكال مونسه دن ، الوان معتاده دن تشكىل ايتش لر در بونقطه ده حقيقت صنعته نفوذ ايدىيور زكه اوده اك خصوصى شيلرى اك عمومى ، بزه خصوصى شيلرى نقل وافاده ايده بيله جك قدر عمومى ، تعبيرات ايله تعريف و تصوير ايتمكدىر . » دييور .

۳. — جمله لر ده صحت بولنمه مه سيدر .

۴. — كلمات زائده نك موجوديتيدر .

حالبوكه بوقطعى ، عمومى دستور لر منقحيتده ، ممتازيتك ايجاد و ترويج بختده ، صحتده ، يعنى صرف و نحو بختلر نده موجوددر .
ناءً عليه وضوح نى معنا بر قاعده در .

اونسی و اضافی در. کلمه مخصوصه محرک افاده ایتک ایسته دیکی شیئی قارئک دماغنده جانانذیره بیلندر ، تقریباً افاده ایده یلن بر کله کلمه حقیقه دن ده ا قیمتلی در ، بعضاً بونی پک چوق کیمسه لر آ کلایه ماز . دیور .

بوندن باشقه هر موضوعک ده کندینه مخصوص بر وضوحی و رادر . حامدک مقبرنده بر نیم مهیت اولماش اولسهیدی « مقبر » نامنده کی اثر نفیسن عثمانلیلر محروم اولوردی . باخصوص « حکمت بدایع » ده شعر نامی آلتده طوپلانان آثاره دائر بر قاعده قطیه واردر . اوده آثار شعریه نک قارئک شخصیتیه بر فعالیت مخصوصه ترک ایده . بیه جک بر ماهیتده ، یعنی نیم مهیتده اولسیدر ؛ وضوحی سرنامه قواعد ادبیه تاقی ایتک عوام محرر لر لیه اصل صنعتکارلری آیرماق دیمکدر .

وضوح حقهده بر قاعده عمومییه اولمق اوزره یکرمنجی عصرده شونی ذکر ایده بیلیرز . بر اثر هانکی نوع قاره ایچون یازیلیورسه اونک لسانیه یازمیلیدر .

نقط عمومیته خطاب ایدلیدیکی زمان مسئله دکشیر ، او زمان لسان عمومی ایله ، لسان مانوس ایله خطاب ایتک ضروریدر ، بوایه اولجه ذکر ایتدیکمز قاعدهیه منافی دکلدر . بالعکس اونی تقویه ، تأکید ایتکدهدر . بو خصوصده بعضاً صعوبتهده اوغرامقده ملحوظدر . مع مافیه وجدانی بر سغیه ، لسانه وقوفله کوچلکدن قورتلقی ممکندر . فقط بعض مطالعات عمومییهده سرد اولونه بیلیر : وضوحه مانع اولان ؛ جمله لره ، کله لره ، معانییه عائدنواقص شکلیه واردر ، بونلری نسیت وضوح آره سنده قطعی ، عمومی اوله رق کوسترمک نمکندر .

قطعه سنده کی قافیه لر عینی آهنگی ویره مدیکی جهته قافیه سز لکله
عدم صحته کوزل بر مثالدر .

صحت بحثی قواعد صرف ونحوک ، قواعد وزن وقافیه نک بر
تکرارندن عبارت اولغله لزوم سز لگی آشکار ایسه ده مبتدیله
قواعد مذکور ه نک بعض اقسامی خاطر لاتدیغی جهته ینه فائده دن
خالی دکلدر .



موضوع . — افاده نک عموم طرفندن آ کلاشیله بیله جک بر شکله
اولمیدر . بر اثرک تمایله آ کلاشیله بیلمسی ایچون هر شیئه عائد
اولدینی کله بی ویرمک ، بر باشند دیگر باشه قدر صافیت افاده بی
محافظه ایتک لازمدر . فقط بوراده ده دوشونیه جک بر نقطه واردر ،
اوده یازیلن کتابک ، اثرک هانکی نوع ذکالر ، قارئلر ایچون یازلدیغی
تعین کیفیتدر . عوام ایچون وضوحدن عاری اولان بر اثر اصالت
فکریه و ذکائییه صاحب لری ایچون پک واضح اوله بیلیر . ادبیاتک الک ایجه ،
اک مفصل اثرلرندن ذوقیاب اوله بیلن بر ذات تعبریات فلسفیه ایله
مالامال بر اثر نفیس فلسفی قارشوسنده اسر ، اویوقلار ، بر فیلسوفده
بر امراض داخلیه ایله بر زراعت کتانبندن برشی آ کلایه ماز .

دیمک که « وضوح جدا شایان اعتنادر ، یازیلن اثری هر کس
آ کلامیدر . » ادعای غافلانه سنده بولتان اساتذه صنعت تحریرک
افکارینه ترقیات جدیده فکریه فاتحه نویس اوله لی خیلی زمان اولمشدر .
حتی قارئین ادبیه بیله ، حال حاضرده بر طاقم تصنیفات اجتماعیه
اوغرامشدر ، بناء علیه وضوح قارئه کوره تعین ایدر بر کیفیتدر . کوستاو
لانسون « مالکانه لسان حال حاضرده ساحه مطلقیتده دکلدر ؛

تعمیر . — ترتیب الفاظک ترتیب معانی به عدم موافقتش ، ظاهر
 عبارتدن آکلاشینل معنا ایله معنای اصلی به عدم انتقاله بناء نشأت
 ایدر، که برنجیسی صحتسرلغک دلیلیدر :

تلخ ایدر آدمک البته مذاق عیشن
 باده نوش ایله بوکون ایله فکر فردا

باقی « بوکون باده نوش ایله ، فکر فردا ایله مه ، فکر فردا آدمک
 مذاق عیشنی البته تلخ ایدر » دیمکدر که عبارتک ترتیب وتالیفنده
 خلل وار دیمکدر .

سُکُل نظم اعتباریه نواقصه زمانه مثال !

بی درد ایدم ای فلک بکا برغم تدارک ایت
 بر اوزکه ذوق باشقه بر عالم تدارک ایت

بو بیت بحر مضارعندر ، حالبوکه ایکنجی مصراعنی وزن
 مذکوره ادخال ایتک ایچون « عینی » اسقاط ایله بر « همزه وصلی »
 کبی اوقومق اقتضا ایدیور، که بواصلا جائز دکلدرد .
 باقینک :

کوره لم آینه دوران نه کوستریر

مصراعنده کی « کوره لم » کله سنک مد ثقیلی اماله ایله عدم صحتک
 الک واضح دلیلیدر .

شیخ الاسلام یحیی افندینک :

ته مجلسر قورولشدر ، نه ساغرلر سورولشدر
 محبت باده سنه بکزر اولماز هپ کورولشدر
 کوکل صراحتی صد پاره کوردم راه ذلتده
 مقرر بر جفا جوسنک دل یاره وورولشدر

بیتمده « قارشی قارشی یه » دنیله جک یرده « قارشی قارشی »
دینلمشدر .

بعضاده اهمال ایدیله جک ایراد ایدیلیر ؛ ضیا پاشانک :

شیخک نهرتبه اولسه ده ظاهر کرامتی

گاهی اولور میان مریدانده اختلاف

بیتمده « نهرتبه » نه قدر « معناسنه اولدیغی ایچین » اولسه « نک
نهایتده » ده « یه لزوم یوقدر و » ده « زائد عد ایدلمدیکی تقدیرده
« نهرتبه » یه احتیاج قالماز .
توفیق فکرت بکک ده :

ای مرمره نک ماقی در آغوشی ایچنده

اولش کبی یایغین اویویان توده زنده

بیتمک برنجی مصر اعنده « در آغوشی » دید کدنصکره « ایچنده » یه
لزوم قالماز ، یاخود « ایچنده » قوللانیدیغی تقدیرده « در » احتیاج
یوقدر .

بعضاده سامینک :

پنهان بدن ایتمک پیر هم یوق

مصر اعنده اولدیغی کبی اساساً (صفت) اولان کله بی « اسم » ،
« مصدر » مقامنده قوللانیرلر ؛ بوده « ضعف تألیف » در .

فساد تألیف . — رابطه سزلق دیمکدر ، ثابتک :

کل سفیددر بوستانده عرف کیوب

بهار خاکنک شمدی باب نائیدر

بیتمی نثره تحویل ایده جک اولورسه ق « کیوب رابطه عطفیه سنه
استادگاه بوله مایزکه بو بر « فساد تألیف » در .

بونی نثره تحویل ایدہ جک اولورسہق « اومہوشی عرفان جستجوایہ
سرکشتہ اولدی ، بنابرین شو غزلده ردیف آرار . » تشکل ایدرکہ
« سرکشتہ » کلمہ سی نک کندیسایہ برابر بر فعل مرکب تشکیل ایتدیکی
« اولدی » کلمہ سندن اوزاق بولنسی ، آرہ یرہ باشقہ الفاظک تداخل
ایتمسی سلاست مؤدائی اخلال ایله ضعف تألیفی حصولہ کتیرمشدر .
وینہ فائق عالینک :

ای حزننک کوزلاکی یادمدہ آغلایان ،
تودیع احتساس ایدہ لم کل شفقلمہ ،
داغلمده ، عکس رقص سحابلمہ ، چاغلایان
اسحار اسالہ ایامور آغوش منظرہ .

قطعه سنک صوک ایکی سطرینی نثرہ تحویل ایتدی کمز زمان
« داغلمده ، عکس رقص سحابلمہ ، آغوش منظرہ اسحار اسالہ
ایدیور . » حصولہ کلیرکہ « چاغلایان » کلمہ سی « طاغلمده »
کلمہ سندن اوزاق بولنسی ، آرہ یرہ برجلہ معترضہ کیرمسی خفیف
بر ضعف تألیف حصولہ کتیرمشدر .

مغمافیہ نظمده طبع سلیمہ موافق اولمق شرطیہ ضرورت وزن
ووقافیہ دن طولایی تقدیم و تاخیرہ مساعدہ اولونیر .
ضیا پاشانک :

هرکس ایدی خوان نعمتمده
عالم ایدی تحت منتتمده

بیتمده کی ایدیلرک تقدیمی بوقیلدنیر .

بعضاً ایرادی لازمکنلر اہمال ایدیلیر ؛ کمال بکک :

کوزومک اوکنده طوردی ایکی ماه قارشی قارشی
بری دوشدی بحره کوکدن اوتانوب کشفاتندن

بومطابقت قاعده لرینه اکثری انظمده رعایت ایله مه مک قاعده حکمنه
 کیردیکی کبی یکیلرده بضاً نثرده رعایت ایتمه مکده درلر ، اسکیلردن ده
 برچوق نازلر سیج و ترصیع طولانیسیله رعایت ایتزلردی .
 ۶ . — فارسی قاعده سی اوزره ترکیب توصیفیلرده موصوف
 جمع اولدیغی حالده صفته جمع اداتی علاوه ایتمک در :

حل قیدی ایله مسئله مشکل زلفک
 شانه عجب « افکار شوشلره » دوشمش

نابی

۷ . — « هر » صفت مبهمه سنک موصوفنی جمع یاپمقددر :

یوقلانسه (هر ایامده) البته مقرر
 اهل دله بر خصم توانای زمانه

نفعی

۸ . — صفت عددیه لرك موصوفلرینه جمع علاوه ایتمکدر :

آکلامیان مائی مجموعه کک
 عارف دکدر اوقوسه (بوز بیک کتابلر)

نجاتی

جمله لرده صحتک بولنه مامه سنه کلنجه بوده ضعف تألیفدن ، فساد
 تألیفدن ، تعقیددن حصوله کلیر .

ضعف تألیف : الفاظدن تأخیری لازمکنلرک تقدیمی ، تقدیمی
 لازمکنلرک تأخیری ، ایرادی مقتضی اولانلرک اهامی ، اهامی اقتضا
 ایدنلرک ایرادی کبی نواقص نحویه دن تولد ایدر :

(سرکشته) جستجو ایله عرفان اوپهوشی
 (اولدی) بنابرین شو غزلده ردیف آرار

عرفان پاشا

۶. — فارسی کله‌لردن صکره حرف تعریف قوللا بمقدر .
« بالکرفت » کبی .

۷. — اسملرک ، صفتلرک ، وصف ترکیبیلرک نهایته کلن « آنه »
کله‌سنی مصدرلرله برابر قوللا بمقدر :

[تعریضانه] ایدوب خطایی

ویردم اوکروهه بو جوابی

غالب دده

تراکیبه عامر خطالرئونرور :

الفاظ اجنبیه و ترکیه ایله عربی و فارسی قاعده‌سی اوزره جمع
یایمقدر .

ینه قلبمه آچق ایستدیکم

قانایان (یاره محبت) در

جناب شهاب‌الدین

« یاره » ترکیه اولدیغی حالده « محبت » کله‌سیله فارسی قاعده‌سی اوزره
اضافت یایلمشدر .

۲. — آخرینه ترکیه ادا تدر داخل اولمش عربی و فارسی کله‌لری
عربی و فارسی کله‌لرله اضافت فارسیه یایمقدر :

کوکل ساطاندر طرز خدمتکارلق بیلمز

برتو

۳. — مطابقته رعایت ایتمه مکدر : « وقوف کامله » کبی

۴. — فارسی بر کله ایچون عربی یی ، عربی ایچون فارسی یی

تأیث ایتمکدر : « چاره موثره » ، « محبت درونیه » کبی

۵. — آرله‌رینه ادوات فارسیه کیرن کله‌لری مطابقته معروض

قیلمقدر : مژایای خوارق نمای بارقه » کبی

(تمیز) نیک و بد عین ضرور در خرد پیدانه
بودقت جسمی سوراخ ایتدی چونکه غربالک
سای

باقی « نته کیم » یرنده « نته ده » ، سامی « تمیز » مقامند : « تمیز »
قولانمق صورتیه کله بی تنقیص ایتمشدر .

۲ . — سجع وقافیه طولایسیله متحرکی ساکن ، ساکنی
متحرک ، مشددی مخفف ، مخففی مشدد یا بمقدر .

انامل کرمک حل ایدر امیدم اودر
اولورسه رشتۀ کارمده صد (کره) معقود
ثابت

« کره » بی مشدد یازاجقکن ضرورت وزن طولایسیله مخفف
اوله رق استعمال ایتمشدر .

۳ . — اجنبی کله لردن عربی قاعده سی اوزره مصدر یا بمقد در .
« واریت » « پریشانیت » « قرالیت » کبی ؟

۴ . — اساساً اسم مکان اولان کله بی تکرار اسم مکان یا بمقدر .

یوقسه (ملا ذکاه) درکیده نیم فلک
درکاهم انتسابی ایله افتخار ایدر

عزت ملا

« ملاذ » اساساً اسم مکان اولدیغی حالده تکرار « کاه » کتیرمک
خطای صرفیدر .

۵ . — جمع الجمع یا بمقد در :

سمت استاده اکر پیر و اولورسک حامی
کیوب اثواب کمالی طافک (آداب لر) ک

کبی .

مع مافیه بو ، اونلرك بويوك برر صنعتكار اوله سنه مانع اوله مامشدر .
 بزده معلم ناجی افندی كوچك بر خطای لسانی یه مالک اولمدينی حالده
 بر شاعر تلقی ایديله مه مش ، ناظم عادی مقامنده قالمشدر ؛ حالبوکه
 عبدالحق حامدده بعضاً نقائص شکلیه بولنمله برابر اونی سدير دهای
 شاعریتدن نه ناجینك بازوی قوت لسانی ، نه ده لسانجیلرك سنك
 تعریضات وشتومی ایندیره بيلمشدر .

فقط بوكی معایب شکلیه دن اجتناب ایتكده بر مزیت مخصوصه در
 مزیات ادبیه یه ، صنعته بر مزیت لسان علاوه ایدر که غایت مهمدر .
 کلمه ره عامر خطیبات شونلردر .

۱. — بعض کلمه لری ، ادبای مشهوره نك رأی و فکری
 اولمقسزین ، تزئید ویا تنقیص ایتكدر .
 تزئیده مثال :

كلشن كويكي بر (داخی) كورم كبي كلير
 وصلكك كوللريني بيه درم كي كلير
 كال پاشا زاده

ای اولوب معراج برهان علوشان سكا
 (بیره) اینش کوکدن استقبال ایدوب قرآن سكا
 فضولی

كال پاشا زاده « دخی » یزینه « داخی » ، « کبی » یزینه « کبی »
 فضولی ده « یر » یزینه « بیر » ی قوللانمشدر . « ضعف » یزینه
 ضعفیتده بو قبیلندر .

تنقیصه مثال :

قلجك اوستن اوله ، (نه که) تیغ خورشید
 سایه سلطنتکده اوله آسوده جهان

باقی

مربوطیتی بر انتظام منطقی و صرفی داخلنده بولمژسه او اثرده صحت مفقود دیمکدر. اگر جملهٔ اصایه جل متممه قارماقاشق، ربط صیغه لرینک افاده ایتدکری معانییه مغایراوله رق برلشیرلر، بربرلرینک معاینسی رد وانکار ایده جک ماهیتده بولونیرلرسه قارء برمکتب چوجنی کبی صرف ونحو خطیاتی تصحیح ایله اشتغال ایدر، بناءً علیه اثردن مطلوب اولان ذوق بدیعیده ازاله و احما ایدلمش اولور.

خصوصیله شوکا دقت ایدلملیدر، که ... صحت؛ ادبیاته عائد اولمقدن زیاده صرف ونحوه عائد برکیفیتدر. بونی برنقیصهٔ ادبیه تلقی ایتمکدنسه نقیصهٔ لسان تلقی ایتکدها طوغریدر. حتی بعضاً برصنعتکار بر آهنگ، بر موسیقی لفظی ایچون برکلهینی، بر ترکیبی یا کلش اوله رق قوللانه بیلیر. مثلاً کمال بک «مطبوع القد» دییه جک یرده «مطبوع الاندام» ترکیبی قوللانمشدر؛ حالبوکه «مطبوع» کلمه سی عربی «اندام» کلمه سی فارسیدر؛ بونلردن عربجه متمملی صفت یاییله ماز. فقط اولکی ترکیبه نسبتله ایکنجی یا کلش ترکیب او قدر کوزل، او قدر آهنگدار که کمال بک کبی لسانه حقیقهٔ صاحب بر ذات بیله بو تأثیر ایله قاعده شکنیکه راضی اولمشدر. الیوم ادبای حاضره طرفندن قوللانلقده اولان «مختلف الـآهنگ» ترکیبیده عینی طالعه مالکدر، فقط «مختلف آهنگ» او قدر چرکین، او قدر آهنگسز که ... بوندن باشقه بر محرر طوغری یازمقله صنعتکار اوله ماز. او قدر خطاسز یازانلر واردر، که فهرست صنعتک کذرکاه ختامنده بیله بر موقع طوته مازلر. فرانسه محررلرندن «هر ویو»، «پول بورژه»، «باجیقایلردن» «ورهاردن» بعضاً کلمه لرده، جمله لرده یا کلش لر یاپارلر،

شعله وظيفه سنی ایفا ایدہ بیلہ جک برطاقم خصائص عمومیه ، و بونلردن متولد خصائص تالیہ وارددر ، کہ اونلری کوسترمک مجبوریدر . زیرا فندہ حقیقتہ ، ادبیاتدہ شخصیتہ انسانی سوق وایصال ایدن تحریء خطا یولیدر ، بونلر ایچون بر طاقم آناختارلرہ احتیاج وارددر ، اونلردہ ممتازیت ، شخصیت و متقحیت ، آھنک کبی اساسی واصلی تصنیفاتلہ بونلردن متولد صحت ، اصالت ، وضوح ، طبیعت ، ایجاز کبی تقسیمات تالیہ در . ہر ادیب شخصیتہ ، خاطرہ رؤیتلہ ، خاطرہ حواس سائرہ سندن ، خلاصہ خاطرہ تہیجہ سندن متشکل خزینہ شخصیتہ مالک اولنجہ یہ قدر ابتدا مقلد ، صوکر مثل اولور ، و دہا صوکر ا مبدع موقعہ ارتقا ایدر . بناء علیہ بوقواعدی کورمک ، ییلکم ضروری و لازمدر . چونکہ بونلر طوغری اولق اوزرہ قبول ایتدیکی دستورلریلہ باشقہ لرنده خطا آراتدیرر ، بوصورتلہ شخصیتمزک توسعہ ، دقتہ ، خصوصیتہ سببیت ویرر .. یالکز دقت ایدیلہ جک نقطہ محدودیت تفکرلہ بونلرہ استناد ایتہمک ، بونلری یالکز برر واسطہ ترقی اولق اوزرہ قوللا مقدر .

۲

صحت . — کلمات ، ترکیبات ایلہ جملہ لک خطیئات صرفیہ و نحوہ دن عاری اولسی ، و نظمده شکلک بو خطیئاتدن تعری ایلہ برابر زحاف و امالہ و معایب تقفیہ کبی نقائص نظمیه دن بری بولنسیدر .

بر فکر نہ قدر واضح بولنورسہ بولنسون ، نہ قدر ای حس ایدلمشہ ایدلسون جملہ لک ترتیب و تنظیمہ ، ترکیبلرک شکل صرفی و نحوینہ دقت ایدلمہ ، شہسہ قیمتنی غیب ایدر ، ذوقی بوزار ، حتی بعضاً آکلاشلمز بیلہ .. کلمہ لرلہ جملہ لک ، ترکیبلرلہ جملہ لک بربرینہ

اسلوب « محرر مقتدری » ره می دوغورمون : « اسلوب حساسیتک بر تمرکز مخصوصیدر . « دیدکدن صکره » هر کیم که اسلوب سوزینی صرف ایدر ؛ خاطره تهیجیه ، وسائر خاطره خواص ایله مناسبت مظالمه ده ، مناسبات متخالفه ده بولنان خاطره رویتله ، ملکه استعاریه دن بحث ایدیور دیمکدر « سوزلرینی صرف ایدیور ؛ اساساً بو محرر مطالعاتی علم وظائف الاعضاءک قطعی ومادی قواعدینه استنادله سوبله دیکی جهته ادعاسنک قارشوسنده اسکی ادبیاتجیلرک مفروض ، ذاتی مطالعه لری ، تقسیملری شدید بر روزکاره طوتلش توپلر کی اوچارلر ، قاجارلر . مادامکه کوزل براسلوب ، تهیجات عینه ک خاطره بلیغه سی ، حواس سائرهنک ده آز چوق مولودیدر ، خلاصه حساسیتک کاغد ، ویاز ، ویامرمر اوزرنده تمرکز مخصوصیدر ؛ بونی ناصل اولوبده بر قاج قاعده عنديه ایپاکیله باغلایه بیلیرز ؟ فرانسه حکمای مشهوره سندن « رهنان » ده « اک مکمل اثر ، هیچ بر تصمیم ادبی ایله (مقصد قواعد ادبیه) یازلمه یین ، بر ثانیه بیله اولسون محررک یازمق ایچون یاز دینی تردد وتوهمنه دوشولمه یین ، یاخود هیچ بر علامت بلاغته تصادف ایدلمه یین اثر ادبیدر . « دیور . مادامکه بو بر حقیقتدر . فنه موافق بر حقیقت لایتغیردر ، مادامکه حقیق بر مسئله اسلوب بر مسئله علم وظائف الاعضادر . بوتصنیفات عمومیه وخصوصیه بوتصنیفات ابتدائیه وتالییه نه لزوم واردر ؟ بز ، حس ایتدیکمز ، دوشوندیکمز کی یازارز ؛ بر نوع اسلوب ایله کیف ما اتفاق بر شخصک حساسیتی آره سنده کی مناسبت لازمه و صحیحه یی تعیین ایده بیلیمک غیر ممکندر .

مع مافیه بوتون حقایق فنییه رغماً ، مبتدیلره برر رهبر ، برر

اوهنجي بحث

اسلوبك خصائص عموميه سي . — صحت . — وضوح . — طبيعت . —
منهجيت . — موافقت . — اصالت . — ممتازيت . — اسلوبك اوصاف
خصوصيه سي: تصنيف اسلوب.

اسلوبك خصائص عموميه سي . — اسلوب او قدر اينجه ، او قدر
کريزان، او قدر نامرئي ، و متبدل آفات و خصوصاته مالکدر که بونلری
صورت قطعيه ده تعين و تثبيت ايتمک غير ممکندر . ادبيات معلملرينک
خصائص ويا مزيات عموميه، ويا خود خصائص و مزيات خصوصيه ديه
تفريق و تصنيف ايتدکاري تقسيات ابتدائيه ، و بونلردن متولد
تقسيات تاليه تماميله ياکلش ، طبيعته غير موجود ، عندي ، فرضي
شيردر . هر کس ، هر معلم کندي اعتيادات ذوقيه سنه کوره زمان
ايه شهرت و قيمتلريني غيب ايده مه مش اساتذه ادبک آثاريني بر طاقم
عندي قواعد و نظريات ايله احاطه ايتمشر ، برر اسم اويدير مشلدر .
مثلا ندیم ، شناسي طبيعي يازيبورلر ديمک طبيعيلىکک بر مطلقيت ،
بناء عليه هر محررده بر اولديغني ادعا ايتمک ديمکدر، که بوندن دهها
معناسز بر شي اوله ماز . زيرا هر موضوع ، هر شخص ، هر زمان
ايچون آري بر طبيعيلىک موجوددر ، بونلر آره سنده بر حد معروف
وعندي چيزمک دون طبيعي اولاني بوکون انکار ايتمک ، اونک ايچون
طبيعي بوللاني سکا کوره غير طبيعي عد ايله مک ، بر موضوعه طبيعي
کوريله بيله چکي قاعده مفروضه بيه بناء رده قدر کيتمک ديمکدر . بو
ايسه حقيقت ، غير منطقي ، خارج از طبيعت بر کيفيتدر . « مسئله



بورایه قدر ویردیکمز تفصیلاتی خلاصه ایدہ جک اولورسہق، اسلوبک شخصی و فطری اولغلہ برابر بر چوق نقاط نظر دہ کسبی عد ایدیلہ بیلہ جکی، و حائز استعداد اولمایانلرک نہ قدر چالیشہلر بر اسلوب مخصوص الدہ ایدہ میہ جکلری حقیقتی تظاہر ایدر. فقط بتون بو بداهت لره رغماً، طلبہ یہ اسلوب حقہ دہ دور و دراز معلومات ویرمک، اونلره بویوک صنعتکارلرک اسلوبلرینی ارانہ و تعامیم ایتک ہیچ بر صورتلہ فائده دن خالی عد اولونہ ماز. بوندن مقصد، طلبہ یہ نمونہ اولہرق بر اسلوب مخصوص کوستروب اونی تقلیدہ تشویق ایتک دکل، ہر کسہ مالک اولدینی اسلوبی حسن استعمال اصولنی اوکرہ تمکدر. بو ایسہ یوقار یده عرض ایدیلن اصوللر سایہ سندہ ک قولای قابل اجرادر.

تکرار ایدیورز: طلبہ یہ اوکرہ تیلمہ سی ایجاب ایدن فلانک ویا فلانک اسلوبی دکل، لسانہ خاص اولان عمومی و مشترک عنعنہ اسلوبدر. لسانک مبنای طبیعی و منطقیسی آنجق بو صورتلہ آکلاشیلہ بیلیر. ہر شخص، اول امر دہ، لسانک بومتین اساسہ کسب و قوف ایتدکن صکرہ کندی قابلیتہ کورہ - بر اسلوب پیدا ایدر، و یا خود بوک موفق اولہ ماسہ بیلہ درست و تمیز بر صورتدہ افادہ افکار و تحسستہ موفق اولور.



موفق اولمی ؟ دكلسه اسلوب حقنده شیمدی به قدر دور و دراز سرد
ایدیلن ملاحظاتك نه کبی بر فائده سی اولایلیر ؟

اسلوبك تماميله شخصی بر شی اولوب آنجق بویوك صنعتکارلره
مخصوص اولدینغی ، حس و فکدرده متمایزه مالک اوله مایان عادی
محررلرک سویه متوسطه دن یوکسه لهرک بر اسلوب مخصوص الده
ایده میه جکلرینی سویله مشدک . روحک بر محصولی اولان اسلوب ایله ،
علی العاده و عمومی بر ملکه تحریر آراسنده پک بویوك بر فرق واردر .
بناء علیه بعضیلرینک ظن ایتدکلری کبی چوق اوقومقله ، حتی بر
متبحر اولمقله صاحب اسلوب اولمق ممکن دکلدر ؛ معلومات ووقوف
بشقه ، بر اسلوبه مالکیتینه بشقه شیلردر . صاحب اسلوب اولمق
ایچون چوق اوقومه نك ، قواعد ادبیه به وقوفک لزومی ، بونلرک
بر استعداد مخصوص ایله مترافق بولندیغی تقدیرده در . فی الحقیقه
انسانک مؤخرآ قازاندیغی شیلر ، نظری اوله رق مالک اولدق لرندن
دها فضاه بولمغله برابر ، بو هیچ بر وقت فطری بر استعدادک عدم
لزومنی مشعر دکلدر . آلبالانک پک محق اوله رق سویلیدیکی کبی :
« چوق شی بیلیمک انسانه ای بر محرر اولمغی اوکرتمز ، اسلوب
متبحر لکدن آری برشیدر ؛ یازه بیلیمک ایچون چوق اوقومق ایجاب
ایتدیکی سویلیدیکی وقت ، اساساً بر اسلوبه مالکیته استعداد موجود
فرض ایدیلایور . بو استعداد اولمق سیزین اک بیوک اک واسع بر بحر
عالمانه بیله انسانه بر جمله افاده ایتدیردمز . پک عالم بر طاقم آدملر
واردر که هیچ بر وقت محرر اوله مازلر ، کذلک پک پارلاق محررلر
موجوددر که پک چوق شی بیلمز لر ، وقوف و معلومات ایله صنعت
تجربیر یکدیکلرندن آری شیلردر .

ومعانيه عارض اولان بو تغيرات نحو و صرفك تعديل قواعديني
 ايجاب ايتيش، ارکان ابتدائيه، فصاحت بيله تحولدن قورتيله مامشدر.
 زمانك اسلوب اوزرنده كي تأثيري اوقدر قطعي و واضحدر كه ،
 جداً حائز وقوف و صلاحيت بر منقد ، كوردیکی بر كله ، بر جمله ،
 بر تشبيه ايله ، اوقوديني اترك هانكي بر زمانه ، هانكي بر دوره ادبيه
 عائد اولديغيني كشف و تفهمه مقتدر اولور. فضولينك ويا باقينك
 غزللرينك ندیم ويا شيخ غالب زمانلرنده يازلديغيني سويله مك نصل
 ممكن اولمازسه ، « ليلا و مجنون » ك ، « شفيق نامه » نك شناسي و كمال
 دوردلرينه اسناديده اوقدر ممتنعدر. كذلك نامق كلك ، اكرمك ،
 حامدك تياترولريني « عشق ممنوع » محررينه ويا « رباب شكسته »
 شاعرينه عائد ظن ايتكم ادبياتدن پك آز بهرهدار بر قاره ايچون بيله
 ممكن اوله ماز . چونكه اونلرده اويله بر طاقم خصائص مشتركه ،
 كرك افكارده و كرك اداده اويله مشابهلر واردركه هپسنگ عين بر
 زمانه و بوندن اوتوز قرق سنه اولكي دوره ادبيه منسوبيتي پك
 واضح بر صورتده كوستريرر. ادبياته واقف بر آدم ايچون ، اوقوديني
 بر اثر صنعتك زمان تحريريني آكلامق پك بسيط و طيعيدر ؛ چونكه
 عرق و شخصيت كي ، زمانده ، اسلوب اوزرنده درين و ناقابل
 ازاله انطباعرل بر اقيز .

۹

بر اسلوب الله ايديله بيليرمي . — اسلوبك درجه اهميتي ، صور
 تخالفي حقتده وريدكمز معلومات نتيجه سنده ، وارد خاطر اوله بيليركه
 عجبا بر اسلوب الله ايديله بيليرمي ؟ اكر بودائرة امكانده ايسه نصل

دکل حتی هر دورۀ ادبیه نك كندیسنه خاص بر اسلوبی وارد رکه او دورده وجوده کلن آثار صنعتك عمومده مشترك خطوط و اوصاف فارقه نك هیئت مجموعه سندن متشکلدر .

بر ملتك ادبیاتی مجرای تکاملنی تعقیباً ایلر لرکن بر طاقم دورهلر وجوده کلیر که او دوریه یتیشن ، دها طوغریسی او دورهی تشکیل ایدن صنعتکارلر آردسند بر چوق خطوط عظیمه مشترکه موجوددر . ایشه هر دوره نك صنعتکارلری بیننده مشترك اولان اوصاف ممیزدن بری ده اسلوبده منظور اولور . بونقطه نظر دن محاکمه ایدرك هر زمانك هر دورۀ ادبیه نك بر اسلوب مخصوصی اولدیغنی ادعا ایده بیلیرز . « ایپولیت تن » زمانك صنعتکار و بناء علیه آثار ادبیه اوزرنده پك مهم ، عادتاً عرق و محیط درجه سنده بر تاثیر اجرا ایتدیکنی سویله یور . لسان ، هر موجود ذی حیات کی بر تکامله معروض قالدیغنی ، هر زمان آیری بر ماهیت و خصوصیت آلدیغنی ایچون لسانك بوتحوالات متماده سی بالضروره اسلوب اوزرنده ده اجرای تاثیر ایدر . جناب شهاب الدین بك اسالیب ازمندن بحث ایدرکن شو یوله سرد مطالعات ایدیور : « هر زمانك بر شیوه سی ، بر طور افاده سی ، بر مشوار مخصوص بیانی واردر . لسان اوزنده هر زمانك انطباع نفوذی محسوس اولور . هر عصرك آیری مضمونلری ، آیری مجازلری ، آیری کتابهلری ، آیری استعارهلری ، آیری تشبیهلری واردر ؛ جمله لر بعض عصرلرده کیتدکجه آغیرلشمش ، بعض عصرلرده کیتدکجه خفیفله مشدر ؛ بعض کلماتك موضوعلری تعدد ایتش ؛ بعضلرینککی دکیشمش ، بعض کله لر مهجور اولمش ، بعض کله لر دائره استعماله کیرمش حتی بعض کله لر ایجاد ایدلشدر . شیوه لسان ، الفاظ

بو تأثیری سایه‌سندۀ شخصیتی اوزرندۀ اجرا ایتدیکی نفوذ اسکیدن بری معلومدی . بالخاصه « فلسفۀ صنعت » محرر شهری حکیم معروف « ایپولیت‌تن » بو نظریه بر رنك ، برماهیت علمیه ویرمکه چاشمش واوزماندن بری بو نظریه بویوک برقیمت قازانمشدر . بر عرق‌افرادى نه قدر مختلف محللرده و نه قدر مختلف شرائط تحتندۀ بوانورلرسه بولونسینلر ، ینه برطاقم خطوط و اوصاف مشترکه اونلرک لسانلرنده دینارنده ، فلسفه و ادبیاتلرنده مرئی اولور . « حکمت بدایع » محرری « اوژن وەرون » بو خصوصده دییورکه : « هر صنعتکاره خاص اولان اسلوب شخصیدن ماعدا بر مسلک ادبیه ، بر عرقه بر قومه خاص برده اسلوب مشترک واردرکه او مسلکک ، اوعرقک اوقومک نشانه شخصیتی در ، و اوزمریه عائد آثار صنعتده مشترک خطوط وسجایانک هیئت عمومیه‌سندن متشکلدر . نته‌کیم بر یونان اسلوبی ، بر مصر اسلوبی ، بر آثوری اسلوبی ، بر عرب اسلوبی موجود اولدینی محققدر . » بو حال ادبیاتده اولدینی کبی ، صنایع نفیسه‌نک سائر بالعموم اقسامندۀ واقعدر . بالخاصه ادبیاتده تحسسانک واسطۀ تباینی اولان لسان ، اوعرقک فیزیولوژیک بر محصول مخصوصی اولدینی ایچون اوکا منحصر بر خصوصیت ، بر شخصیت اظهارایلر ؛ وبالنتیجه اسلوب اوزرندۀ پک قطعی ، پک ضروری بر تأثیر اجرا ایدر . هر لسانک کندینه خاص بر غنغنه‌سی ، بر شیوه‌سی واردرکه تامیله او عرقک خصائصنه ترجاندر .

۸

اسلوبک زمانه کوره نحرلی . — اسلوب ، شخصه ، موضوعه ، عرقه کوره تحول ایتدیکی کبی زمانه کوردهده تحول ایدر . هر عصرک

اسلوب آئنده اونك شخصیت صنعتك زوال ناپذیر انطباعاته تصادف محققدر .

۷

اسلوبك دهائ اقوامه كوره تحولی . — اسلوبك دهائ اقوامه كوره تحولی ديمك ، عرقه كوره تحولی ديمكدر . بشریتك بويوك كتلهلری ديمك اولان عرقلر ، حيواناتك انواع عظيمه سنه قیاس اولونه بیلیر ؛ انواع مذكوره یه منسوب مختلف حیوانات آره سننده یصل خطوط وسجایای مشتركه موجود ایسه ، عین بر عرقه منسوب صنعتكارلر آراسنده ده — بوتون زمان وشخصیت فرقلرینه رغماً — بر طاقم خطوط عمومیه موجوددر . بناءً علیه بر عرقه منسوب بر صنعتكار ، غیر اختیاری و ضروری اوله رق او عرقلر بر طاقم اوصاف وخصائص مشتركه سندن نصیبه دار اولمش ، او اوصافی اثرلرنده اراهیه مجبوریت كورمش ديمكدر . ندیمك ویا نفیعك اثرلری هر هانکی لسانه ترجمه ایدمش اولورسه اولسون ، بو آدمرك بر فرانسز ویا بر انكلیز اولماقلری واضحاً آ كلاشیلیر . چونكه او اثرلرده بر ترك روحك انطباعاتی موجوددر . كذلك « امری القیس » ك اشعاری هر هانکی بر لسانده اوقونورسه ، اوقونسون ، جزیره العرب چوللرنده یتشهش بر روحك ، بر عرب روحك انطباعاتی حس ایتمهك ممكن دكلدر . « مولیه » ك ، « شكسپیر » ك ترك ویا عرب عرقه منسوب اولماقلری اثرلرنده نه قدر واضح اوله رق مرئی ایسه ، ندیمك ویا امری القیسك لاتین ویا آنغولواساقسون اولماقلری ده اثرلرنده او درجه عیاندر .

عرقك ، صنعتكارك بنيه عضویه وبالطبع بنيه دماغیه سنه اولان

« عربیه سوداسی » ایله « زمزمه » سنده کی اسلوب ، بو اثرک عائد اولدینی نوع ادبیلرک تخالفندن طولایی بالضروره یکدیگرندن آیرلمشدر . کذلک جناب شهاب الدین بکک « حج یولنده » نامنده کی مجموعه تحسسیاتیه ، ریاح لیل ، تماشای خزان کبی منظومه لری آره سنده کی فرق اسلوب صرف عین سبیدن ناشیدر .

صنعتکارک اسلوب اوزرنده انبیاع ایدن شخصیتی یازدینی اثر هر هانکی نوع ادبییه عائد اولورسه اولسون ظاهر اولقله برابر ، نوعلرک تخالفی اونک طرز تحریری اوزرنده ضروری بر تأثیر اجرا ایدر . اسلوبک موضوعه کوره تحولی دیمک ، غایه کوره تحولی دیمکدر ؛ صنعتکارک تیاترو یازارکن کوزه تدیکی غایه ایله بر مقاله تنقیدیه یازارکن تعقیب ایتدیکی مقصد آراسنده کی تخالف ضروری ، طرز تفکر افاده سنک یعنی اسلوبنک تخالف ضروریسنی استاج ایدر . حکایه کبی ، تماشاکبی ، تنقید کبی انواع ادبیه نکده آریجه اقسام تالیه و متعدده سی موجود اولدینی ایچون ، اسلوب او اقسام مختلفه کوره آیری آیری تحولاته معروض قالیر . مثلاً بر هائله ایله بر قومه دی هیچ بر زمان عین اسلوب ایله یازماز . عبدالحق حامدک « اشبری » ی ایله « صبر و ثبات » ینی تدقیق ایدرسه ک بوفرقی پک قولای آکلارز . هائله اسلوبی آغیر ، محتشم ، یوکسک اولدینی حالد قومه دیلر علی العموم بسیط ، ساده ، سیال بر لسان ایله یازییر . اسلوبک موضوعه کوره تحولاتی قطعی اولقله برابر ، بز بو تحولاتی اساسی اوله رق دکل تالی اوله رق قبول واو صورتله تلقی ایدرز . چونکه بویوک بر صنعتکارک مختلف اقسام ادبیه یه منسوب مختلف اثرلرینی تدقیق ایتدیکمز زمان ، تخالف موضوعدن متولد تخالف ظاهری

هر هانكي بر اثريني اوقويه جق اولور سهق ، اخفای شخصيت خصوصنده كي بوتون اعتزالينه رغماً بدين ومظالم فريادلريني ايشيديرز . پول بورژه ، لوقونت دوليك اثرلرنده صميمي ومحسوس بر رعشه ترحم ونوميدى موجود اولديغنى ادعا ايدييور كه پك طوغريدر . لوقونت دوليل حقهده كي بو مطالعيني ، آز چوق فرقارله ، غير شخصى اثرلر يازدقلىخى ادعا ايدن بوتون صنعتكارلره تطبيق ايدم بيايرز . شخصيت اولمه دن اسلوب ، دها طوغريسي صنعت وجود پذير اوله ماز .

۶

اسلوبك موضوعه كوره قولى . — مرحله مدنيك هنوز ابتداسنده بولنان اقوام وحشيه استننايديله جك اولور سه ، بالعموم ممالك متمدنه ادبياتلرينك يالكز برنوعه انحصار ايتديكي حكايه ، تماشا ، شعر ... كبي بر طاقم انواع مختلفه يه آيرلدينى كورولور . عصر لر دن برى بر طاقم تكاملاته مظهر اولان بو انواع ادبيه دن هر بريسنك كنديسنه خاص اوصاف ميزه سي ، قواعد ثابته ومعتمده سي موجوددر . بوكون حكايه لسانيه شعر لساني ، تياترو لساني ، مقاله لساني آره سنده اوقدر بويوك فرقار واردر كه بو اقسامدن بريسنه مثلاً تياترو لساننده غايت موفق اولان بر صنعتكار مقاله لرنده اصلاً موفق اولمايه بيلير . چونكه مقاله اسلوبيله تياترو اسلوبى ، شعر اسلوبى بيننده كي فرقار جا آمهدر .

هم حكايه وهم شعر يازان بر صنعتكارك حكايله لريه شعرلريني اسلوب نقطه نظر دن تدقيق ايدم جك اولور سه كز ، آردلرنده كي فرقى غايت واضح بر صورتده كورور سكرز . مثلاً استاد اكرمك ،

شخصیدرکه اونلرک لاعلی‌التعین بر اثرینی کورهن بر آدم - اکر بوکبی مسائل ایله براز علاقه‌دار ایسه - درحال کیمه عائد اولدیغنی کشف وفهم ایدر. ادبیاتدن براز آکلایان بریسی ، مثلاً « قتن » ک عبدالحق حامده عائد اولدیغنی ، « دوست بی پروا ، فلک بی رحم ، دوران بی سکون » ناله تألیله باشلایان غزلک مثلاً هیچ بر زمان ندیمه تعلقی اوله‌مه‌یه‌جغنی درحال سویلیویرر. ایشته بونک کبی ، مثلاً « میله » نک « آقشام دعاسی » نامنده کی تابلوسنی کورهن رسم مراقیسی‌ده بونک اصلاً « روبنس » ، « رافائل » ، « پودی دوشادان » ایله مناسبتی اوله‌مه‌یه‌جغه حکم ایدر.

بوفونک اسلوب بیانک عینله انسان اولدیغنه دائر تعریف مشهورینی یاکاش بر صورتده تأویل ایده‌رک ، بر محررک آثار ایله حیاتی وخصائل صمیمیه‌سی آراسنده قوی بر مناسبت بولوندیغنی ظننه دوشمه‌مه‌لیدر. مؤلفک اثرینه شخصیتندن بر طاقم شیر تودیع ایتمه‌سی ، اسلوب‌بنده طبایع اساسیه‌نک عکسلری بولونمامسی دیمک ، هیچ بر وقت کندی حیاتی ، اساسات حیاتیه‌سی حقنده اعترافانده بولونمامسی دیمک دکلدر. صنعتکارلرک اثرلرنده کی افکار وملاحظات ایله طرز حیاتلری آره‌سنده درین اوچوروملر ، حتی تضادلر موجوددر. لوقونت دولیل کبی ، آله‌رسامهن کبی حیاتلری ایله اثرلری هم آهنگ وهم رابطه اولان صنعتکارلر حیاتده پک نادردر .

اسلوب ده‌ا طوغریسی صنعت اساس وماهیتی اعتباریله شخصی اولدیغنی ایچون ، غیر شخصی اثرلر یازدقلری ادعاسنده بولنان ادبای طبعیونک اسلوبلرنده‌ده شخصیت صنعتارینی بولمق ممکندر. مثلاً غیر شخصی شعرلر یازمقله معروف اولان « لوقونت دولیل » ک

حسلىنى يازەجق ارلورلرسە ، غايت غرىب بر منظره قارشىسنده بولونورز. چونكه اونلرك يازدقلى شىلر هيچ بروجھله يكدىكرينه بگزرەمز .

بونك سببي غايت بسيطدر. اسلوب دينلن شى ، تبليغ افكار واحتساسات ايچون هر كسك كندى شخصيته كوره ابداع افادات ايتەسيدر. بو افادەلر هر كسك طبيعته كوره اوزون ، قصه ، معوج ، سادە ، محتشم ، سيال ، يابس اولابيلير. صنعت تحرير مؤلقى آنتروان آلبالا : « سجايای انسانیه ايله اسلوب آراسنده غايت صيقى وصمىمى روابط موجود اولديغنى » ادعا ايديوركه بوفونك « اسلوب بيان عينيله انسندر » ملاحظه مشهوره سنك تأييدى كپي قبول اولونه بيلير .

انسانلرك سيمای ماديلىرى كپي سيمای مغنويلرى ده يكدىكرنندن فرقليدر. بر عرقه ، بر مليته ، بر زمانه منسوب ايكي مختلف صنعتكارى نظر اعتباره آلسق بيله اونلر آراسنده طبائع شخصيه نك تخالفندن منبعث بويوك فرقلر كورورز. اونلرك بنيه ماديلىرى ، مزاجلىرى طبائع اساسيه لرى آراسنده كى فرق عينيله اثرلرينه ، اسلوبلرينده انتقال ايدر. فضولى ايله باقى همان عين زمانه مذـوب ايكي شاعر اولدقلى حالده بنيه لرينك ، شخصيتلرينك تخالفي سبيله اسلوبلرى ده يكدىكرنندن تمايز ايتمشدر. فضواينك ناتوان بر اداى ملول ايله ايكله ين اسلوبى ناصل روح موفقيتك ، حساسيت فطريه سنك صمىمى بر افاده سى ايسه ، باقينك رباب شوقندن فيرلايان شوخ ولاقيد ترنملرده مسعود ، لا قيد ، متوكل روحنك اداى حقيقت وصمىميتيدر. بويوك محررلرك ، بويوك شاعرلرك ، بويوك رساملرك اسلوبلرى اوقدر

اسلوبی شکلی و اساسی دیه ایکی به آیرمق معناسزدر ؛ حقیقت حاله بو ایکیسی ده عین برشیدر .

اسلوبك نورانی . — هر شیده مشترك بر اسلوب مطلق و مكمل موجود اولمه دینی ، حد ذاتنده مطلق بر اسلوب تصویرینك « حسن مطلق » ادعای قدر بوش و باطل اولدینی بیان ایله مشدك . هر شخصیتك انطباعاتی حامل و تمامیه شخصی برشی اولان اسلوب ، تعریفدن آکلاشیله جنی وجهه پك چوق اسباب تحت تأثیرنده دوجار تحول اولور . بوگون مثلاً فضولینك ، نفعینك ، ندیمك ، عبدالحق حامدك ، ایسه نك ، پیه رلوتینك کندیلرینه خاص اسلوبلری اولدینی کی ؛ رومانیکلرك ، ره آلیستلرك ، امپره سیئنیستلرك ده اسلوب مخصوصلری موجوددر . كذلك بر یونان اسلوب معماریسی ، بر مصر اسلوب معماریسی موجود اولدینی کی بر ایران ، بر عثمانلی اسلوب معماریسی ده واردر .

بوتون بو تخالفلر واضح اوله رق کوسترییورکه ، روح ایله طوغریدن طوغری یه علاقه دار بر محصول شخصی اولان اسلوب شخصه ، زمانه ، عرقه ، مملکه ، موضوعه کوره هر زمان دکشیر . مسئله یی کمال وضوح ایله آکلایه بیلیمک ایچون بونقاط مختلفه یی برر برر نظر تدقیقندن کچیریمک ایجاب ایدر .



اسلوبك شخصه کوره نوری . — مختلف افکار و احتیاساته ، مختلف طبایعه مالک بر قایچ شخص ، کندیلری اوزرنده اجرای تأثیر ایده جك هر هانکی بر وقعه قارشیسنده بولونه جق و او دقیقه ده کی

يوقدر . ابداع ايديلن او ذى حيات موجوديتلرک اخلافه انتقال ايديهيله جک قدر بر حيات قالملى ، آنجق مکمل ، بى قصور بر شکل آلتنده بولونقلرى تقدیرده ممکن اوله بيلير .

اعصار قديمه دن بزه انتقال ايدن اثرلرک زياده اسلوبلرينک مکمليتى ، شکللرينک لطافت و متانتى سايه سنده بر حيات قالمغه و بزه قدر کلمکه مقتدر اولمشلردر . اميل زولا ، شکلک عدم اهميتنى کوسترمک ايچون اوميروسک ، ویرثيلک مکمليت اسلوبلرينى کيمک تدقيق و محاکمه ايديهيلديکنى سؤال ايديور . حالبوکه اونلرى متن اصليلرنده تدقيق ايدن بر چوق مبتحرين کرک اوميروسک ، کرک ویرثيلک اسلوبلرينک جدأ متين و مکمل اولديغنى و او سايه ده شيمدى يه قدر پايدار قالدقلىنى تأمين ايديورلر .

بو خصوصده نظر اعتباره آله جق ديگر بر اعتراض ده وار : « اوميروس اوقوديغمز زمان ، اونده بزي ذوقياب ايدن شى اصلا شکلى دکادر ؛ چونکه بز متن اصلينى دکل ترجمه سنى اوقويورز . يعنى شکلدن دکل اساسدن ذوقياب اوليورز . بناء عليه بوراده شکل ايله اساس اتحاد ائتمه مش ديمکدر . » بوکا ويرهيله جک جواب پک واضحدر : چونکه او اثرلرده شکل اساسى عادتا محافظه ايتمشدر ؛ اکر شکل مکمل اولماسه يدى ، بزه شيمديکى اساس قاله مازدى . مع مافيه بو اثر ترجمه اولديغى ايچون اوراده شکل ايله اساسى براز تفريق ايتمک ايجاب ايدر . ابي ترجمه لر ، شکلى ممکن اولديغى درجه ده محافظه ايدنلردر . اوندن باشقه ، نفائس صنعتده اساس شکل ايله اودرجه مناسبتداردر که شکل اوفکرلر اوزرينه عادتا ياپيشير ، و ترجمه اولنديغى زمان بيله اونک نشانه سنى حالا محافظه ايدر ، خلاصه :

ایدیلن بر تغیرده مطلقاً شکک تحولی استلزام ایدر. شکل ایچون چالشمق فکر ایچون چالشمق دیمکدر. بر اثر حقده اساسک این اولقله برابر شکک فنا بولوندیغی درمیان ایدیله جک اولورسه بومطالعہ هیچ بر معنایی مفید اولماز ؛ چونکہ اساسک اییلکنی تأمین ایدیله جک اولان شکلدر .

بر اثر یازدیغمز ائنادہ جملہ لری تعدیل و اصلاح ایدرکن اساسہ طوقونما دیغمزی ، آنجق شکلی دکشیدیردیکمزی ظن ایدرز . بونک بر اثر خطا اولدیغی میداندہ در . چونکہ اثرمزی بعدالتعدیل او قودیغمز زمان یکی یکی فکرلرک انضامنی ، ناشنیدہ خیاللرک ، یکی مناسبتلرک تولدینی مشاہدہ ایدرز . شکل فکر ایله او قدر صمیمی بر صورتدہ مناسبتلرک درکہ فکر اصلی ایله اثره ویردیکمز شکل اخیر وقطعی آراسندہ بویوک بر رابطہ موجود اولدیغی واضحاً آ کلاشیلیر . ذوق تحریرہ مالک اولانلر اثرلرنده شکله قارشى بویوک بر دقت و اہتمام کوسترملی ، بو خصوصہ پک چوق اعتنا ایله ملیدرلر . بوفون شاتوبریان ، فلورکبی محررلر ، لوقونت دولیل ، ژوزہ ماریا دوبرہ دیا کبی شاعرلر بودقیق نقطہ یی پک اینی آ کلامشدر ، و اثرلرنی صمیمی بر اعتنائی صنعتلہ عادتاً ایشلہ یہ رک یازمشلردر . مشاہیر حکایہ نویساندن امیل زولا بو اعتنائی شکلینک پک حقسنز اولارق علیہندہ بولونیور : « اوکا کورہ اعتنا کار ، ظریف ، تمیز بر اسلوبہ مالک اولمق ساحۂ ادبیاتدہ ابقای نامہ اصلاً کفایت ایتمز . » شکل اویلہ برشیدرکہ ہر شیدن چابوق دکشیر . حالبوکہ بر اثرک ذی حیات قلمسی ایچون یگانہ شرط ایسہ حقیقی اولماسندہ در . بر محررک تأیید نامی ، ذی حیات موجودیتلر ابداع ایتہ سیلہ در . « بونک نہ قدر یا کلش اولدیغی ایضاحہ بیلہ حاجت

اسلوب ، افكار واسطه سيله شكلك ، شكل واسطه سيله افكارك ابداع وايجادى ، ديمكدر . محرر ، اشيا آرهنده كى يكي بر مناسبتى افاده ايچون حتى كلهلر بيله ابداع ايدر . ادبياتده موفقيت آنجق بو صورتله ممكن اولابيلير . مشهور « بوفون » اسلوب حقهنده كى نطق معروفده : « احفاده انتقال ايده بيله جك اثرلر ، آنجق كوزل يازلمش اولانلردر . اسلوبده موجود محاسن ، اونى تركيب ايدن مناسبات ، ذكاي بشر ايچون روح موضوعده كى كوزلكلار قدر مفيد وبلكه ده قيمتدار شيلردر » دييور .

بوفون اسلوبى « افكاره ويريلن نظام وحرركتدر » ديه تعريف ايديور . نظام ، افكارك منطقي ، تسلسلى ، اساسى ديمكدر ؛ حرركته كلنجه ، بو ، افكارك ، حياتى ، شكلى ديمكدر . نظام ، افكارك بريرده تجمعى ، طور وروشى ، هيئت مجموعه سيدر ؛ حرركت ايسه ، خيال ، ذوق ، تاثيردر . بوتعريفه كوره اسلوب شكل واساسى اولق اوزره ايكي قسمه انقسام ايديور .

بعضلرى بو ايكي شئى ، نظام وحرركتى يكدىكردن آيريرلر ؛ اونلره كوره اترك مواد اصليه سى ، موضوعى اساسى ؛ طرز افاده سى طرز تزئينى شكلدر . وبو ايكي سى يكدىكردن تماماً آيرى شيلردر . بز بو مطالعه يى هيچ بر وقت طوغرى اوله رق قبول ايده مه يز . شكل واساس نامى ويريلن شيلر حقيقت حالده بربرندن آيرى دكلدرلر ؛ روحسز بر موجود بشرى تصويرى نصل ممكن دكلسه ؛ اعطاي شكل ايتمه دن بر فكري افاده ايتمكه ده اودرجه متمتعدر . بر شئيك شكليله اساسى يكدىكرينه اودرجه مربوطدر كه اساسى تغير ايتمه دن شكلى دكيشدير مك عاداتا ممكن دكل كيسدر . بونك كبي ، اساسده اجرا

اسلوبه اساسی و شکل . — هر زمان استعمال ایدلمکده اولان
معنای محدودینه کوره ، اسلوب : هرکسک کندی فکریخی یازی
ویا سوزله افاده ایتمکده کی طرز مخصوصیدر . فکرلریخی یازی ایله
افاده ایدن محررلر کی سوزله افاده ایدن خلیلرکده کنیدیلرینه کوره
اسلوبلری واردر . اسلوب مزیتک نشانه شخصیه سیدر . بر محررک
اسلوبی نه قدر شخصی اولورسه مزیتی ده اودرجه زیاده اولور .

موضوعلر، فکرلر هرکسه ، هرملته عاند یعنی مشترک و عمومیدر .
حالبوکه اسلوب ، افاده دیمکدر ؛ افکار و حیاتیتمزی محسوس بر حاله
کثیره ن صنعت شکلیه اسلوبدن عبارتدر . یعنی ، افکارمزی ساحه
هیچیدن میدان وجوده چیقارمق ، او فکرلر بیتنده کی روابطی
کورمک ، اونلری ولود و آشکار بر حاله کتیرمک صنعتنه اسلوب دینور .

اسلوب — نظری اوله رق — شکل و اساس نامیله ایکی قسمی
محتویدر . فی الحقیقه ، سویله ن ، یازیلان شیلرک نظر دقتی جلب
ایده بیلیمسی طرز افاده لرندن ناشیدر . پک آز استمالرله ، بوتون
انسانلر همان عین شیلری دوشونورلر؛ فرق بلکنر افاده ده ، اسلوبده در .
ای بر افاده بیانی ، عمومی بر شیئه بخش اصالت ، اک بسیط بر ماله
اعاره قوت ایدر . ای یازمق ، عین زمانده ای دوشونمک ، ای
حس ایتک ، ای تبلیغ ایتک دیمکدر . اومیروسک ، افلاطونک ،
ویرژیلک ، طرز افاده لری و خیاللریله سائر محررلره تفوق ایتدیکنی
سویله ن « لایرونیتیه » بومطالعده سیله اسلوبک اهمیت عظیمه سنی
تصدیق ایتمش اولورودی .

اسنادى تماميله رد ايدىيور : « هيج براديبايده اشيلك ، آريستوفانك ، ده موسته نك اسلوبنندن ده اشخصى بر اسلوبه تصادف ايمه دم . هيكلتراشيده بونك بو درجه تظاهر ايمه مسنك سببى ، او دور هيكلتراشلرينك غايه خيال اوله رق كوزل وجودلر ميدانه كتيرمكدن بشقه بر شى دوشونمه ملرى ، وعرقلرينك ايجابات روحيه سندن اوله رق بو خصوصده بعض قواعد مقررديه فرط اهتمام ايله ملريدر . بوندن طولايى يونان هيكلتراشلرينك شخصيتى ، عرقك شخصيت مشتركسى ايچنده غائب اولمش كيدر . تكرار ايدىيورز ، غير شخصى بر اسلوبك موجوديتى محالدر ؛ حتى بو ايكي كلمه نك يان يانه كلمسى بيله نظرلره بر مجموعه تضاددن باشقه بر شى عرض ايتمز .

هر صنعتكارك كنديسنه خاص اسلوبنندن باشقه ، هر مسلك صنعتك ، هر قومك ، هر عرقك ده بر اسلوب مخصوصى واردركه اومسللك ، اوقومك ، او عرقك نشانه شخصيتندن باشقه بر شى دكلدر . لاعلى-التعين بر مسلك ادبىيه ، بر مسلك صنعتيه بر قومه منسوب آدمرك وجوده كتيردكارى اثرلرده بر طاقم خطوط مشتركه وعموميه واردركه ، اونلرك هيئت مجموعه سى اسلوبلرني وجوده كتيرير . تاريخ صنعت تدقيق ايديله جك اولورسه بر يونان اسلوبى ، بر مصر اسلوبى بر آثورى اسلوبى ، بر عرب اسلوبى كوروليركه اونلرك هپسك كنديلرينه خاص وصف فارقلرى ، خطوط مشتركلىرى موجوددر . يونان اسلوب معماريسيله يابياشمش بر بنا مثلاً « پارتئون » ايله عرب اسلوبنده كي « الحمراء » سرايى آراسنده ، معمارلقدن هيج آكلامايان بر آدمك بيله پك قولايقله آكلايه جنى بويوك فرقلى وارددر .

صنعتی مثال کثیره رک دیورکه : « یالکز یونانلیلر پهریقلس زماننده دهارلینک اک یوکسک بردرجه سنه قدر یوکسلهرک اسلوب مطلقه ، غیر شخصی بناء علیه عالی برصنعتہ دسترس اولابیلرکی کوروندیلر ؛ بوضعتده رحم وشدت ، رقت واحتشام کی بالعموم سجایای علویّه حسن یکدیگریله مزوج ایدی . مشهور وینکلمان حسن مطلق ومکملی هیچ برلنت مخصوصه سی اولمیان ماء خالصه بکزمشدی ؛ بونک کی پارتہ نونک نقشلرنده ده هیکل تراشک شخصیتی اوقدر ماهرانه برصورتده اخفا ایدلمشدرکه بوکابر شخصک اثری دیمکدن زیاده بالذات صنعتک ایدا عکرده سی دیمک دها موافقدر . »

بومطالعہ نک هیچ بروجهله شایان قبول اوله مهیه جنی میدانده در . اسلوب ، اثرلرنده شخصیتی کورونن صنعتکارلرک طرز مخصوص تفهم وتبلیغلرندن عبارت اولدینی جهتله — اساس تعریفی اعتباریله — شخصیدر . مشاهیر منقدیندن « فردینان برونیه ر » ک دیدیکی کی : « حد ذاتنده ؛ بر صورت مطلقه ده اسلوب موجود اولاماز . او میروسک ، شکسپیرک اسلوبی دیمک ، او میروسک ، شکسپیرک طرز احساس وتبلیغی دیمکدر . اگر ای رسم یامه نک ، ای یازی یازمه نک قواعد قطعیه ومعینه سی اولوبده مکتبلرده اوقوتولمق قابل اولسه یدی ، اوزمان براسلوب صاحبی اولمق پک قولای اولوردی . » حالبوکه اولجه سویله مش اولدیغمز وجهله صنعتده ، صاحب اسلوب اولمق — اساس اعتباریله — بر موهبه فطریه در . یونان قدیم ادباسنک بر اسلوب غیر شخصی یه مالک اولدیلری ادعاسنه کلنجه ، بوتامیله یا کلشدر . بومطالعہ یی طوغری اوله رق قبول ایتک ، یونان صنعتی محو ایتک ، چوروتسک دیمکدر . حالبوکه وهرون یونان صنعتی حقیقده کی بو

سویلدیکی « هرشی اسلوبه یاشار » مطالعه‌سنی بز بالعموم آثار صنعته ، رسمه ، موسیقی‌یه ، هیکل تراشی‌یه ، معماری‌یه ده تطبیق ایده بیلیرز . بیوک رساملرک ، بیوک موسیقیشناسلرک ، کندیلرینه خاص برطرز تفهم وتبلیغلی واردر ، وایشته اولنرک قیمت صنعتکارانه لرینی وجوده کتیرمن یکانه‌شی بودر .

اقسام صنعت آراسنده شخصیتی اظهار خصوصنده اک آز کتوم اولان رسمدر . رسام فیرچه‌سنی اله آلدیغی زمان نصل برحالت روحیه‌ده ایسه ، یاپدیغی لوحه‌ده اونی آکلاماق ، کورمه‌مک قابل دکلدر . بوساحه‌صنعت هر شخصیتک تکمل وانکشافنه مساعد برزمین حاضر لادیغی ایچون « میکل آنر » له « رافائل » ، « لئوناردو ونچی » ایله « ورونه ز » ، « تیتین » له « لوقورده ژ » ، « روبنس » له « رامبراند » آراسنده پک قطعی ، پک واضح اسلوب فرقلری واردر . وایشته اولنرک بویوک کلکلیرینی تشکیل ایدن ، کندیلرینه تاریخ صنعتده شرفلی موقعلر ویرن ، آیری براسلوبه مالک اولمالریدر . مثلاً رافائلک « تصویر ایتدیکی حسن ایله « روبنس میکل آنر » ک ویا « لئوناردو ونچی » نک تصویر ایتدکلری کوزللك یکدیگرندن نه قدر آیریدر !

اسلوب ، دها طوغریسی صنعت غیر شخصی اولاماز ؛ اوژدن ورونک دیدیکی کی : « صنعت حقیقی شخصیلشدیرر ، اوکابخش شخصیت ایدر . » ایشه صنعتک باشلیجه وصف فارقی بودر . معافیله اسلوبک تمامیه شخصی برشی اولدیغی ، مطلق براسلوبک هیچ برزمان موجود اولامایه جغی حقیقی اوزون مدت آکلاشسیله مامشدر . بو فکره طرفدار اولانلر « حسن مطلق » دیه بر موجود موهومک وجودینه قائل اولانلردر . بوزمره دن موسیو « شارل بلان » نامنده برمنقدیونان قدیم

«اوژن وەدرون» بوخصوصە دييورکە : «جعيئلرک هر آن تکاملندە
عمومی برسويه واردرکە روح بشرينک او ائنادە کي حالت وسطيه سني
کوستير . اودرجه يي کچي اثرلر حائز مرتبت ويا صاحب دها آدملرک
آئاريدر . باياغي اثرلر آنجق اودرجه يه واصل اوله بيلير ، وهيج
بروقت اونى کچه مز . هرکس کي دوشونن وحس ايدن بياغي
برصنعتکار ، کنديسني خلقدن تفريق ايدە جک هيچ برشيئە مالک
دکلدر . اونک کنديسنه کوردە برطرزي ، براصول تحريري موجود
اوله بيلير ؛ فقط کله نک مغناي حقيقي سيله براسلوبى اوله ماز . مهارت
واستيناس ايله اسلوب وجوده کلز ؛ قورشوندن برونز ويا کموش
صداسي چيقماديني کي ، روحک بر محصولى اولان اسلوبى الە
ايتک دە بزم يد اختيارمزده دکلدر .

خلاصه : اسلوب ، طرز تفهم وتحسس وتبليغک خصوصيته
دينور . اثرلرندە شخصيتي کورونەن هر صنعتکارک براسلوبى اولديغي کي ،
برمسلکک ، بر قومک ، بر عرقک دە — کندي زمرة لرينه منسوب
آئار صنمده مشترک خطوط عموميه نک هيئت مجموعە سندن
مرکب — براسلوبى واردر . واونلرک وصف فارقي ، موجوديت
اصليه سني تأمين ايدن آنجق بودر .

۲

على الاطلاق صنعتکار اسلوبک اهميتي — طرز تفهمده ، طرز
تحسسده ، طرز تبليغده ، موجود خصوصيته اسلوب نامى ويرلديکني
وهر بويوک صنعتکارک براسلوب مخصوصه مالک اولديغي سويله مشدک .
شاتوبريانک ، ادبياتده اسلوبک درجه اهميتي کوسترمک ايچون

براقق ایسته‌نلرک بومطالعہ سی اصلا شایان قبول دکلدر . بالعموم اقسام صنعتده وبالخاصه ادبیاتده اک چوق نظر اعتباره آینه‌جق شی بوخصوصیت تحس و تبلیغدر . کائنات خارجیه دن هرکس اقتباس مال و اومالی تبلیغ ایده‌بیلر ؛ فقط اصل صنعت او طرز اقتباس و تبلیغ ماهیتده ، خصوصیتده در . صنعتک ، حسنک اک چوق منفوری اولان شی عمومیتدر ؛ هر هانکی بر بدیعہ صنعت تدقیق ایدیلر سه ایدلسین ، اونک اسلوب اعتباریه غایت شخصی ، خصوصی اولدینی کورولور .

موضوع دیدیکمز شی عمومی ، اسکی ، عصر دیده در ؛ اونی یکیشدیرمن ، زمانک رنگ صنعتی ویردن ، خلاصه جاذبه‌دار برحاله کتیردن ، صرف اسلوبدر . عثمانلی شاعرلرندن بر چوغی « لیل و مجنون » حکایه‌سی منظوم اوله رق یازمشرلسده اونلر آراسنده اهمیت و قیمتتی حالا محافظه ایدن ، حالا اوقونان آنجق « فضولی » نککیدر . اگر اسلوبک اهمیت اولمایوب قیمت اثر صرف موضوعدن منبعث اولسه ایدی ، او وقت « فضولی » نک بو حق رجحانی حائز اولماسی لازم کلیردی . ادبیاتی بر اقوب رسمه عطف نظر ایده‌جک اولور سهق اوراده‌ده عین حاله تصادف ایدرز :

« مه‌ملینغ » ک « ویه‌رژ » یله « بوتچهللی » عینی نامده کی اثری ، « پراقسیتهل » ک « وه‌نوس » یله « فالقونه » نک « وه‌نوس » ی آراسنده ، صرف اسلوبدن منبعث ، پک بیوک فرقلر موجوددر .

بیوک بر شخصیت صنعته مالک اولمایان ادبا و صنعتکارانک کندیلرینه مخصوص بر اسلوبلری یوقدر . چونکه بایاغیلغک ، بیوک بر شخصیته عدم مالکیتک وصف فارقی افکار وحسیاتده عمومیتدر .

ادبیاتده اولدیغی کبی، صنایع نفیسه نك رسم، هیكل تراشی، معماری کبی اقسام سائرهندهده بویله در. آثار معماریه هریرده وهر عصرده همان عینی مالزمله لرله انشا اولوندیغی حالده اونلری پك بویوك فرقلره یکدیگرندن آیران، وبر طاقم اوصاف فارقه ایله ممتاز بر عرب، بر یونان، بر ساجوق، بر عثمانلی طرز معماریسی وجوده کتیره ن شی، اسلوب معماریلرنده کی تخالفدر. کذلک رسم ایچون لازم اولان مواد ابتدائیه همان هریرده عینی شیلردن عبارت بولوندیغی حالده بر هولاندا مکتبی، بر فرانسه مکتبی وجوده کتیره ن شی صرف اسلوب تصویرده کی باشقه قدر.

مشهور «بوفون» لک «اسلوب بیان عینیه انساندر» سوزی پك چوق استعمال ایدلمش اولمقله برابر پك طوغری بر ملاحظه در. بویوك صنعتکارلردن هر هانکیسنک اثرلرینی اوقورسه کز اوقوییکز، ادبیات ایله کثرت اشتغالکز اولماسه بیله، اواثرلرک ادبای سائرهنک آثارینه بکزه مدیکنی مطلقا حس ایدرسکز. شیخی ایله باقینک ندیم ایله شیخ غالبک، عبدالحق حامدله ضیا پاشانک اثرلرینی اوقویان بر آدم، هپسنک آری آری برر وصف فارقله ممتاز اولدیغی آکلار. یعنی بوضعتکارلرک برر اسلوب مخصوصه مالکیتلرینه حکم ایدر. بر اسلوب مخصوصه مالکیت ایسه، اوژهن وهر ونک دیدیکی کبی «کندی افکار و تحسستی کندیسنه خاص برطرزده تفکر، حس و تبلیغ ایتک دیمکدر.» صنعتکارلرک، مسالک صنعتک یکدیگرندن تفرق و تمایزی اسلوب یعنی طرز تفهم و تحسس و تبلیغ واسطه سیله اولور.

اسلوبه لایق اولدیغی اهمیتی عطف ایتیه رک اونی نالی بر مرتبهده

ایکینچی مبحث

۱. اسلوب ماهیتی . — علی الاطلاق صنعتده اسلوبك اهمیتی . — اسلوبده اساس و شکل . — اسلوبك تحولاتی . — اسلوبك اشخاصه کوره تحوی . — اسلوبك موضوعه کوره تحوی . — اسلوبك دهای اقوامه کوره تحوی . — اسلوبك زمانه کوره تحوی . — بر اسلوب الله ایديله بیلیری . —

۱

اسلوبك ماهیتی . — فرانسه ادباسندن مشهور « لابیویهر » کونش آلتنده یکی هیچ برشی بولونمادیغنی سویلرایکن آلدانموردی . بالخاصه فکر و حس ساحه سی اولان ادبیاتده عصر لر دن بری سویلنمه مش ، تکرار ایدلمه مش همان هیچ برشی یوق کییدر . هرملتك اعظم ادباسی کرک کندی ملتیرینه و کرک ملل اجنبیه منسوب قدمانک آثارندن دائما استبایط افکار و احتساسات ایدر لر . بویه اولدینی حالده اونلرک اثرلرینی کمال لذتله او قوم قلمغزک اک بویوک سببی ، او اسکی فکرلره ، حسلره و یردکلری شکک کوزللسکندن ناشیدر . بویوک صنعتکارلر ، عمومی و مشترک اولان افکار و حسیاته کوزل بر شکل و یرمک صورتيله اونلره تملک ایدر لر . « کائناته کلن بلادن قورتوله ماز » سوزی هرملته و هرکسه عائد اولا بیلیر ؛ فقط « میدانده دوشه ن قورتولاماز سنک قضادن » مصراع برکزیده سی ضیاپاشانکدر . کذلک « حق قوینکدر » مطالعه سی بوتون بشریته ، بوتون افراد بشریته عائد بر شیدر ؛ فقط « حق قوینک ، دیمک شیررکدر » مصراعی تماميله توفیق فکرتهکدر .

بالعکس کلدیکی کی یازمیدر، ایکنجی، اوچنجی تصیح کرده لازم اولیانلری
اخراج ایتک ممکندر .

بر اسلوبده تنوع ، وجود دکسه اوکا برطاقم یکی کله لر ، یکی
صفتلر علاوه ایتلی ، سوسله لیدر .

مبالغه ، مهیمیتک خارجنده اولمق اوزره جماله لری سوسله مک ،
تزین ایتک لازمدر ، بو حظ بدیعینک مؤمنیدر .



اسکندر

مورخ شر !

بطلموس

موجب نه حقارت آبانسز

تاریخی یازان بنم یاپان سز

اسکندر

افکاری سنده اتمه تیج

راسطوبو نه در ؟

آرسطو

ظفر ویا هیچ !

اگر حامد بك بو « ظفر ، ویا هیچ » جمله سنك یرنده بر باشقه
 كله قوللانش اولسهیدی بو قدر بلیغ ، بو قدر مناسبته دار بر نتیجه
 تأمین ایده مزدی . ذاتاً آرسطونك شخصی ایچون بوندن مناسب بر
 سوز اوله ماز ، ثانیاً اثرک موضوعی ، غایه سی ده بو نتیجه یی بکلیوردی .
 ادانك اساسی ، روحی کله لر در ، بناء علیه یازی یازانلر یاخود
 یازمق ایسته ینلر بر چوق کله بیلملیدرلر .

خالد ضیا بك چوق کلماته واقف اولدیغی ایچون ادا خصوصنده
 دائماً موفقیتك سلاملرینی اقتطاف ایدر . باقکز ، روز کار ایچون
 نه دیور ؟

« دیشاریده روز کارلر جنك ایدیورلردی . یرتهور وغلایان بردکزك
 ولوله ایننه بکزه دن بر اوغوانی قراکلرک ایچنده صاقلی بر آفته تی
 سویله یوردی . »

افاده بو وسعتی ویره بیلمك ایچون چوق کلمه احتیاج واردر ،
 کله لر التحاق افکار قانوننه بناء بر برلرینی دعوت ایدرلر ، بناء علیه
 افاده نك تزینته وسیله اولوزلر .

اداده ، تصحیح اساس بولندیغنه بناء ، فضله کله لر دن قورقاملی ،

باشلرینک اوزرنده بر شمس بی انصاف یانیوردی ، چولده ایدیلر ،
ایچه جک صولری یوقدی . « دیمک ایچون :

کیدکاری آفتاب تموز
ایچدکاری شعله جهانسوز

دیور .. بونه تراشیده ، نه متین ، نه واسع ، نه حیات بخش
بر افاده در ، ایلک نفسله ، ایلک الهامله سویله نیله مز ، افاده ایدیله مز .
روحی بغدادی ده « ینه ازلدن سرخوشز » دیمک ایچون :

صانمه ک بزی کم شیر انکورله مستر
بز اهل خراباتده نر مست السنز

دیور . بونه سرسری ، نه بیهوش ، نه مغرور بر آهنگه ،
بر افاده یه مالکدر . اساساً اداده ایجاد یالکز کله لر کوره دکل ،
شخصه ، موضوعه ، اثر ادینک نوعنه کورده ده دکی شیر . بعضاً اک
ساده بر افاده ده او قدر یکیلک ، کوزلک ، وسعت واردر که ..
اصل صنعت اداده بونده ، « تن » ک دیدیکی کبی اصل کلمه طبیعی بی
بولقده در .

مثلاً : عبدالحق حامدک اشبرینک صوک پارچه سنده کی « هیج »
بونک مثال واضحدر :

اسکندر
کینوس نه بود هشت و قیامت
سویله بر بداس نه در بود عشر
پر بداس

بطله بوسه صور ا

دكل كله طبعيه يي يعنى بونلرك حضورنده ، ياخود اونلره تماس ايدلديكى تقديرده كنديلكندن ظهور ايددجك افاده يي بولميدر.

وقايع و موادى كوستره جك ، اشعار ايدده جك بيكلرجه افاده واردر ، حالبوكه تعين ايدده بيلمك ايچون ايكي وياخود اوچ دانه بولنير ، ديمشدر .

باخصوص عصرلر دنبرى سويلنمه دك ، شكلدن شكله صوقولمه دق ، هيچ برسوز ، هيچ بر خيال هيچ برفكر ، هيچ برحس قلامشدر . بناء عليه بونلرى يكي بر طرزده افاده ايتك مجبورتي قارشوسنده بولونيورز ، ديمكدر . بونك ايچون فوق العاده دقت ايتك ، قلمى چالاك بر عرب آتى كي قوللانماق ، تصحيح ايتك ، تكرار تكرار تصحيح ايتك ضروريدر .

اي بر ادا ، اي بر افاده آنجق سعى وغيرتله در . بوفون « بن كونده اوچ درت دفعه يازى يازمه يي تعليم ايدر » ديدكن صكره « دها اوزون بر صبر و متانتدن باشقه برشى دكلدر . » سوزلرني سويله مشدر .

اك بويوك محررلر بر قاچ دفعه يازيلرني تصحيح ايتمشلر ، ايتكده درلر . حقيقون مسلك ادبسنك رئيسى « كوستاو فلوبر » يازيلرى اوزرنده متين بر صبر و ثباتله ، حقيقى بر عصبيت و محبتله اوغراشير ، آرى آرى بر قاچ دفعه لر تصحيح ايدر مش .. هوغو ايله ايپوليت تنك مسوده لرى سيلكلرله طولو ايمش .. ضيا پاشا ، اسماعيل صفا يازيلرني سيلاه سيلاه ، تصحيح ايدده ايدده قوددن فعله چيقارلر مش ..

مثلا شيخ مسلك رهن يون غالب دده « اوزرلرنده ايدده يوقدى .

افكار ، حسيات بونكله توضح وتعين ايدر ؛ اونلری فکر آ اشعار ایدن کلمات ناقصه دها اي کوستره بيله جکلره ترك موقع ايدر . کله يي تبديل وتغير ايتمکله فکری تعديل واکمال ايتمک ممکندر . بوصورتله فکر وکله شکل تام و مکملنه واصل اولور . بر اثر تخیل ، تصور ، پلان حالنده قالدجه اثر صاييله مز ، اونی کله لره توديع ايله نقل ايتمک ضرور ايدر . هر شيئه اک حقيقي بويوکلکني ، محتاج اولديغي موقعي توديع ایدن اسلوبدر . فکرك مقیاسی کله در . « ژوبر Jaubert فکری افاده ايتمک خصوصنده نقصان اولان کله لر دکلددر . يالکز کله لرك افاده ايد بيله جکلری فکر لر مفقوددر . فکر اک صوك درجه تکاملنه واصل اولديغي زمان کله آچيلير ، کندني تقدیم ايدر ، اونی اکسايه شتاب ايلر . » ديمشدر .

بناءً عليه يازمق ديمک تفکری اکمال ايتمک ديمکدر . تفکر ايسه ماده نك عضو در ، بر فکر آنجق افاده ايدمک شرطيله حقيقه تولد ايتمش اولور .

مع مافيه اداده ايجاد بوتون قوتيله اجراي نفوذ ايدر يالکز حسلری ، فکرلری بولمق ، آراشدیرمق ، اونلرك تفاصيل وتفرعاتی آره سنده کی نسبتلری تعین ايتمک ، اثرک وحدتی ، حرکتی تأمین ايله مک کفایت ايتمز ، اونلره نوین ، سوسلی ، کزیده بر لباس ده کیدیره بيلمک اقتضا ايدر .

فلسفه صنعت محرری « ايپوليت تن » بر شاعرك صنعتنده کی اک ابتدائی استعدادی کله لری انتخاب ايتمکدر . بروقه ، برماده حقدده بر فکره مالک اولونلديغي زمان اونی افاده ايد بيله جک کله حقيقه يي

اگر بالعکس، کوزلرمزك اوکنده توقف ایدر، مناظر مختلفه بی اظهار و اراهه چالشیرلرسه حرکت بطیدر .
 بر فکریدن دیگر بر فکره کچمک، بر فکرک تفصیلات و تفرعاتنده طور مق شرطیه بو ایکی حرکت آره سنده بی نهایت درجات واردر. ینه بونلردن ایکی خطا تولد ایدیور. بری قاره آ کلاویه جق قدر زمان بر اقسزین بر فکریدن دیگرینه کچمک ، دیگریده یک نظرده آ کلاشین ، یا خود معلوم اولان بر فکر اوزرنده اوزون اوزادییه تفصیلات و ایضاحاتده بولنقدردر . بو ایکی خطادن صرف دقت و سعی ایدرک اجتناب ایتک لازمدر .

۶

۱. — ذکا ابتدا موضوعی بولدی ، کندیسیله باشقه لرینک تجربالرینی نظر اعتباره آله رق استحضارات فکریه ده بولندی .
 بونلر شکلسز، مبهم ، شاقین ، کریزان اولدقلری جهته موقعلرینی، موضوعک وسعت و مسافه سنه کوره آله جقلری وضعیتی تعیین ایتدی .
 بونقطه یه قدر ینه کندمز ، کندی روحز ایچون چالشدق ، بز کله لرمزی ، خیال لرمزی ، جمله لرمزی انتخاب ایتک ، فقط بونلری باشقه لرینه نقل و تفهیم ایده مدک ، ایتک ده ممکن دکادر . اوحالده شمدی بزى باشقه بر وظیفه قارشیلایور : اوده باشقه لری ایچون چالشمق ، اولرک آ کلاویه بیله جکلری بر لسانله ، کلماتله ، جبل ایله افاده مرام ایتکدر .

ایشته فکر لرمزی ، حس لرمزی عمومک آ کلاویه بیله جکی بر شکله ، بر طرزده افراغ ایتکده یعنی کاغده نقل ایله مکّه « ادا » دیرلر بو صوکنجی عملیه فکریه ایجادى اکمال ، اسلوبى ابداع ایدر . اشیا،

عبدالحق حامدك آثار تماشا سنده حرکت بولند بنی ایچون اثرلری
قیمتدار ، نفیس ، برودتن آزاده در .

اشبرك هر صحیفه سی یوردیکی جهته بر شه نوشته آثار عثمانیه در .
حالبوکه بویوک وطنپرور ، مستکمل لسان عثمانی نامق کلاک
« قره بلا » سنده قطعياً حرکت موجود دکدر . قارئی دائماً عینی
فكرك ، عینی مطالعه نك ، عین رنگلرك ، عینی حسیاتك قارشو سنده
بولندیرر . قابل دکل ، اثر یورو من ، ایلرله من .

وحدتده اولدینی کبی حرکتده ده اک مهم مسئله بر اثرک مبدئی ،
وسطی ، منتها سی تعقیب ایتمکده در . بولری تعیین ایچون اوغر اشملی
چالشملی ، یورو لملی ، اصابت ایتدیرد کدنصکره ایلرله ملیدر ، یوقسه
یاری یولده قالمق محققدر .

محرر لر حقهده تدقیقات و تبعاعده بولان « پاسقال » « بر اثری وجوده
کتیر یکن اک صوکر ا بولان شی اک اول وضعی لازم اولاندر . »
دیمشدر .

بعضاً انسان سوز سوبلرکن بر درلو بیتیره من . صو ک فکری
صو ک جمله نی بوله من ؛ تکرار باشلار . یوردیکی یولی تکرار تعقیب
ایدر . غایه یه ، مقصده قابل دکل واصل اوله من .

نقطه عزیمتی تعیین ایدرسه کز نقطه مواصله یی ده بولمش اولورسکز .
بوندنصکره بولری ربط ایدن خطی تعقیب ایتک قولایلا شیر .

بو طریق مواصله ده مشی و حرکت محرر و قارئه سرعت ویا
بطائت ویرر ا کر فکرلر عجول ایسه تعاقب ایدر ، نظرلرک اوکنده
آکلاشیله حق مدت قدر قالیر ، همان ترک موقع ایدرسه حرکت
سریع اولور .

مشهور « فائوست » محرری « کوته » موفقیت پلانده در دیمشدر .
 الك بویوک محرر لر بیله بو احتیاجی حس ایتشلر در .
 هر اثر ادبی بر وحدتک ، و بو وحدتن باشلایه رق نتیجه یه
 طوغری توسع وانکشافک محصولیدر . حالبوکه بر نتیجه عمومییه
 طوغری کیده بیلیمک ایچون بر طاقم تفصیلات و تفرعاته احتیاج واردر .
 دیمک تنوعک وجودی مقتضیدر . حالبوکه وحدتله بونی
 برلشدره بیلیمک ایسه صنعتدر ، صنعتک آناختاری ایسه ترتیدر .
 بویوک محرر لر دائماً بوکا رعایت ، تبعیت احتیاج حس ایتشلر در .
 مادامکه اونلر ایچون بو بر لزوم قوی تشکیل ایدیور ، کوچکلر
 ایچون ، مبتدیلر ایچون ترتیه اعتنا واجب اولور دیمکدر .



حرکت . — بر اثرک اقسامی آردسند نسبت و تناسب ، بر محدودیت
 بر رابطه صمیمیه بولنقله برابر برده حرکت بولنمیدر . بر اثر دیمک
 وحدت طاشلرینه استناد ایتش غیر متحرک ، ثابت بر هیکل دیمک
 دکلد ، بر اثر تعضو ، بر حیات ، بر کائنات دیمکدر . بر وحدتن
 باشلایه رق نتیجه عمومییه طوغری اقسام مختلفه سی اویناملی ، یورو ملی
 ایلرله ملیدر . وحدت بر اثر ایچون نه قدر لازمه حرکته او قدر لازمدر .
 وحدتسز اثر موجود اوله مه یه جفی کبی حرکتسزده اولو طوغمش
 دیمکدر . بر اثر نه قدر مختصر اولورسه اولسون نتیجه سنه طوغری
 بخطوات ترقی ایله یورو ملی ، قارئ هر دقیقه بر منتهایه یا قلاشدیغنی حس
 ایتلیدر . هر اثرده ، بر نطقده ، بر مناقشه ده ، بر شعرده ، بر منثورده ده ،
 بر رومان فصلنده ، بر تماشا مجلسنده حرکته احتیاج واردر .

بناءً علیه قطعی ، جسور بر ال ایله اثریازیله مز ، مطلوب اولان تأثیری
حصوله کتیرمز .

بعضیلری ده کندیلرینه اعتماد ایله خطادن قورقازلر ، بو احتمال
ایله بیکلرجه خطالره دوشرلر ؛ بونلرک آناری اکثریا خطیئات
ترتیب ایله مالامالدر . نه قدر آثار واردرکه عدم موفقیته قارشو
قارشویه کلیرلر ، دوشرلر ، یاخود ابدیته تحکم ایده جکلری یرده موقت
بر حیاته مالک اولورلر ، حالبوکه بونلرده ابداع ، تحسینات ، احتسا-
سات ، خیالات اعتباریله نه قدر مزیتلر واردر . فقط اوتوده
کوچک بر ذکا و استعداد مالک بر شخص ایجاد ایتدکلرینی ترتیب
ایده بیلدیکی جهته اعمار آرمسده اونوتیلمز ، یاشار .

اگر پلان جدیتله ترتیب وتنظیم ایدلمه مشسه کوزه چارپه بیلجهک
تناسبسزلکلر ، مساواتسزقلر اثری املا ایدر . بعض پارچهلر
چوق قیصه ، بعضلری ده چوق اوزون اولور . محرر لزومی اولمقسزین
کندیسنه خوش کلن بر فکری ، بر حسی صحیفه لرله یازدینی حالده
لزومی اولان شیئی اونویر . یولی شاشیر . نهایت مقصد و غایه دن
اوزاقلاشیر . افاده ایتدیکی هر شیده بر حقیقت کوریر ، تصدیقلر
ایچنده قالیر ، بر آز اول سویله دیکنی بر آز صوکر ا تکذیب ایدر .
مبهمات ، التباسات ایچنده یووارلانیر . ممتاز رؤیتلر ، عمیق فکترلر ،
اینجه کلهلر ، مؤثر خطلر اثرنده بولینه بیلیر : بونلر برشه نویشته ایچون
لازم اولان مزیاتدر . فقط قارئه انکسار خیالیدن انکسار خیالییه ،
قارا کلقدن قارا کلغه ، قرارسزلقدن قرارسزلاغه دوشه جکی ایچون
بو صورتله یازیلن بر اثری اوقومق ایسته مز ، آثار ؛ چونکه قارئین
بوزوق بر کتابی یکیدن یامق ، دوزلمک مجبوریتنه قاتلامق ایسته مز .

دقت ابتدا اثرک مواد ابتدائیه سی اولان افکاری طولار ،
بونک اقتضاییدیکی قدر زمان صرف ایدر ، کافی درجه ده طولیادیغنه
اساسلی اولان وهیچ بر شیئک اونودولمیدیغنه امین اولدقدن صکره
اونلری تنظیم ، مناسبات صحیحهلرینه کوره ترتیب ایلرلر .

بعضیلری داهیلری ، یک نظرده مقصد و غایه لرینی ، یوللرینی
فطره تعقیب ایده یلنلری نظر اعتباره آله رق « ترتیب » ک عدم
لزومنی ادعا ایدرلر . فقط هرکس داهی اوله ماز ، بوکی نادرات
و استثنآت اوزرینه قاعده لر اخلاص ایدیله من . بوقاعده یی احداث
ایتمک ایچون عمومیت نظر دقته آلینیر . بوخصیصیه مالک اولمه ینلر
بر صبر متین ، بر سعی متمادی ، بر تحری مؤشکافانه ایله مقصدلرینه
واصل اولمه یی دوشونمیدرلر . پلانلرینی دقتله ، متانتله ، یورولمقسزین
اینا ایدرک یورومه یه قرار ویرمیدرلر .

بوصورتله مهارت و صنعت تحریر الده ایدیلیر . سعی زمانلری
تنقیص اولونیر . تحری ایدرکن تنظیم ایتمک ملکه سی اکتساب
ایدیلیر . ترتیب دن واز کجه بیلیمک ایچون مبادی تحریرده اونکله
فوق العاده مشغول اولمق ضروریدر .

بعض ذوات ، بیلنه من ، ناعمل بر قوه خفیه ایله دوشونمکسزین
سویلر ، و یازمه ییلرلر ، اللرینه قلمی آلدقلری زمان طور مقسزین
مجنونانه ایلرله یه بیلیرلر ؛ فقط هر دقیقه ، هر ثانیه اونلری بر قورقو
تعقیب ایدر ، عجباً بوفکر یرنده میدر ، دکلیدر ، اقسام و تفرعات نسبت
لازمه یی تأمین ایده بیلیمورمی ، ایده مه یورمی اندیشه وترددینک اثری
آلنده قالیرلر . بو ایسه محررک تمامیه اشتغال ایتمه سنه مانع اولور .

اساساً افكارى تنظيم ايدن ، افاده ايچون اك قيصه ، اك ساسالم
اك قولاي طريقى آرايان فعاليت دماغيه ، يعنى ترتيب غايت الهامكار
برواسطه در . افكارك بربريله مصادمه سندن يكي يكي افكار تولد ايدر ،
سلسل ايدر ، كيدر ، ديكر طرفدن اولجه تعين وتقرر ايتمش پلانى
كچر ، آتلاز .

بونك ايچون ترتيب خصوصنده استعجال ايتمه ملي ، زمانى كلهدن
پلانى ترتيب ايله مه مليدر ، زيرا بوالهامى تحديد ايتك ديمكدر ،
بر آوجى ، آوك بولندينى يري بيلمكه برابر ناصل بر نقطه ده توقف
ايتمز ، ناصل اطرافى آراز ، طارارسه بر محررده موضوعنى انتخاب
ايتدكن صكره بر مدت سرسريانه فكرلر آرقه سنده قوشملى ،
بولدقلىنى زرده ، نه وقت قوللانه جغنى دوشونمكسزىن قبول
ايتملى ، بر چوق دورلر ياپملى ، كيتملى ، كلى ، خلاصه دوشونملى ،
دوشونمليدر .

تماميله طويلادقن ، غنيمته مالك اولدقن صكره مفرداتى
طوتمق ، تنظيم ايتك لازمدر . ذاتاً اشيا آره سنده كى مشابهلر
تضادلر ؛ تنوعندن امين ، منطقى بر انتظام وتسلسل طوغه بيلير .

بناءً عليه شديد ، قطعى بر پلان داخلنده الهامى اولديرمه مك
مقتضيدر . مع مافيه بوسوزلر نايجادك كندى كندينه ، سرسرى بر حر كته
تابع اولدينى معناسى چيقارلامليدر . اوزرنده يورونه جك مساحه نك
حدودىنى تعين ، اونك خارجه چيقمه مغه غيرت ايتمليدر . ايسته
بو نقطه ده « ترتيب » وظيفه سنى ايفا ايتمكه باشلار . طبيعته اساساً
مزوج بولنان بوتقسيمات وتصنيفاتك وظيفه لر ينك نه وقت باشلايه جغنى
اپى بردقت وبصيرت تعين ايدر .

۴

ترتيب . — باسقال « برشيئك ابي اولمسي كافي دكلدر . موضوعه مطابقتي ، نه فضله ، نه ده نقصان اولماسي لازمدر . » دييور .
 في الحقيقه فكرلري بولدقن ، تحسسات وافكارمزدن موضوعك وحدتيله اوصاف اساسيه سني تأمين ايده بيله جكلري تأمين ايتدكدنصكره بونلري سلسله منطقيه اوزره تنظيم ايتمك يعنى بونلردن هانكيسنك مقدم ويا مؤخر اوله جغنى تعين ايتمك قاليركه بو عمليه « ترتيب » ديرلر .

اساساً ايلك رشيم تفكردن نتيجه اكاله قدر بر اثر طبعته بو سلسله يي تعقيب ايتمز . بو تصنيفده بر آاز صنعت موجود در . برنجيدن ديكرينه كچمك ديمك برنجي يي تعقيب وا كمال ايتمكدن بشقه برشي دكلدر . ايجاد بعض اقسامك تنظيمنه ، بعض افاداتك تعييننه غير اختياري اوله رر رفاقت ايدر . موقعلري ، افاده لري تعين ايتمك سز ين بر موضوعه دائر فكرلري بولمق غير ممكندر . دنيا ده شكل سز هيچ بر ماده يوقدر . فكرلرده بويله در ، بر پلانه ، بر افاده يه مالل اوله نجه وجود بوله مزلر .

بوندن باشقه انتخاب اولنان ، بولنان موضوعك حال انتظامه وضعي ائناسنده دماغك فعاليت ايجاديه سي توقف ايتمز . دقت ايتديكمز حاله دماغمذك چالشيغنى ، مقايسه لرده بولنديغنى ، يكي يكي فكرلر تحري ايتديكني ، بعضاً جداً قيمتلي ، حتى حاكم فكرلر بولنديغنى ، المزده بولنان پلانه تكرار باشلامه نك لازم اولديغنى حس ايدر ز .

مقهور ندامت نظرم برلره معطوف ،
 پیرامن عزیمده خیالات سیهر ؛
 معنای تبسملره معروض و مکدر ،
 معنای سوالات ایله هر خطوده موقوف ؛
 آواره ، دولاشمقدیم ابعاد حیاتی

ییللرجه تحری درمسدود نجاتی
 ییللرجه متاعله ، مصائبه دوکوشمک ،
 کز مک ، بودیک نلکده کرانبار سفاک ،
 مسموم ، آجی بر زهر ایله مسموم ... نهایت
 بر کل قوپاروب قوتلامه دن طوبراغه دوشمک !

بن بویله می صاندم سنی ، ای عمر غم آلود ؟
 بر تلخی نفرتله کوکل نادم بی سود ،
 تقدیس ایدیور سایه قهرکده مماتی

حالد ضیا بکده « بو مملکتده محرر لر سفاکدن سفاکته دوشر لر
 دیمک ایچون درت یوزی متجاوز صحیفه لک « مائی و سیاه » نامنده کی
 اثر کزیده سنی یازمشدر .

ایجاد بویله بر فکر اساسی ایله تفرعات و تفصیلی آره سننده کی
 مناسباتی تعیین ایتمک اولمسنه بناء بر وحدتی تعیین ایتمکده ایجاددن
 معدوددر . اصل مهم اولان فکرک ، وقعه نک بزه ویردیکی تحسینات
 و تأثراتی یعنی شخصیت مزی نظر اعتباره آلمق صورتیله ایجادی ، وحدتی
 وجود کتیر مکده در ،

وبن برشی یابامیوردم ، هیچ برشی یابامیوردم . اونی بو حاله کتیره
ایکله تهرک بویه غدارانه اولدورده درده ، بو خائن موته هیچ برشی یابامیوردم .
بو عجزک النده ازیلش ، حایقیرمی ایستیوردم . قودورمی ایستیوردم . اولمک
تحقق اولسه بيله وحشی وحشی ، قانلر ایچنده انتقام آلمق ایچون قودوریوردم .
فقط کیدوب سبب ، حق صورولاجق ، کیدوب انتقام آینه حق هیچ
بر کیسه یوقدی ،

صوک نفسی ایشیتمه مک ایچون ، شقاقلره باپشمش و شیمیدن اولش
بو زوالی پریشان صاچلرک ایچنده ؛ بو ارقدر کوزل ، و سیاه کوزلرک بنم
سفیل قارده شمک سفیل کوزلرینک سوندیکنی کورمه مک ایچون قاجدم ؛
اورادن ، یاندن قاجدم ، فقط « اولدی » خبرندن ده قاجه مدم ، اوندن
قاجه مدم .

اولدی ، اوت ، اوده اولدی ، ایشته هیدی اولدی ، اون ایکی سنه اول
نینه م ، اوچ سنه اول بابام ، و شیمیدی او ، عشق قلمده هیدنک برخی طوتان
اوده اولدی ، اوچی ده اولدی . و بن اولمک مزارینک ، اولمک مزارلرینک
یاندن آچیلان بو یکی مزارک باشنده بو کون ایکلرکن بنم ایچون کندیلرینی
آرتق بردها کوره ک احتمالی محال اولدینی ، بو کیسه سزک ایچنده سورونمکن
باشقه هیچ بر چاره بولونمادینی حالده — مجنونانه اولسه ده — اولمک
شیمیدی برابر اولدقلرینی دوشونمده « آه ، شیمیدی سز بکا آغلا یکن .
سز بکا » ديه فریاد ایتدم .

خیله نک حساسیتک سوسله دیکی بو سوزلر بر نوئه فکریه
اطرافنده طوپلانیور بوده « اولمک آجیمه ییکز اصل آجنه حق
بنم ، چونکه یاپ یالکزم ... » یاخود « اولمک دکل ، یاشایانلره
آجیکز » فکرندن عبارتدر .

فکرت بک « حیات مضائب و متاعبله اوغراشمق ، نتیجه ده
هیچ برشی الده ایتمه مک در » دیمک ایچون شو سوزلری سویله مشدر :

بوتون اشخاص بونوه فکریه اطرافنده کزینور . تفصیل و تفرعات
اونی کوستره جک صورتده یکدیگریله امتزاج ایدیور . قارئک نظرنده
طانلانیور . اقسام متفرعه الی نهایت تمادی ایدوب کیتمه یور . نوه
فکریه نی تقویه ایده جک بر محدودیت عددیه تابع اولیور ، تأثرات
وهیجانات مختلفه بر برینی ازاله دن زیاده بر برینک تأثیرینی تزیدایچون
اوغراشیور ؛ ایشه وحدتده بودر .

اساساً بر موضوع وحدت دیمکله برابر بر فکر اصلیدرده .
بر موضوع حقنده صحیفه لر ، جلدلر طولدیرمق ممکن اولدینی کی
اونی بر فکرله ، بر سوزله افاده ایتکده ممکندر . رؤفک بر شعر
مشورینی آلیکز ؛ مثلاً « سیاه انجیلر » نده همشیره سنک وفاقی
طولایسیله یازدینی ایکی صحیفه ده کی تألمات و تظلماتی دیکله یه ییکز .
باباسی ، آناسی اولمش ، نهایت همشیره سی ده اولیور ، شیمدی
صنعتکار یالکز ، یاپ یالکز :

« ایکتیلی ، ایصلاق ، سیاه بر قیش کونیدی . اونک اولدیکی کونیدی ،
اونک . اونم دنیا ده بر تک قرده شمک او مشوم خسته خانه ده ، بر چوق
سفالقردن سوکره ایکلیهرک ، استمداد ایدرک . » بنی قورتارک ، بنی
قورتارک ! « دیه صبرلایهرق اولدیکی کونیدی .

او اولیوردی ، او کوزمک اوکنده اولیوردی ؛ کوزلری قورقودن
اختلاجلرله آجیله آجیله سیاه بر چوقور اولیوردی .

بوزینک صلوق ، تری درسی کرله کرله کمیکارک اوستنده یبرتیلیور
کی آغزنده بوزولیوردی . دوداقلری قورویهرق ، مورلاشهرق ، دری
آلنده دیشلری صایله جق قدر کمیکارله یاپیشوردی . کوکی صوک خرخره لرله
صوک ایکتیلرله بوغازینه قدر چیتوب صوکره آچالیور . آچالیوردی ،

جاریه قاتل دیبه طوتیلیور. حضور اهالی ده محاکمه سی اجرا ایدیلیور. اعدامه محکومه اولیور، فقط خسرو ناموسایلره مخصوص بروقار نجیبانه ایله اعتراف جرم ایدیور. پدری قالدین حقنده ویردیکی حکمی بلا تردد اوغلی حقندهده ویریور.

لکن اهالی بر مستبدك ظلمنه نهایت ویرن بو نجیب، اصیل، ناموسکار اولادی عفو ایدیور. ایکنجی وقعه. شمدی خسروك عشقیله نسترک عشقی قارشولاشیور. او خسروی سویور، احتراصات وهوسات النده باریجه اولان بوتون موجودیتله سویور. فقط خسرو قاتلدر، همده باباسنك قاتلی،. اوندن ایکره نیور، وسویور، او یله بر مجادلۀ روحیه که ایچنده چیقمق، قورتیلمق غیر ممکن... موجودیتی بو حیات مجادل وسفیله تحمل ایده مز. طالعك، تصادفك بو ظلمنی قیرمق لازمدر. اتخار ایدیور. خسروده آرتق وجودنده قوت بوله مه یور، اوده کندی ایله کندی سعادتنی تسمیم ایتشار. اوده کندینی ووریور، اولیور.

اوچنجی وقعه... اثرده بیثیور. ایشته مختلف اشخاص، مختلف طبایع مختلف امزجه، مختلف وقایع... اثرده یکنسیتی دن، پک رنکیدن اثر یوق، فقط وحدت موجود... بر کره بوتون بونلر بر فکر، بر نوۀ فکریه اطرافنده طولاشیورلر. محرر بزه امزجه، اشخاص، تصادفادن متولد بر طاقم وقایع واردر که اونلرک دست خیانتدن خلاصک غیر ممکن اولدیغنی کوسترک ایستیور. فی الحقیقه حیاتده غیر قابل اجتناب بر طاقم حادثات موجودر، بزی آرزو ایتدکلی ظاییه، نتیجه یه سوق و ایصال ایدرلر، بوتون وقایع،

قدر کیده بیله جکی کبی مشابہت و معادله قدرده کیده بیلیر . بونی تعیین
حق مزاجک ، تربیۀ ذوقیه نکدر . فقط هیچ بر اثر کزینده وحدت ؛
اقسامک یکدیگر بیله مناسبتی ، تأثیرات متخالفه نک بر بیله امتزاج
و آهنگی ، یک نظرده احاطه ایدیله بیله جک صورتده اقسامک محدودیت
عددیہ سی ، بوتون بونلرک بر نقطۀ منتها واصلیه بی تعقیب ایله مسی اہمال
ایدلمه مشدر . هر مملکتک ، هر دیارک آثار بدیعہ تحریریه سندہ
بوکا تءادف اولونیر .

مثلاً : عبدالحق حامد بکک نستربنی آلم . اثرده بر قاج وقعه ،
بر قاج مزاج طبیعت کورییورز ، اولاً غضنفر ، بر شاه مستبد ، ازییور .
قیریور ، دوکیور ، اکلنجه سندہ ، صفاسندہ .. ثانیاً شہزادہ بہرام
شاہک برادری ؛ عقلی ، فاضل ، جسور ، شجاع ، وطنی بر قاج
تہلکدن قور تارمش بر ذات . . خلق طرفندن سویلیور . طبیعی
بونلر آرسندہ بر منافرت موجود . برده بہرامک اوغلی خسرو ، شاہک
قیزی نسترن وار . بونلر سویشییورلر . بر برلرینده موعود ... بہرام
شجاع ، عزت نفسہ مالک ، ناموسنہ ، وقارینہ قارشو فوق العادہ
حرمتکار ، هر شیئی ، حتی عشقنی بیلہ فدایہ حاضر بر کنج . .
نسترن بر قادین ؛ متردد ، حسیاتنک زبونی ، تأثیرات متخالفه نک
تأثیریلہ لرزه ناک بر مخلوق . برده نسرین نامندہ بر جاریہ وار . بو
افندیلرینہ مطیع ، بو قادینلرده موجود اولان شفقت نسوانیہ ایلہ
فداکار .. شاه غضنفر ، بہرامی تحقیر ایدیور . بوانتقام آلمیدر .
خسرو طورہ مز . غضنفری اولدیریور . بوبر وقعه در ، بہرام ملتک
ستایشلری ، تقدیرلری آلقشلری آرسندہ شاه نصب اولونیور .

قولایلقله نفوذ ایدیه بیلجهك بر مناسبت اقسام تأسیس برهیجان حاكمه منتهی تأثرات متخالفه بی تأمین ایدیه بیلجهك بر پارچه اخراج ایتك مجبوری تی توجه ایدر .

بوده وحدت دیمکدر . برآورده وحدت وار دیمك اونی تشکیل ایدن اقسامك يك نظرده احاطه ایدیهك قدر بر محدودیت عددیه مالک اولمسی ، رابطهك آکلاشیله بیللمسی ایچون اقسامی آراسنده بر رابطه وعلاقه کافیه بولمسی ، ذکا اوزرنده اجرا ایتك ایسته دیکی تأثراتك بر برینی حذف و ازاله ایدیهك قدر متخالف بولنمه مه سی موجوددر دیمکدر .

وحدت دیمك یکنسقی ، اطراد دیمك دکلدر ، وحدت ، وجود بشره بکزر ، اقسام مختلف وظیفه لر ایفا ایتکله ، مختلف شکله مالک اولمقله برابر بر هیئت مجموعهك ادامه حیاته خدمت ؛ طبیعت طرفندن تعیین وتقرر ایدن نقطه انتهایه قدر ایصال ایچون برلشمشلدردر . وحدت عینیت دکلدر . امتزاجدر . بر غامك فکر نامتناهیسنه ، بر رنگك توسع بی نهاییسنه ، بر احتراصك انکشاف وسعت ناپذیرینه مانع دکلدر ، یالکز بوغاملر ، بورنکلر ، بو احتراصلر آره سنده بر مناسبت ، برنسبتك ، بولمسنی بوتخالفات ایچنده محررك تأسیس ، عمومك تیقن ایدیهکی بر رابطهك تأمین اولمسنی آمردر .

باخصوص قارنه ، محرره ، موضوعه مخصوص بوتخالف وتناسب آره سنده ، بیکلرجه درجه وار در . اك زیاده ساده اولاندردن الك زیاده مشوش ازلره قدر ، درجه درجه مزاج وقابلیته کوره ، بیکلرجه شکل موجوددر . روح اوزرنده کی تأثرات متخالفه بعض نقاط تضادیه

لازمدر . بوبر شکاردرکه آرقه سندن قوشد قجه دیکله نمک احتمالی ده
آزالیر .

۳

و صرت ؛ هر موضوع بر و صرت بر ، بر فکر در . — ذکای بشرده
وسعتدن زیاده بر محدودیت وارد . بعض خطوطک خارجنده کی
شیلری ادراک و رؤیت خاصه سی مفقوددر ، چوق بویوک ، چوق
واسع اولان شیلری احاطه ایده من ، دقت اعتباریله بر محدودیت
مالکدر . پک زیاده مشوش اولان شیئی قارشیدر ، آکلایه ماز .
ایشانک سلسله لایته اهیسی آره سنده بر برندن پک بسیط صورته
آیرلش اولان خلقه لک ربط ایتدیکی تفرعائی آکلایه بیلیر ، فقط
مسافات اوزاقلاشدینی دقیقه دن اعتباراً آره یرده کی وساطت خدمتی
کورن خلقه لری کوسترمک مجبوریدر . بر حمله ده افکار وحشیانک
پک آز قدمه لرینی چیقابیلیر ، خلاصه بر حساسیت محدوده ده
مالکدر : فوق العاده شدید اولان تحسسات آجی ، مشوش کلیرلر .
بر برینه مشابه اولانلر قاریشیرلر ، کورلمز حاله کلیرلر ، تضاد تشکیل
ایدنلر بر برلرینی تخریب ایدرلر ، ساده بر صورته مخالف اولانلری
ضعیفلر ، بر برلرینک ضررینه یاشارلر ، قوی تحسسات ظالم و مستبددر
روحده یالکز یا شامق دیکر لرینی نفی و تبعید ایتک ایسترلر .
مزاج بشرک بو حالت مخصوصه سنه بناء ادیب و یا صنعتکاره
کائنات افکار و اشکالدن ؛ متوسط بر وسعتده ؛ مستقل ، متجرد
فرض ایدیلر جک ماهیتده ؛ بر هیئت مجموعه متجانسه تشکیلیه ذکایه

ایجاد خصوصنده حیاتک ، حقیقتک ، حافظه‌نک پک بویوک تأثیری واردر . بونلر ایجادک معاونلریدر .

مثلا بعض طبایع بشریه‌نی تقویه ایتک ایسترسهک . . . محیطمزه نظرلرمزی دوندیریرز . . حقیقتله غیله‌می‌ده‌کی اشخاصی قارشیللا-شدیریرز ، احوال ووقایعی یان‌یانه وضع‌ایدرز ، محیطلری نظراعتباره آلیرز . او زمان دماغمزه نورلر یانمغه ، کوسترمک ایستدیکمز شیلر جانلانمغه باشلار . حیات حیاتی آچار دیرلر .

خیل بر شخصی یاشاتمق ایسته‌دیکمز زمانده حقیقته مراجعت ایدرز . چونکه حقیقتی کورملی‌زکه .. اونی اکال و تزین ایتکه ، حقیقتده کینک فوقه چیمغه موفق اوله‌بیللم .

برحکایه‌می یازیورسکمز؟ .. پک اعلی .. اکر انتخاب ایتدیکمز موقعه یابانجی ایسه‌کمز... حافظه‌کمز مراجعت ایدیکمز . او قودیفکمز کتابلرده اوموقعه دائر بررنک ، تصویر وارسه‌اونلری تخطرایدیکمز ، یازهبیلیرسکمز .

یاخود طوغربدن طوغری‌یه طانیدیفکمز ، کوردیکمز موقعلره موضوعی نقل ایدیکمز ، باقیکمز نه‌قدر قولایلقله یازارسکمز . خلاصه حقیقت ، حیات ، حافظه ایجادک معاونلریدر .

نتیجه اوله‌رق « ایجاد ، موضوعه مربوط افکار و خیالاتی آیرمق ، ربط‌ایدل‌کلری تقدیرده یابانجی‌قاله‌بیله‌جکلری تعدیل ایتک ، بحث ایدیله‌جک مواد حقنده بیلنن ، کوریلن ، دوشونیلن شیلری طوپلامق ، تجارب ذاتیه‌یه کوره تصور و تخیل ایلهمکدر .

فقط نه‌فکرلر ، نه‌ده خیاللر قولایلقله ائده ایدیله‌مزلر بونلرک تجلی و تظاهری ایچون چوق چالشمق ، چوق یورولمق ، چوق دوشونمک

وتعقيب اولئليدز . بو ايسه فكر عمومينك استخراجه وابسته بر
كيفيتدر .

بوکا موفق اولدقدنصکره بونکله مناسبتی بولنان دیکر افکار
وحسیات وسعت وقابلیتکزه کوره اویانیر ، برر برر نوه اطرافنده
طوبالانمغه باشلار .

مع مافیه بعضاً بزم کورمدیکمز ، حس ایتمدیکمز بر موضوعی
یازمق مجبوریتنده بولونیرز . بو حالده ایجادک وظیفه سی تحلیل دن
دها کوچ ، دها چتین بریوک یوکلنمکه مجبوردر . قوه عقلیه نك بو
زمان اجرا ایده جکی رول غایت اهمیتلیدر . یابانجی بر موضوع اوزنده
یورویه بیلیمک ایچون چوق دوشونمک ، خارجاً افاده احتیاجنی حس
ایدنجه یه قدر دوشونمک لازمدر . مثلاً بر رومانجی یه بر شخص بر فکر
تودیع ایدرسکز ، او بوفکردن بویوک ، نفیس بر رومانک چیقاییله جکنی
آکلار ، فقط اودقیقه ده یازه جفی سرگذشتک نه اوله جفی صورسه کز
سزه جواب ویره مز ، بالاخره حجره اشتغاله چکیلیر . بو فکرک
منتهی اوله بیله جکی نقاطی ، نتیجه لری ، کچه جکی یوللری ، اک منفی ،
اک کریزان تفرعات و تفاسیلنی بولیر ؛ بونلری تمثیل ایدنجه یه قدر
چالشیر . بو سببدن متولد حرارتله خارجاً افاده احتیاجنی حس
ایتمدیکمی زمان یازمغه باشلار .

صنعت تحریر حساسیت ، مخیله ایله سعیک امتزاجیدر . هراث
ادبی ، دوشونلدیکی زمانله قلمه آلدینی زمان آرمسندنه بر مسافیه
مالکدر .

بزهیچ کورمدیکمز شیلری افاده وتبلیغ ایچون مشابه ومعادللری
دوشونیر ، خاطر اتمزه مراجعت ایدرز .

بو تعریفلری برلشدیردیکمز زمان « ایجاد ، بر موضوعی بولمق ، اونک توسع و انکشافی دوشونمک ، تأثیرات خارجیه ایله حصوله کلن افکار و حسیاتی تحلیل ایتمک ایچون صرف اولنان سعی دماغیدر . سوزلری وجود بولور . بونی بر کلمه ایله افاده ایتمک ایسترسهک ایجاد تفکر در دیرز . بوفون « بر محرر کافی درجه ده دوشونمزسه . . . یازارکن اندیشه وترده دوشر « دیور . فکرلره کلنج ، بونلر اساساً برر حسدر . یاخود حسلر برر نوئه افکاردر . بونک ایچون هر محرر ابتدا ایجه حس ایتلی ، صوکر یا زملیدر . بر اثرک ادینک قیمتی موضوعنک ، فکرلرینک ، حسلرینک قیمتله متناسبدر : بولاپتغیر بر دستورددر . دیمک که هر اثر ادینک قیمتنده ایجادک پک بویوک بر حصه سی وارددر .

اساس بر موضوعی بولدقدن ویا حس ایتدکدنصکره اونده مندج افکار و حسیاتی چوزمکدهدر ، مادهنک وحدت اصلیه وابتدایه سندن بوتون اقسامی تفریق وتمیز ایتمک ایچون اجرا ایدیلن تحلیل ایجاد دیمکدر .

بوتحلیل ، بر موضوعک عنصر اساسیسی بولنان فکر حس عمومی ، وحدت اصلیه یی یعنی تاقی مبتدلی ادراکه سوق ایدر . تعریف ، تصویر ، وقعئه تاریخیه نه قدراضافی ، نه قدر خصوصی اولورسه اولسون ، زمانی ، شخصی ، محیطی احاطه ایدن احوال نه بولنورسه بولنسون ، دروننده دائماً بر منفعت عمومیه موجوددر . موضوعک طبیعت وقوتی آکلایه بیلیمک ایچون ابتدا بونی استخراج ایتلیدر . بر اثر هر نه اولورسه اولسون ، فکر حاکم ، رنک اساسی ، توسع و انکشاف ایچون لازم اولان تأثیر نافذ هانکیسیدر کشف

وضعیتده بولنور . دیمک که هر شخص بعض شیلردن دائماً متأثر اولمقدهدر . بوتأثرآدن برچوق افکار وحسیاتک تولد ایتهمسی طبعیدر . بوفکرلر ، حسلر ایسه آیری آیری برر موضوع دیمکدر .

بومطالعاته کوره ایجاد ی ایکی صورتده تعریف ایتک مجبوریتنده بولونیرز : « ایجاد » بر موضوعی بولمق ، وبونک توسع وانکشافنی تأمین ایتک ایچون صرف ایدیلن سعی دماغی وتفکردر . حالبوکه انسانک قابلیت تأثریهسی اعتباریله پک چوق موضوعاتی بالذات کندیسنک حس ایتهمسی وتحسسانی طولایسیله تفکراته طالهرق بر چوق فکرلرده بولنمسی ممکندر . بناءً علیه ایجاد حقنده بو تعریفله اکتفا ایتک طوغری اوله ماز ، سعی دماغی یی یالکز کشف وتوسیع حصر ایلهمک ، حس ایدیلن ، دوشونیلن شیلردن وحدت موضوعی اوصاف اساسیه موضوعی تأمین ایدهمیه جککری آیرمق کبی بر سعی دماغی یی نظر اعتباره آلاماق دیمکدر .

قلب وفکر اوزرنده هر نه وار ایسه بلا تردد کاغدلر اوزرینه نقل ایتک یازی یازمق دیمک دکلدر . موضوع محدودده ، بعض حالات مخصوصهیه توافق ایده بیله جککری آیرمق لازمه دندر . بناءً علیه « ایجاد ، تحلیل ایچون صرف ایدیلن سعی دماغیدر . » دینیه بیلور . « صنعت تحریره دأثر نصایح » نامنده کی اترك مؤلفی « کوستاولوبون » بودقیقه یی نظر اعتباره آلهرق « اولجه اخذ ایدیلن افکار وحسیاتی حیات درونیه وروحیه دن قوباریلن ، مع مافیه خارجدن استحصال اولنان بر پارچه یی بعض اشیامواد ایله مزج و تألیف ایده بیلمکدر » دییه تعریف ایدیور .

ادباسدن آلفونس دوده ايله غونقور برادرلری خلقده کی بو آهنگ حقیقی اثرلینه نقل ایچون ایشدکلی مکلسانی یورولقسزین ، سنه لجه دفترلینه نقل وقید ایدیورلردی .

مادامکه اک عادی ، اک سفیل طبقه لرده بولسانلر اک کوزل ، اک نفیس ایجادلرله تشبیهلرله ، استعاره لرله افاده مرام ایده بیلورلر ؛ متوسط درجه ده کیلر ایچون نیچون بویته شیه منر بر غایه ، بر خیال اولسون ؟ .. اکر بونلر کندیلرنده برعجز ، بر توهم حس ایدیورلرسه بونک سببی کندیلرینه ، کندی روحلرینه نفوذ ایده مه ملریدر . بناءً علیه بو کیلره حقیقت ذاتیه لرینی آکلاته بیلیمک ، کوسترمک ایچون بر رهبر ، بر مشعله لازمدر . اوده قواعد تحریرک هیئت مجموعه سیدر .

۲

ایجاد . — بر اثر ادبی محقق اوچ صفحه فکریه نک مولودیدر . اولاموضوع افکار وحسیاتی بولق ، بونلردن موضوعه یارایه بیله جکلری ، یعنی اثرده کی اوصاف اساسیه یی وضوح له کوستره جکلری چیقارمق ثانیاً فکرلری ، حسلری سلسله منطقیه اوزره تنظیم ایتک ، ثالثاً ده بونلری الفاظ وکلمات ايله افاده ایتک شکلری بر ترکیب ادبی تحلیل ایدلدیکی زمان آکلاشیلیر ، کوریلیر ..

بونلردن برنجیسنه «ایجاد» ، ایکنجیسنه «ترتیب» ، اوچنجیسنه ده «ادا» دیرلر .

انسان ، آلام وحوظوظدن منسوج بر طاقم حادثات ووقایعه دائماً قارشو قارشویه بولنور . بونلرله یا مجادله ویاخود مبتدار بر

یوکسک بولنیور، بویله اولقله یینه بر داعی ادبی اولق اوزره نسلدن نسله انتقال ایدر .

بعضاده راغب پاشا کی بر شاعر دماغی ، بر ادیب فکری اولق ، اخلافک حافظه سنه تحکم ایتک ممکندر . باخصوص یازی یازمغه چالشمق ، یالکیز صنعتکار اولق ایچون دکلدردر . انسان یالکیز کندیزی ایچونده بو صنعتی اوکرنمکه مجبوردر . بعضاً بر صحیفه مکمله وجوده کتیره بیلیمک انسانی ساعتلرجه اشغال ایدر . غرورینه ، عزت نفسنه ، حب ذاتیسنه جواب ویرر . و بر صحیفه یازان بر مکتوب یازار ، بر مکتوب یازان ایسه عمومه تقدیم ایدیله . بیله جک بر حکایه وجوده کتیریر .

آنتوان آلبالا : « بر صحیفه یازمیلان اون صحیفه یازار ، بر کوچک حکایه یاپه بیان بر رومان یاپه بیلر ، زیر ا رومان بر سلسله مباحث بوایسه آری آری برر کوچک حکایه در » دیور . دیمک که قواعد تحریر هر شخصک مزاج و طبیعتنه کوره بر بر طاقم نصایح مخصوصه ده بولونیور .

موهبه تحریر ؛ مادامکه حس اوانسانی افاده دیمکدر . سوز سویله مک قدر غایت طبیعی برشیدر . خلق ایچنده او یله لرینه تصادف اولنور که یاشادقلری شیلری نقل وافاده ایتدکلری زمان کله لر ابداع ایدر لر . خیال لر ایجاد ایلر لر . ادبانی بیله حیرتده بر اقیر لر . بر طولومبه جی « شیشمان بر آدم کوشده اوطوریودی . » دیمک ایچون « باقدم ، طولوم کوشده اوطوریودی . » سوزلرینی صرف ، بر عملده رعد و برقی بزرگ یرتیلیمسنه تشبیه ایتشد . فرانسه مشاهیر

تشریحی ، بر خیالک تحریری ، بر اسلوبک تشکیلی حقهده معلومات
ویرمه سیدر « دیور .

با خصوص قواعد ادبیه و قوفک بر طاقم خصوصی اذواق
دماغیه سیده موجوددر . اک بسیط شکیله آندینی تقدیرده ، بر جمله نک
اقسام مختلفه سنی تشریح و تحلیل ، هپسنه آری آری بر اسم ،
بر شکل ویرمک دماغده پک درین بر حظ او یاندریر ؛ اثرک ناست
و حسنک تأثیریه وجود بولان محظوظیت بدیهه یی تزید ایدر .

بوندن باشقه قواعد ادبیه تربیه ذوقیه یهده خادمدر . بر اثرده کی
محاسن و نواقصی حس ایتک ایچون المزده بر طاقم آناختارلاره
احتیاج وارددر . بونلرده ادبیات قاعده لیدر . بونلری ، بوخطیات
ومزیاتی کورمک ایسه ذوقک اینجهلشمه سنه وسیله اولور . ینه
آلبالا : « ای یازمه یی اوکرنمک ، ای یازانلری تدقیق و محاکمه
ایتمه یی اوکرنمک دیمکدر » سوزینی سویله یور . حالبوکه ادبیات ،
رسم و موسیقی کبی اک اصیل ، اک نجیب حسلره حیاتی املایده بیله جک
بر واسطه ذوق و حظدر .

بعضیلری : « سزک قاعده لریکز ، نصیحتلرکز یالکز فطره
مخیه یه مالک اولانلر اوزرنده تأثیراتی اجرا ایده بیلیر » دیورلر .
ادبیات یالکز مخیه یه تابع برصنعت اولمش اولسه یدی ، بواعتراضلر
طوغری اوله بیلیردی .. حالبوکه فکرک ، حسکده تأثیری ناقابل
انکار برکیفتدر .

هرکس بر شیخ غالب دکلدر که یالکز قوه خیالیه سیله یوکسله بیلسین .
بعضیلری ده فضولی کبی حساس برصنعتکار اولور ، حسی خیالندن

ایکینجی قسم

قواعد تحریر

برنجی مبحث

قواعد تحریر، اہمیتی . — ایجاد . — وحدت . — بر موضوع بر فکر،
و وحدت دیکدر . — ترتیب . — حرکت . — ادا .

۱

قواعد تحریر، اہمیتی . — مباحث سابقہ قواعد ادبیہ کتابلری
حققہ بیان مطالعہ ایتدیکمز زمان « فلسفہ صنعت » صاحبی « ایپولیت
دن » نقل ایتدیکمز « انسان دنیایہ کلیرکن کندیسیلہ برابر
رطاقم نواقص و مزایانک تخملمرخی دہ کتیرر » جملہ سنی بورادہ اخطارہ
مجبوریت حس ایدیورز . فی الحقیقہ ادبای و شعرای مشہورہ نک
نارندن اخذ و استنباط اولان اصول و امثالک و تدریسیلہ ، هوغو ،
ضولی ، حامد کبی برر داهی وجودہ کتیرمک ممکن دکدر ؛ بز بو
خصوصہ قواعد تحریر علیہ دارانی ایلہ برابرز . یالکز اصول و امثالک
نقل و افادہ نندن متولد نصاح کزیدہ ایلہ اساساً استعداد صاحبی
ولانلرہ رھبرلک ایتمک ، قابیلیتیرینک انکشاف و تمیہ سنہ خدمت
لہ مک ، یا خود کندیلرنده موجود اولان اقتدار و قابیلیت اظہار و ایقاظہ
وسیئہ حسنہ تشکیل ایدہ بیلیمک ممکندر . « صنعت تحریر » محرری
آنتوان آلبالا : « انسانلرک درتدہ اوچنک فنا صورتدہ
زملرینک اک بویوک سہپی ، اونلرہ اسلوبک میخانیکیتی ، تحریرک

شاعر، كندی افكار و حسیاتی کمال سهولت و سربستیله ، وایسته دیکی
 اشکال ایله افاده ایده بیلیر. بو سربستی بی ، نظم حاضر مزك اک مهم
 برعامل انکشی فی اوله رق قبول ایتمه لیدر .

آهو ايله شېره واوراق ايله ازهار
 ناکا، فيصله شدي لب آب روانده ؛
 زيرا بو پرېخانه يه قارشو بو روانده

ای در یتیم صدف شفقتم، ای یار
 سن برمه ذی روح کی یو کلیوردک ؛
 مظلم قورونک ظلی ایچندن کلیوردک .

« صونه » نك اصل شكلى بوضوح برآمده در ؛ حتى - قاعده - صوك
 بئندك ايكنجى مصرعئك ، اوچنجى بئندك ايلك مصرعيله همقافيه
 اولمى ده لازمدر . مع مافيه شكل نظمده بودرجه غنغنه پرستك مضر
 اولدينى ايچون بونى برقصور اولق اوزره تلقى عبئدر .

قافيه لرك ايلك ايكي بئنده متناظر اولمى ، غايت آهنگدار اولمغه
 برابر سربستى افاده يه ، سهولت بيانه مانع اولدينى ايچون اكثريا
 بو طرزه رعيت اولونما مقده ، و هر ايكي بئند آرى آرى تقفيه
 ايدلمكده در . بو تقديرده اكثريا برنجى ايله اوچنجى ، ايكنجى ايله
 دردنجى مصرعلر هم قافيه اولور سهده ، برنجى ايله دردنجينك وايكنجى
 ايله اوچنجينك تقفيه سنده ده هيچ بر باس يوقدر .

وزن وقافيه ضرورتيله چيرينان شاعرك ، برده اشكال محدوده
 آراسنده بيان افكاره مجبور اولمى اسكى ادبى آتمزك ائ بو يوك عوامل
 انحطاطندن برىدى ؛ بوكون ، صنعتكارلى سربست برامق لزومى
 تماميله آكلاشدينى ايچون ، اشكال خصوصنده كى بالعموم قيود قديمه
 رفع و الفا اولونمش ، صنعتكاره بو خصوصده سربستى تام بخش
 ايدلمشدر . خلاصه بوكون ادبى آتمزده اشكال محدوده ومعينه يوقدر ؛

اشکال قدیمه نك محافظه سی تقدیرنده نظمده هیچ بر تجدد کوستریله -
 میه جگنی پك ایی اکلایان بودائی ادب « صحرا » و « بلده » نامنده کی
 شعر مجموعه لرنده وسائر آثار منظومه سنده اشکال جدیدۀ نظمیه یه
 عایت کوزل و دلفریب مثاللر کوستردی. نامق کمال ، استاد اکرم کبی
 کبی اعظم ادبانک ده بو خصوصده عبدالحق حامدمله تشریک مساعی
 ایتمه لری اشکال قدیمه طرفدارلرینک مقاومتی تمامیه قیره رق ، اشکال
 جدیدۀ نك عمومیتله مظهر قبول اولماسنه پك بیوک یاردم ایتدی .

عبدالحق حامد ، استاد اکرم و پیرو لری اشکال جدیدۀ یی قوللانمقله
 برابر آره صیره اشکال قدیمه یه ده مراجعت ایدیورلردی. فقط « توفیق
 فکرت - خالد ضیا » دوره سنک نتیجه تجدداتی اوله رق اشکال نظم
 بر قاندها کسب وسعت ایدنجه ، آرتق اشکال قدیمه هان تمامیه متروک
 قالدی . بودوره ادبیه ده اک چوق استعمال اولونان شکل نظم ،
 فرانسزادیاتندن مأخوذ اولوب اوزمانه قدر اقتباس ایدلمه مش بولونان
 « صونه » طرزیدر. بو طرزده اک چوق ابراز موفقیت ایدن شاعر من
 جناب شهاب الدین پك اولدینی ایچون ، صونه لرندن بر دانه سنی مثال
 اولق اوزره نقل ایدیورز :

پروانه زرین کبی هر زهره زرین
 تیره ردی زمره که لرزان چنده ،
 چاغلاردی لب سیم خیابان سمنده
 بر چشمه بلور ایله بر جوی بلورین .

دوشه شدی سیه برک شبه شبنم سیمین :
 شبنم کبی تیره ردی قر لیل اوزرنده ؛
 بر شبیره خفته ، بر آهوی چرنده
 ورمه شدی بوز هتکبه بروحشت نرمن ...

۱۰

اشکال جدیدہ نظم . — اشکال قدیمہ نظم مزک نہ قدر محدود بر
 دائرہ داخلندہ محصور قالدینی ، افکار وحسیاتک سربستی افادہ سنہ
 نہ بیوک بر مانع تشکیل ایتدیکی شیمدی یه قدر وییلن تفصیلاتدن
 آکلاشلمشدر . ادبیاتمز وبالخاصه نثریمز غربدن کلن افکار جدیدہ
 سایه سنده شکل قدیمی ترک ایدہ رک افکار وحسیاتی طبعی بر صورتہ
 افادہ یه صالح بر شکل تجدد آلیرکن ، نظمک دہ اشکال قدیمہ
 دائرہ سنده محصور قالمسی قابل اولہ مازدی ؛ چونکہ شکل ایله اساس
 آاسندہ بر ارتباط قوی موجود اولدیندن ، اشکال قدیمہ نک محافظہ سی
 تقدیرندہ نظمده هیچ بر تجدد اساسی وجودہ کتیر یلہ میه جکی
 آکلاشلمشدی .

اشکال نظمک توسیعی لزومنی اک اول اکلایلنر ، پرتو پاشا ایله
 شناسی اولدی ؛ پرتو پاشانک ویقتور هوغو وژان ژاق روصودن ترجمہ
 ایتدیکی « طفل ناظم » و « حیات » منظومہ لریله شناسی نک بعض
 منظومہ لری اشکال قدیمہ نک خارجندہ بر شکل جدید عرض ایدیوردی .
 فقط بونلر ، حتی ناظم لری نی بیله عمومیتله اشکال قدیمہ یه اتباعدن
 واز کچیرتہ میوردی ؛ شاعر لک عمومی اشکال قدیمہ یه قارشی فرط حرمت
 وانجذاب بسلیورلر ، اونلری تبدیل وتغیر ایتکی غنغات ادبیه یه قارشی
 بر جنایت تلقی ایدیورلردی .

اشکال قدیمہ نظمیه یی موقع اعتبارندن ابدیاً اسقاط ایله فکر وحسک
 سربستی افادہ سی ایچون هر نوع اشکالک ممکن الاستعمال اولدیغنی کوستردن
 شاعر ، استاد اکرم له برابر مجدد شعر من اولان « عبدالحق حامد » درہ

« معشر » لر شمس و مسدسلره پك چوق بکیزه دیکی وعدد مصراعدن بشقه بشقه هیچ بر فرقلری اولمادینی ایچون ، اولردن آری آری بحی زائد عد ایتدک . اساساً عین قافیه یی متادیاً تکرار ایتک محذوری کرك مثنیرك كرك معشرلرك آهنگنی فوق العاده اخلاص ایتدیکی ایون ، اشکال مذکورده شمس و مسدس قدر کثیر الاستعمال دکلدرلر .

مُرقی : بسته لرب ترنم اولنق مقصديه تنظيم ایدیلن نظمدرکه اساساً دوت مصراع ایله ینه دوت مصراعلی بندلردن عبارتدر . بو مربعك بیت اولنك ایکنجی مصراعی ، بیت ثانینکده ایکنجی مصراعی متامنه قائم اولوب « نقرات » نامنی آلیر ، وهر بنسندک صوکنده تکرارایدر . معافیه شمس . مسدس اصولنده تنظیم ایدیلش برچوق شریقلرده موجوددر .

گلزاره سالن موسمیدر کشت و کذارک
ویرحکنی ای سرو روان کهنه بهارک
دوک زافکی سورکی عارضک اوزده
ویرحکنی ای سرو روان کهنه بهارک

بلبلرک ایستر سنی ای غنجه دهن کل
کل کیتدیکنی آکیلم کلشنه سن کل
پامال شتا اولمادن انلیم چن کل
ویر حکمنی ای سرو روان کهنه بهارک
ندیم

اوزاندن بحث ایدرکن ، مستزاد حنفنده معلومات لازمه اعطا ایتش اولدیغمز ایچون ، بوراده بحی بی لزوم کوریورز .

اولدن سوویه نلش بر منظومه نك هر بیتتی مطلعده هرایکی مصراعیله
دیگر لرنده یالکیز برنجی مصراعیله همقافیه اولق اوزره اوچ مصرع
ضم ایدرک بش مصرعه ابلاغ ایتمه و بویه جه بر شمس شکلنه
قویغه « تخمیس » دیرلر .

مسدس : هر بندی آلتیشر مصراعدن مرکب اولان نظمدیر .
مسدسه درت مصراعدن صوکره بر بیت ایراد اولمور . بو بیت
تکرر ایدرسه اوکا « مسدس متکرر » نامی ویریلیر . تکرر ایتیوب
دیگر اوچنجی بیتلره قافیه جه توافق ایدرسه اوکا « مسدس مزدوج »
تسمیه اولونور . مربع و شمسده اولدینی کبی مسدسك دخی برنجی
بندنده اوچنجی بیتك دیگر درت مصرع ایله همقافیه اولماسی شرط
دکلدر .

دون سایه صالدی باشمه بر سرو سر بلند
کم قدی دلربا ایدی رفتاری دایمند
گفتاره کلدی ناکه آچوب لعل نوش بخند
بر بسته کوردم آنده دوکر ریز ریزه قند
صوردم مکر بودرج دهندر دیدم دیدی
یوق یوق دوی درد نهسانکدر سنك

فضولی

اولدن سوویه نلش بر منظومه نك هر بیتتی مطلعده هرایکی
مصراعیله ، دیگر لرنده یالکیز برنجی مصراعیله همقافیه اولق اوزره
درت مصرع ضم ایدرک آلتی مصرعه ابلاغ ایتمه و بویه جه بر
مسدس شکلنه قویغه « تسدیس » دیرلر . بعضاده مشهور و منتخب
بر مطلعك تسدیس اولوندینی ده واردر . « مسبع » لر ، « مثنی » لر ،

کور فضولینک رخ زر-نده اشك آلی
 پرده ادبار طومش صورت اقبالی
 درد مندکدر غایتلر ایدوب صور حالی
 رحم قیل دولاتو سلطاتم مروت چاغیدر

اولجه سویله نلش بر منظومه نك هر بیتتی مطالعه هرایکی مصراعیله،
 دیگر لرنده یالکز ایکنجی مصراعیله همقافیه اولمق اوزره ایکی مصراع
 ضم ایدرک درت مصراعه ابلاغ ایتمهک و بوصورتله بر مربع شکلنه
 قویمغه « تربیع » دیرلر .

نخمس : هر بندی بشر مصراعدن مرکب اولان نظمدر. بشنجی
 مصراع تکرر ایدرسه اوکا « نخمس متکرر » نامی ویریلیر . مربعده
 اولدینی کی نخمسك دخی برنجی بندنده بشنجی مصراعك دیگر درت
 مصراع ایله هم قافیه اولسی شرط دکلدر . بر نخمسی تشکیل ایدن
 بندلرک بشنجی مصراعلری تکرر ایتیوبده قافیه جه یکدیگره توافق
 ایدرسه اوکا « نخمس مزدوج » تسمیه اولنور.

خوش کلدك ایاخدیو اکرم
 لطفکله کوکلر اولدی خرم
 شاد اولدی مکارمکله عالم
 هرکونه مأثرک دمام
 آرایش عرصه جهاندر

رأیکله ایدر زمینی تسخیر
 کردون کهن دیدکلری پیر
 کم سنده کی پاک رأی وتدبیر
 چرخك انه کشیده شمشیر
 بازوسنه آهنین کماندر

بیك شوق و طرب هزار قورقو
 ناقوس و نقاره بانك یا هو
 كه ظلمت اولوردی توی برتوی
 كه نور یاغاردی سوی بر سوی
 هپ سجده یه واردی برک اشجار
 حیرتله اریدی آقدی انهار
 كه ظاهر اولوب هزار تهیدید
 كه موج اوروردی یم و امین

۹

مسط. — وزن وقافیه ده متفق بر طاقم مصراعله دیرلر که او
 مصراعله مصراع اخیره یالکز وزنده موافق وقافیه ده مخالف اولور.
 آنجق وزن وقافیه ده متحد اولان مصراعلرک عددی اوچدن اقل
 بولنما لیدر. مسمطک « مربع ، مخمس ، مسبع ، مثمان ، معشر ،
 شرقی ، تربیع ، تخمیس ، تسدیس ، مستزاد » کبی انواع عدیده
 و مختلفه سی واردر .

مربع : هر بندی در در مصراعدن مرکب اولان نظمدر . برنجی
 بنده در دنجی مصراعک دیگر اوچ مصراع ایله همقافیه اولماسی
 شرط دکلدر . در دنجی مصراع بندلرده تکرر ایدرسه اوکا « مربع
 متکرر » ، اکر تکرر ایتیوب یالکز قافیه جه توافق ایدرسه « مربع
 مزدوج » دیرلر .

حاصلم برق حوادندن ملامت داغیدر
 مسندم کوی ملامتده فنا طوبراغیدر
 زار کوکلم تنده زندان بلا طوتساغیدر
 رجم ثیل دولته و سلطانم صروت چاغیدر

تجربیه : عادی قصیده طرز زنده و یا ترکیب و ترجیع بند اصولند
فصل و مذمته دائر سویله ن نظمه دیرلر . دائره ادبیاته ادخال بیله
موافق اولمیان بو طرز آثاره هیچ بر مثال ایرادینه لزوم کورمدک.

۸

مثنوی . — عربیتی باشلی باشنه مقفا اولمق و ایکی بیتدن دون
بولونماق شرطیله وجوده کلن شکل نظمه مثنوی دیرلر . اشکال
نظمیز ایچنده اک واسعی و افکار و حسیاتک سربستی افاده سی ایچون
اک مناسب اولانی مثنوی طرز ی اولدینی ایچون ، « خسرو و شیرین » ،
« لیلی و مجنون » . « حسن و عشق » کبی حکایات منظومه ده هپ
بوشکل نظم استعمال ایدلمشدر . مناجات ، نعت ، حکایه ، مدحیه کبی
موضوعلرکده بو شکل نظم ایله افاده ایدلدیکی واقعدر . « مثنوی »
طرز زنده یازلمش اثرلر هر وزنده اوله بیلیرسه ده ، بو خصوصده بالخاصه
« مفعول مفاعیلن فاعولن » ، « مفاعیلن مفاعیلن فاعولن » . « فاعلاتن
فاعلاتن فاعلن » کبی قیصه وزنلر استعمال اولونمقده در . بو طرز نظمه
مثال اولمق اوزره شیخ غالبک « حسن و عشق » ندن بر پارچه یی
اقتباس ایتدک !

بو طائفه نك ایچنده برشب
بر حال کوروندی غایت اغرب
بر برینه کیردیلر فلکالر
آغلر کیمیسی کولر ملکالر
برولوله سقف آسمانده
برزلوله سطح خاکدانده

صوفی که صفاده کچینور مالک دینار
 بر درهمنی آلسهک اولور خاطری درهم
 ظاهر بوکه آخر یری خاک اولسه کرکدر
 کردرهمه محتاج اوله کر مالک درهم
 می صون بزه ساقی ایچم رغمنه آنک
 کیم جهلی ایله بیلمدیگی بردن اور دم
 هر منکر کیفیت ارباب خرابات
 اوزعقلی ایله حق دیلر کیم بوله هیات

ترجیع بند : مختلف القوافی بر قاج قسمدن مرکب اوله رق
 هر قسمک نهایتده یالکیز بر بیت تکرار ایدیلن شکل نظمه دیرلر .
 ضیا پاشانک ترجیع بندی ادبیاتمزنک اک مخلص اثرلرندن بریدر . ترجیع
 بندده هر قسمک صوکنده عین بر بیت تکرار اولنه جنی ایچون
 تسلسل افکار ممکن مرتبه محافظه اولونیر ؛ فقط بوشکل نظمه
 موفقیت دیکرلرندن دهامشکلدر . فضولینک آتیده کی ترجیع بندی ده
 بوطرز نظمک اک کوزل نمونه لرندن عد اولونابیلیر :

بن کیم بر بیکسروی چاره وی خانان
 طالع آشفته اقبال نکون بختم یان
 نعلو اشکمدن زمین نعلو اونعدن آمان
 آه ونالهم ناوکی پیوسته خم قدم کمان
 تیر آهم بی خطا تأثیر نالهم بی کمان
 متصل غمخانه سینهمده یوزغم میهمان
 قنده برغم یقسه بندن ایستسونلر بن ضمان
 یوق بکا دام بلا وقید محنتدن آمان
 چیقمدی کوکلدن اندوه غم و محنت همان
 ای بن جانم یننه کوکلم سنکله شادمان
 سنسز اولم آیری محنتدن بلادن برزمان
 الامان هجران بلا و غمندن الامان

روزگار احسانمی بیلمش نم یا بیلمه مش
 عالمه فیض حیات جاودانیدر سوزم
 اهل اولان قدرن بیلور بی جوهرم مدح ایله
 عالمک سرمایه دریا وکانیدر سوزم
 بی غرض بر جوهر صافیدر اما متصل
 اهل طبعک زیور تیغ وسانیدر سوزم
 یعنی کیم اندیشه سنجان جهانک دائما
 هم صریر کلدی هم ورد زبانیدر سوزم

ترکیب بندر : مختلف القوافی برقاچ قسمدن مرکب اولارق هر
 قسمک نهایتنده بشقه بشقه برر بیت ایراد اولنان شکل نظمه دیرلر .
 مرثیه ومدحیه طرزنده اثرلرک بو شکل نظم ایله یازلدینی اکثریتله
 واقعدر. ضیا پاشا ایله روحی بغدادینک ترکیب بندلری ادبیاتمزد
 بو طرز ایله یازلمش اثرلرک کوزلرندن معدوددر. ترکیب بندک هر
 قسمنه « ترکیب خانه » اقسام آراسنده کی بیتلره « واسطه » ویا « بند »
 دیرلر. بر قسمه واسطه سیله برابر « بند » دنیلدیکی ده وارددر. ترکیب
 بنده بر مثال اولوق اوزره روحی بغدادینک اثر مشهورندن بر بندینی
 اقتباس ایتدک :

خوش کوشه ذوق ایدی صفا اهلنه عالم
 بر حال ایله سورسیدی اکر عمرینی آدم
 صحبت صوکی درد اولماسه وصلت صوکی هجران
 نوش آخری نیش اولماسه سور آخری ماتم
 بو عالم فائیده صفای اول ایدر کیم
 یکسان اوله یاننده اکر ذوق اکر غم
 دائم اوله همصحبیت رندان قدح نوش
 وارین قویه میدانه اکر پیش واکر کم

قانونی حقنده کی مرثیه مشهوره سی بو طرز نظمک اک کوزل واک مخلص
برر مثالیدر .

دوکسون سحاب قدین اکوب قطره قطره قان
ایتسون نهال نارونی نخل ارغوان
بو آجیلرله چشم نجوم اولسون اشکبار
آفاقی طوتسون آتش دلدن چیقان دخان
قیلسون کبود جامه لرین آسمان سیاه
کیسون لباس ماتم شاهی بوتون جهان
یا قیون درون سینۀ انس و پریده داغ
نار فراق شاه سلیمان کامران
قیلیدی فراز کنکره عرشی جلوه کاه
لایق دکلدی شاننه حقا بوخا کدان
مرغ روانی کوکلره ایردی ها کبی
قلدی حسیض خاکده بر ایکی استخوان
چاپک سوار عرصه کون و مکان ابدی
اقبال و عزت اولمش ابدی یار و همعان
سرکشاک ایتدی توسن بنخت ستیزه کار
دوشدی زمینه سایه الطاف کردکار

فخریه : شاعرك كندی قدرت و مزیتنی مدح و اعلان ایچون
یازدینی قصیده یه دیرلر . فقط مقبول اولماسی ایچون پك زیاده مرتبه
افراطه کیمه ملی و نهایتی حسن صورتله خاتمه پذیر ایله ملیدر . قدمای
شعرا من آراسنده « نفی » نك فخریه لری جداً محتشم و آهنگداردر :

عقده سر رشته راز نهانیدر سوزم
سلك تسبیح در سبع المانیدر سوزم
پر کهر دو کیم نظیرین کوومه مشدو روز کار
روز کار عالم غیب ارمغانیدر سوزم

خاتم شاه رسالت شه اقلیم رشاد
مردم دیده جان معنی سر قرآن
مقصد کون و مکان باعث نقش ایجاد
داور نخت رسالت شه اقلیم کمال
کوهی بحر خرد پادشه ملک سداد
حضرت احمد و محمود و محمد حامد
مظهر نور جمال آینه حب و وداد

مرثیه : اعظامدن برینک اوصاف حمیده سنی بیان ضمننده ایراد
اولنان قصیده لره دیرلر. سلاطین و وزرا ، علما ، اولیا حقنده تنظیم
اولئان قصیده لر هپ بو صنفه داخلدر. بو خصوصده عثمانلی
شاعرلری آراسنده یکتا بولنان « نفی » نك سلطان عثمان اول
حقنده کی قصیده مشهوره سندن بعض پارچه لری اقباس ایدیورز :

آفرین ای روز کارك شهسوار صفدری
عرشه آص شیمدن کرو تیغ ثریا کوهری
پاره الماسدر سنك فسائی نیلر اول
چرخه چکمه بردخی شمشیر والا کوهری
سرفراز ایتدك لواء الحمد دین احمدی
کافره کوستردك الحق دستبرد حیدری
تیغکه نوله یمین ایلرسه روح مرعاضی
برغزا ایتدك که خشنود ایلدك پیغمبری

مرثیه : وفات ایدنلره قارشى بیسان تأثر و محبت ایچون یازیلان
قصیده لره دیرلر. مع مافیه علی الاطلاق مرثیه دینتجه ، حضرت حسین
و وقعه کربلا حقنده تنظیم ایدلش اثرلر آ کلاشیلیر. فضولینک ،
نورسک ، کاظم پاشانک وقعه کربلا حقنده کی مرثیه لرله باقینک سلیمان

زهی خیاط خلعت دوز بازار حقایق کیم
 قدمعنائی ایتش جامه ترکیب ایله بر پا
 اولوب خورشید ومهدن مهره کش اوراق افلاکه
 خطوط روز وشدن نسخه صنع ایلش انشا
 ایدوب وضع قلم اوراق حکمت خانه صنع
 چکوب مسوده غیبی بیاضه ایلش املا
 قوروب بر بارگاه صنع لطف وقهردن ممزوج
 ویروب اضداده آیزش آنک نامن قومش دنیا
 یازوب ردوقوله جت ایتش کشوری تعدیل
 ویروب کون وفساده صورت ایتش حکمنی اجرا
 زهی ذات الوهیت مهمساز دیویت
 که شهرستان صنعنده دکل بر ذره نابرجا

نعت : حضرت پیغمبر ذیشان ایله آل واولاد و اصحابنیک
 ستایشنی حاوی قصیده یه دیرلر . یالکیز نعت دینلدیکی تقدیرده مطلقا
 مدایح پیغمبریدن باحث قصیده آکلاشیله جنی ایچون ، آل و اصحاب
 حقدنکی نعتلر ایچون آیریجه تصریحه لزوم واردر :

نقش کوسترمک ایچون خامه صنع استاد
 اولدی صیقل زده بونه ورق کون وفساد
 نامکرر صاتیلور جارسوی عالمده
 نوبنو امتعه کارکه صنع آباد
 چرخ مینا نفس آدم ایله دور ایلر
 قطبدر بارکه سبع سماواته عماد
 طالع وها بط و هستی و بلند و پستی
 درکه حضرت طه دن ایدر استمداد
 آنک اسمنده اولان معنی طه ایلر
 جمله اشیاده طلوعیله هبوطه امداد
 فاع دخمه دربسته غیب مطلق

نهایت مناسب بر صورتده مقصده انتقال ایدیلیر . مثلاً ندیم
برقصیده سنه :

نازوشیویه یله که آغوشمه جانانه کلیر
سینه یی، قلبی کچوب تاحرم جانانه کلیر

مطلعلی برغزلله ابتدار ایتمشدر . غزل اکثریتله قصائدک آخرینه
قریب بر محله ، فخریه یی متعاقب ایراد اولنور که بوصورت اولکندن
دها موافقدر . مثلاً راغب پاشا :

ایدنجه خامه سحر آفرینم خرده جولانی
اولور نقش پراطووس داغ حسرت مانی

مطلعلی قصیده سنده شو صورتله برغزل ایراد ایتمشدر :

صفای بال ایله هرکس ترغماز آسایش
محلدر بنده بلبل کی ایلرسم غزلخوانی :
تماشایش هلال اوستنده ایتدم ماه تابانی
آلنجه دسته اول ماه پیکر جام رخسانی

قصیده نك ال پارلاق بیتنه « بیت القصید » عنوانی ویریلیر .

مناجات : عظمت الوهیتی تفکر و تقدیس ، واستدعای غفران
مقصدیه یازیلان قصیده لره مناجات دیرلر . دیوانلرک ابتداسنده دائماً
مناجانلره تصادف اولونور . مثال اوله رق نابی دیوانسک مقدمه سندن
بعض پارچه لری اقتباس ایدیورز :

تعالی الله زهی دیوان طراز صورت معنا
که جسم لفظ ایله روح مآلی ایلش پیدا

غرق خوناب جگر قیلمش کوزم مرهملرین
 آرزوی خال مشکین ورخ آلك سنك
 دامگاه عشقندن طوت برکنار ای مرغ دل
 صیحه دن سنك ملامتدن پرو بالک سنك
 سایه وش چوقدن فضولی خاک پايك یاصلانیر
 اول امید ایله که برکون اوله پامالک سنك

غزللرده الك بویوک شرط موفقیت ، ابیات آره‌سنده کی مناسبتی
 محافظه ایده بیلیمکده‌در . یوقسه هر بیتی بشقه بر موضوعی ، بشقه
 بر حس و فکری افاده ایدن غزللر هیچ بر وقت مقبول اولاماز .
 نامق کمال ، استاد اکرم ، اسماعیل صفا بر چوق غزللر یازمشرلسده ،
 توفیق فکرت دوره ادبیه‌سندن بری بو طرز نظم همان تمامیه متروک
 بر اقیلمشدر .

۷

قصیده . — حائز مطلع اولارق وزن و قافیه‌ده متحد اولوق
 اوزره اون بش بیتی متجاوز سویله‌تن نظمه قصیده دیرلر . ابیات
 قصیده‌نک اقلی اوتوز بر ، حد اعظمی طقسان بر اولورسده عجم و عرب
 شعرا سندن بشیوز بیته قدر قصیده سویلیه‌نلر موجوددر . قصیده ،
 موضوعنه نظراً « مناجات ، نعت ، مدحیه ، مرثیه ، فخریه ،
 ترکیب بند ، ترجیع بند ، هجویه » ناملریله باشلیجه سکیز قسمه
 آریلیر .

بالعموم قصائدده موضوع ایدیه‌جک شیک غیری بر مقدمه‌یه
 باشلانیرکه بوکا « نسیب » ویا « کریزگاه » دیرلر . بو کریزگاهده یا احوال
 عالمن ، یا بهار و شتادن ، ویا عشق و غرام یولنده تغزلدن باشلانارق

۶

غزل . — حائز مطلع اولارق وزن وقافیه ده متحد بش بیتدن
اون بش بیه قدر ایراد اولونان نظمدر . ادبیات قدیمه نك الك مرغوب
والك كثير الاستعمال شكل نظمى اولان غزل ، اکثریتله عشق
وسودایه متعلق نازك و رقيق مضمونلرله تزین ایدیایر . شعرای
قدیمه مز ایچنده غزل تنظیمنده الك معروف اولانلر فضولی ، باقى ،
یحیادر . بالخاصه :

غزلدر صفا بخش اهل نظر
غزلدر کل بوستان هنر
غزال غزل صیدی آسان دکل
غزل منکری اهل عرفان دکل
غزل بیلدیرر شاعرك قدرتن
غزل آرتیرر ناظمك شهرتن
کوکل کرچه اشعاره چوق رسم وار
غزل رسمن ایت جمله دن اختیار

دیهن فضولی ، الك بویوک شاعر غزل خوانمزدرد :

تیلدی زلفك تك پریشان حالى خالك سنك
بركون ای بی درد صورت مازسك نه در حالك سنك
کیتدی باشندن کوکل اول سرو قدك سایه بی
آغلاکیم ادبانه تبدیل اولدی اقبالك سنك
زینت ایچون جسم دیوارنده قیلمازدم یرین
چکمسیدی عشق جان لوحنده تمناك سنك
نیز چکمزسین جفا نیفك بنی اولدرمکه
اولدیرر بركون بنی آخر بواهمالك سنك

ای دل هاله عالمده بر آدم یوغیمش
 وار ایسه ده اهل دله محرم یوغیمش
 غم چکمه حقیقتده اکر عارف ایسه ک
 فرض ایله که الان ینه عالم یوغیمش

لسانم زده پک او قدر کثیر الاستعمال اولمایان بوشکل نظمی الک چوق
 موفقیتله استعمال ایدن شاعر من، ندیمک «حالتی اوچ رباعیده اوچار عنقا کبی»
 مصراع مدیحه کارانه سیله تقدیر ایتدیکی «عز می زاده حالتی» در.



قطعه . — مطامی اولمه یه رق وزن وقافیه ده متحد بولنان وایکی
 بیتدن اون ایکی بیته قدر تمدید ایدیلن نظمه قطعه دیر لر. درت بیته قدر
 اولانه علی الاطلاق قطعه و ده ا زیاده بیتلری حاوی اولانه «قطعه
 کیره» دیر لر.

یارب نه اکیلیردی دریای عزت کدن
 پیمانه وجوده زهراب دوله سیدی .
 آزاده سر اولوردم آسیب درد و غمدن
 یاده ره کلسیدم ، یاعقل اولسا یددی
 رضا پاشا

نم اول نفی روشن دل وصافی کوهر
 فیض آلیر جام صفا مشرب بی باکدن
 آسمان همت اومار کوبه طبعدن
 عقل کل درس او قور اندیشه ادراکدن
 همم هیچه صاپار کنج تمنای ولی
 غم دنیا به دگیشم ینه امسا کدن
 فیض حق برق اورور آینه اندیشه مدن
 چشم جان روشن اولور مشرق ادراکدن
 نفی

ثانیاً : بر چوق ابیاتی حاوی اولان نظمک اولنده ایراد اولنان
مفرد در که بوحالده آکا « مطلع » دیر لر. زیره بیان اولنه جق غزلیات
وقصائدک ایلك بیتلری برر مطلعدر. قصیده وغزل آره لرنده تجدید
کلام مقصدیه ایراد ایدیلن مقفا بیتلره دخی « مطلع » نامی ویریلر سده
بونلر مرتبه لرینه کوره « مطلع اول ، مطلع ثانی » دیه تقیید
اولنور. ندیم :

حبذا ای تاج و تختک مایه زیب و فری
عالمک آرایش مالک طراز و زیوری

بیتله باشلایان قصیده سنده شو صورتله تجدید مطلع ایتشد :

جست وجوی معنی* و صفکله عقل و فکرو فهم
کشت ایدرکن زیر و بالای سپهری سرسری
راست کلدی پیک اندیشه بوغرا مطالعه
چرخ چارمدن اوته عرش معلادن بری :
دست قهرکده رخ چرخ کهن نیلوفر
باغ لطفکده بهشت هشت برورد طری

۴

رباعی . — ایکی بیتدن مرکب اولارق بحر هزج اقسامندن بر
وزن مخصوص ایله تنظیم ایدیلن بر شکل نظمدر. رباعی اوزانی یکرمی
درت عدددر. طرز تقفیه کلنجه ، رباعینک برنجی ، ایکنجی
مصراع لرله دردنجی مصراعنده قافیه بولنور. اوچنجی مصراعده
قافیه بولنق شرط اولمادیغندن اکثریتله قافیه سزقالیر. رباعییه « ترانه »
و « دوبیت » دخی دیر لر .

۲

مصراع . — موزون بر پارچه در که کندیسيله بحر آ متساوی
دیگر موزون بر پارچه یه مقارنتدن بر بیت تشکل ایدر. تك اولان
یعنی بر قرینی بولونمایان مصراعه « مصراع آزاده » دینور : شیخ
غالبك : « ذوق آنکدر که پریشانلغی جمعیتدر » مصراعی کی. بر بیتك
ایکی مصراعی آره سنده بر مناسبت بولونمازه اولنره ده مصراع
آزاده عنوانی ویریلیر :

هوس زلف یاروار سرده
سرکرانم خمار وار سرده

بیتده اولدینی کی. هر صورتله متین ولطیف اولان مصراعلره
« مصراع برجسته » دیرلر .

۳

بیت . — بر وزنده اولان ایکی مصراعدن متشکل نظمدر. بو
مصراعلرک یکدیگریله مقفا اولماسی شرط دکلدر :

سبب رفعت اولور غم یه افتاده ایسهك
بر بنا تاكه خراب اولیه معمور اولماز

اگر مصراعلر بیتده قافیه بوانورسه ایکی اسمله یاد اولنور .
اولا : بیتك آلت و اوست طرفنده بشقه بر بیت بولونمیدنی تقدیرده
« مفرد » دیرلر. مثلاً :

آزادجه دل پرچوشده معنا بولنور
قعر دریاده نیجه کوهس بکشا بولنور

دولایی، بوکون هر هانکی بر قصیده‌ی، حتی هر هانکی بر غزلی تدقیق
ایده‌جک اولور سهق اولام، ادبیات مختلفه آرهنده بر مناسبت بولقدن
عاجز قالیرز. چونکه شاعر، ضرورت قافیه‌یه متابعتله دوشوندکلرندن
بوسبتون بشقه‌شیلر یازمغه مجبور قالمش، سلسله افکارینی محافظه
ایده‌مه‌مشدر.

ادبیات قدیمه‌مزده « نظیره‌جیلک » دینلن مقلد لکک اوقدر
تعممنه اک بیوک سبب اشکال نظمک محدودیتی اولمش، و بوسیله
بر چوق شاعرلر عین مضمونلری تکرار تکرار استعمال ایده‌رک
طبیعت خارجیه‌دن اقتباس‌آنده بولمغه قدرتیاب اولامامشلردر.

اوتوز قرق سنه اولنه کلنجه‌یه قدر ساحه ادبیاتده حکمران
اولان اشکال قدیمه نظممنز عبدالحق حامدک ده‌ای متینله محو اولمده
اول نظمده هیچ بر تجدد وقوعه کله‌مه‌مشدی؛ نژده وقوعه کلن
تجدد عظیم، طرز تفکرده مشهود اولان تحولات، بر درلو اشکال
قدیمه‌نک مفکرملر اوزرنده‌کی نفوذ مشئومنی‌اخلال ایده‌میور، نژده
مجدد اولان آدم‌لر منظوم یازمق ایسته‌نجه اشکال قدیمه‌نک زنجیرلرندن
فکرلرینی تخلیصه مقتدر اوله‌میورلردی. اشکالک بو استبدادی،
عبدالحق حامده قدر دوام ایتدی. فقط عبدالحق حامد غرب اشکال
نظمینی تطبیقه باشلاینجه، اشکال قدیمه یاواش یاواش اسکی
اهمیتی غائب ایلیمه‌رک اشکال جدیدیه ترک موقعه مجبور قالدی.

آثار قدیمه نظمیه‌من، شکل نظم اعتباریله سکنزه منقسمدر.
مصرع، بیت، رباعی، قطعه، غزل، قصیده، مثنوی، مسمط.
بو اشکال اصلیه تالی اولارق بر طاقم انواعه ده‌ایریلیرکه اونلری
بحث مخصوصلرنده آیری آیری تدقیق ایده‌جکمز.

اورینجی بحث

اشکال قدیمه نظم — مصراع — بیت — — — رباعی —
غزل — قصیده — مثنوی — مسقط — اشکال جدیدہ نظم .

۱

اشکال قدیمہ نظم — موضوعی اعتباریہ دہ پک اوقدر
واسع اولمیان اثار منظومہ قدیمہ مز ، بالخاصہ شکل نظمیری اعتباریہ
شایان استغراب بر محدودیت عرض ایدر . مصراع ، بیت ، رباعی ،
قطعه کی اوفاق و اہمیتیں اشکال نظمی بر طرف ایدہ جک ، و قصیدہ
« غزل » طرزینک عدد ابیات اعتباریہ دہا کثیر اولمقدن بشقہ بر
مزیتی حائز اولمادیغندن اونی دہ داخل حساب ایتیمہ جک اولورسہق
اشکال قدیمہ نظممز اوچہ انحصار ایدر : غزل ، مثنوی ، مسقط .
متمادیاً عین قافیہ یہ مراجعت ضرورتی غزل و مسقط طرز لرینہ
بویوک بر محدودیت و یردیکی ایچون ، اولنری افکار و حسیاتک
سربستی افادہ سنہ خادم بر شکل نظم اولارق قبول ایدہ میز . شو حالہ
ادبای قدیمہ مزک سربستجہ افادہ افکار ایتہ لری ایچون مثنوی
طرزندن بشقہ هیچ بر شکل نظم قالمیور .

شکل ایلہ اساس آرہ سنہ دایما بیوک بر مناسبت موجود اولدیغندن ،
اشکال قدیمہ نظممزک بو محدودیتی ادبیات عتیقہ مزک عدم انکشاف
و ترقیسنہ مهم بر عامل اولارق تلقی ایدرز . الی آلتش بیتاک
بر منظومہ دہ ہر ایکی مصراعہ دہ دائماً عین قافیہ یہ رعایت ایتہک
شرطیلہ سلسلہ افکار و احتیاساتی تعقیب و محافظہ ممتعدر ، بوندن

بر قافیه نك سگنر اوز دفعه تکررینه اصلا تصادف ایدلز ؛ دائماً قیصه
فاصله لرله مختلف قافیه لر استعمال اولونور .

بعض شاعر مزلر ، قافیه ضرورتندن بوسبوتون قورتولمق ایچون
قافیه سز شعر یازمق فکرینی التزام ایدیورلر . عبدالحق حامدك
« هدیة سال » نامنده کی شعری بو طرزده یازلمش اولمقله برابر هیچ
بر وجهله محروم آهنگ دکلدرد . فقط بونی براستنا اولاق قبول ایتمه لی ،
ونظمده قافیه نك بویوک بر تأثیری اولدیغنی اعتراف ایله ملیدر . نظمك
انتظام خارجیسینی محافظه ایدن قافیه ، هر زمان اونك موسیقی بیانه
جاذب وسحرکار بر آهنگ اعطا ایدر .



اگر قافیه نك سمع ایچون اولدینی قبول ایدیله سیدی ، مخلدات
جدیده منظومه نك همان هیچ بری وجوده کله مر ، شاعر لر مر حس
وفکر لرینی شیمدیکی صمیمیت و سربستیه افادهیه موفق اوله مازلردی .
بو کون اشعار جدیده مزدن هانکی سنی تدقیق ایدره سه ک ایدم ، قافیه لرینک
یکی ، ناشنیده اولدینی ، شاعرک ضرورت قافیه یله ترك حسیاته
مجبوریت کورمدیکنی آکلارز . مع مافیه بونده قافیه ایله برابر شکل
نظمک ده تأثیراتی موجوددر .

ادبیات قدیمه نك محدود بر دائره داخلنده قالارق سربستی
انکشافه مظهر اولامامسنک الک بیوک سببی شکل نظمک و دائره
قوافینک محدودیتی ایدی . بر شاعر صمیمی بر حسی یازمق ، یا خود
بر صفحه طبیعتی تصویر و ترسیم ایتک ایسته دیکی زمان مطلقا غزل
طرزینه مجبور مراجعت اولارق قافیه لرك الجا آتیه تبعاً حتی حس
ایتدیکی شیئک ضدینی یازمغه مجبوریت کوریوردی . شکل نظم ایله
برابر قافیه لرك ده محدود و معین اولدینی دوشونولورسه ، ادبیات
قدیمه نك عدم ترتیسنه بشقه سبیلر آرامغه اصلا حاجت قالماز .

اثر حاضره منظومه نك بعضیلرنده مثلاً اون بش سطرلق اوزون
بر فاصله ایله قافیه لره تصادف اولونیور . قولاق ، اون بش سطر اول
ایشیتدیکی بر آهنگی ضبط ایله اون بش سطرلق بر فاصله یی متعاقب عین
آهنگک تکررندن ذوقیاب اولامه یه جنی ایچون بوکی قافیه لرك زائد
و بی لزوم اولدینی میدان بده ائتمه در . الی آلمش بیتلک بر قصیده نك
عین قافیه ایله دوام ایتمه سی سامعه یی ناصل تخریش ایدرسه ، اوزون
فاصله لی قافیه لرك تکرری ده سامعه یی او قدر لاقید بر اقیبر . ذوق
سمعیمر کوندن کونه کسب رقت ایتدیکی ایچون ، بو کونکی شعرلر مزده

بر آهنگ و انتظام و یردیکی در حال آ کلاشیلیر . قافیه‌نک دیکر بر خدمتی ده ، نظامک انتظام خارجیسنی محافظه ایتک صورتیله حافظه‌ده کمال سهولتله نقشکیر استقرار اولماسنی تأمین ایتکدر .

اعطا ایتدیگمز شو ایضاحاتدن آ کلاشیلورکه قافیه‌نک فائده‌سی باصره‌مزه دکل اصل سامعه‌مزه عائددر . بر منظومه اوقودیغمز زمان اونک قافیه‌سندن تلذذیاب اولاجق اولان ذوق سمعیمزدر . بناءً علیه قدما‌نک اصلاً قبول ایتدکلی « قافیه سمع ایچوندر » قاعده مصیبه‌سی غایت قوی بر اساس روحیه مبتنی بولونیور دیکدر . اساساً مبحث مخصوصنده وزن ملیمزی تدقیق ایدرکن ، قافیه‌نک اسکیدن بری سمع ایچون اولدیغنی ، تلفظلری یکدیگیرینه بکزه‌ین کلماتک بیله قافیه عد ایدلایکنی کورمشدک .

قافیه‌نک سمع ایچون اولدیغنی ، مخرجلری یکدیگیرینه قریب لفظلردن قافیه تشکیل ایدیله‌بیله‌جکی حقیقی اوزون مدت قبول ایدله‌مش ، وبناءً علیه قافیه ضرورتی شاعرلرک فکر و حسلرینی کمال صمیمیتله تبلیغ ایده‌بیلمه‌لرینه هر زمان بویوک بر مانعه تشکیل ایله‌مشدی . غربک اشکال جدیدۀ نظمیه‌سنی اقتباس ایتدکن صوکره قافیه حقنه‌ده‌کی افکار باطله قدیمیه رعایتک لزومسنلغی ، مضرتی بالطبع آ کلاشیلدی ؛ و نهایت استاد اکرم « قافیه سمع ایچوندر » قاعدهً عمومیه-سنی وضع ایده‌رک ، بوقاعده - پرستشکاران عنفاتک بوتون مخالفتلرینه رغماً - عمومیتله قبول وتطبیق اولوندی . « توفیق فکرت - خالد ضیا » دوره ادبیه‌سنگ نظم‌مزده اوقدر بویوک تجدیدات کوستره‌بیلمه‌سنگ اسباب مهمه‌سندن بری‌ده ، دائرة قوافینک فوق‌العاده وسعت کسب ایتمه‌سیدر .

یا لکنز بو اوافق مثال بیله ، قافیه حقنده کی تعریف قدما نك اليوم نه قدر حکمنز ، نه قدر یا کلش کوروندیکنی اثبات ایدر . چونکه بوکون مخرجلری بربرینه یقین اولان ، یعنی تلفظلری مشابه بولونان « هیج ، تهییج - سن ، ابدیاً - هپ ، شب » کی لفظلر هم قافیه عد ایدلمکده در ؛ لاعلی التعین هر هانکی بر مجموعه اشعاری آچسه ق ، قافیه لرك اکثریتله بو طرزده اولدیغنی ، یعنی « کیجه نك ، خائن - ایلر ، تلار - دالردن ، کریه فشان - امینم که ، مبیکی - فرقت ، فقط - نظرم ، باقارم » کی قافیه لرك دائماً استعمال ایدلدیکنی کورورز .

منظوماتک نهایتده قافیه بولونماسنک اک بویوک حتی یکانه سبی موسیقی نظمه بر تناسب و آهنگ مخصوص بخش ایله مکدر . قافیه لری بوزوق بر شعر ایله ، عین قوتده فقط قوافیسی دوزکون دیگر بر شعر مقایسه ایدیله جک اولورسه ، قافیه نك موسیقی نظمه نه بویوک

روینک ماقبلنده حروف املا دن بری بولنان قافیه به دیرلر . او حرفه « د ف » تسمیه اولنور . « سکون ، زبون - جهان ، نشان - جین ، پروین » کله لرنده کی الف ، واو ، یالر کی . مؤسسه : روی ایله رد ف آراسنه دیگر بر حرف حلولایله کلن قافیه به دیرلر ؛ آرایه کیرن حرفه « دخیل » تعبیر اولنور . « آخر ، اکابر » لفظلرنده کی « ر » لر روی ، انفلر رد ف ، « خ ، ب » حرفلری ده دخیلدر . مقیده : حرف روینک ماقبلنده حروف رد ف دن بشقه دیگر بر حرف بولنان قافیه به دیرلر ؛ او حرفه « قید » تعبیر اولنور . « دست ، بست » لفظلرنده تالر روی وسینلر قیددر . حرف رویدن صوکر اشعرك آخرنده کی تکرر ایدن شی کله اولورسه اوکا « ردیف » وادوات اولورسه اوکاده « وصل وشایکان » دیرلر . بوخصوصده برچوق تقسیمات وتصنیفات قالیه وارسه ده عدم لزومنه مبنی اونلری مسکوت عنه کچمک مر جحددر .

شاعر لرینی تقلیداً - « نظم سربست » نامنی اعطا ایدیورلر . اساس اعتباریله مستزاد اصولنک توسیعندن عبارت اولان بو اصول نظمه یکی بر اسم اعطاسنه قالدیشمق طبعی هیچ بر وجهله شایان قبول اولاماز .

۸

قافیه . — منظوم اولان اثرلرده ، اثرک انتظام داخلینی تأمین ایدن شی وزن اولدینی کبی ، انتظام خارجی بی تأمین ایدن ک زیاده قافیه در .

قافیه مؤلفات قدیمه ادبیه ده موجود تعریفه کوره ، منظوماتک آخرلرنده واقع حروف متکرره متجانسه نک حرکات وسکنانده اتحاد و اتفاهه دینور . مثلاً « نسب ، ادب - کل ، بلبل - قان ، قربان - شبنم ، یم » کله لری بر منظومه نک آخرنده واقع اولورسه یکدیگریله هم قافیه اولورلر ؛ حالبوکه « افکارمی سنده ایتمه تهییج ، رسطو بونه در ؟ ظفر ویا هیج » بیتنده کی « تهییج » و « هیج » کله لری حرکات وسکنانده متحد اولمقله برابر حروف متکرره متجانسه دن معدود بولونمادینی ایچون - بوتعریفه کوره - قافیه عد اولونه مازلر [۱] .

[۱] قدما نك قافیه حقنده کی افکار و طالعاتی مختصراً آ کلاتقی ایچون مبانی الانشادن تفصیلات آتیه بی اقتباس ابتدک : قافیه ایکی نوعدر : قافیه مجرد . قافیه مرکبه . قافیه مجرده یالکز بر حرف اوزره بنا قیلنان قافیه دیرلرکه حرف مذکوره « حرف روی » دیرلر . « ساغر - خر » لفظلر نك آخرنده کی رالک تکرری کبی . قافیه مرکبه : حرف رویدن ماعدا و آندن ادرل دیگر متجانس حرفلر بولنوب حرکات وسکنانده اتحاد ایتکدن عبارتدرکه بوده « مرده ، مؤسسه ، مقیده » نامیله اوچه منقسمدر . مرده : حرف

وزن اوله‌ماز ؛ بوکا ، براز دها آغیر ، براز دها جدی بر وزن ایستر . شاعر بولازمه صنعتی کمال موفقیتله اجرادن صوکرا ، بربرلرینک آرقه‌سندن قوشار کبی سرعتله دوکولن قارلرک بوسقوط سریع طبعی بر صورته تصویر ایچون تکرار تبدیل وزنه‌مجبوریت کوریور ؛ وبویله‌جه سریع بر آهنگه مالک اولان « مفعول مفاعیل مفاعیل فاعولن » وزنیه منظومه سنی ا کمال ایدیور .

خلاصه : هر وزنک کنديسنه مخصوص بر آهنگ طبعیسی اولدیغی کبی ، اجزای اوزانک ویامختلف بحرله عائد انواع اوزانک حسن ترکیبیلده آیری آیری آهنگلر الده ایدیله‌بیلرسی دائماً ممکنر . حیات داخلیه و خارجیه‌نک ، مختلف آهنگلرله افاده‌سی ممکن برچوق حادثاتی واردرکه ، اولنری عین بر آهنگ مطردله احساس وتبلیغه چالیشمق فائده‌سزدر . بر منظومه‌نک موفقیتی ایچون وزن‌ایله موضوع آره‌سنده برمطابقت صمیمیه موجوداومالیدر . بونک ایچون‌ده وزن تصویر ایدیلن حادثیه کوره اوزایوب قیصالمالی ، آچالوب یوکسه‌ملیدر . آنی بر غلیان ایله حایقیران بر بکای ملک یاواش یاواش بوغوق بر هیچقریغه ، شهقه‌لرک دهرین ومظلم بر سکوته انقلابی تصویر ایده‌جک برمنظومه‌ده ، وزن اولا یوکسه‌ملی ، صوکرا بوغوق شهقه‌لرک لحن رازیخی ترنم ایده‌رک ، یاواش یاواش ، بررعه‌شئ الله سکوت ایتملیدر . بر وزنک مختلف اجزاسنی یاخود مختلف بحرله عائد اوزان مختلفه‌بی مزج و ترکیب ایتمک ، عروض اصول نظم‌نک اک مهم وسائل موفقیتدن بریدر .

شعراي حاضره‌مزدن بعضلری ، مستزاد اصولنی بر قاندها توسیع ایله یکی بر اصول نظم وجوده کتیردکلرینی ادعا وبوکا - فرانسر

دوك اى سما - روان طبيعت غنوده در :-
خاك سياهك اوستنه صافى شكوفه لر !

هرشاخسار - شيمى - نه ياپراق ، نه برچيچك ! -
برتوده زلال سهرنك نا اميد ...
اى دست آسمان شتا ، دورمه ، دورمه چك
هرشاخسارك اوستنه برستره سفيده !

كوكلردن املاركي ريزان اولييور قار ،
هرسوده خيالم كچي پويان اولييور قار .
بر باد خوشك برصافنده اويوقلار
طرزنده دورور بر آراق ، صوكره اوچارلر .
صولدن صاغه ، صاغدن صوله لرزان و كريزان ،
گاه اوچه ده تويلر كچي ، گاه اوله ده ريزان ،
قارلر .. بوتون الحاني هنر اميرسكوتك ،
قارلر .. بوتون ازهارى رياض ملكوتك ...

دوك خاك سياه اوستنه ، اى دست سهادوك ،
اى دست سما ، دست كرم ، دست شتا دوك ،
ازهار بهارك يرينه برف سفيدي ،
الحان طورك يرينه صمت اميدي ! ..

قيشك بر صفحه برف آلوديني صميمي وذي حيات بر صورتده
ا كلاتمق ايسته ين شاعر صنعتكار ، اولاقارلرك سقوط لرزاني تقليد
ايدن خفيف وسريع الجريان بر وزن استعمال ايتدكدن صوكره ،
بوتون محيطي ، بر ستره منجمدله اورتن قارلر آره سنده آغاچلرك
نوميد و سهرنك قديدلريني كوره رك اونلري ده ستر ايمه سي . ايچون
دست شتايه خطاب ايدييور ؛ بو خطابي اجرا ايچون قوللانيلاجق
وزن ، طبيعي سقوط برقي احساس ايچون قوللانيلان سريع الجريان

او بهارک بو ایشه فرداسی :
قایلادی بر درین سکوته یری
قارلر

که خوشانه دمبدم آغلار !
ای اوچارکن دوشوب اولین کلک ،
بر بیاض ریشه جناح ملک
کبی قار

سنی صولغون حدیقه لرده آرار ؛
سن آچارکن چیچکلر اوستنده
اوافاق بر چیچکلی بلیازه ،
نعشک اوستنده شمدی ای مرده
باشلادی پارچه پارچه پروازه
قارلر

که سمادن دوشر دوشر آغلار !
اوچدیکیز ، کیتدیکیز سزای قوشلر ،
کوچوجک سرسفید بایقوشلر
کبی قار

سزی دالرده ، لانه لرده آرار .
کیتدیکیز ، کیتدیکیز سزای مرغان ،
شیمدی بوش قالدی سرتسر یووالر ؛
یووالرده - یتیم بی افغان ! -
صوک فالان مائی تویلری قووالار
قارلر

که هواده اوچار اوچار آغلار !
دستکده ای سمای شتاتوده توده در
برک سمن ، جناح کبوتر ، سحاب تر ...

صنعتکارلری ، موضوعلرینک ایجاباتنه تبعاً آهنگ افاده بی ایستدکاری
کبی تغیر و تبدیل ایدرک موضوعک طبیعت و صمیمیت افاده سنی محافظه به
مقدر اولیورلردی .

جناب شهاب الدینک « صوک آرزو » ، « ریاچ لیال » ، « الحان شتا »
کبی منظومات نفیسه سی ، توفیق فکرت و فائق عالینک بر چوق
شعرلری هپ بومطالعاته ابتناء وجوده کمشدر . فی الحقیقه ، مختلف
آهنگلرله افاده ایدلمسی لازم کلن بر موضوعک عین بر آهنگ افاده
ایله تبلیع واحساسنده مجبوریت اولمسی ، ادبیاتمزک محدودیتنی انتاج
ایدن اک مهم اسبابدن بری ایدی .

شعراى اخیره ، بالعموم اشکال نظم ایله برابر مستزاد اصولک
- اجزای مختلفه اوزانک مزجی صورتیه - توسیعیله اکتفا ایتیه رک ،
موضوعک کوستردیکی لزومه اتباعاً مختلف بحرلره عائد وزنلری ده
مزج ایتمکه باشلامشدر . اکثریا اوزون و مختلف آهنگ موضوعلرده
تطبیق ایدیلن بواصول نظم ، ماهرانه استعمال ایدلدیکی تقدیرده
بویوک بر موفقیت تأمین ایتمکده در . اجزا و انواع اوزانک مزجیه
نه کبی کوزده لککرت تأمین ایدیه بیله جکنی آ کلاتمق ایچون « الحان شتا » بی
بروجه آنی اقتباس ایدیورز :

بر بیاض لرزه ، بر دومانلی اوچوش ؛

اشنی غائب ایله یین بر قوش

کبی قار

نچن ایام نو بهاری آزار . . .

ای فلوبک سرود شیداسی ؛

ای کبوترلرک نشیده لری ،

اوزانك آهنگ يكنسقى ازاله ايچون بو طرز نظمى توسيع ايتك فكري ، ادبياتك دور اخير تجددنده طبعى ميدانه چيقدى . اشكال قديمه نظمى محو ايدرك غرب اشكال نظمندن بر چوغنى لسانمزه تطبيق ايدن بويوك مجدد عبدالحق حامد « صحرا » نامنده كى مجموعه اشعارنده عين منظومه ده مختلف وزنلرك اجزاسنى مزج ايتك يكيلكنى كوستره رك بو خصوصده ايلك خطوه تجددى آتدى . فقط بو ، بر نوع « نظم سربست » اولمغله برابر شكل متعامليله مستزاد دكلدى .

مستزاد خصوصنده كى ايلك تجددى كوستره ن توفيق فكرتدر . رباب شكسته ده مندرج « اى قيز » منظومه سى ، مستزادك توسيع و تجديد اولونمش بر شكلندن باشقه بر شى دكلدر :

فيض بهاردر دهنكدن اوچان ضيا
بكر چيچك آچيلمق ايچون ابتسامى ؛
بكر هبوب ايچون اوسجر خيز اولان صبا
بر خرامى

بو منظومه نك انتشارينى متعاقب جناب شهاب الدين ، اسماعيل صفا كى شاعرلر آهنگك يكنسقلغنى ازاله ايچون بو اصول نظمك هر درلو تجدداته قابليتدار اولديغنى نظر اعتباره آلديلر ؛ و بو دائره يي ايستدكلرى كى توسيع ايتديلر .

« فكرت - خالدضيا » دوره ادبيه سنده وجوده كلن آثار منظومه ده ، انواع مختلفه اوزانك ايسته نلديكى كى مزج اولونمى صورتيله نه بويوك و مهم علامت تجدد مشهود اولديغى ميدانده در . بو دور

فعلون « ویاخود » مفعول مفاعیل « جزؤلرینه مساوی بر پارچه ضم
ایتمک صورتیه وجوده کلن شکل نظمدر . قافیه لرنده بر اصول
اولمایوب هرکس ایستدیکی طرزده تنظیم ایده بیلیر :

ای شوخ کرم پیشه دلزار سنکدر

یوق منتک اصلا

ارکان کرم آنده نه کیم وار سنکدر

بنهان وهویدا

سن کیم کله سگ مجلسه بریری بولونماز

باش اوزره یرک وار

کل غنچه سیک ، کوشه دستار سنکدر

کل ای گل رعنا

ندیم

آهنک افاده نک یکنسقلغنی ، اطراد ثقلت بخشنی ازاله ایچون
وجوده کتیریلن بو طرز نظمک بوقدر محدود قالمه سی غایت شایان
استغرابدر . ادبیات قدیمه مزده مستزادک بوشکل متعاملنه مخالف
اوله رق یالکز « فطنت » ک شو مدحیه سنه دسترس اولابیلدک :

جهان جود کرم آفتاب برچ هم

مه سپهر شرف

دینیرسه نیر رخشان عالم معنی

ستایشنده سزا

یکانه کوهر شهوار کان لطف و عطا

نظیری نادیده

محیط عالم و فضیلت ، دریم تقوی

اودات بی همتا

اوزان متماًدیاً دهامحدود بردائرمیه انحصار ایدیور: «توفیق فکرت -
 خالد ضیا» دوره سنده کی آثار منظومه ایله آثار حاضرۀ منظومه
 مقایسه ایدیه جک اولورسه ، بوکونکی کنج شاعر لرمزك دوت بش
 وزن رقیق ایله اکتفا ایتدکلی واضحاً اکلایلیر . رباب شکسته ده
 تصادف ایتدیکمز «مفعول مفاعیل فعولن» ویا «مفاعیلن مفاعیلن
 فعولن» ، «مفاعیلن مفاعیلن مفاعیلن مفاعیلن» کی وزنلر بوکونکی
 سامعۀ صنعتی عادتاً تخریش ایتکده در . الیوم اک چوق استعمال ایدیلن
 اوزان «فعلاتن مفاعیلن فعلن» ، «مفاعیلن فعلاتن مفاعیلن فعلن» ،
 «مفعول فاعلات مفاعیل فاعلن» ، «مفعول مفاعیل مفاعیل فعولن»
 وزنلرندن عبارتدر .

۷

مستزاد لر ، اسطال قریبمه و مبریه سی . — قدما عین وزن
 اوزره یازیلان اثرلرک یکنسق و روحه ثقلت بخش اوله سی ممکن
 مرتبه منع ایتک ایچون ، مستزاد دینیلن شکل مخصوص نظمی وجوده
 کتیر مشلدر . اسکی شاعر لرمز عنعنات ادبیه یه فرط رعایت فکر
 مضربنه دوشمه یوب بوشکل نظمی توسیعه صرف غیرت ایتسه لردی ،
 ادبیات قدیمه مز محدود و معین شکللر ایچنده بوغولماز ، بر آاز نفس
 رها آیلردی .

مستزاد — اسکی علوم ادبیه کتابلرنده کی تعریفه کوره — بحر
 هزج اوزانندن اولان «مفعول مفاعیل مفاعیل فعولن» یاخود
 «مفعول مفاعیل مفاعیل مفاعیل» وزننده بولنان مصراعلره «مفعول

صوتکده کی اشعار بر آهنگ ایله مالی ،
 شعر مده کی الحان محبتله نغم ساز ،
 آه ایستورم - کوکلره آماده پرواز -
 بر لائه آواره ده بر عمر خیالی ...

ذوق سمعیمنزك باخفاصه شوصوك سنه لرده مظهر اولدینگی تگمالك
 بر نتیجه طبعیه سی اولارق ، پك آز فاصله لی بر تکرر آهنگی ایجاب ایدن
 مثلاً درت « مستفعلاتن » دن ، درت « فاعلاتن » دن ، درت « فعولن » دن ،
 مرکب يك آهنگ وزنلرك استعمالی پیدای ندرت ایتمه باشلامش ،
 وبالحفاصه « توفیق فکرت — خالد ضیا » دوره ادبیه سنك ابتداسندن
 بری اوزان مستعمله دائره سی بوسبوتون کسب محدودیت ایله مشدر .
 عبدالحق حامدك کثرتله استعمال ایتدیکی « مفعول مفاعیلن فعولن »
 وزنی کبی اوزان بسیطه ، بر جزؤ اصلینك تکررندن وجوده کلن
 اوزان مطرده آرتق همان هیچ استعمال ایدلمه یور . بوکون شعرا منرك
 علی الاکثر مراجعت ایتدکلی اوزان ایکی جزؤ اصلیدن متشکل
 معتدل فاصله لی ، یکنسقلقدن عاری وزنلردر . جناب شهاب الدین ،
 « مفاعیلن مفاعیلن مفاعیلن » وزنی کبی بطی ، و « فعلاتن
 فعلاتن فعلاتن فعولن » وزنی کبی سریع وزنلرك بیله محکوم نسیان
 اولدینگی سویلیور سده بزبو مطالعینی تمامیه شایان قبول کورمیوروز .
 توفیق فکرتك « یاغموور » منظومه سنده اولدینگی کبی ، بعض شیلری
 تصویر واحساس ایچون حتی « فعولن فعولن فعولن فعولن » وزنی
 قدر مخرش اوزانه مراجعته مجبوریت کورولورکن ، بودرجه مخرش
 اولمایان یوقار یکی وزنلرك ترکنه هیچ لزوم یوقدر . مع مافیه ، علی الايجاب
 بوکبی اوزانه مراجعت ایدلمکله برابر ، کثرتله استعمال ایدیلن اقسام

شعرا منك اثرلرينى تدقيق ايده جك اولور سهق ، حسيات علويه يى ،
يوكسك ومستنا دوشونجه لرى ، بويوك ودهرين الملى حاوى
شعرلرينى اكثريتله بو آغير ، بطى وزن ايله يازدقلىرىنى كورورز.

وزنلر من آراسنده مثلا برياز كيجه سنك نوازشكار روزكارلرينى ،
سكون شامك ملال . توكلا نه سنى ، كوللرك ساسىز طالغه جقلىرىنى آهنگ
طبيعيسيله خاطراتان وزنلر واردر . مثلا توفيق فكرت بك ، مخيل
بربلده شعرك ، طبيعتك بوتون كوزه لكلىرى آراسنده كى حيات صاف
عصمتى « مفعول مفاعيل مفاعيل فعولن » وزن سياليه نه كوزل
احساس ايديور :

بر عمر مخيل ... هانى كلينلر ايچنده
بر قوشجفرك عمر بهاريسى قدر خوش ؛
بر عمر مخيل ... هانى كوللرده ، يشىل ، بوش
كوللرده اوصافيت وجدآور ايچنده
بر طالغه جفك عمرى قدر زائل ومغفل
بر عمر مخيل !

يالكرز ايكيمن ، برده او : معبوده شعرم
يالكرز ايكيمن ، برده اونك ظل جناحى ؛
خاكيله بخش ايله رك خاك سياهى
دوشنده بياض بر بولوطك كوكلره عازم .
هرمحن حقيقتدن اوزاق ؛ هر كسه مجهول ؛
بر صفوت معصومه نك آغوش ترنده ،
بر ليله عشقك متانى سحرنده
يالكرز ، ايكيمن صيد خيالات ايله مشغول .

اولايله جكنى اسكى شاعر لرمز لايقيه آكلايه مامش لردى . بونك ايچون ، اشعار قديمه مزى تدقيق ايتديكمز زمان آغير موضوعلرك اك ضعيف ، اك چالاك وزنلره تبليغه چاليشلديغنى ، ياخود اك شوخ موضوعلرك آغير وعظمتلى اقسام اوزان ايله توزين وتنظيم ايدلمش اولديغنى كورورز .

وزنلرك قيمت مخصوصه موسيقيه لرى اليوم لايقيه آكلاشيلمش اولديغنى ايچون ، شاعر لرمز ، تصوير ايدى جكلرى موضوعه مناسب وزنلر استعمالنه ، يعنى موضوع ايله طرز توزينك توافقه پك چوق دقت ايدىورلر . مثلا بدين حسلرينى وزنك آهنگ بطى صميميتيله احساس ايتك ايستين بر شاعر ، آغير ، بطى بر آهنگ افاده يه مالك وزنلره مراجعت ايدىيور :

بوتون زندانلرك ، مقبرلرك ، طاق روانده
قارا كلتى ، مبتكى يالكز لغدن كولكلر تيره ر ؛
تضرعلر ، دعالر ، قعر قئمدن قوپان سسلر
آلير بر شكل واويلاي پر نفرت دهانده .

بو واويلاي مششوم ، بو واويلاي ماتم ده
ايدر تزييد صمت ابعاد هيجا هيچ و بهمه ؛
دونار خشيتله حتى كاشانك روحى ناله مده
اوتر بر بايقوشم كويا خراب آباد عالمده .

فائق على

حالبوكه دها سيال ، دها سريع الجريان بر وزنه محتاج اولان بر موضوع بو آغير ، يأس آلود وزن ايله يازيليرسه او زمان عدم موفقيت محققدر . عبدالحق حامد كى ، توفيق فكرت كى اعظم

هر شاعر ك كندی ذوقته موافق منتخب بر وزنی اولدیغی کبی ، هر دوره ادینك ده كندیسنه خاص اوزانی واردر . بونلری تفریق وتعیین پك چوق مشكل ومساعی عظیمهیه وابسته اولمقته برابر ، ادوار ادبیه نك بو خصوصیتی هیچ بر وجهله انكار اولونه ماز . « فضولی » زماننده پك کثیرالاستعمال اولان ، وبو شاعر صنعتكار ك النده بر ادای ملال وتوكلله ایكله یں :

صاچه ای کوز اشکدن کولده کی اودلاره صو
چون بودکلو طوتوشان اودلاره قیلماز چاره صو

وزنی ، ندیم زماننده ، واصف اندرونی دوره انحطاطنده پك آز استعمال ایدیلیور ؛ واک زیاده ، شوخ وجاذب بر آهنگ سریعه مالک اولان « فاعلاتن فاعلاتن فعلن » وزنی قوللانیلیوردی . ندیمك ، واصفك بر چوق شریقلری ، غزللری هپ بو وزن شوخ ایله یازلمشدر .

ادوار ادبیه نك ، عین برونك آهنگ افاده سنی تبدیل ایتدیکی ده واقعدر . بردور شاعرلرینك یأس آلود موضوعلرده قوللاندقلری برون، دیگر بردور صنعتكارلرینك النده شوخ وسیال بر آهنگ بیان آلابیلیر . مثلاً فضولی دورنده بر آهنگ ملاله مالک اولان « فاعلاتن فاعلاتن فاعلاتن فاعلات » وزنی ، « نفی » « ندیم » زمانلرنده محتشم قصیده لر تنظیمنده قوللانیلیوردی .

وزنلرمزك آری آری برر آهنگ بیانه مالک اولدیغی ، حیات داخلیه وخارجیه نك بوتون خصوصیتلرینی کمال صمیمیتله افادهیه موفق

اسکی شاعر لرمزك حتى اك بويوكلری ، اك صنعتكارلری بيله بو
كبي نقائص نظمیه به عطف اهمیت ایتزلردی ؛ بوکون هر كسك ذوق
سمعیسی اینجه لیدیکی ایچون شاعر لرمز بوکبی قصورلردن قورتولمغه
بك زیاده اعتنا ایدیورلر .

۶

البرم مستعمل وزنلر . — عروض وزنلرینك بك چوق تخالفاته
معروض قالارق بر چوق اقسامه آیرلدیغی ، وبواقسام متعدده دن
هر برینك آیری بر آهنگ بیان مالک اولدیغی سویله مشدك . هر دور
ادبینك ، هر زمانك ذوق ، كوزلك و آهنگ حقنده کی طرز تلقیسی
مختلف اولدیغی ایچون ، تاریخ ادبیاتمرك بر دورنده بك كثیر الاستعمال
اولان بروزنك دیگر بر دور شاعرلری طرفندن همان متروك براقیلدیغی
کوروروز . چونكه بر دور آدملری طرفندن سلیس و آهکندار عد
ایدیلن بروزن ، دیگر بر دورده یاشایانلر ایچون غایت سامعه خراش
کله بيله جکی کبی ، اولجه هیچ عطف اهمیت اولونمایان بر وزنك شایان
دقت بر قیمت موسیقیه مالک اولدیغی ده اوزون بر دوره نسیان و
متروکیتدن صوکر آ کلاشیله بیلیر . ادبیاتمرك ایلک دورلرنده استعمال
اولان اوزان — لسان دهاعروض وزنیه لایقوله ائتلاف ایده مدیکی
ایچون — عین بر جزؤ اصلینك تکررندن وجوده کلن قولای
وبسیط وزنلر ایدی . ایکی جزؤ اصلینك اشکال متخالفه سندن وجوده
کلن « مفعول فاعلات مفاعیل فاعلن » و « مفاعلن فعلاتن مفاعلن فعلن »
کبی براز قاریشیق وزنلر اوقدر کثرتله قوللانیله میور ، وقوللانیلسه
بيله بك چوق نقائص نظمیه ايله معلول ومحروم آهنگ بولونیوردی .

اولمابوب حین تلفظده کندینی کوستیرسه، او حرف موجود اعتبار اولونور. كذلك، بر حرف صورت کتابتده موجود اولوبده تلفظده اظهار وجود ایتزه نظر اعتباره آلیناه. آسمان و آستان و آتش و آیین کی کلمه لک شکل تحریرنده بر الف وار ایسهده تلفظده ایکی الف ظاهر اولدینی ایچون بری متحرک دیکری ساکن اوله رق ایکی حرف اعتبار اولونور. کذا، کسره نك مدو اشباعدن حاصل اولان یا ایله ضمه نك دخی بری متحرک دیکری ساکن صایلیر. خلاصه تقطیعده یالکز تلفظ ایدیلن حروف نظر اعتباره آلتوب، حروف غیر ملفوظه مصراعک صوکنده اولدینی تقدیرده معتبر و اورتهده بولوندینی صورتده حسابدن ساقطدر. حروف املا ایله ابتدای الفاظده کی همزه لر و بعض کره هالر دخی تقطیعدن ساقط اولور. بوقواعدی دهاقولایقله آکلاته ییلمک ایچون برمثال ایله توضیح مسئله ایدلم. مثلاً «فطنت» ک :

مهه نقصا || ن وخورشیده || زوال ایرمک || ده روزوشب
کوروروشن || دلان هر دم || ضرر چرخ || ستمکردن

ییتی بحر هزجک وزن اصلیبی اولان «مفاعیلن . مفاعیلن . مفاعیلن . مفاعیلن . مفاعیلن» وزندهدر. برنجی مصراعده کی «زوال ایرمک» ایله ایکنجی مصراعده کی «دلان هر دم» ی وزنه توفیق یعنی «مفاعیلن» ه تمامیه تطبیق ایچون «زوال ایرمک» و «دلان هر دم» کی او قومق ایجاب ایدر . مع مافیه بوکی اسقاط وقصر لر، و «باغ حسنک سنبل یادسته» شبوسیدر «مصراعنده کی «سنبل» کلمه سننده اولدینی کی بی لزوم مدلر ارباب نظم عنندنه دائماً بر قصور عد اولونور .

بحر متقارب : اجزای اصلیه سی درت کره « فعولن » اولوب
آلتی جزؤ فرعیسندن آلتی وزن حاصل اولور :

وزن اصلی : فعولن فعولن فعولن فعولن

مثال : آ کوزم آروحم کرمور افندم
چیقارمه کوکلدن بنی سن اشوخم

اوزان مشهوره متفرعه :

فعولن فعولن فعولن فعل

فعول فع لن فعول فع لن

بحر متدارك : اجزای اصلیه سی درت کره « فاعلن » در .
بوندن درت وزن تشعب ایدرسده ادبیاتمزده اوزان مذکورهدن
همان هیچ بری استعمال اولونما مقده در .

۵

تقطیع . — بر نظمك الفاضلی بر طاقم اقسامه آیره رق منسوب
اولدینی بحرك اجزاسنه تطبیق ایتمه « تقطیع » دیرلر . فقط بونده
شرائط آتیه رعایت ایتمه لیدر :

اولا تقطیعده کلمات نظمك صورت کتابته اعتبار اولنمیوب هیئت
تلفظه رعایت اولنمالیدر . مثلاً بر حرف ، صورت کتابته موجود

وزن حاصل اولورسده ، اوزان مذکورہ اليوم تمامیلہ متروکدر .
 آثار قدیمہ ادبیہ من آرہ سندہده بوبجرہ مثال اولہ بیلہ جک آثار معدوم
 حکمندهدر .

بحر جدید : « فاعلاتن مستفععلن » اصلندن تفرع ایدن « فاعلات »
 ایله اوچ وزن حاصل اولورسده اوزان مذکورہ تمامیلہ متروکدر .
 آثار قدیمہ من آرہ سندہ بیله بوبجر وزنلریله یازلمش آثار یوق کییدر .

بحر خفیف : اجزای اصلیه سی « فاعلاتن مستفععلن » اصلندن
 بر کره « فاعلاتن مفاععلن فاعلاتن » اولوب علل وزحافات ایله سکز جزؤ
 فرعیسی ظهور ایدر و بونلردن آلتی وزن حاصل اولور :
 اوزان مشهوره متفرعه :

فاعلاتن مفاععلن فعلن

فاعلاتن مفاععلن فعلان

فاعلاتن مفاععلن فعلن

یکدیگرنندن همان هیچ فرقی اولمایان بواوچ وزن اليوم پک چوق
 استعمال ایدلمکدهدر .

بحر مشاکل : اجزای اصلیه سی « فاعلاتن مفاعیلن مفاعیلن »
 اصلندن بر کره « فاعلات مفاعیل مفاعیل » در . بوندن اوچ وزن
 حاصل اولورسده استعمال اولونماز .

وزن اصلی : مفاعِلن فَعَلاتن مفاعِلن فَعَلاتن
 مثال : دهات رومه دیرم کوستروب بو نظم بدیی
 بو شیوه اوزره کیمک حدیدر بیان معانی
 اوزان مشهوره متفرعه :

مفاعِلن فَعَلاتن مفاعِلن فَعَلاتن
 مفاعِلن فَعَلاتن مفاعِلن فَعَلن
 مفاعِلن فَعَلاتن

بحر سریع : اجزای اصلیه سی « مستَعْلَن مستَعْلَن مفعولات »
 اصلندن بر کره « مفعِلن مفعِلن فاعلان » درکه جمعاً طقوز جزو
 فرعیسی اولوب اونندن ده آلتی وزن ظهور ایدر :

وزن اصلی : مفعِلن مفعِلن فاعلان

مثال : کوکلی آلدک بنم ای مه جمال
 باری بکا ویرمه ستمله ملال

اوزان مشهوره متفرعه :

مفعِلن مفعِلن فاعِلن

بحر قریب : اجزای اصلیه سی « مفاعیلن مفاعیلن فاعلاتن » اصلندن
 بر کره « مفاعیل مفاعیل فاعلات » عللی وزحافات ایله بوندن پشی

اوزان مشهوره متفرعه :

مقتعلن فاعلن مقتعلن فاعلن

مقتعلن فاعلات مقتعلن فاعلن

—

بحر مضارع : اجزای اصلیه سی « مفاعیلن فاعلاتن » دن متفرع اولارق بر مصراعده ایکی کره « مفاعیل فاعلات » درکه جمعاً اون ایکی جزؤ فرعیدن حاصل اولوب اون ایکی وزن حصوله کتیریر :

اوزان مشهوره متفرعه :

مفعول فاعلاتن مفعول فاعلاتن

مفعول فاعلات مفاعیل فاعلن

—

بحر مقتضب : اجزای اصلیه سی « مفعولات مقتعلن » اصلندن ایکی کره « فاعلات مقتعلن » درکه بش جزؤ فرعیسی اولوب بش وزن حاصل ایدرسده ادبیاتمزده همان بووزنلردن هیچ بری استعمال اولونماشدر .

—

بحر محبت : اجزای اصلیه سی « مستعلن فاعلاتن » اصلندن مأخوذ ایکی کره « مفاعلن فاعلاتن » درکه جمعاً اون بر جزؤ فرعیسی اولوب لدی ترکیب پدی وزن ظهور ایدر :

فرعی حاصل ایدرکه بونزلله ترکیباتندده یکرمی ایکی وزن فرعی حاصل اولور .

وزن اصلی : فاعلاتن فاعلاتن فاعلاتن فاعلاتن

مثال : اول کل رنگین عذاری صامه سودم اختیاری
آخر الامر اضطراری کوکلی ویردم قضارا

اوزان مشهوره متفرعه : فاعلاتن فاعلاتن فاعلاتن فاعلاتن

فاعلاتن فعلاتن فعلاتن فعلن

فعلاتن فعلاتن فعلن

فعلاتن فعلاتن فعلن

فعلاتن فعلاتن فعلاتن فعلن

بحر منسرخ : اجزای اصلیه سی « مستفعّلن مفعولات » اصلندن
درت کره « مفعّلن فاعلات » اولوب مستفعّلندنیدی ومفعولاتدن طقوز
جزؤ فرعی حاصل ایدر .

وزن اصلی : مفعّل فاعلات مفعّل فاعلات

مثال : یاقه بزه ای جوان مشعله افتراق
ایله بزی لطف ایدوب وصلتکه برچراغ

مفعول مفاعیلن مفعول مفاعیلن
مفعول مفاعیل مفاعیل مفاعیل
مفعول مفاعیل مفاعیل فعولن
مفعول مفاعیلن فعول

بمحرر جز : اجزای اصلیه سی درت کره مستفعان اولوب
« مفاعیلن ، مفتعلن ، مفعولن ، مستفعلان ، مفاعلان ، مستفعلاتن ،
مفاعلاتن » صورتندہ یدی فرع حاصل ایدر که ترکبندن ده اون اوچ
وزن فرعی حاصل اولور :

وزن اصلی : مستفععلن مستفععلن مستفععلن مستفععلن

مثال : ایردی ینه اردبہشت اولدی هوا عنبر سرشت
عالم بہشت اندر بہشت ہر گوشہ بر باغ ارم

اوزان مشہورہ متفرعہ : مستفععلن مستفععلن
مستفعلاتن مستفعلاتن

بمحرر رمل : اجزای اصلیه سی بر مصراعدہ درت کرہ فاعلاتن
اولوب عارض اولان زحاف و علل سبیلہ « فاعلات ، فاعلاتن ،
فاعلات ، فاعلان ، فاعلن ، فععلن ، فععلن ، فععلن ، فععلن ، فعل
فع ، فاع ، مفعولن ، فاعلیان ، فاعلیان » صورتندہ اون بش جزؤ

اولان بو آلت، حقیقی برشاعرك، ماهر بر صنعتكارك دست مهارتنده
اللطیف آلات موسیقیه کمال موفقیتله رقابت ایده بیلیر .

۴

عروضه وزنك انواع مختلفه سی. — عروض تورکینك درت دائرة
واون درت بحره منقسم اولدیغنی سویله مشدك. بوبحرلردن هر برینك
وزن اصلیمی ايله اوزان فرعیه سندن الك مستعمللری مختصر آشونلردر:

بحر هزج : اجزای اصلیه سی بر مصراعده درت مفاعیلن اولوب
عارض اولان زخاف و علل ايله تنوع ایده رك « مفاعیلن ، مفاعیل ،
مفعولن ، فعولن ، مفعول ، فاعیلن ، فعول ، فعل ، قاع ، فع ،
صورتنده اون فرع حاصل ایدر كه بونرك ترکیباتندن ده لسانمزده اون
آلتی وزن فرعی حاصل اولور :

وزن اصلی : مفاعیلن مفاعیلن مفاعیلن مفاعیلن

مثال : یوتون بوشلق .. زمین بوش، آسمان بوش، قلب و وجدان بوش
طوتونمق ایسترم ، بر نقطه یوق پیش خسارمده

اوزان مشهوره متفرعه : مفاعیلن مفاعیلن مفاعیلن

مفاعیلن مفاعیلن فعولن

مفاعیل مفاعیل مفاعیل مفاعیل

مفاعیل مفاعیل مفاعیل فعولن

مفاعیل مفاعیل مفاعیل

مفاعیل مفاعیل فعولن

صيغه لری عروض وزنلرینه قابل ادخال اولدینی حالدہ مفرد متکلم صیغه سی اولان « کیده جکم » اصلا قوللانیلامایور .

عروض وزنک — یالکز لسانمزه عائد اولمایان ، عمومی — دیگر بر محذوری دها واردرکه اوده ضرورت وزندر . بعض کلمات بر وزن معینه قابل ادخال اولدقلری حالدہ اوزان سائرده اصلا استعمال اولونامازلر ؛ یاخود وزنک بر جزئنده بولونابیلدکلری حالدہ دیگر بر جزئنده بولونمق قابلیتندن محرومدرلر . مثلاً « انسانیت » کلمه سی :

اگر لازمه انسانیتك فوقنده بر موجود
دو نر ساعی هندیکز ، اومشکلراولور نابود

ایکی معشوقه وجدانم وار
بری سنسک ، بری انسانیت

صانمه انسانیتك فوقنده سأك
بز كبی سن ده الهه بنده سأك

بیتلرنده کوردیکی وجهله بووبوقیلدن وزنلره قابل ادخال اولدینی حالدہ ، الیوم پك کثیر الاستعمال اولان « مفعول فاعلات مفاعیل فاعلن » ، « مفاعلن فاعلاتن مفاعلن فعلن » وزنلرنده اصلا استعمال ایدیه مز .

مع مافیه بوتون نقائصیله برابر ، عروض وزنی اك آهنگدار واك مکمل بر آلت نظامدر . عادی اهلیتارایچون پك زیاده مشکل الاستعمال

عالم حیات نو بولور جانلر باغشلر دمدم
 انفاس روح الیهدر کویا نسیم صبحدم
 صحن فلکده جلوه کر طاوس زرین بال بر
 باغ جهان پرزیب وفر عالم کستان ام
 نفی

یتمش سکسان بیت متمادیاً بو آهنگ مخرشله دوام ایدن بر اثر ،
 موضوعی نه قدر کوزل اولورسه اولسون سامعلری اوصاندرمقدن ،
 حتی کوزلره بر رخاوت نوم کتیرمکدن خالی قالماز . آنجق ، بویولده
 بر موضوع یازیله جنی وقت طبیعی بوکی اوزان مخرشیه مراجعت
 ضروریدر؛ مثلاً توفیق فکرت بک «یا غمور» نام منظومه سنده ، یا غمورک
 اعصابه رخاوت بخش اولان آهنگنی تمثیل ایچون «فعولن فعولن
 فعولن فعول» وزننه مراجعته مجبور اولمشدی .

عروض وزنی اساس اعتباریله عرب لسانه عائد اولوب مؤخرأ
 فارسی لسانه کوره اصلاح و تعدیل ایدلدکن صوکر ا ادبیاتمه
 انتقال ایتدیکندن ، لسانمک ملی طرز نظمی عد اولوناماز . بو کونکی
 لسانمز عربی وفارسی بر چوق کلمات ایله ممزوج بولونمه سیدی ، عروض
 وزنیه بک کوچ الفت ایدردی . فقط حال حاضری اعتباریله ، لسانمز
 عروض وزنندن اوقدر بعید عد ایدیلدمن .

لسان ایله بو طرز نظم آراسنده کی تخالف ، عروض وزنلرینک
 استعمالنی کوجلشدیرمن بر طاقم مضرتلر تولید ایدیور . مثلاً عربی
 وفارسی کلمه لر کمال سهولته بو وزنلره ادخال ایدلدیکی حالدده اساساً
 تورکجه اولان بعض کلمات و بر طاقم صیغ مصروفه اوزاندن قسم اعظمه
 و یا هیچ بریسنه ادخال اولونه میور . مثلاً «کیده جکسک» ، «کیده جکدره

آز فاصله‌لی ، يك سریع اولورسه فکری ، اعصابی تخریش ایدر ؛
 بالعکس يك چوق فاصله‌لی ، يك بطی اولورسه دماغه بر او یوشقلق
 ویریز ، او یوتور ؛ تکرر آهنگ بر فاصله معتدله ایله واقع اولور و با خصوص
 تکرر اولدینی حس اولونمیه جق بر مهارتله اجرا ایدیلیرسه ، قارئ و سامعک
 فعالیت حیاتیه و مساعی عمومیۀ دماغیه سنه قوت و سهولت ویرر . بوندن
 طولانی در که بر وزن مناسبله تنظیم ایدلمش بر اثرک نظرگاه روحده آچابیلر
 جکی لوحۀ رویت ، عین منظره‌یی تصویر ایدن بر نثرک کشاد ایده بیلر جکی
 دائرۀ حس و خیالدن دها مضی اولور . » [*] بو مطالعه‌یی بر مثال ایلر توضیح
 ایتک ایسترسک ، مثلاً « فعولن فعولن فعولن فعول » یا خود « مستفععلن
 مستفععلن مستفععلن مستفععلن » کبی اجزای اصلیه دن یالکز برینک
 تکرریله وجوده کلن وزننرک مطرد و یکنسق بر آهنگ ایلر اعصابی
 تخریش ایتدیکنی واضحاً کورورز :

رفیقم ایدی بر سخنور کشی
 بکا محرم اولسونمی یا هر کشی
 عجب شاعر پاک عذب البیان
 سخندان و شجر آفرین زمان
 ادیب و نطوق و وظائف شتاس
 لبیب و خلوق و اطائف شناس
 بو عالمده آنجق هنور و در
 نظیرم بنم وار ایسه کر او-ر
 عزت ملا

سایه‌سنده، ادبیات منظومه‌مز بی امثال بر آهنگ متین قازانمش ،
 وهرشئی کندی آهنگ طبیعت و صمیمیتیه افاده ایده‌بیلجک بر تنوع
 الده ایتشدرد . ادبیات عتیقه‌مزك اك قیمتدار مخدرات نظمیه‌سندن عد
 ایتدیکمز بعض اثرلر واردرکه موضوعلرینک بوتون بوشلغنه ،
 عادیلکنه رغماً آنجق وزنك سحر تأثیری سایه‌سنده ادامۀ حیاته موفق
 اولمشلردرد ؛ نثره تحویل ایتدیکمز تقدیرده عادتاً شایان استهزا
 کوره‌جکمز بر چوق اشعار قدیمه ، عروض وزنك آهنگ جاذبه-
 داری سایه‌سنده حافظه‌مزی حالا اشغال ایدر .

عروض وزنلرینک، تخالف آهنگ افاده سبیلجه بویوک بروسته‌مالک
 اولماسی وهرشئی کندی آهنگ طبیعیسیله افاده ایده‌بیلمسی ، اصول
 نظم‌مزك اك بویوک سبب موفقیتیدر . الهام طبیعی‌یه مظهر اولان بر
 ناظم صنعتکارک باشلیجه سحر موفقیتی بو دقیق نقطه‌یی - ولو غیر
 اختیاری اولسون- نظر اعتباره آلمه‌سنده‌در. شوخ وچالاک بر موضوعی
 آغیر ، مظلم آهنگ افاده‌یه مالک بر وزن ایله یازمغه قالدیشانلر ناصل
 موفق اوله‌مازلرسه ، ملول و ماتمی بر حسی شن و شوخ وزنلرله احساسه
 چالیشانلرده، عین صورته، هیچ بر نتیجه‌ده ایده‌مزلر . بونک ایچون،
 اول امرده وزنلر‌مزك آهنگ خصوصیسینی، جهت قابلیت‌لرینی ، اعظم
 ادبا طرفدن نه کبی موضوعلرده استعمال ایدلکلرینی اوکرنم‌لیدر .
 « عین وزنه توفیقاً ترتیب ایدلش ایکی مصراعك سکون وحرکه
 الفاضی آراسنده بر انتظام وتسلسل موجود اولدیغنی سویله‌مشدك ؛
 آ چوق طوغری بر فلسه اوزان یوروته‌بیلمک ایچون انتظام
 سلسلک روح اوزرنده‌کی نفوذینی تتبع ایتلی یز : انتظام مسلسل
 بر تکرر منتظم دیمکدر . بالتجربه هیمز بیلیرزکه تکرر اکر پک

وزنلرنده انتظام مسلسك حسن صورتله استعمل الى قارئك صماخنده عادتاً بر نغمه موسيقيه ، بر آهنگ موسيقي توليد ايله مكده در .

عروض وزنلرينك هجا وزننه اسباب رجحانندن برى ده ، وسعت واحاطه سيدر . هجا وزنى اقسامندن هر هانكيسى استعمال ايديليرسه ايدلسين ، سامعه مزده توليد ايده جكي تأثير بر تعداد مطردك آهنگ يكدنسندن فضله بر شى اوله ماز . حالبوكه ، عروض وزننك اساسنى تشكيل ايدن اجزاي اصليه نك عددى ، علل و زحافات سايه سنده بو اصلى جزؤلردن سائر بر چوق اجزاي فرعيه تحدى ، و صوكرا بو اجزاي مختلفه دن هر برينك آيرى بر آهنگ مخصوصه مالكيقتى نظر اعتباره آلينيرسه ، هر بحرك ، هر وزنك كنديسنه خاص بر موسيقي بيانه صاحب اولدني ميدان وضوحه چقار . بعضلى ، هجا وزننده تحالف آهنگ موجود بولنديغنى سويله رك عروض وزننك بو خصوصه اوكا فائقيتنى قبول ائتمهك ائستورلر ؛ حالبوكه يوقا ريده ويرديكمز ايضاحات ، وزن ملينك اساس ماهيتى اعتباريله عروض وزنى قدر واسع اوله ميه جغنى اثباته كافيدر . بر فورطنه نك طراقة دلخراشى ، پرخروش بر دكيزك چيلغين طالغهرلى ، بر قيش كيجه سنك باردور برمات روزكارلى ، الم ، سكون ، غليان ، احتراص ، سعادت ، ذوق ، خلاصه حيات داخليله و خارجيه نك هر صفحه سى ، عروض وزنلرينك دائره بيانندن خارج دكلدر ؛ اوزان مختلفه عروضدن بريسي مثلاً انفاس بهارك شوخى مسعودينى آهنگ افاده سيلاه روحه الهام ايده بيلديكى كچي ، ديكر بر وزن ده لحن ملاليلاه بر بسته ثمات وعدم تأثيرى ويرمه مقتدر در .

شاعرلر مزك اسكيدن برى عروض وزنى ترجيح ائتمه لرى

عروضه وزنك ماضيت رفیعی . — وزن ملیده بر كلامك منظوم
 عدایدلسی ایچون مصراعلك عدد هجاسی نظر اعتباره آلدیغنی سویه =
 مشك. حالبوکه عروض وزنلری «مدودیت و مقصودیت ، مجزویت
 و متحرکیت اعتباریله بنیه مصاریع آراسنده استحصال انتظامه
 یارایان برر واحد قیاسی در . « عروض وزننده سکون و حرکه
 اعتباریله توازن آرائیر، و حرف مدلرده برر حرف ساکن عداولنور.
 وزن ملی ایله یازبلان عین وزننده ایکی مصراعك عدد هجاری یکدیگرینه
 مساوی و طرز تقطیعلری مشابه اولدینی کبی ، اوزان عروضندن
 برینه کوره ترتیب ایدلش ایکی مصراعك سکون و حرکه الفاضلی
 آرسندهده بر انتظام تسلسل وارددر .

هجا وزنیه عروض وزنك اساس ماهیتده مشهود اولان بو
 فرق ، فوق العاده مهم نتیجه لر تولید ایدیور . وزن ملی ایله یازلش
 بر اثری اوقورکن ، سامعه مز یالکز عدد هجانك انتظام و اطراد
 یکنسقیسنی ضبط ایده رك عاداتا طبعی بر تعداد وظیفه سی ایضا ایتش
 و بویه جه ریاضی و فکری بر ذوق الده ایتش بولونیور . حالبوکه
 عروض وزنلرنده ، تعدادك بخش ایتدیکی ذوق ریاضی و فکریدن ده
 زیاده ، آهنگك تولید کرده سی اولان بر ذوق حسی موجوددر .
 عروض وزنلرینك اوزان ملیه مقامنه کچه رك شاعرلرمنك عمومیتله
 مظهر التفاتی اولماسنه الك بویوک بر سبب ، تأمین ایتدیکی آهنگك
 اوزان سائر ایله الده ایدیله مه مسیدر . هجا وزننده تعدادك اطراد
 و یکنسقیسی فکرو اعصابی فناحاله تخریش ایتدیکی حالده ، عروض

بونك اك بويوك سېي ، اساس اعتباريله هجا وزننه متمايل اولان
لسانك ، عروض وزنلريله ده تاممليه استيناس ايدمه مسيدر .

ربانامه ده مشهور اولان بو نقائص ، سلطان اورخان دورى
شعرا سندن عاشق پاشانك « غرينامه » سنده كوزه چارپار . مع
مافيه بوصوك اترده لسان ايجه كسب نزاكت ايتش ، عروض اوزانيه
دها اي استيناسه موفوق اولمشدر . كرك « فاعلاتن فاعلاتن فاعلات »
وزنيله يازلمش اولان بو اترده ، كرك مسعود تفتازانى نك « فعولن
فعولن فعولن فعول » وزننده كي بوستان ترجمه سنده ، دها طوغروسي
احمد پاشايه كلنجيه قدر بوتون عثمانلى شاعر لرنده كوزه چارپان بو نقائص
نظميه نك اك باشليجه سېي ، شاعر لر مذك مهارتسز لكندن زياده ،
لسانك دها عروض وزنلريله پيداي الفت ايدمه مسيدر .

عاشق پاشادن صوكره كان « قاضى برهان الدين » ، اسكندر نامه
صاحبى « احمدى » ، « خسرو و شيرين » شاعرى « شېخى » كې شعر ، عروض
اوزانك انواع مختلفه سنى استعماله باشلا يارق بو صورته دائره نظمى
توسيعه ولسانه عروض وزنلريله - ممكن مرتبه - اتلاف ايدمك بر
ماهيت اعطاسنه چاليشمشلردر .

عروض وزنى ، ادبى اتمزه دخول ايتدكن صوكره وسعتى و تخالف
آهنكى سايه سنده وزن هجائى يه غلبه ايدمك ، تور كجه نك عاداتا يكانه
اصول نظمى مقامنه كچمش ، عثمانلى شاعر لر ينه لسانك وزن طبعيسى
اولان هجاوزنى همان همان اوفوتد ير مشدر . بوكون عثمانلى ادبى اتنك مخلدات
نظميه سى بلا استنا عروض وزنلرينه تطبيقاً يازلمش بولنديغى ولسان
حاضر من مذكور اصول نظم ايله فوق العاده كسب الفت ايش اولديغى
ايچون ، ادبيات حاضر مذك اهمم وعاداتا يكانه اصول نظمى اوله رق
عروض وزنلرينى قبول اتمه من ضرورى كيدير .

اوان تشککنده یازلمش اولان محررات رسمیه نك بینه فارسی لسانی ایله محرر بولمسی ، بوحقیقی پك كوزل اثبات ایدر .

عثمانلی لسانی ولسانك اوزان ملیه و طبعیه سی ده ، پك طبیعی اولارق ، بوتون عناصر مدنیه مزده ارائه موجودیت ایدن بوتأثیردن خارج قالمادی . نظم ایله ، شعر و صنعتله اشتغال ایدنلر ، اکثر یا صنوف متفکره و عالییه منسوب و عجم ادبیاتیه صورت مخصوصه ده متوغل اولدقلرندن ، وزن ملیمز اولان هجا وزنك مطرد و یکنسق آهنگنی بکنمیورلر ، تورکجه اوله رق یازدقلری اثر لرده بیه عروض اوزانه مراجعت ایتمك ایستیورلردی . مثلاً ، سلچوقیلرك اواخر حکومتنده حضرت مولانا نك مخدومی « سلطان ولد » ك « ربانامه » نامنده کی اثر متصوفانه سنك تورکجه یازلمش اولان بر قسمنده ، عجم اصول نظمك تأیراتی مشهود اولمقده در . لسان سقط ، قصورلی و عروض وزنلیله هنوز محروم الفت بولونمقله برابر اثر « فاعلاتن فاعلاتن فاعلن » وزنیه یازلمشدر .

مولانا در اولیا قطعی بیك
نه کیم اول بیوردیه آئی قیلک
تا کریدن رحمتدرانك سوزلری
کورلر او تورسه آجیله کوزلری
یوق ایدی مالم طوارم کیم دیرم
دوستلغن مال ایله بللی کوسترم
مال کیم تا کری بکاو یردی بودر
کیم بومالی ایستیه اول اوصودر

بو اوافق مثالدن واضحاً آکلاشیلا بیلیرک « ربانامه » نك تورکجه قسمی عروض وزننه تطبیقاً یازلمش اولمقله برابر ، نقائص نظمیه ایله مالا مال و محروم آهنگدر .

بحر سريع	»	»	«مفتعلن مفتعلن فاعلات»
بحر قريب	»	»	«مفاعيل مفاعيل فاعلات»
بحر جديد	»	»	«فعلاتن فعلاتن مفاعلن»
بحر خفيف	»	»	«فعلاتن مفاعلن فعلاتن»
بحر مشاكل	»	»	«فاعلات مفاعيل مفاعيل»
بحر متقارب	»	»	دوت كره «فعولان»
بحر متداول	»	»	«فاعلن»

دائرة متنوعه

دائرة متفقه

على الاختصار نقل ايتديكمز بواوزان مختلفه ، بحرلوك اشكال
اصليه سى يعنى «اوزان اصليه» در. بواوزان اصليه نك بعضيلرى پك آز
استعمال ايديلوب اكثرithله اونردن چيقان متفرع وزنلر قوللانيلير.
بحث مخصوصنده بو اوزانك اك كثيرالاستعمال اولانلرني مثاللريه
ارائه ايده جكز .

۲

ادبى انمزه صورت رضوى . — عثمانلير آسيای صغرايه ايلك
كلدكلى زمان ، بويوك ، منتظم و متمدن برتورك حكومته ، حكومت
سلچوقيه تصادف ايتديلر . حالبوكه سلچوقيلر صميم روحلرينه قدر
ايران تأثير مغنويسى آلتنده قالمش ، وفارسى يى لسان رسمى ، عجم
ادبى اتى ادبيات مليه اوله رق قبولدن چكنميه جك درجده ايران
پرستك كوسترشمش برتورك هيئت اجتماعيه سىدى . اوافق بر
عشيرتدن عبارت اولان عثمانلى توركلرى ، طبعى ، كنديلرندن مدنيت
اعتباريله پك مترقى اولان بوهم عرق جمعيتك نفوذ مغنويسى آلتنده
قالديلر ؛ فقط حقيقت حالده ، عثمانلير اوزرنده كى نفوذ ، سلچوقيلر
واسطه سيله انتقال ايدن ايران تأثيراتىدى . حكومت عثمانيه نك ايلك

اوزانده دائمی الوقوع اولان بوکی تحولاته « زحاف » دینیلوب، کلماتک بعض تغیراته اوغراماسنه مثلاً « مفاعیلن » جزؤندن « ی » حرفک حذیفه « مفاعلن » قالماسنده « علت » تسمیه اولنور .

خلاصه : یوقاریده ذکر ایتدیکمز اون جزؤ اصلینک تکرری ویا برینک دیکریله ترکیله حاصل اولان وزنلر اصلی اولوب، برونر اصلیده علل وزحافات سببیه بر طاقم اوزان متفرعه ظهور ایده جکندن ، بر وزن اصلی ایله اوندن تولد ایدن اوزان متفرعهیه « بحر » تسمیه ایدلمش در .

بحرلردن بر طاقمی یکدیگرینه مقاربت اولدقلرندن اولنلرده جهت مناسبت وقریبتلرینه کوره دائرهلرده جمع اولنمشدر . امام خلیل ومقبولری طرفندن جمع وتدوین اولونان عرب عروضی، الیوم آلتی دائره ایله اون طقوز بحردن عبارت ایهده بو بحرلردن بش عددی فارسی ایله تورکجهیه تطبیق اولونه مدینی ایچون ترک ایدلمش در . بناء علیه بوکون کرک فارسی وکرک تورکی عروض درت دائره واون درت بحره منقسمدر :

اجزای

بحره زج —	اصلیه سی درت کره « مفاعیلن »	دائرة مؤتلفه
بحر رجز —	» » » « مستفعلن »	
بحر رمل —	» » » « فاعلاتن »	
بحر منسرخ —	» ایکی کره « مقتعلن فاعلات »	دائرة مختلفه
بحر مضارع —	» » » « مفاعیل فاعلات »	
بحر مقتضب —	» » » « فاعلات مقتعلن »	
بحر مجتث —	» » » « مفاعلن فاعلاتن »	

کورولیورکه بوسوزلر اجزای اصلیه دن اوچ فاعلاتن ایله برفاعلات دن مرکبدر ؛ یعنی هر سطرک اجزاسی وزنده یعنی حرکات و سکنا تده افاعیل و تفاعیلدن اولان « فاعلاتن فاعلاتن فاعلاتن فاعلات » وزنه موافقدر . بناءً علیه بوکلاملرک هر ایکسی ده منظوم عد اولونور . کلام منظوم حقنده کی تعریف قدمانک یا کلشغنی آکلامق ایچون یالکز شونی دوشونمک کفایت ایدرکه ، فضولینک بوکلامی ایکی مصراعدن عبارت اولمایوبده یالکز « دوست بی پروا ، فلک بی رحم ، دوران بی سکون » کلامندن عبات اولسه بیله ، هیچ بروجله منشور تلقی ایدلیوب منظوم عد اولنوردی .

اون عدد اجزای اصلیه دن برینک تکرری و یا سائرلیله ترکیله « بحر » لر تشکل ایدوب ، بوبحرلره عارض اولان « زخاف » و « علت » سببیه هر بحر برطاقم اوزان مختلفه یه آریلیر . زخاف و علتی اوزون اوزادی یه آکلاتابیلیمک ایچون بی لزوم برطاقم تفصیلات دقیقه یه کیریشمک ایجاب ایتدیکندن طولای بوخصوصی عملی اولارق مختصر آ کوسترمکله اکتفا ایده جکز :

عروض وزنلرنده ارکان عروض دینلن اقسامک یکدیگرلرینه تقدیم و تأخیرلری دائمًا وقوع بولور ؛ و بو تقدیم و تأخیر نظر اعتباره آلدیغی حالده ، اوزان مذکوره آراسنده برطاقم مقارنت و مشابعت ظهور ایده رک برینک وزنی دیکرینه انقلاب ایتدیکی اکثریتله کورولور . مثلاً « فعولن » جزؤنده « لن » قسمی « فعو » قسمه تقدم ایتسه « لن فعو » اولورکه بو ، « فاعلن » آهنکنی ویریر . كذلك « فاعلن » جزؤنده « علن » « فا » یه تقدم ایدرسه « علن فا » اولورکه بوده « فعولن » آهنکنی تأمین ایدر . ایشته ،

اوله سیدر. اسکی ادبیات کتابلر مزده، عربلرک یا کاش برطرزتلقیلرینه
اتباعاً کلام منظومک تعریفی بو یولده ذکر ایدلمیه رک « ایکی مقدار
صحیحک اجزای متقابله لری وزنده یعنی حرکات وسکناتده متفق اوله سی »
طرزنده بیان اولونمش ، وبوکا آیریجه « مذکور مقدارلرک آخرلری
حرفده متجانس اولمق » شرطی ده علاوه اولونمشدر. حالبوکه « قافیه »
نک وجودینی استلزام ایدن بو شرط تمامیه زانددر . لاعلی التعین بر
کلامه منظوم دییه بیلیمک ایچون وزنک کفایت ایتدیکنی، وقافیه نک
بوخصوصده هیچ بروجله مدخلدار اولامایه جغنی اولجه بیان ایتمشک.
بوتقاطی نظر دقتمز اوکنده طوته رق بر مثال ایله توضیح ایتیمک ایسترسهک:

دوست بی پروا ، فلک بی رحم ، دوران بی سکون
درد چوق ، هم درد یوق ، دشمن قوی ، طالع زبون

سوزینک منظوم اولدیغنی جزئی بردقت ویا برسوق طبعی ایله آکلارز :

دوست بی پر = فاعلاتن

وا فلک بی = فاعلاتن

پریم ، دوران = فاعلاتن

بی سکون = فاعلاتن

درد چوق هم = فاعلاتن

درد یوق دش = فاعلاتن

من قوی طبا = فاعلاتن

لع زبون = فاعلاتن

ضبط وافاده چالیشمش، و عرب اوزانندن اولمایان برطاقم وزنلری ده اوکا علاوه ایدرک عرب دائره نظمینی توسیع ایله مشدر . کباتک حرکات و سکناتنه تطبیقاً « فعل » ماده سنک اقسام مختلفه سی آنونب وزنلر ترتیب اولوندینی وقت ، بالعموم اوزانک اون جزؤ اصلیدن تشعب ایتدیکی میداننه چیقارکه اولرده « فاعلن ، فاعلن ، مفاعیلن ، فاعلاتن ، مستفعلن ، متفاعلن ، مفاعلتن ، مفعولات ، فاعلاتن ، مستفعلن » در . تورکجه به برر مثال تطبیق ایده جک اولورسوق « آروحم = فعولن » ، « سوکیل = فاعلن » ، « آجانام = مفاعیلن » ، « نازنینم = فاعلاتن » ، « ای دلبرم = مستفعلن » الخ . . . طرزنده مطابقت ایتدیکنی کوروروز . بواجزای اصلیه نک تکرر و تحولندن عروضک وزنلری و بحرلری حصوله کلیر .

اسلامیتک انشارندن صوکر ایرانلیلر دین اسلامک وبالضروره عرب لسان وادیاتنک تحت نفوذنده قالارق ، لسانلرینه عربجه دن برچوق کلمات آدقلری کی ، عرب اصول نظمی دیمک اولان عروض وزتی ده قبول ایتمشلردر . آنجق ، عرب عروضنک اون طقوز بحری موجود اولدینی حالده ، عجملر کندی لسانلرینک طبیعتنه مخالف اولانلری ترک ایدرک اوزان مذکورنک ارن درت بحریله اکتفا ایلدیلر .

قدمایه کوره ، عروض : « کلامی اوزان مخصوصه به توفیق ایتک وبوجهرله کلام منظوم ایراد ایله مک اصوللرینی تعلیمه دلالت ایدن واوزانک صحیحنی فاسدنن تمیزه آلت اولوب برکلامک منظوم اولوب اولمادیغنی بیلدیرن علمدر . « کلام منظومه کلنجه ، بوده : « برکلامک اجزاسنک وزنده یعنی حرکات و سکناتده افاعیل و تفاعیله موافقی

ابلیجی بحث

عروض وزنی ، صورت تدوینی . — ادبیات مزه صورت دخولی . —
ماهیت و قیمتی . — عروض وزننک انواع مختلفه سی . — تقطیع . — الیوم
مستعمل وزنلر . — مستزاد ، اشکال قدیمه و جدیده سی . — قافیه .

۱

عروضه وزنی ، صورت تدوینی . — هجاوزنی دینلن اوزان ملیه دن
بحث ایدرکن ، اولجه بو وزنلر استعمال اولوندیغی حالده مؤخرآ
ایران ادبیاتنک تأثیراتیله عجم اصول نظمکنک ترجیحاً قبول و تطبیق
ایدلیکنی سویله مشدک . بویوک بر قیمت موسیقیه مالک اولدیغی
ایچون عموم شاعرلر منظر قردن استعمال ایدیلن بو اصول نظمه
« عروض وزنی » دیرلر .

« عروض وزنی » دینلن بو اصول نظم ، عربجهنک اصول نظمیدر .
هرملتک طرز نظم کیندی شیوه و سبجه لسانه کوره اولدیغی ایچون ،
عربجهنک ده ایلک ادوار تشککلندن اعتباراً بو طرز توزینه مالک
اولدیغی محققدر . مع مافیه آثار قدیمه ده بو اصول نظم موجود اولماقه
برابر اونک قواعد مخصوصه سنک ضبط و تدوینی و بو صورتله
« عروض » نامی ویریلن فن مخصوصک وجوده کلیسی ، « ۱۷۰ » سنه
هجریه سنده وفات ایدن « امام خلیل بن احمد » ک سایه سنده در .

امام خلیل ، عرب لساننده اوزمانه قدر وجوده کلش اولان مخلدات
نظمیه یی تدقیق ایده رک منظومه لک آهنگ موسیقیسنی — عربجه ده مقایسه
کلمات ایچون واحد قیاسی اعتبار ایدیلن — « فعل » ماده سنک اقسامیه

عروض وزنی قوللانان شاعرلرمن بيله آره صيره بو طرز نظمه
متابعتدن كرى دورميورلر . خلاصه هجا وزنى اليوم پك چوق
مياال ترقى اولمقله برابر ، بعضلرينك ظن ايتدكلرى كې، عروض وزنى
مقامنه قائم اولابيلمكدن پك اوزاقدردر . چونكه، اوزان عروضك
تأمين ايتديكى موسيقى بيان ، تخالف آهنگ — نهقدر ترقى ايدرسه
ايتسون — هيچ بر وقت هجا وزنيه تأمين اولونهماز .



ایچون حتی مترجمنک بیاه مظهر تصویب و تقدیری اولامامشسهده ، وزن ملیمزله یازیلان ایلك اثر تماش اولدیغی ایچون بالخاصه شایان دقتدر . بو وزن ایله اوزمانه قدر بویولده و بویله بویوک بر اثر تنظیم اولونماشدی . ضیاپاشادن صوگرا عبدالحق حامد وزن هجائینک ترقیاتنه اپی خدمت ایتمشدر ؛ بعض اشعارینی ، « طارق بن زیاد » ده کی بر مکتوب منظومنی ، « نسترن » نامنده کی بویوک تراژه دیسنی ، « فتن » ک بعض پارچه لرینی وزن ملییه توفیقاً تنظیم ایدن بوجددشعر ، وزن عروضی ناصل توسیع ایتمش ، اوکا ناصل بر آهنگ نوین ویرمشسه ، هجا وزنی ده امکان درجه سنده اصلاح و توسیعه موفق اولمشدر . عبدالحق حامد دن صوگرا هجا وزننک استعمالی ایجه تعمم ایددرک شاعر لر مزدن بر چوغی آره صیره بو طرز نظمندن ده استفاده ایله مشلردر . بو صورتله ، اوزمانه قدر پک محدود اشکال و انواعه منحصر قالان وزن ملی دائره سی اپی کینشله مش ، مترقی بر حال المش دیمکدی . شناسیلردن ، عبدالحق حامدلردن صوگرا ، ادبیاتمز فکرت و خالد ضیا بکلرک دست صنعتنده ایکنجی بر تجدد دها کوستردیکی ائنده ، ملی وزنمزد « تورکجه شعرلر » صاحبی محمد امین بکک همتیله بویوک و مهم بر تجدد مظهر اولارق اسکی محدودیتنی ، اشکال سابقه سنی تماماً ترک ایتدی . آرتق بو وزن ایله منظوم حکایه لر ، فلسفی و یوکسک شعرلر یازیلابیلیور ، مستزاد لرک هر درلوسی و « صونه » دینیلن شکل نظم کمال موفقیتله تطبیق اولونابیلیوردی . یعنی ، عروض وزننک مظهر اولدیغی ترقیات جدیددن ، هجا وزنی ده محروم قالماشدی . بوگون هجا وزنی موفقیتله استعمال ایدنلر غایت محدود اولقله برابر ، بو طرز نظم اسکیزی کی بوسبوتون متروک دکلددر . دائماً

ورقیقه بی افاده ایدن « منظومات خیالیه » ، طبیعتک کوزلک کرینی مترنم
« منظومات تصویریه » کبی اقسام مختلفه و متعدده قایل تفریق اولان
منظومات ملیه ، تاریخ ادبیاتمزدده هر حالده اپی مهم بر فصل مخصوص
اشغال ایده بیلیر .

عبدالحق حامدک سویلدیکی کبی « تورکاره مخصوص براسلوب ،
بلکه ده وطنمزه کهسار وجویبارلرینی آندیرر صورتده طینت
وملیتمزه منسوب دیمک اولان بووادی شعر » عجم ادبیاتنه مجذوب
ومفتون بولنان شعرای قدیمه مزطرقدن تماماً متروک براقیلدینی
ایچون مستعد اولدینی تکاملی کوسترمه مش ، وعوامک ناقل افکار
وتحسسانی اولقدن ایلری کیده مه مشدر .

۵

وزنه ملینک موقع ماضری . — عاکف پاشالر ، پرتو پاشالر ،
شناسیلرله باشلایان تجدد اخیر فکری وادبیز ائناننده ، عروض وزنی
اسکی موقع معناسنی محافظه ایتمکه برابر ، وزن ملیمزدده اسکی موقع
مهجوریتدن قورتولارق آردصیرا استعمال ایدلمکه وبر شکل تجدد
آلغه باشلامشدر .

اسکی شاعرلرمزک عمومیتله ایران مقلدی اولدینی سویلهرک ،
منظومه لرمزدن بوتأثیری ازاله ایچون عروض وزننک لزوم ترکیه
هجا وزننک استعمالنی اک اول توصیه ایدن ، وفرانسز مضحکه نویس
شهری « مولیر » ک « تارتوف » نی بووزن ابله ترجمه ایله یین ایلک
اییمز ضیاپاشادر .

« تارتوف » ترجمه سی اون هجالی و آهنگسز بروزن ایله یازلدینی

يازيلان مربك اقلي اوچ بند اولوب معافيه اون ايكيه قدرده
اولايلير :

حمد لله اسدي نسيم يللري
كيتدي شتا كلدي فصل نوهار
زمردرنك اولدي چن ايللري
شكوفه يله مزين اولدي هرديار

صاري چيكمدم اول كلدي دنياه
منكشه باشاكوب دوردي دعايه
سجوده بلبلر باشلار ندايه
شجرلر ويردي چوق شكر برك وبار

« داستان » شكل تنظيمي اعتباريله مربعدن فرقلي دكلدر . اگر
مربك بندلرينك عددی اون ايكيه متجاوز اولور ، ومدحيه
ويا مرثيه ويا بروقه يي مصوراو لمق اوزره يازلمش بولونورسه ، اوزمان
« داستان » نامی ويريلير . داستانلر طبيعي هر وزندن اولايليرسه ده
شيمدی يه قدر اون برلی دن ماعدا هيچ بروزنده يازلمشه تصادف
ايدهمدك .

وزن ملی ايله شيمدی يه قدر يازلمش اولان آثار قديمه ، موضوعلرينه
نظراً تقسيم وتفریق ايديله جك اولورسه ، ظن اولنديغي قدر محدود
وفقيرو اولماديغي واضحا تعين ايدر . حسيات جنكجويانه وشجيعانه
افاده ايدن « منظومات قهرمانانه » ، وقايع تاريخيه يي وبالخاصه فاجعه
كربلاي مصور « منظومات تاريخيه » ، ارباب تصوفك استغراق
ووجد دينليريني ناقل « منظومات متصوفانه » ، حسيات سودا پرورانه

سویله ییچک سوزلری قرآن اوله
 درویشلری حزن آرتق کیم بیلور
 درویش اولدی خرنه ده پنهان اوله

هر روزنده غزللره تصادف اولونورسه ده اون بریلر کثیرالاستعمالدر :
 مثنوی ، ایکیشر ایکیشر هم قافیه اولان نظمدرکه هر روزنده
 اولمقله برابر بالخاصه اون برلی ایله یازیلیر . « یونس امره » دیوانندن
 نقل ایتدیکمز پارچه بوکا کوزل بر مثالدر :

بونه حالدر سکا ای فایده سز جان
 غیرتک یوقیدرای قایده سز جان
 محالدر عاقل اوله بو حاله سن
 به بر آلفیش آلا سین سن کیمسه دن
 سومه کل دنیا ی سن قاله سنندن
 سورسه ک باعجب نه اوله سنندن
 سلیمان صاحب ملک اولیا سن
 حقیقتدرکه باقی قالمیا سن

وزن ملی ایله یازلمش آثار قدیمه تورکیه ده اک چوق تصادف
 اولونان شکل نظم « مربع » در . بو طرزده یازیلان اثرلره عمومیتله
 « قوشمه » نامی ویریلیر . طرز تشکیله کلنجه : هر بند درت مصراعدن
 عبارت اولوب برنجی بنده برنجی ایله اوچنجی و ایکنجی ایله دوردنجی
 هم قافیه در ، سائر بندلرده ایلك اوچ مصراع یکدیگریله هم قافیه اولمق
 شرطیله دوردنجینک قافیه سی برنجی بندک ایکنجی و دوردنجی مصراعلرینک
 قافیه سیله توافق ایدر . مع مافیه بعضاً بند اولک برنجی و اوچنجی
 مصراعلرینک هم قافیه اولمادقلری ده واقعدر : هان عمومیتله اون برلی ایله

احمد ثالث دور تجدد و سفاهنده یتشهن شاعر « ندیم » ه کلنجه یه قدر اساتذہ شعرا دن هیچ بری وزن ملی یی استعمال ایتمه مشدر . یالکز ندیم - شعرلرینه بررنک ملیت دها طوغروسی بررنک محلی ویره بیلیمک هوسیه - پارماق حسابیه برقاچ شرقی وجوده کتیرمش ، واونی متعاقب « کجه جی زاده عزت منلا » ، « واصف اندرونی » ، « عاکف پاشا » او طرزده بعض شرقیلر یازمشلردر .

وزن ملی اوزره یازلمش اثرلره ، برنام عمومی اولمق اوزره ، « تورکی » دیرلر . الیوم « تورکی » دینجه « شرقی » یعنی ترنم اولونان منظومه لر خاطره کلیورسه ده ، بوتخصیص برائر خطادر . مقدا هجواوزنیله یازیلان اثرلر عمومیتله سازایله ترنم اولوندینی ایچون ، « تورکی » عنواننک سبب تخصیصی بواولسه کرکدر . بو طرز شعرلر یازان آدملره « سازشاعری » دینمهنک سببی ده بودر .

وزن ملی ایله یازلمش اولان آثار قدیمه ، اشکال خارجیه سی اعتباریه « بیت ، غزل ، مثنوی ، مربع [قوشمه] ، داستان » قسملرینه تفریق ایدیلیر . بیت ایکی مصراعدن عبارت اولوب متحدالقافیه اولماسی لازم کلدیکی کبی هر وزنده ده یازیلا بیلیر .

غزل ، اقلی درت ویابش بیتدن بدأ ایدهرک اون ایکی بیت قدر اولور . ایلک ایکی مصراعک « هم قافیه » اولماسی و دیگرلرینک ایکیشر ایکیشر مقفابولونماسی لازمدر :

عارف آکادیرلر کم اول کان اوله

معرفت عالمنده عمان اوله

حق دیمک نفسی حندن کله

ایران تأثیراتیلہ عروض وزنی ادبیاتمزہ تماماً نفوذ ایتدکدن صوکر،
 وزن هجائی ارباب شعر وعلمک نظراتفتاندن مهجور اولدی .
 معافیہ بومتروکیت وزن ملینک اهمیتنی بوسبوتون احما ایدہمدی .
 صنوف عالیہ منسوب اولان ذوات متفکرہ عروض وزنیہ یازلمش
 اثرلردن ذوقیاب اولدقلری صیراده ، اولردن پک دهرین برکردابایہ
 آیرلمش اولان سائر بالعموم صنوف اہالی ، کندی احتیاجات بدیعہ لرینی
 شخصلری مجهول برطاقم سازشاعرلرینک ذوق ملی یہ موافق شرقلرندہ ،
 قوشمہ لرندہ ، داستانلرنده بولیور ، اولری ترنم ایدیوردی . چونکہ
 اواثرلر بساطت فکریہ ولسانیہ لری اعتباریلہ خلقک سویۂ ادرا کندن
 یوکسک اولمادیغی کبی ، اساس اعتباریلہده اولرک حسیات مشترکہ لرینی
 ارانہ ایتکده ایدی . هر شهرک ، هر قصبہ نک ، حتی هر کویک مشترک
 وعمومی برطاقم عادات وتعاملاتی اولدیغی کبی ، عین صورتلہ ، بوتون
 صنوف اہالی بیندہ مشترک عنعنات ادبیہ سی ، داستانلری ، تورکیلری ده
 واردی . خلقک مراقفی جلب ایتمش فحیج واسرار انکیز بروقعہ ،
 یاخود شهرک کوزہ للکلری ، صولرینک شفافلغی ، چیچکلرینک
 رایحہ سی اورا شاعرلرینک حساسیتنی تحریک ایدہرک برطاقم منظومہ لر
 تولدینہ سببیت ویریور ، وعین زماندہ بستہ لشمش اولان بواثرلر بوتون
 خلقک لسان پرستشندہ دورانہ باشلاہرق شهرک عنعنات ادبیہ سی
 میانہ کیریوردی . بو حال کوستریورکہ ، ادبامز برطرفدن عروض
 وزنی استعمال ایدہرک یوکسک برصنف قلیک احتیاجات حسیہ لرینی
 تطمینہ چالیشدقلری صیراده ، عوامده کندی ذوقنی اوقشایاجق
 اثرلری وزن ملی ایلہ تنظیم ایتمش ، لسانک بووزن طبعیسینی استعمالدن
 اصلا فارغ اولمامشدر .

۴

وزنه ملی ايله يازلش آثار ادبيه . — ماهيت و قيمتي ، اقسام مختلفه سنی تدقيق و تشریح ايتديكمز هجا وزنی لسانمزه منشأ واساسلرینی تشکیل ایدن سائر تورک لهجه لر نده ده قبول و تطبيق اولونمش ، اوطرز نظم ايله بر چوق شرقي لر ، داستانلر ، حتی بويوک کتابلر وجوده کتيرلمشدر . اويغور لهجه سنک اڭ اسکی واک کوزل اثری اولوب « ۴۶۲ » تاريخ هجري سنده کاشغرده يازيلان « قوداتقوبيلک » نام کتاب باشدن آشاغی يه قدر اون برلی هجاوزنه اتباعاً تنظيم اولونمشدر . بو کتابدن قرق سنه صوکرا وجوده کتيرلمش اولان « ديوان حکمت » و کذلک « محزن اسرار امير حيدر » نامنده کی تورک آثار قديمه ادبيه سنده ده بووزنک انواع مختلفه سنه مختلف نمونه لر بولونا بيلير .

حکومت سلجوقيه نك سنين اخيره حياتيه سنده وهيئت اجتماعيه مزك ايلک دوره تشکیلنده وجوده کلش اولوب تاريخ ادبياتک محائف تدقيقه انتقال ايدوبيلن آثار قديمه تورکيه ، مثلاً حضرت مولانانک بعض آثاريله « يونس امره » نامنده کی بر درويشک منظومات متصوفانه سی هپ بووزن ايله يازلمشدر . آسیای وسطانک يوکسک طاغلر واوزون يايلا لر له مزین اقليم باردنده کی تورک جماعتلری کبی ، سکوده کلن ايلک عثمانلر دده ملی و عمومی حسلرینی پارماق حسابنه اتباعاً افاده ايلورلردی . حتی تکیه لر نده ، حجر دلر نده ياشايان بر چوق ارباب تصوف عين وزن ايله بر چوق الهيلر تنظيم ايله مشلردی . بو زمانلردن بزه قالمش اولان اثرلر ، غزليات و توحيداتدن ، شرقي لردن ، داستانلردن عبارتدر .

اون درت هجالیلر نادرالاستعمالدر . ارباب وقوف بو وزن ایله
یازلمش آنجق ایکی بیت بولایلدکری بیان ایدیورلرسده ، بز بو
مطالعهی دوغرو اوله رق قبول ایده مه یز . چونکه بووزنده یازلمش اپی
آثار قدیمیه تصادف ایتدک :

ای کل نخل امل هیج بهارک کچه سون
بلبل جان برزمان بو داغکدن اوچا سون
بسله دم جانم کبی سودم ایمانم کبی
روح روانم کبی باغ تندن قاچا سون

اون بش هجالیلرده پک آز استعمال اولونانلر دندر :

دون کیجه یار خانه سنده یاصدیجاغم طاش ایدی
آلم طوبراق اوسم یاپراق ینه کوکلم خوش ایدی
ایل بنی یالکز صائردی یاربکا یولداش ایدی
غیریلره کوکل ویرم سن بنسک بن سنک

اون آلتی هجالیلرده پک چوق استعمال اولونماز :

ای عشق اری آچ کوزیکی یر یوزینه قیل بر نظر
کور بولطیف چیچکلی بزہ نوب اوش کلدی کچر
بونلر یازین بزہ نوبن ، دونکون حقه اوزه نوبن
بر صور اخی بونلره سن قنجرودن عنم سفر
هربر چیچک بیک ناز ایله اوکر حق نیاز ایله
هر مرغ خوش آواز ایله اول پادشاهی ذکر ایدر

عشق اودینه یانمش جگر کبابز
 حجر ایله آغلامش دیده پر آبز
 بیقلمش یایلمش خانه خرابز
 آباد اولسه قده بر اولسه قده بر

ندیمک، کچه جی زاده عزت ملانک، عاکف پاشانک هجاوزنی ایله
 یازدقلری شریقلر هپ اون برلیدر .

اون ایکی هجالیلرده شیمدی یه قدر آنجق قائلی مجهول بریت بولونا بشدر:

یاربی دیلم عشق ویر شوق ویر
 فضا کدن اومارم عشق ویر شوق ویر

اون اوچ هجالیلرده اون ایکی هجالیلرکی آهنگدار اولمادیغی ایچون
 یک اوقدر استعمال ایدلماشدر . بوکا مثال اولارق ضیا پاشانک
 مشهور :

آقشام اولور کونش کیده شمدی بورادن
 غرب غرب قاوال چالار چوبان دره دن
 یک کورپه سین اسیرک سین سنی یارادان
 کبر سورویه قورت قاپماسین کل قوزوجانم

شرقیسندن باشقا هیچ بر اثر بولونمادیغی بالعموم ارباب تدقیق بیان
 ایتمکده لر ایسه ده، اجرا ایتدیکمز تدقیقات نتیجه سنده بووزن ایله
 یازلمش بعض ملی شریقلره دسترس اولدق .

سكز هجاليره مثال :

عُمان ارطغرل اوغليسيك
اوغوز قره‌خان نسليسيك
حقك بر كمنز قوليسيك
استانبولي آچ كازار ياپ

—

طقوز هجالير غايت قليل الاستعمال اولديني ايچون ، بو خصوصده
تدقيقاتده بولونان ارباب تتبع بو وزنده يازلمش هيچ بر منظومه‌يه
تصادف ايدمه‌دكلريني سويليورلر . بو وزنده يالكز بر قاچ ضرب مثل
موجوددر :

آلچاق يره ياتمه سيل آلير
يوكسك يره ياتمه يل آلير

—

اون هجاليرده او قدر كثير الاستعمال دكلدر :

صداسي جانده سوكيسي كلمه
باغاه صحرايه كورددم بليلي
حسرتله يانمش فرقتله طولمش
زار ايله قالمش كورددم بليلي

—

اك كثير الاستعمال اولان اون بر هجاليره مثال :

خرابه قول اولدق بزم عالمده
بنیاد اولسه قدده بر اولسه قدده بر
دوشدك چاره ندر دام عالمده
آزاد اولسه قدده بر اولسه قدده بر

۳

وزنه مېنك اقسام مختلفه سی . — وزن ملیمز ظن ایدلیدی قدر محدود اولمه یوب اپی اقسام مختلفه یی حاویدر. عثمانلی هیئت اجتماعیه سنك ایلک دوره تشککندن بوکونه قدر بو طرز توزینه رعایه یازلمش آثار منظومه مختلفه نك الك آرز هجالیسی یدی و الك چوغنی اون آلتی هجالیدر. شوحاله نظراً ، پارماق حسابی دیدیکمز طرز نظم اون وزن مختلفی احتوا ایدیور دیمکدر .

ارباب تدقیقندن بعضری ، هجا صایبسنده الك اوافق مصرعک اوج هجادن باشلادیغنی ، و درت ، بش ، آلتی هجالی مصرعک موجود اولدیغنی سوبایورلر . فی الحقیقه بعض ضرب مثالرمز هجا وزننه قابل تطبیق ، وحتی بونلرمیاننده یدی سکز هجالیلرده موجود ایسهده ، شیمدییه قدر یدی هجالیدن آشانغی هیچ بر منظومهیه تصادف اولونا-مامشدر . تقطیعلمرنده سهولت وسلاست اولدیغنی ایچون ، هجا وزنلری آراسنده الك چوق قولانیلان و الك چوق حائز آهنگ اولانلر «یدی» و «اونبر» لیلردر؛ هله داستانلر، قوشمهلر، تورکیلر الك زیاده اون بر هجالی ایله تنظیم اولونور . بالخاصه داستانلر و قوشمهلر آراسنده اون برلیدن ماعداسنه همان تصادف ایدمهدهک .

یدی هجالیلره مثال :

جان ینه بلبل اولدی
خار آچیلوب کل اولدی
کوز قولاق اولدی هریر
هرنه که وار اول اولدی

چوق بکزر سده ، اسکی تورک شاعرلری بوکا عطف اهمیت ایتیوب وزن میلرینه موافق صورتده نظم اشعاردن کری دورماشاردر . کذلک ، تقطیعده نظر دقته آلیناق دیکر برشیده « میل ، عشق ، زلف ، دوست » کبی اوچ ویا درت حرفدن مرکب بولندقلری حالده برحرکلی اولان کلهلرک بر تقطیع اعتبار اولونماسیدر . چونکه پارمق حسابنده آنجق عدد حرکیه اعتبار اولنور .

وزن ملیمز اولان هجا وزنی بر طاقم انواع متعددهیه منقسم وای واسع اولمقله برابر ، عجم شعرلرینک آهنگ افسونکارینه مجذوب شاعرلر مرکز مظهر قبولی اولامادی . عروض وزنلرینک تأمین ایتدیکی موسیقی بیانک وزن ملی ایله الده ایدیله مه می ، و عثمانلی لسانک اوزان عروض ایله پیدای استیناس ایده جک بر حال آلماسی ، وزن هجائینک عصرلرجه متروک قلماسنی انتاج ایتدی . عرب و عجم ادبیاتلرینی لایققله بیلرک اولنردن ذوقیاب اولان ارباب علم و معرفت ، اوزان عروضک آهنگ جاذبی قارشیسنده پک سونوک قالان وزن ملی یی بالضروره عادی و عامیانه کوردیلر . وصف ترکییلر ، تابع اضافتقلره مالامال برافاده یی توزین خصوصنده ، وزن ملی عروض وزنلریله اصلا رقابت ایده مزدی . تورک لسانک وزن طبعیسی اولان هجا وزنک ، تورکجه نک طبعتده موجود اولمایان اضافتقلری ، السنه سامیه دن اولان عربی کلهلری ، هند آوروپائی لسانلری زمره سندن معدود فارسینک کلمات و ترکیباتی حسن صورتله افادهیه مقتدر اولامه یه رق یرینی عروض وزننه ترک ایله سی غایت طبعیدر .

اون بر هجایلر ایکی درلو تقطیع اولنور : برنجیسی ۴-۴-۳،
شکنده در.

برنجی شکله مثال :

کچ - دی - جه - کی || قاز - لی - بوز - لی || طاغ - اول - سون
قون - دی - جا - غی || مور - من - بل - لی || باغ - اول - سون

ایکنجی شکله مثال :

شوی - له - بر - وع - دی - نه || دو - ران - لر - دن - ایم
ا - فن - دم - یو - لو - که || او - لن - لر - دن - ایم

اون ایکی هجایلر ۳ - ۳ - ۳ صورتنده تقطیع ایدیلر :

یا - رب - بی || دی - له - رم || عش - قک - ویر || شو - قک - ویر

اون اوچ هجایلرک تقطیعی ۴ - ۴ - ۵ صورتنده در :

آق - شام - او - لر || کو - نش - کی - دهر - || شم - دی - یو - را - دن
غا - ریب - غا - ریب || قا - وال - چا - لار - || چو - بان - دهر - رم - دن

اون درت هجایلر ۷ - ۷ صورتنده تقطیع اولونور :

هب - ره - تی - آل - ما - می - سین || یا - خود - آک - لا - ما - می - سین
دیک - له - قوش - لر - دی - لن - دن || فی - جه - در - لو - سوز - که - لیر

اون بش هجایلر یا ۴ - ۴ - ۳ صورتنده ، یاخود ۷-۸ طرزنده
تقطیع اولونور :

دون - کی - جه - یار || ننا - نه - سین - ده || یاص - دی - جا - غم || ننا - شی - دی
آل - تم - طوپ - راق || اوس - تم - یاپ - راق || بی - نه - کولک - لم || خو - شی - دی

ایکنجی شکله مثال :

جا - ه - ک - عا - لم - قا - پین - ده || سو - زی - نک - مق - دا - ری - یوق

اون آلی هجایلر ۸ - ۸ طرزنده تقطیع اولونور :

بیل - دیک - که - لن - که - چر - ای - مش || قو - نان - کی - رو - کو - چر - ای - مش
عشق - شر - ب - نن - ای - چر - ای - مش || عر - کیم - بو - مع - نا - دن - دو - یار

وزن هجائی اقسامندن بعضیلری، عروض اوزانندن بعضیرینه پک

بو اثرلری وجوده کتیردن ساز شاعرلری اکثریا بالارتجال شعر سوبلدکلری ایچون بویه بر طرز حرکت اختیار ایتمه لری غایت طبیعی و ضروریدر .

هجا وزننده نظر اعتباره آلیناقق الک مهم شیلردن بری ده «تقطیع» در . زیرا بو وزننده یازلمش بر اثرک منظوم عد اولونا . بيلمسی ایچون «تقطیع» ده رعایت ایدلمش اولماسی ایجاب ایدر . «تقطیع» بر مصراعی پارچه لره ، هجالره آیرمقدردر . عروض وزننده کله لر اکثریته دوچار انقسام اولدیغی حالده ، هجا وزننده بو انقسام اصلا تجویز اولونه ماز . مصراع قاچ پارچه اولاجقسه ، اوپارچه لرده توقف ایتک لازمدر .

وزن ملیمزک بو خصوصده عمومی بر قاعده سی واردر : چفت هجالی مصراعلر مطلقا مساوی صاییده پارچه لره آیرلمی ؛ تک هجالی م مراعلرده ایسه برنجی پارچه مطلقا ایکنجیدن بر فضله اولمیدر . بناءً علیه یدی هجالیلر ۴-۳ ، سکز هجالیلر ۴-۴ ، اون هجالیلر ۵-۵ اولارق تقطیع اولونور :

یدی هجالیلره مثال :

قلب - دن - بو - یوک || طاغ - اول - ماز

اول - آل - لا - هه || طو - یول - ماز

سکز هجالیلره مثال :

ع - مر - ای - در || کل - دی - ای - سه

حق - م - را - مک || ویر - دی - ای - سه

اون هجالیلره مثال :

چون - سا - کا - کؤک - لم || مب - ت - لا - دوش - دی

در - د - غم - با - کا || آ - ش - نا - وش - دی

اعتباریله بر تناسب آرارلرسه ، وزن ملیمزده ده عین نقطه یه عطف دقت اولونور . اساساً وزن ملیمزده و بو اصول نظمه اتباعاً یازلمش اثرلرده دوت شی نظر اعتباره آیینیر :

۱ — مصراعلرک عدد هجاسی

۲ — قافیه

۳ — تقطیع

۴ — شکل

عربی و فارسی کلمه لرله طولو بر افاده ده عدد هجا قولانمزده بر تأثیر مهم اجرا ایدمه یه رک حتی اکثریا نامحسوس کچرسه ده ، صرف تورکجه کلمه لردن مترکب بر مصراعده ، قولاق ، هجالی تقریق ایچون بویوک مشکلاته معروض قالماز . مثلاً :

ای کوزل کوی ، ویرا اولما صاقین شوکنج یاشکده ،
طاغلرکده تازه اوتلر ، پنجه کلر بیترکن .
ای چوبانلر ! بی آکک ، جوشغون صولر باشنده ،
یایراقلرک آراسنده یاورو بر قوش اوترکن .

قطعه سی ، هجاوزننک « اون بشلی » یعنی اون بش هجالی قسمندن در :

ای - کو - زل - کوی - وی - را - نول - ما - ما - قین - شو - کنج - یا - شک - ده

قافیه ، عروض وزننده اولدیغی کبی هجا وزننده ده موجود در .
بوندن بش آلتی یوز سنه مقدم یازلمش شرقیلرده ، داستانلرده قافیه یه تصادف اولونیور . فقط بو اثرلری وجوده کتیرهن شاعرلر قافیه نک آنجق ذوق سمعی بی تأمین وظیفه سیله مکلف اولدیغی نظر اعتباره آله رق « قافیه سمع ایچوندر » قاعده سی ده اوزمان تأسیس ایتمشلر ،
وعلی الایجاب مخرجلری بر برینه یاقین حرفلردن بیله قافیه یایمشلردر .

عربی و فارسی لسانلرندن بر چوق اقتباساتده بولونارق سجهٔ اصلیه سنی عادتاً غائب ایتمش اولان لسانمز ، مالک اولدینی طرز نظم اعتباریله ده غریب بر خصوصیت عرض ایتکده در : حکومت عثمانیه نك ایلک آن تشککنده ، یعنی تورکجه نك عربی و فارسی ایله هنوز اوقدر امتزاج ایده مدیکی ادوار اولیده وجوده کلش اولان آثار منظومه ملیه « پارمق حسابی » دنیلن وزن ملی ایله تنظیم ایدلیدیکی حالده ، موخرأ عجملرک تأثیراتیه بو طرز متروک براقیلارق عجم اصول نظمی قبول و تطبیق اولونمغه باشلانمشدر . بناءً علیه بوکون لسانمزک ایکی مختلف طرز نظمی موجود دیمکدر .

ایلک تورک آثار ادبیه سنک ، ضرب مثلرک ، زمانزه قدر سویله ن ملی شرقیلر مزک عمومیتله « پارمق حسابی » دنیلن اصول نظمه اتباعاً یازماسی ، لسانمزک اساس اعتباریله عروض وزننه دکل ، هجا وزننه تمایل اولدیغنی و بناءً علیه وزن ملی اولارق بو طرز نظمی قبول ایتک لازمکدیکنی اثبات ایدیور . مع مافیه لسانمز یاواش یاواش اسکی صفوت و سادکیسنی ترک ایده رک دها زیاده عجم و عرب تأثیراتی آلتنده قالدیغنی ایچون ، وزن ملی ایله وصف ترکیبیلری ، اضافتلی افاده ایلک زورلاشمش ، ونهایت برآزده آهنگ احتیاجیله عروض وزنی قبول و تطبیق اولونمشدر . « هجا وزنی » بزم وزن ملیمز اولقله برابر ، مخلصات نظمیه مز عمومیتله اوزان عروضه تطبیقاً وجوده کتیرلیدیکی ایچون بو طرز نظمی ترک ایده بیلیمک بزجه امکانشدر .

« پارمق حسابی » دنیلن ملی طرز نظممز ، فرانسز اصول انشادینه پک مشاهددر . فرانسز لر ناصل مصراعلر بیننده عدد هجا

سوق طبیعی به متابعتاً صایمق دیمکدر . « لهینیچ » قولاغک اهتزازات موسیقیه یی غیر اختیاری اوله رق تعداد ایتدیکنی پک حق اولارق سویلیور . ایشته بو جهت ، تقطیعک اهمیتته اک ایی بردلیلدر .

بورایه قدر اولان مطالعاتمزی خلاصه ایده جک اولورسوق ، نظم دینیلن شکل افاده نك جعلی برشی اولمایوب طبیعت انسانیه ده مندمج بولوندیغنی ، ونظمك نثردن شیمدییه قدر ظن ایدلیدیکی کبی وزن وقافیه ایله دکل ، یالکز وزن ایله آیرلیدیغنی ، وبرطاقم نقاط نظردن نثره فائق اولدیغنی آکلاررز . بر اثر ، مثلاً عبدالحق حامدك « هدیه سال » نامنده کی شعری ، قافیه سز اولدیغنی حالده ینه منظومدر ؛ کذلک بر مصراع ، بر بیت هیچ بر قافیه یه مالک بولونماقوله برابر هیچ بر وقت منشور عد ایدیه مز . بناءً علیه نظم ایله نثرک فرقنی سویلرکن ، بونک یالکز وزنه انحصار ایده رک قافیه نك بو خصوصده اصلاً مدخدار بولونمادیغنی بیلمه لی ، وبالعموم ادبیات کتابلرمزده بو مسئله نك پک یا کلش آکله شیلیدیغنی اونوتمالیلدر .

۲

وزنه ملی ، ماهیت رفینی — هر ملت آثار منظومه سنی ، کندی شیوه و سجه لساننه کوره وضع ایتدیکی بر قاعده مخصوصیه تبعاً وجوده کتیریر . بناءً علیه نظم بالعموم ملل موجوده ده مشترک اولغله برابر طرز نظم هر ملتک طبیعت لساننه کوره متحولدر . بوکون فرانسز نظمیه مثلاً تورک و عرب نظمیری آراسنده غایت بویوک و ضروری فرقلر موجوددرکه اساس اعتباریه بو لسانلر پیننده کی تخالفدن نشئت ایدر .

« سنسر » قدر ايلرى كيدهرك ، نترك ، پريشانى معلومندن وعدم انتظامندن طولايى قارنى فعاليت عظيمه صرفه اجبار ايله افكار وحسياتى لزومى درجده محاكمه وتوسيعدن آليقويديغنى ؛ نظمك ايسه هر هجايى ضبط ايچون ايجاب ايدن درجه دقتى اولدن احضار ايدهرك قوه ذهنيه مزى بى لزوم يره صرف واضاعه دن منع ايلديكنى ادعا ايله مەيز . ابي منظومه لر اكثريتله نثردن دها زور آكلاشيلير . بونك سببى ، آثار منظومه ده فكرك كاه پك متكائف ، كاه پك علوى بولونماسيدر . يالكز شوجهتى اعتراف ايتمه ليدر كه نظم ، كنديلكندن ، دماغه دها چابوق اجراى نفوذ ايله اوراده دها پايدار ايزلر براقير . بو نقطه نظر دن نظم نثردن دها مكمل بر واسطه در ؛ چونكه دها جزئى تماسله حركت ودها آز قوت صرف ايدر . بوندن بشته ، نظم اصوات مركبه سنك انتظامى ، كلماتك عدم تنافرى ، هجاليينك جريان خفيفى ايله كرك ذكا وكرك حافظه ايچون ابي بر معاوندر .

وزن ، بوسورتله ذكانك آز قوت صرف ايتمه سنه خادم اولديغى كبي ، حساسيت ايچون ده بر ذوق مخصوص توليد ايدر . بالعموم آثار موسيقيه ده وزنك ناقابل انكار وپك بويوك بر اهميتى واردر . بر موسيقى پارچه سنك وزنى تبديل ايدلمديكى تقديرده ، اونك اوزرنده اجرا ايديله جك تعديلات نا محسوس قالير . نظمك لسان موزونى عادتاً بر نوع موسيقى وجوده كتيريركه ، على العاده موسيقى درجه سنده واضح اولماق له برابر هر حالده موجوددر .

وزنك بزه بخش ايتديكى ذوق حسييه ، رياضى وفكرى بر ذوق دها انضمام ايدر كه بوده « عدد » ك توليد كرده سى در . توزين ايتك ،

نظم ، بزی آهنگیله تأثرات « پرده = Gamme » لرینه چیقاریر .
 بوموسیقی تأثر واحتسası تثبیت وتکمیل ایتک ، شاعرك اک بیوک
 وظیفه سی ، صنعتیدر . فکر مزده وجودینی تصور ایتدیکمزاک بویوک ،
 خیالی شعرك تعریفی شودر : « بوتون فکر متأثرک آلمغه تمایل ایتدیکی
 شکل وهیئت . »

نظم ، هیچ اولمازسه اساس ابتدائیسی اولان وزن اعتباریله ،
 بر اثر جعلی دکلدر . انسانلرک شاعر اولملری ، نظم ایله اشتغال
 ایتملری ، ذهنلرینک کچیجی برهوسنه تبعیتله دکل ، طبیعتلرینک جهد
 واجباباتی وبرقانون علمی به تبعیت ایله در . آهنگک تمامیتی حسیاتک
 درینلکنه بر دلیل طبیعی اولدقدن باشقا ، فیزیولوژی قانونلردن برینک
 احکامنه تبعاً ، حسیات مذکوریهی سامعلرک قلبه سرایت ایتدیرمک
 خاصه سنهده مالکدر . بناءً علیه منظوم سوز سویله مک ، لسانک
 وساطت آهنگ وانتظامیله : « بن ، حسیاتمی لسان عادی ایله افاده
 ایده بیله جک بر درجه نک فوقنده مسعود ویا مضطربم ! » دیمکدر .
 وزن منظومات ، ضربان قلبک قولاقله دیویولاجق بر مرتبهیه کله سی در ؛
 بو ضربان صدامزه برانتظام بخش ایتدیکی کبی بوتون قلبرک نهایت
 برلکده چارپماسنی انتاج ایلر .

ایشته کلام منظوم حسیاتی بویله جه بر صورت طبیعیده افاده
 وباشقالرینه تعمیمه خدمت ایتدیکی کبی ، دیکهینلرک نظر دقتلرینده
 بویوک بر قوت صرفته میدان بر اقامایارق حسیات مذکوره اوزرینه جلبه
 موفق اولور . فی الحقیقه حائز سلاست وآهنگ اولان بر طرز افاده ،
 سامعلر طرفدن کمال سهولته آکلاشیلیر . معافیله بو خصوصده

تموجات منتظمه به قلب ایلر . علی العاده بر صبر سزلق ویا بر صیقینتی
 زماننده باجاغمزك اوینادیغی ، صاللانیدیغی یوقیدر ؟ مادی وبعضاده
 معنوی اضطرابلر آراسنده بوتون وجود حرکته کلیر؛ واکر «تأثر =
 Emotion» او قدر عیان دکلسه ، او کدن آرقه به طوغری صاللانمغه
 وبو صورتله کندی هیجاناتی تنظیمه میل وغیرت ایدر . کذلک
 بویوک بر مسرت انسانی صیچرامغه ، رقص ایتکه سوق ایلر . عین
 احوال وقوانین اجهزه صوتیه دده موجوددر؛ وایشته بوراده مسئله
 اساسیه تماس ایدیورز : سوز، تهیج عصبی نتیجه سی اولارق، قابل
 تقدیر وتخمین بر قوت وبر وزن وآهنگ اکتساب ایدر ؛ بر خطیب
 حرارتله نجه ، ایراد ایتدیکی نطقه ابتدای امرده موجود اولمایان وزن
 ومقیاسی ، اولچویی ادخاله باشلار ؛ وفکر کسب ثروت وقوت
 ایتدکجه ، سوزلری آهنگدار وموسیقی آلود اولور. بونک کبی، اکر
 بر عاشقک لسان آتشین غرامی استماع وضبط اولونابیلسه ، اوندهده
 بر نوع اهتزاز ، تموجات منتظمه ، قابا طاسلاق بر طاقم اجزای
 شعریه بولونابیلیر . شاعر مشهور « آفرده دوموسه » لسان نظمندن
 بحث ایدرکن ، اونی « هرکسک ایشیتمکله برابر سسویلیه مدیکنی »
 بیانده پک حقلیدی . مع مافیه هیمز، حیاتمزك بعض دملرنده اکثریا
 بيلمیهرك او لسانی تکلم ایتمشزدر . صدامز او تغیرات ترنمداردن
 بعض شیلر اقتباس ایتمش ، لسانمز - شاعرده بزى مفتون ومحظوظ
 ایدن - او آهنگ موزوندن استعاراتده بولونمشدر . فقط اعصابك بو
 کر کینلکی زائل اولنجه ، حساسیتك بر حالت متوسطه سنه تقابل ایدن
 متوسط وعادی اسانمز عوت ایتمشزدر .

علمای مشهوره سندن «غروس» ه کوره: «احوال خارجیه و داخلیه نك بر شکل بدیعی تحتنده و بر غایه بدیعی تأمین ایتك مقصدیله لسان واسطه سیله افاده سی» در .

نظمك ساخته وجعلی اولمیوب غایت طبیعی وانسانی اولدیغنه ، یعنی طبیعت بشریه دن مقتبس بولوندیغنه اك بویوك دلیل ، بالعموم اقوام ابتدائیه ده لسان نظمك موجودیتدر . بوكون اك ابتدائی انسانلرك بيله عمومی حسلرینی افاده ایده جك منظومه لری ، شریقلری ، داستانلری واردر . اكر نظم ادعا ایدلدیکی کبی ساخته و غیر طبیعی اولسه ، بشریتك بالعموم اقسام و مراحلنده اوکا تصادف ایدلمه مك لازم کلیردی . حالبوکه بشریتك ایلک آثار صنعتی ، اقوامك ایلک افاده تحسقاتی عمومیتله لسان نظم ایله اولمشدر .

حکمت بدایع حقه ده کی تدقیقات مهمه سیله معروف «ژان ماری کویبو» «بدیع حاضر مسائلی» نامنده کی اثرنده ، نظمك بالذات حسیاتدن متولد بولوندیغنی فیزیولوژی اساسلرینه استناداً اثبات ایدیور . نظمك ماهیتی ، قیمت حقیقه سنی بویوك بر وضوح و سادگیله ایضاح ایدن بوحیفه لردن بوجه آتی اقتباسده بولونیورز :

حسیات شدیدنه نك تحت تأثیرنده اولدیغمز وقت ، اوضاعمزك موزون و آهنگدار بر حال آلمغه تمایل ایتدیکی مسلمدر . اولادماغده تولد ایدن تهیج ، فیزیولوژی قوانیندن برینه تبعیتله - اولجه را کد بولونان صو دروننده کی اهتزازات کبی - همان بینه آز چوق قرب اولان اعضایه انتشار ایدر . «تیندال» و «سپنسر» ه کوره بوتون حرکاتده موجود اولان قانون توازن ، بواهتزازاتی

اجرا ايديلهرك بالخاصه شو صوك سنلرده بو خصوصده اني معلومات علميه ومثبه الده ايدلمشدر. حالبوكه بزم بالعموم ادبيات كتابلرمزده - پك ياكلش بر فكره تبعيته - نظمك نثرن آنجق وزن وقافيه ايله آيريلديغي بيان اولونارق ، نظمك ماهيت حقيقيه سي حقنده هيچ بر فكر اعطا ايدلمه مكدوده .

بعضيلري نثرى محصولات فكريه نك ، نظمى ايسه احتساسات وتخيلا تك واسطه تبليغى اوله رق قبول ايتدكلرى حالده ، بر طاق ارباب قلم ومثلا حقيقيون مسلكنه منسوب بر چوق حكايه نويسلرده لسان طبعي انسانينك آنجق لسان نثر اولديغى ، ونظمك جعلى ، ساخته بر ماهيته مالك بولونديغى ادعا ايدىورلر .

ترقيات اخيره علميه بزه بو ايكي مطالعه نك ده شايان قبول اولماديغى واضحاً ارئه ايتمكدوده . شكل نظم آلتنده هيچان بديعي ي اصلا تأمين ايدمه جك يابس وبى معنا بر چوق شيلر يازيلديغى كبي ، منشور بر چوق بدايع شعريه ده تحرير ايدلمشدر . عادى بر لغت مجموعه سي اولان « تحفه وهبي » نك شكل نظم آلتنده بولونماسى اوكا بر ماهيت ادبيه اعطا ايدمه ديكي كبي ، مثلاً « مقبر » مقدمه سنك منشور يازيلش اولماسى ده قيمت شعريه سنى اصلا اخلاص ايتمز . منظوم اثرلك دائره شعره ادخال ايديلهرك آثار منشوره نك بوندن خارج براقيلماسى ، اسكى عربلك صنعت حقنده كى اك ياكلش طرز تلقيلرندن برينى تشكيل ايدره ؛ بو مطالعه نك هيچ بروجله شايان قبول اولمايه جغنى معلم ناجى افندى « اصطلاحات ادبيه » نامنده كى اثرنده بوندن تقريباً بر ربع عصر مقدم بيان ايله مشدى . كرك شكل نظم و كرك شكل نثر آلتنده بولونابيلن « شعر » ك تعريف علميسى ، حكمت بدايع

برنجی قسم

نظم و اشکال نظم

برنجی بحث

نظم ، نثر . — وزن ملی ، ماهیت و قیمتی . — اقسام مختلفه سی . —
وزن ملی ایله یازیلش آثار ادبیه . — وزن ملینک موقع حاضری .

۱

نظم ، نثر . — علی العموم آثار ادبیه یی نظر تدقیقه آلدیغمز
وقت ، ایکی شکلدن عاری اولدیغنی ، یعنی یا بر آهنگ و بر قاعده
مخصوصه یه مالک [منظوم] و یا اوایله بر قاعده و آهنگدن محروم
[منثور] بولوندیغنی کورورز . آثار ادبیه فکر و موضوع اعتباریله
نه کی تقسیماته معروض بولونورسه بولونسون ، شکل اعتباریله یا منظوم
و یا منثور اولارق تجلی ایدر . بر مکتوب ، بر حکایه ، بر هائله
منثور اولاییلدیکی کی منظومده اولاییلیر . افکار و احتیاساتی افاده
ایچون بو ایکی شکلدن بشقه بر طرز بیان موجود دکلدر ؛ مدنیته
ایلاک مرا حانده بولونان قبائل وحشیه افرادندن اک متمدن و متفکر
بر آدمه قدر ، درجات متفاوتده اولان بالعموم انسانلر ، فکر لرینی ،
حس لرینی یا منظوم اولارق و یا نثرآ افاده یه مجبوردرلر .

نظم و نظمک ماهیت و قیمتی حقنده اسکیدن بری بر حوق تبغات



کړک ذوقی ، کړک اخلاقی تأمین ایتسون ، هر حالده ادبیاتک هیئت
اجتماعیه ده کی موقعی ، رولی غایت مهمدر .

اعصار سابقه نك تنفسات حیاتیه و اجتماعیه سنی بر اثر ادبیدن
دیكله یه بیلمك ، ویاخود فریاد آثار ادبیه ایله بشریت مضطربه نك
آلام و مصائبی هیئت اجتماعیه ته تخفیف ایتدیرمك ، حسن بدیعی
قارشوسنده بر ذوق لاهوتی و نوشین حص ایتك ، اخلاقه معاوننده
بولنق ، بوتون بونلر برر فائده مهمه دركه ادبیاتك اهمیت اجتماعیه سنه
برر بویوك دلیل تشکیل ایده بیلیرلر .



قواعد و نظریاتی بر تأثیر جدی ایلہ تلقین و افادہ ایچون شعبات مختلفہ صنعتہ مراجعتہ مجبور قالیر ؛ و خصوصیلہ ادبیاتدن پک چوق استفاده ایدر .

« امیل بوواراق » « فلسفہ » سندہ صنعت ، بناءً علیہ ادبیات ایلہ اخلاق آره سندہ کی مناسباتی تعیین ایچون شودرت دستوری وضع ایدیور :

۱ . — صنعتک غایہ ذاتیہ سی اخلاقک غایہ سی دکدر ؛ وظیفہ سی ایسه حسنی ابداع اولوب خیری توصیه دکدر .

۲ . — صنعت هیچ بر زمان اخلاقه منافی اوله ماز ؛ چونکہ ابتدا اخلاق بر قاعدہ عمومیه در کہ هر شیئہ ایستہ دیکنی ایفا ایتدیردیکنی کبی صنعتده ایتدیرر . ثانیاً ، غیر اخلاقی اولان شیرل وجدانی تعذیب و احتراصاتی افنا ایلہ بالتیجه ذوق بدیعی بی تشویش و تغییر ایدر .

۳ . — صنعت خیری افادہ ایدہ بیلیر : فقط او زمان بیلہ غایہ ذاتیہ سی اونو تمغه مجبوردر . خیرک افادہ سندہ آرایه جنی شیئہ حسندر .

۴ . — خلاصه ، صنعت ، انسانی شخصیتندن ، احتیاجات عادیہ سندن اوزاقلاشدیرمق ، عقل سلیم ایلہ محبت و مرحمتی تأمین و تسکین ایتمک صورتیلہ طوغریدن طوغری یه بر تأثیر اخلاقی یه مالکدر . حسن خیر دکدر ؛ مع مافیہ اونک متفق ، مجاوریدر .

بودرت دستور ، اخلاق ایلہ ادبیات مجادلہ سنی طرفینک حقوقنی تأمین ایتمک صورتیلہ پک کوزل حل ایتمدر . خلاصه کرک ادبیاتک جمعیت بشریہ یه ، کرک هیئت اجتماعیه نک ادبیاتہ تأثیری اولسون ،

هر مملکتک صنعتکارلری آراسنده دائماً اوزون و بی سود مناقشاته سبیت ویرمشدور .

برنجی فکرک طرفدارلرندن « کوستاوفلور » : « صنعتک مقصد و غایه سی کئنده در ؛ هیچ بر زمان بر واسطه دیه تلقی ایدیه من .. » دییور .

منقد شهر « فاکه » ده : « صنعت ادبیات حسنی افاده ایتدیکی زمان بر عامل اخلاقدر ؛ ایسترسه کوستریلن حسن اساسنده اخلاقی اوله سون . صنعت و ادبیات نه اخلاقی ، نه ده غیر اخلاقدر . یالکز او انسانلری منفعت بکله مهین حسیات عالییه قدر اصعاد ایدر . مادامکه انسانی طبیعت عادیه سندن اوزاقلاشدیریور ، بو هر حالده مهم و عالی برشیدر . طوغریدن طوغرییه اولان بو تأثیریه برشی او کرتمهین حسن بر قوت جسیمه یی حائز بر عامل اخلاقی اوله بیلور . بناءً علیه صنعتکار ، ادیب ، مسلکنی ایضا ایدرک ، یالکز بونی دوشونه رک ، بیلیمکسزین اخلاقی بررول اینا ایدیور . » مطالعه سنده بولنیور .

ادبیات ، هر نه اولورسه اولسون ، هیچ بر شیئک تابعی ، منقادی اوله ماز ؛ ادبیاتک بر مقصد و غایه سی واردر : اوده الفاظ و کلمات واسطه سله هیجان بدییی تأمین ایتکدر . ادبیات و اخلاق دن بری دیکری ایچون برر سبب ، برر واسطه اوله بیلیر ؛ فقط مقصد و غایه اوله من .

اخلاق ، ادبیات موضوعلری ایچون کنیش ، منبت بر ساحه در ؛ ایجاب ایتدیکی زمان اوکاده مراجعت اولونور . نته کیم بالذات اخلاق ده

مثلا فرانسه ده طلاق پك يقين زمانلرده قبول ايدلمش بر كيفيتدر .
بونك لزومنه دائر بر چوق تماشا كتابلری ، رومانلر يازلمش ،
صحنه لرده كوسترلمش ، اوقوت ديرلمش ، مجادلات قلميه يول آچيلمشدر .
شبهه سزدر كه محرر لر اثرلرينك موضوعلريني ، اشخاصني حيات
عموميه ده بولديلر ، تدقيق و تحقيق ايتديلر ؛ وبونلرك فلاكتلرينه
كندی شخصيتلريني علاوه ايدرك اظهار و اراءه ايلديلر . ديمك كه
بواثرلرك وجوده كلمه سنده هيئت اجتماعيه نك بر تأثيری كورولدی ؛
جالبو كه طلاقك بر قانون شكلنی كسب ایده بيلمسی خصوصنده بو
آثارك تأثیر كليسی واردر . اكر بونلر نشر ايدلماش ، ويا وضع
صحنه اولمه مش ، اولسه يدی ، افكار عموميه حاضر لاتمامش ، فرانسه
بو درد اجتماعیدن قور تولمامش اولوردی .

صنعتك هيئت اجتماعيه ده كي موقعی بوكا بناءً يوكسك ومهمدر .
بو مسئله لری تدقيق ايدركن تفرعات قیلندن اولقی اوزره براعتراض
ایله قارشولاشيورز : ادبیات نهیه یاراز ؟

بو نقطه ده فکر لر ایکی یه آریلیور . بعضیلری « حسنی افاده و اراءه
وبوصورتله ذوق بدیعی یی تأمین ایتمکدن باشقه بروظیفه سی یوقدر .
جوابی ویریور لر . دیگر بر طاقم ذوات ده بو مطالعه یی رد ایده رك ادبیاتك
وظیفه سی بو نقطه ده قالمش اولسه يدی پك عادی ، پك بایاغی بر شی
اولاجغنی ، و حالبو كه ادبیاتك جمعیت بشریه یه بر فائده تأمین ایتك ، اخلاقی ،
خیری نشر ایله مك وظیفه علویه سیله مكلف بولوندیغنی بیان ایدیور لر .
بو مجادله یونان قدیمدنبری هر زمان تازه له نمش ، هر دورك ،

عمومیة دولت و ملت تمامیله اونوتولمشدر . بویله بردورده ادبیات ده بالطبع عینی اعراضی کوستریر . شعرا ، ادبا آرسنده آرتق بر شخصیت مشترکه کوریه مز ؛ هرکس منفرداً چالیشیر ؛ بر نابی ، بر ندیم ، بر غالب دده آیری آیری خصوصیتلرله بر لرلندن آیریلرلر .

« پول بورژه » بو انحطاط ادبی بی آکلاتمق ایچون « حال حاضرک

احوال روحیه سی » نامنده کی اثرنده شوسوزلری سویله یور :

« رفاه و سعادتک ، وراثتک تأثیری حیات شخصییه تمایلی زیاده لشدیریرسه عضویت اجتماعی انحطاطه یوز طومش دیمکدر . لسان دینلن دیگر بر عضویتک انکشاف و انحطاطی ده عینی قانونلر اداره ایدر . بر اسلوب انحطاط دیمک ، وحدت کتسابک ، موقعی صحیفه نک ، صحیفه جله نک ، جله کله نک استقلالنه ترک ایتمی دیمکدر . »

فی الحقیقه دور انحطاط عثمانیده کله اویونجاقلری بیله پک بویوک بر مهارت صنعت تلقی ایدلمش ، بر چوق معناسز ، عادی مصاریع وایات ایله سینئه بدیع ادبیات اورتولمک ایسته نمشدر . یاخود اولکیلرک سویله دکلرینی تکراردن باشقه بر شی یایمه یه مقتدر اوله میان توره دیلر تذکرة الشعر الری طولدر مشدر .

هر ایکی طرفک ده مدعاسنی ، دلائل و براهینی شو صورتله خلاصه ایتدکن صکره ، بز هر ایکی طرفده مبالغه ایدیور دیرز . ادبیات جمعیت بشریه دن استعانه ایتدیکی کبی جمعیت بشریه ده اوندن متأثر اولور . بونلر هر ایکسی ده بر تأثیر متقابل داخلنده یاشارلر .

هر ایکی طرفک ده ادعالرنده کی مبالغه بی طرح ایدنجه ، الده ایدیلن نتیجه بی اک طوغری اوله رق قبول ایدرز .

طبیعی تعقیب ایده مدی ؛ مرور زمانه بر طاقم تحولات و تکاملات
 حصوله کلدی . حیات عمومی احتیاجات متعدده نك تحت تأثیرنده
 انسانری صنف صنف آیردی . هر صنف اجتماعی امور مملکت ، وظائف
 وطنه عائد ایشلردن یالکمز بر قسمیه اشتغال ایتکه باشلادی .

او وقت ادبیات ده عینی تحولی ، تبدلی کوستردی . بر زمان کلدی که
 ساحه ارضیه ده شخصیت اشترا که تفوق ایتدی . ادبیات ده شخصی
 اولدی ؛ هر کس ایسته دیکی کبی ، ایستدیکی زمان ، قدرت استعدادیه سی
 اولدینی تقدیرده ، نظم ، نثر ، رومان ، تماش ، هر نه ایسته رسه یازمق
 حقنی کندیسنده کوردی .

مسئله بی عمومی بر صورتده حل ایتکدنسه ده اخصوصی ، ده اواضح
 بر صورتده حل ایده لم : هر دولتک بر دوره انکشافی ، دوره
 توقفی ، دوره انحطاطی واردر . ادبیات ده بودوره لری تعقیب ایدر .
 ایلک زمانلرده اوده یاواش یاواش انکشاف ایدر ، مجرای طبیعیه سی
 بولق ایچون چابالار ، لسانی تشکیله اوغراشیر ، خیالری قومنک
 روحندن طویلامقله مشغول اولور . عاشق پاشادن باقی یه قدر کلن
 ادبیاتمز عثمانلیغک تولد وانکشافی عادتاً تعقیب ایتشدر . حالبوکه
 سلطان سلیمان قانونی عصرندن اعتباراً سلطان ابراهیم اوله قدر بر
 دوره توقف و کمال کورولیر . او ائنده ادبیات ده عینی تأثیر تحتنده در .
 لسان ، تکامل ایتمز ، ادبیاتک آله بیه جکی شکل تعین ایه مشدر . باقی ،
 روحی ، نفی ، صبری کبی استادلر بودورک مولود ایتدر . بودوردن صکرا
 عثمانلی هیئت اجتماعی سنده وهن وانحطاط بوتون علام و دلائلیه نظر لره
 چاربار ؛ هر کس کندی شخصیه ، موجودیتیه مشغولدر . حیات

بونلره کوره، بر صنعتکارک، بر ادیبک آثاری نظر تدقیق و تنقیده وضع اولندیغی زمان، اونک یالکز حیات و شخصیت خصوصیه سیله منسوبی بولندیغی عائله صنعت نظر اعتباره آلماملیدر. بونلری احاطه ایدن بر کل، بر عمومیت دهاواردر، که اونی ده دوشونملیدر. بوایه محیط عمومیدن باشقه بر شی دکلدر. صنعت، دروننده وجوده کلدیکی محیطک عشق، سعادت، فلاکت، اعتقادات کی اودورک بتون افراننده مشترک و عمومی بر طاقم افکار و نظریاتی کوسترین، آکلاتیر.

اسکی آثاری او قودیغمز زمان، عادتا محرر لرلیله قونوشمش، اونلرک امل و آرزولرینه، اشتیاق و فلاکتلرینه واقف اولدقدن باشقه عمق روحلرنده کیزلی برسک بر شیلر فیصیلدا دیغنی حس ایتمش اولورز. بوسس آثار صنعتک وجوده کلدیکی عصرک حالت عمومیه روحیه سیدر. صنعت اکثر یا شکل جمعیتی تعقیب ایدر؛ جمعیتک تکاملیله اوده تکامل، سقوطیله اوده سقوط ایلر.

صنایع نفیسه سائره کی ادبیات ده اشکال مخصوصه تکاملنی جمعیتک تعاقب تکاملاتنده بولمشدر. انسانلر، ازمنه قبل تاریخیه ده، مهالک طبیعتله همجنس لرینک هجوم و تجاوزاتنه قارشو کله بیلیمک ایچون جمعیت تشکیل ایتدکری زمان، نغمات ابتدائیه موسیقییه معاون اولمق اوزره ایلک رشیم شعر وجوده کلشدی. هر شخص یالکز باشنه ناصل قیمتی حائز دکل و آنجق عمومیه تبعیتله یاشامق حقنه مالکسه، شعرده بر شخصه عائد اولدیغی تقدیرده اهمیتی حائز اولمه یور، فائده مقدسه سی زده لشمش تلقی ایدیلورددی. فقط جمعیت بو حال ابتدائینی

باخصوص، بالاده ذکر ایدیلن نظریات وافکار، قسماً طوغریلدن.
چونکه کرک محرر، کرک آثار ادبیه، - پک طبیعی اولارق - جمعیت
وشرائط جمعیت خارجنده تولد وادامه حیات ایده مزلر.

هر محرر محیطک، عرقک، زمانک برمحصولیدر. حال حاضرده
بویوک شهرلرده، اک اوافق سبیلرله موجودیتنده زلزله لر، حسیاتنده
محاکماتک تنویم وتسکین ایدهمهیه جکی فورطنلر تولد ایدن، هرشیده
اک مضر افراطلرک محکومی بولسان، تدقیق و رؤیتلرنده، عرابتلر
کوسترن، یابدقنریه یامدقنری آره سنده اک واضح بر رابطه سزلق
مشهود اولان بیکارجه موجودلر یاشایورکه بولری تولید ایدن نه
ادبیات، نه ده سائر علوم وفوندر. بولر، عصرلرک یورغونلقریله
فعالیت حیاتیه سی تناقص ایتیش انسال بشریه ناک مولوداتیدر. محررده
بو محصولات ومولوداتدن بر فرد اولدیغی ایچون، بالضروره بوکبی
امراض وعلل عصریه ایله مصابدر. علم احوال روح نقطه نظرندن
صنعتکارلرک قابلیت اخذیه وتمثیلیه سی ناقابل انکار برحقیقت فیه در.
برصنستکار، اثر صنعت وجوده کتیره بیلیمک ایچون شدت وصمیمیتله
حسن ایتلیدر. بناء علیه قابلیت تحسیه مرضیه سی محیطنده کیلردن
دها زیاده در. بونک ایچون، بر محرر محیطک امراض وعلل کونا کونی
اظهار وارانیه ایتدیکی زمان، اوندن اخذ وتمثیل ایتدیکنی افاده وتبلیغ
ایتیش اولمقدن باشقه برشی یامامش دیمکدر.

« فلسفه صنعت » محرری « ایپولیت تن » ایله « حکمت بدایع »
محرری « اوژن ودرن » صنعتکارلر اوزرنده محیطک تأثیرینه
فوق العاده اهمیت عطف ایدیورلر.

پاشاقره غوليله ييلديز محزنلرنده اذا واشكنجه آلتنده ايكله ين يوزلرجه مضاوملر ، آثار كلك مولودات معنويه سیدی .

بو تأثیرات نظر اعتباره آلدینی تقدیرده آ کلاشیلرکه ادبیاتك حیات اجتماعیه ده جدأ بویوك بررولی واردر .

بونقطه یه كنجه ادبیاته قارشو برطاقم شتوم واتهاماتك فیرلاتیاد . یعنی کوریورز . معتضاردن بعضیلری : « ادبیات احوال استثنائییه ، وقایع مرضیه یی ، اشخاص معلوله یی اظهار و ارأه ایتدیکی واساساً هیئت اجتماعیه اوزرنده بر تأثیر عظیمی حائز بولوندی ایچون مضردر . » ادعاسنی بیان ایدیورلر . بعضیاری ده : « ادبیات ، حیاتی حقیقیته کوسترمکه مقدر اوله مایارق ، محررك فخله وحساسیتنه تبعیتله نواقص طبعیه یی اكمل واتمام ایتدیکی وبویله جه اك صاف وتزیه روحلرده فنا آرزولر ، احتراضلر تولید ایلدیکی ایچون بشریته مضردر . » دیورلر .

بوکی ادعالر ، ادبیاتك حیات اجتماعیه یه تأیری نظریه سنك مبالغه وافراطه دوشن اقسامیدر . بر اثر اك تأثیریه اخلاقی ، روش حیاتی بوزه حق قدر متانت اخلاقیه مالك اولمیانلرك قالقلرینی ادبیاته عطف ایتكدنسه ، كندیلرینك سیئانه ، ضعف اخلاقیلرینه حمل ایتسك دهاطوغریدر . اساساً ادبیاتك تأیر اجتماعیسنه اینانلر تأیر مشؤمك آنجق ضعیف ، معاول موجودیتلره عأدیتی ذكر واتیان ایدیورلرکه بونلری تداوی ایتك ، دوشونمك ادبیلره حائز دكلدر . بونلره اشتغال ایده بیلمك صلاحیت وحقنی حائز اولانلر ، امراض عصیه متخصصلریدر .

چيقارق بونلره منقلب اولور. باخصوص جسماً ، روحاً ضعيف و معلول اولانلر اوزرنده آثار خياليه قلميه نك تأثيرى پك زياده در. » بوسوزلرده آز چوق برذرء حقيقت واردر. محررلر، اركلكره نسبتله ضعيف بولنان قادينلر اوزرنده قلملريله تحكم ايدر، اونلرى جسماً و روحاً ايسته دكلرى شكله وضع ايد بيلورلر. بويوك شهرلرده ، بويوك محررلر بوقدرت فسونكاريلرى، بوتون بداعت ووضوحيله كورولمكدهدر.

بو خصوصه دائر تاريخى بعض مثالرده كوسترمك ممكندر. آلمانى مشاهير ادباسندن « كوته » ، « ورتهر » نامنده كى رومانى « ۱۷۷۴ » تاريخنده يازديغى زمان ، برچوق كنيجار « ورتهر » كى صفوتله، نزاھتله سوديلر؛ وحتى يالكز بونكله اكتفا ايمه يرك موده للى كى اتخار بيله ايتديلر. كذلك « آلكساندر دوما » ، « ۱۸۳۱ » تاريخنده مشئوم وشديد بر احتراض عشقى يى محتوى « آنتونى » نامنده كى رومانى نشر ايتديكى زمان ، بوتون فرانسه « آنتونى » لرله طولدى.

مملكتمزده ده بوكا دائر بعض مثالر كوستره بيلورز : اشعار قديمه عثمانيه ، خصوصيله نديمك آثارشوخ مشربانه سى برزمانلر محيط اجتماعيمزده غريب برزمرء صنعتكاران توليد ايتدى كه ، بونلر كيجه كوندوز ميخانه لرده امراز حيات ايد درك هم اصالت وعاويت ادبى ياقى ، همده كندى نزاھت قلميه لر يى محو و برباد ايتديلر .

كذلك كال بك وطنى ، جزميسى ، كل نهالى ، ناكف بكى ، رؤياسى احتياجات و ترقيات وطنيه يى مدرك ، روحلرى آتش حریت و مشروطيتله مشبوع حقيقى فداكارلر ، ظلم و استبداد قارشوسنده دائماً فداى حياتيه حاضر پولاد وجودلر طوغوردى. دور سابقك حسن

ايدمه يز . بناءً عليه محرك وجوده کثيرديکي آثار صنعتده شرائط حياتيه واجتماعيه مزك خارجنده کي تحسّاتي ، وقايي ، اشخاصي حس ايتک ، کورمک ايسترز . بناءً عليه محرر کذرکاه حياتنه مصادف ، وبعض اسباب عضويه شخصيه سنه موافق بر حال استثنائي بي آير؛ واوني شخصيت مخصوصه سنه کوره تبديل وتغير ايدرک اظهار وارائه ايلر .

ادبياتک حيات اجتماعيه پک آز افتقار ايتديکني ادعا ايدن ذوات ، حياتک ادبيات ايله يالکنز بونقطهده اشتراك ايدم بيلديکني ؛ بوندن بشقه ، خيالات ادبيه نك بشر وجمعيت اوزرينه اجراي تائيردن خالي قالمديغني بيان ايددرلر .

بونلر ، عموميتله شو يولده مدافعهده بولنورلر : « حيات خصوصيه سيلاه مشغول متوسط بر شخص ، کندی تجربه ليله ، بشريتک شديد احتراصلريني ، مصائب وفلا کتني آکلايه مز ؛ اوينک ، مغازه سنک ، معبدنک خارجنده باشقابر عالم بر حيات بولنديغني آنحق شبهه لر آره سنده کشف ايدم بيلير سده اونک روحنه تماميله نفوذ ايدم مز . اوزمان کتابلره ، تياترولره قوشار ؛ پادشاهلري ، قراللري ، پاشالري ، بکلري ، ملکلري ، پريلري ، جانيلري ، حيله کارلري ، خلاصه عموميت اعتباريله جزئيّت قيماندن اولان بر طاقم اشخاصي ، وقايي اوقور ، کورور . وبر قاعده تغير ناپذير روحيه تبعيتله ، محرك هوسات خياليه وحسيه سيلاه سوساواولان وقايه ، اشخاصه اينانارق ، معلومات اجتماعيه سني بولنردن آلمه ، حياتده بر تمثال اولمق اوزره کوستريلن بوشيلره بکزه مکه سعي وغيرت ايدر . اونلرک محبتلري ، نفرتلري ، کينلري هپسي حال طييعدن

تماشادر. بوکا بناء ادبیات، بوتون صنایع نفیسه سائر ایلده برلشیور دیمکدر.

۸

ادبیاتك هيئت اجتماعیه کی موقعی و اهمیتى . — حیات ایله ادبیات آره سنده کی مناسباتی تعیننه چالیشانلرك افکار و نظریاتی شمدییه قدر بر نقطه معینه و قطعیده توقف ایده مه مش، بوتون علمای ادبک خلاصه افکاری اولق اوزره بروصل مشترک بولنه نامشدر. بناء علیه « حیاتى ادبیاته، ادبیاتى حیاته اجرای تأثیرایدیور؟ » مسئله سی قارشوسنده، مختلف مطالعات و نظریات سردوبیان ایتک مجبوریتنده قالیورز.

منقدین مشهوره دن « ماقس نورداو » رومان و تماشانك حیات بشریه و اجتماعیه، حیاتك بونلره تأثیرندن زیاده اجرای نفوذ و تأثیر ایتدیکنه تامامیله قانعدر.

فی الحقیقه بوتون محررلر، تدقیقات و تحقیقات بشریه ده بولندقلری زمان، هرکسك بیلدیکی، هرکسك کوردیکی وقایع و اشخاص عادییه نظر اعتباره آلازلر. زیرا قارئین، حیاتده دائماً نصادف ایتدکلی شیلره مصادف اولغه قطعاً تحمل ایدمز. اونلر بر طاقم تحسّسات جدیدیه مفتقردر. بو ایسه موجود بولنان برحالت وجدانیه نك یکی برحالت وجدانییه انقلابنه، بر تأثیرك انقطاعیله اوکاتمامیله ضدویکی بر تأثیرك تولدینه منوط بر کیفیتدر. حالبوکه دروننده یاشادیغمز شرائط حیاتیه وجدان وحسّمز او قدر آلیشمشدرکه، هوای خارجینك تضیقنى حس ایتدیکمز کبی اونلرك تولید ایتدکلی تأثیراتی ده حس

ایکي صنعت بربريه امتزاج ايده بيلديکي کي متعدد صنعتلرده بربرلريه برلشه بيليرلر . مثلاً موسيقي ايله رقص ، ادبيات بربريه وولتور . رسمله هيکل تراشي ، معماري بربرينه رفاقت ايدر . لکن بو تقدیرده صنعتده کي وحدتک لزومي دها واضح ، دها آشکار بر شکل کسب ايدر ؛ بوقانون دها زیاده قطعی ، آمر بولنور .

مثلاً خارجاً هيکل لره ، داخلأ دیوارلری رسملره اورتولی بربنای محشم ، خطوط آهنگدار معماريسنی غیب ايده رک اونی نظرلردن صاقلار ؛ وصنعت معماري نقطه نظرندن بالطبع تنقيد و تعريضه معروض قالير .

شومطالعات شعبات صنعتی ایکی یه آیریيور : برنجی زمرد خطوطه عائد اولانلر ، دیگر یه ده خارجنده بولونانلردر . خطوطه عائد اولان رسم ، هيکل تراش ، معماري بربرلريه قولای برلشدکری کي دیگرلری ده سهولته امتزاج ايده بيليرلر .

بو ایکی زمرد آره سنده بر خط فاصل حکمنده دیگر بر صنعت وارمیدر ؛ اشکال مرئی یه ، افکاری ، حرکات موزونه یی ، رسمی ، سوزی ، موسیقی مزج قابليتده بولسان ؛ و بو صورتله فکری شکل مادیسیله ؛ شکل محسوسی ، اکثریا اشارت مخصوصه سی بولنان فکر و تبلیغ و افاده ایتدیکی حسله ؛ حسی ، رفاقت ایتدیکی فکر ، تلقین ایتدیکی طرز و مشوار ايله ؛ خلاصه بوتون حیاتی مرئی بولنان اشکاليله کوستره بیلن بر صنعت موجودمیدر ؟ ..

اگر بویله بر صنعت موجود ايسه ، حیات تامه نك مصوری اولمق اعتباريله صنعت بشريه نك الك واسی ، الك بویوک اولمق لازمکلیر . بو صنعت موجوددر ؛ ادبیاتک بر شعبه سی اولان صنعت

شورایه قدر ویریلن ایضا حاتدن آ کلاشیلورکه صنایع مختلفه نفیسه بربرلریله برلشیورلر. بری دیکرینک وظیفه سنی کوریور، یاخود بری دیکرینه یاردیم ایدیور.

عجبا هر شعبه صنعت بربریه، مثلا ادبیات، صنعت معماری ایله براهه بیایمی؟.. اصلا برلشه مز. شعبات صنعتک بربرلریله امتزاج ایده بیللمری ایچون آز چوق بربرینه، بعض امزجه خصوصیه طولانیسیله، یاقین و قریب بولنمی شرطدر؛ حالبوکه ادبیات ایله معماری آره سنده فروق واضحه اساسیه موجوددر.

صنعت «وحدت» دیمک اولمسنه بناء، یکدیکریله امتزاج ایده بیللمک ایچون، شعبات صنعتدن بری دیکرینه محقق تابع اولمیلدر. اکر بواسارت اولمازسه اولیه برتشوش حصوله کلیرکه، اثر صنعت بونک آره سنده غیب اولور کیدر. کوزل و ظریف برطاقم خطوط متحرکه نك افاده آهنگداری دیمک اولان «رقص»، موسیقی ایله برلشدیکی زمان، بوکا توفیق حرکت مجبور اولور.

ادبیات ایله موسیقی برلشدیکی زمانده عین قاعده جاریدر. برطاقم برقطعات نفیسه یی حاوی اولان «وودویلار» ده موسیقی ادبیاته تابعدر. چونکه بوراده اساس اولان سوزدر. حالبوکه بر «اوپرا» ده مسئله تمامیه دکشیر. چونکه اوپرایه کیدن هر سامع موسیقی دیکه مک مقصدیه کیدر، بو مقصدی تأمین ایچون ایسه ادبیاتک سر فروسی لازمدر. بناء علیه ادبیات بوراده موسیقیه تابع اوله رق یالکز افکار وحسیات عمومیه یی افاده ایدر؛ خاصه اساسیه سی اعتباریه آلت تحلیل اولان بر صنعت، آلت ترکیب اولور.

اوکا قلباً ، روحاً میال ، بر قاج صحیفه صکره میدانہ یکی بر قادین دها
 چقیور: اوده کنچ ، کوزل ، معلوماتی ، ظریف ؛ همده اسکندره
 نشانی .. شمدي قادینلر آرسنده رقابت عاشقانه باشلایور. خلاصه
 هر صحیفه نك تعاقبی بزه باشقه برحس ، باشقه بر حرکت ، باشقه برسبب ،
 باشقه بر وقعه عرض ایدیور . بونلرک هپسی آری آری برر بز
 اوزرینه ترسیم ایدیله بیلیر ، هپسی آری آری برر لوحه اولور .

فقط بوراده دقت ایدیله جك بر نقطه وارد: محرر بر خطه دیگر
 بر خط ، بر رنگه دیگر بر رنگ علاوه ، وخاطرات ومحمفوظ-آتمزی
 ایقاظ ایدرک اشکالک هیئت مجموعه سنی یاشاته بیلور. ابتدا بز بر
 اسکندر کوریورز ؛ سوزلرندن ، متردد ، قرار سز ، روحاً مجادل
 اولدیغنی آکلایورز . بو حالده بولونلرک اشکال ووضیعتنی پیغوله
 خاطر آتمزدن چقاریورز ، وصوکرده شکل عمومیه سیله یاشاته بیلورز .
 یاخود اولجه کچن خطوطی بر برینه ربط ومقایسه ایدرک ، بونلرندن
 بر وحدت حصوله کتیریورز ؛ بوندن ده دماغمزدده بر تمثال تام
 وجود بولیور . حال بوکه بو بر لوحه اوزرنده بوانسهیدی ، یکنظرده
 کوروله بیلیر ، آکلایلردی .

خلاصه ، «صنعت ترسیم» ، مسافه داخلنده بر هیئت عمومیه ، زمان
 خصوصنده بر نقطه ؛ «صنعت ادبیات» ایسه زمان ایچنده بر هیئت
 عمومیه ، مسافه داخلنده بر نقطه دیمکدر .

«موسیقی» یه کلنجه ، بوزمان ومسافه دن هیچ بری احتوا ایدمهز ؛
 اونه نقل وحکایه ، نهده تقدیر وتحسین ایدر . یعنی موسیقی تحلیل
 وتشریح ایتیرهک هر شیئی هیئت عمومیه سیله الهام وتلقین ایلر .

و یا موسیقی به توفیق حرکت ایده بیلیمک ایچون فضاه آهنگی محتوی آثار ادبیه دائماً سقوط ایتمشدر .

ادبیات ایله صنایع نفیسه سائردهی باشقه بر نقطه نظر دنده تدقیق ایده بیلیرز : موضوعات صنعت حادثات حیاتیه دیمکدر ؛ حادثات حیاتیه ایسه زمان و مسافه کبی بر طاقم شرائط عمومیه به تابعدر ؛ بناءً علیه صنایع مختلفه سائردهه بونلرک تأثیری آلتندهدر .

مثلاً رسمه بر مسافه داخلنده اولان هیئت عمومیه بی تصویر ایتیمک خاصه سی ویرلمش ، تبدل و حرکتدن عبارت اولان زمانی افاده ایتیمک خصوصی ادبیاته ترك اولنمشدر .

فرضا بر تابلیویه باقدیغکنز زمان ، یشیل چایرلر ، ایزی و سالدیده آغاچلر ، بونلرک آرقه سنده مائی بر شریدکبی کوچک بر چای ، صوکرآ یوجه طاغیر ، و اوستتده بولوطر ایله محتول بر سما کوریرسکنز . دیمک که بر کوچوک لوحه آز چوق بر مسافه بی یاشانه بیلور . فقط بو نقطه ده طور بکنز ، و تابلیویه دقتله باقیکنز : نه چایرلرده نه آغاچلرده نه چای ده ، نه ده بو یوللرده بر حرکت وار ؛ هپسی ساکن ، هپسی عین شکل و وضعیتدهدر .

شیمدی برده مثلاً عبدالحق حامدک بر اثرینی ، فرضا « اشبر » ی اوقومغه باشلا ییکنز : اولاً ، اسکندر روخنه کی تقاضای احتراصات و آمالی بزه آکلاتیور . او ائشاده قارشوسنه معلمی آرسطو چیقیور ؛ اسکندر اونکله قونوشیور ، استاد شاگردینی - مقام حکمداری به عائد احتراماتده قصور ایتهمک شرطیه - تنقید ایدیور . اثری بر آزدھا تعقیب ایدنجه ، سومرو نامنده بر قادین کوریورسکنز ؛ بوکنج ، کوزل ، ذکی قادین اسکندره مفتون . . حکمدارده

حقى بعضاً رسمك افاده ایده بيله جكى بر موضوعى ادبیات دها زیاده دلفریب ، سیحار بر صورتده کوسترر . بوتون صنعتلر بعضاً بر برلرینك موضوعلرینی غصب ایله دها زیاده مبلغ ، دها زیاده مؤثر بر شکله افراغ ایدرلر .

ایشته صنایع نفیسه بر برلرینه تحمیل وظائف خصوصیه ایله ، افاده ایتمك ایسته دکلری شیئی توضیح واکال ایدرلر . بر یسنك تبایع وافاده ده مشکلات و صعوبته اوغرا دیغی شیئی دیکری قولایلقه افاده ، بر یسنك فضله جه اظهار واره ایلدیکنی دیکری لازم اولدینی نسبتده تبلیغ ایدر .

بو حدودی تعیین ایتمك ممکنیدر ؟ .. اوت ، حد مشروعی حس و تعیین ایتمك غایت قولایدردر . بر صنعتکار ، باشقه صنعتك حدودی داخلنده ، کندی صنعتك اوصافی اساسیه سنی محافظه ایتمك شرطیه کزینه . بیلیر . فقط صنعت ذاتیه سی دیکرینه منقلب اولدیغی ، دیکرینه عائد وظیفه یی ایفایتدیکی زمان درحال توقف ایتمك لازمدر . بر موسیقی شناس بر طاقم افکاری احساس و تبلیغ ایتمك ایستر ؛ وضوحه ، تمامیه افاده ایتمك حسنه تابع اولماق شرطیه بو آرزوسنی ایفایه مأذوندردر . بر رسام بر فکر اخلاقی یی الهام ایده بیلیر ، فقط اونی تعیین و تعریف ایتمك املنك آرقه سنده قوشارسه ، صنعتك حدودینی تجاوز ایتمش اولور . بر شاعر كده ، -كل تامنی ویا تمامیه آهنك موسیقیسنی افاده و تبلیغ ایتمه مك صورتیه ، بر شیئی تصویر ایتمك و آهنك داخلنه قویمق حقیدر . بو حدود تجاوز ایلدیکی تقدیرده عدم موفقیت محققدر .

بر ادبیات ایچون حدود صلاحیتنی تجاوز ایتمكدن دها برباد ، دها فنا برشی اوله ماز ؛ رسمله رقابت ایدرجه سنه تدقیقات و تفصیلات دقیقه یی

۷

ادبیات و صنایع نفیسہ [۱]۔ — صنایع مختلفہ نفیسہ نی یکدہ یکرندن تفریق ایدہ بیلہ جک بر خط قطعی و تام موجود دکدر : ادبیات موسیقی ایلہ ، رسم ادبیات ایلہ ، وظیفہ نقطہ نظرندن ، آز چوق برلشہ بیلیرلر . بر صنعتک حدودی ، قومشوسی بولنان صنعتلہ برلشدیکی نقطہ دہ دکل ، اونک وظیفہ سنی ایفا و یا اونکله امتزاج ایتدیکی زمان کندینہ عائد اساس و ماہیتی غیب ایلدیکی نقطہ دہ باشلار .

اوت ، صنایع نفیسہ بر برلرینک حدودی داخلندہ یاشایہ بیلیر . بعضاً بر لوحہ دہ بر فکر ، بر حکایہ فجیعہ دہ بر رنک و یا بر آهنگ موسیقی بولونیر .. یالکز دقت ایدیلہ جک بر شی واردر : هر صنعتہ عائد مزیات بر باشقہ سیلہ امتزاج ایدرسہ بونک داخلندہ انجیق رشیم حالندہ قالیر .

فرضا بر چولدن طولانیلن تحسباتی افادہ و باشقہ سنہ نقل و تبلیغ ایتک ایستدیکمز زمان ، فورچہ اونی تمامیلہ کوستیریر ؛ قلم تحلیل ایدر ؛ موسیقی الهام و تلقین ایلر .

دها آچیق بر مثال کوستردلم : هر احتراض روحی بر فکرلہ اورتولودر . بوکا بناء کلمات و الفاظ ایلہ اشتغال ایدن صنعتہ ، یعنی ادبیاتہ عائد بر موضوع دیمکدر . فقط اساس روحی اعتباریلہ بر اهتزاز ، بر تہیج ، بر ضربان ، بر حرکتدن باشقہ برشی دکدر . بو حرکتک رسم شکل خارجینسی کوستیریر ؛ ادبیات اونی تصویر و تحلیل ، موسیقی دہ صولت و شدتی تعین ایلہ احساس ایدر .

مطالعه هر ناصل اولورسه اولسون اوندن بر ثمره تأمینی ایچون
 اك چوق لازم اولان شی ذوقدر . « ذوق بر اثرک محاسن و نفاائسنی
 حس ایتک مایک سیدر . » بو ملکه بالطبع هر کسده موجود دکلدر .
 اوکا مالک اولانلر بیه اکثریتله اونک تام و مکمل بر شکلندن
 محرومدرلر . بر چوق صنعتکارلرک یکدیگرینک اثرلرندن ذوقیاب
 اولامالری ، مثلاً « توفیل غوتیه » نک مولیه ری ، لامارتینک
 لافونته فی آکلامامای صعرف بوندن ناشیدر . « لابیویه » ، « دیدرو » ،
 ذوق تام صاحبیرینک قلتندن شکایت ایتشلردر . مطالعه نک مفید
 اولماسی ، قارئک صاحب ذوق اولماسنه وابسته در . مطالعه ایدیلن
 شیئی بر نور و وضوح التده میدان چیقاران ضیا ، آنجق ذوقک
 دوکدیکی شعله و وضو در . مع مافیه شونی ده اونوتمالی که ،
 مطالعه ذوقی تربیه ایچون اك چوق لازم و مفید اولان شیلردن
 بریسیدر . نامق کمال : « مطالعه ، فکرك مدار حیاتیدر » دییور .
 « ژان ژاق روسو » ، ذوقک ده سائر هر شی کبی تکمل ایتدیکنی
 وبونده سعیک علاقه دار بولوندیغی سویله مشدی . تربیه ذوقیه
 خصوصنده کی مساعی هر شیدن زیاده مطالعه یه معطوف اولماید .
 مختلف مسالک ادبیه عائد مختلف اثرلر اوقومق ، یعنی آثار ادبیه یی
 اشکال مختلفه سی آلتنده تدقیق ایتک ، مسلك حقسنزلقیرینه ، مطلقیت
 تلقیه قارشى اك عاجل و مؤثر بردوادر . بر دفعه اوقونولدیغی وقت
 سویله یی بر چوق اثرلر ، بر ایکنجی دفعه اوقوندیغی وقت بلکه
 مطالعی فوق العاده خشنوداید بیایر ؛ ذوقک بر چوق مراحل تکاملی
 اولدیغی ایچون ، اولجه اوقوندیغی حالد سویله یی اثرلری ، بر ایکنجی ،
 حتی اوزون فاصله لرله بر اوچنچی دفعه اوقومقدن چکینمه ملیدر .

مشکلیدر . بن بو خصوصه سکسان سنه چالیشدیغم حالده ، ینه آرزو ایتدیکم در حیه واصل اولامادیغمی سویله ملیم « اعترافده بولمشدی . آثارصنعتی حقیقی بر ادیب ، بر صنعتکارکی مطالعه ایله ملیدر؛ و بونک ایچون اسکی ادبیات کتابلرینک بو خصوصده کی توصیه لرینی اصلاً نظر اعتباره آلاملیدر . مزیتی کشف ایدره ک اونو تقدیر و تمثیل ایله مک ایچون اوقومالی ، وهر اوقونان اثرده اولاً مزیتی تحریری ایله ملیدر . محروم مزیت بر اثر ، نظر دقتمزنی جلبه غیر لایقدر . آثار قلمیه ده کی مزیتی تفریق ایچون ایسه ، اول امرده تربیه ذوقیه نک استکمالی لازمدر .

بعضلری چوق کتاب اوقومه نک انسانی عادتاً سرسملشدیره جکنی سویلرلر : « پلین » و « سهنه ک » منتخب محررلری اوقومغله اکتفانی توصیه ایتدکلری کی « هوبس » ده چوق مطالعه نک انسانی جاهلشدیره . جکنی مستهزیه بر طور ایله آکلایر . حالبوکه « آلبالا » تام بر تربیه ادبیه الده ایده بیلمک ایچون برنجی ، ایکنجی ، حتی اوچنجی درجه ده محررلرک تمامیه مطالعه سی لازم کلدیکی فکرنده در .

« صنعت تحریرک تمثیلی ، یعنی بر مزیت شخصیه ابداعی ایچون بر قاچ بویوک محررله اکتفا مرجعدر . فقط یالکز بر محررله اکتفا ایتوب ، بویوک لرینی محافظه ایتمکله برابر ، بر برلرینه بکنزه مهین محررلری اوقومق ده لازمدر . عکسی حالده انسان بیوک بر محررک کور بر منلیدی اولور . اک مناسی ، اولاً این اثرلری اوقومقدر . بو اثرلر ، سائر اوقوناحق شیلرک بر محک و معیاری خدمتتی کورور ، و اوقت اولرده بلا تهلیکه اوقونایلیر . بو خصوصده رعایت ایدیله جک اساس : بیوک محررلرک تدقیقه ، بوتدقیقندن ، محررین سائرده مطالعه مساعده اده جک بر مجموعه مطالعات الده ایده بیلمکدر . نویته لرک تدقیقه صنعت تحریری اوکرنمک ایچون چوق کتاب اوقومق لازم دکلدر . اک مهم جهت ایلرینی اوقومقدر . [*] »

[*] آنتوان آلبالا : تشکل اسلوب .

کوسترمک ایسته یئرلرک اوزون اوزادی به چالیشهغه محتاج بولندقلری
اعتراف ایدیور . کونش آلتنده هیچ بریکیشی بولمادیغنی سویله این
« لایرویه » بو مطالعه سنده پک چوق حقلیدر .

آثار ادبیه مطالعه سی علمینده کی دلائلک عدم اهمیتی تمامیه ثابت
اولدقدن صکره ، طرز مطالعه حقنده برار دوشونمک ، ملاحظه
ایتمک ایدر . ای بر مطالع ایچون فنا وغیرمفید برار موجود اولمادیغنی
کبی ، آکلامایان بر قارئ ایچونده ای و مفید بر کتاب یوق دیمکدر .
کوستاولانسونک پک محق اولارق سویله دیکی کبی ، جلدلری یوق
هیچ بر صورتله موجب استفاده دکلدردر ؛ بر آدم مترجم عاصمک
قاموسنی ، لاروس آنسیقلوبه دیسنی از بر بیلیمکه صاحب فکر عد
اولوناماز . قرائت ایدیلن برارک نفوذ شدیدی آلتنده قالمق ، اوندن
استفاده ایتمهک دیمکدر ؛ چونکه بو مطالعه ذکایه دکل آنجق حافظه یه
تعلق ایدر . ای بر مطالع ، اوقومقده اولدیغنی کتابک هر صحیفه سنه آری
آری کسب وقوف ایدرک ، محررک افکارینی کندی نقطه نظرندن محاکمه
وتدقیقه قابلیتدار اولمالیدر . مطالعه عادتا بر مجادله در ؛ وفائده سی
آنجق بو نقطه نظرندنر . بو مجادله ده حتی مغلوبیت بیله بادی
استفاده در . [*]

بسیط ، عجباه ، سطحی مطالعه لر ، بر قارئ ایچون اک بویوک
دشمندر . حقیقی مطالعه لر ، خوشلانمقلری اثرلردن بیله کمال جدیتله
بحث ایدرلر . بویوک آلمان صنعتکاری « کوته » : هیچ بر فنا اثر
یوقدرکه بعض ای جهتلری محتوی بولونمایین ، دیردی . کوته ، مطالعه نک
مشکلاتی کوسترمک ایچون : « مطالعه ایتمکی اوکرمک ، صنعتلرک اک

[*] کوستاولانسون : صنعت تحریر حقنده نصایح .

بوده تقلیده سوق ايدر . تقلید ايسه صنعت تحریرده ائک مؤثر ، ائک عمومی بر اصولدر . فرانسز ادبیاتی ناصل لاتین و یونان ادبیاترینک تقلیدندن میدانہ گلشسه ، عثمانلی ادبیاتی ده باخاصه عجم ادبیاتی تقلید واسطه سیله پیدای موجودیت ایدہ بيلمشددر . ادبیاتر اوزرنده بوقدر نافذ و مؤثر اولان تقلید ، بویوک قابلیتک تشکندمه عین قوتله مدخلداردر . قورنہی ، بووالو ، راسین ، مولیہر ، لافونتهن ، فرانسه نئک بوتون بو بویوک صنعتکارلری یونان و لاتین محررلرینی تقلید ایلدکاری کبی ، شیخی ، فضولی ، ندیم ، نابی ، شیخ غالب کبی عثمانلی ادبیاتنئک بویوک سیالری ده عجملری تقلیددن فارغ اولمامشدردر . مع مافیہ تقلید ، عادی بر قویہ جلیق ویا بسیط بر اتحال دیمک دکلدر ؛ حقیقی و تام بر تقلید ، باشقارینک افکار و حسیاتی ، طرز تلقیلرینی کندی رنک شخصیتیلہ تلوین ایدوب اونلرہ ادعای مالکیت ایتکدرکہ ، بو صنعتکارک شخصیتہ اصلا مانع اولاماز . « ازوپ » ک اسکی افسانہ لرینی تقلید ایتمی ، لافونتهنی فرانسز صنعتکارلری آراسنده ائک شخصی بر صنعتکار اولمقدن منع ایدہ مدیکی کبی ، « مثنوی » دن ملهم اولماسی ده شیخ غالبک شخصیتینی هیچ بروقت اخلاص ایلده مشدر .

« هوراس » ک « سفیل مقلد لر سوروسی » نامنی ویردیکی آدملر ، تقلیدک معناسنی لایقیلہ آکلایامش بر طاقم زوالیلردر ؛ حالبوکہ یونانیلردن پک چوق اقتباساتده بولونان « هوراس » ، احراز مزیت ایچون باشقارینک تمیل مزایاسی لازم اولدیغنی پک ای آکلامشدی . بر چوق کیمسه لرنک فطری و طبیعی صاندقنری شخصیت و خصوصیت ، فطری اولمقدن زیاده صنعی و مکسوبدر . غرابت مخصوصه سیله معروف شاعر « ادغارپو » ، شخصیتک بر اثر سعی اولدیغنی و اثرلرنده خصوصیت

علی شیر نوائی « ایله بوتون عجم شاعرلری ، شیخ غالب « مثنوی » شریف « ی حافظه لرنده بویوک بر اهتمام ایله صاقلامشاردی .

بوتون صنعتکارلر ، آثار ادبیه قرائتک فوائدی ، وبونک صنعت تحریر ایچون اک بویوک بر اساس اولدیغی اعتراف ایدرلر . « ژورژسان » کبی پک آز او قودینی حالده عالم ادبیاته پک نفیس اثرلر اهدا ایدیلن اهمیتسز بعض استثنالردن صرفظر ، همان بوتون صنعتکارلر ، قابلیت فطریه لرینی معلومات مکتسبه ایله تزئیندسایه سنده موفق اولمشلردر . قرائتک اک بویوک ارباب قلم ایچون بیله بوقدر حائر تأثیر اولدیغی دوشونولورسه ، متوسط اهلیتله مالک اولانلرک تمیئه فکر ، تربیه ذوق ایچون آثار ادبیه قرائتدن اصلا فراغت ایدهمیه جگهری در حال اکلاشیلیر . آنتوان آلبالا « شکل اسلوب » نام اثرنده قرائتک فوائندن بحث ایدرکن دیورکه :

« قرائت ، تمهیل اسلوب خصصه سنده کی بوتون اصوللرک اساس و منبعی کی تلقی اولنه بیلیر . او قومی ، بر اثر ادبی سطر سطر تدقیق ایتک دیمکدر . قرائت ملکاغمزی تشکیل ایدر ، نه کبی خصائصه مالک اولدیغمزی میدانم چیقاریر ، الهامی ابداع و محافظه ایلر . بز حیات فکر بهیه آنجی قرائت واسطه سیله کبردرز . انسان برشی او قودقدن سوکرا محرر اولور . او قومی نه اولدیغمزی کندیلمزه بیلدیریر . صرف واملای اوکرتدیکی کبی صنعت تحریری ده اوکرتیر . او قومی ، احتیاضاتک اک اصیلدر . بویوک محررک حیاتلریک نصفی او قومقله کچیرمشلردر . مونته سکیو : هیچ برکدرم بوقدرکه بر چاریک ساعتک بر مطالعه ایله تسلیم یاب اولمسن . دیردی . »

بعضیلری ، آثار ادبیه قرائتک شخصیتک تشکله مضر بر تأثیر اجرا ایده جکنی سوبلیه رک ، « محافظه شخصیت ایچون او قومامق دهامنیدر » فکرنده بولنورلر . بونک نه قدر خطیه دار اولدیغی اثباته قالمق بیله زانددر . آثار نفیسه صنعتی او قومی ، قارئ تقدیر و حیره ،

بوتون بو مطالعاتدن شو نتیجه استخراج ایدیه بیلیرکه اسلوبک شخصیتته ، یکلیکنه خلل ویرمیه رک حتی بالعکس اوکا یاردیم ایدیه کج مفید بر قواعد ادبیه کتابی ترتیبی ممکندر ؛ و بو قواعد ادبیه کتابی طلبیه نمونه اولارق فلان ادیبک ویا فلان شاعریک اسلوبنی دکل ، لسانک اسلوب طبعی و عنعنویسنی اراه ایه ملیدر . بویله بر کتاب و بویله بر طرز تدریس ، طلبه نک تربیه ذوقیه سنه و عین زمانده طوغری و کوزل بر اسلوب الده ایدیه بیلیمسنه پک بویوک خدمت لرایدر .

۶

آثار ادبیه . — ادبیات کله سنک معانی مختلفه سندن بری و بلکه اک واسعی آثار ادبیه در . علی الاطلاق ادبیات دینلجه ، ذهنه اک اول کلن معنا بودر . بر ملتک ، بر عصرک ادبیاتی دیمک ، بر عصرک آثار ادبیه سی دیمکدر .

تربیه ذوقیه و فکریه ده ، عقامت فکرک محو و ازاله سنده آثار ادبیه قرائتک پک بویوک فائده لری واردر . بوفون ، اسلوب حقنده کی نطق مشهورنده « معلوماتمز ، آثار مزک رشیم لریدر . » دیورکه پک طوغریدر . مزیت و اهلیت ، هیچ بر وقت کنندی کندیسنه وجود پذیر اولماز . لاعلی التعمین هر هانکی بر صنعتکارک حیاتی تدقیق ایتسه ک ، اونک تشکل شخصیتده ، رومانلرنده ، شعرلرنده ، افکار ادبیه سنده ، اوقودینی کتابلرک ، سودیکی محررلرک تأثیراتی واضحاً کوره بیلیرز . « روصو » یازی یازمغه باشلامازدن اول « مونته فی » ایل « پلوتارق » ی مکرراً اوقومش ، « شاتو بر بیان » بر ناردن دوسن پیهری عادتاً از برله مشدی ؛ شاعر بروسه لی احمد پاشا « میر

غایت بی معنادر. فقط شو جهتی نظر اعتباره آملی که قواعد ادبیه معلمری طلبیه بر اسلوب مخصوص ایله یازی یازمق دکل ، مالک اولدقلری اسلوبی حسن استعمال ایتک اصولی اوکره نیرلر. هر محرک اسلوبی شخصی اولمغه برابر بوتون اسلوبلرده مشترک بر صنعت وارد؛ ایشته طلبیه بو صنعتک آنات ودقایق ، اساسلری ، نتایجی اوکره تیلمله لیدر. بو کون « فضولی » نک بر غزلانی نیچون کوزل بولیورسوق ، مثلاً جناب شهاب الدین بکک بر منظومه سنی ، خالد ضیا بکک بر رومانی ده عین سبیدن طولانی کوزل بولورز. بویوک حکایه نویس « کوستاوفلوهر » : ای بر شعرك هیچ بر مسلك ادبیه عائدیتی یوقدر ، دیردی ؛ بوکا قیاساً بزده ای بر اسلوبک مکتبی یوقدر دیه بیلیرز. بوکون باقی نی نیچون سویورسوق ، روحی بغدادی نی ، ضیا پاشانی ، حامدی ، اکرمی ده عین سبیلرله سوه رز ؛ حالبوکه مثلاً باقی ایله حامد ، روحی ایله اکرم آراسنده نه درین اسلوب فرقلری موجوددر !..

طلبیه اوکره تیلمه سی ایجاب ایدن فلانک ویافلانک اسلوبی دکل ، تورکجه یه خاص اولان ، شیخیدن فکرته قدر بوتون تورک صنعتکارلرنده تصادف ایدیلن مشترک و عمومی عنعنه اسلوبدر . لسانک مبنای طبیعی و منطقیسی ، طرز تشکلی آنحق بو صورتله تفهیم و تشریح ایدیله بیلیر. هر شخص ، اول امرده لسانک بومتین ودائی اساسنه کسب وقوف ایتدکدن صوکر ، کندی قابلیته کوره شخصی ویکی بر اسلوب پیدا ایده بیلیر ؛ دها طوغریسی ، اومبنای متین اوزرنده کندی کندنه یکی بر اسلوب ترهر وانکشاف ایلر .

ویره بیله جک بر تخم استعداد، بوشرطک معدومیتی حالنده چورور کیدر.
او حالده قواعد ادبیه اوقوتمق، غیر معلوم قابلیتارک انکشافه خدمت
ایده بیلیمی اعتباریله ده شایان اهمیتدر.

آلبالا: « انسانک موخرآ قازاندیغی شیر، بلکه ده فطری
اولارق مالک اولدقلرندن دهافضلهدر. « دیور؛ فی الحقیقه صنعت
تحریرک بر قسمی کتابلرله اوکره نیله مه مکله برابر بر قسمی ده پک
کوزل اوکره نیله بیلیر. بر چوق کیسه لارک اوقدر فنا یازمه لری،
صرف فقدان مساعیدن، تنبلیکدن ایلری کلکده در. سعی، الهامه
پک چوق یاردیم ایده؛ « بوفون » دهانک ناصل بر صبرمدید نتیجه سی
اولدیغی سویلیورسه، « آلبالا » ده صنعت تحریرک عین صورته، اوزون
بر سعی نتیجه سنده کمال موفقیتله اوکره نیله بیله جکنی ادعا ایدیور.
« مادام بوواری » نامنده کی رومانی اوقدر بی قصور و تراشیده بر آبد
صنعت یاپان « فلوهر »، بوکا، آنجق مدید و تحملسوز بر سعی حما آلود
سایه سنده موفق اولمشدی.

طلبه یه بیوک صنعتکارلرک اسلوبلرینی تعلیم وارائه ایتمک، پک
مفیددر. بعضلری، هر بیوک محررک شخصی بر اسلوبه مالکیتینی
واونلری آیری آیری اوکرتمک غیر ممکن وبی فائده اوله جغنی ادعا
ایدیورلر؛ ومثلاً طبعاً شکسته، نحیف بر اسلوبه میال اولان بریسنه
نفعی نک اسلوب مظنطنی نمونه اوله رق کوسترمک غیر معقولدر،
دیورلر.

بو اعتراض یکنظرده پک طوغرودر. هر صنعتکارک آیری بر
اسلوبی اولدیغی ایچون طلبه یه اونلردن برینی موده ل اوله رق ویرمک

بسیط و طبیعی بر ادعادرکه عکسفی درمیان ایدن کیمسهیه اصلا تصادف اولونه ماز . قواعد ادبیه اوقوتمقدن مقصد، شا کردی بر شیخ غالب، بر عبدالحق حامد یا پمق دکل ، « تاریخ ادبیات » مؤلف مشهوری کوستاولانسونک دیدیکی کبی اونلرک تربیه ذوقیه لرینه، حس تنقید لرینک انکشافه چالیشمقدر؛ دیگر جهتدن « انسان ذوقک تشکله چالیشیرکن اسلوبی ده کنندی کنندینه شکل ایدر . [*] »

بویوک بر صنعتکار ، بویوک بر ادیب اولمق ایچون ، معلم تئودور ریو « نک ادعاسی وجهله ، هیچ بر شی الهامک ، استعداد فطرینک یرینی طوته ماز ؛ حتی مشهور فرانسر فیلسوفی « ایپولیت تن » بیله : « انسان دنیا یه کلیرکن کنندیسیله برابر بر طاقم نواقص و مزایانک تخم لری ده کتیریر . » دیمشدی . یو مطالعه لر، قواعد ادبیه تدریسی علیهدار لرینه قارشو ایی و قوتلی بر سلاح مدافعه در . انسان کنندیسنده کی تخم استعدادک موجودیتدن اکثریابی خبر قاله رق ، نفسنده بر چوق یاکاش قابلیت لر توهم ایدر : بویوک شاعر « توفیل غوتیه » ، شاعر لکه باشلامزدن اول کنندیسنده رسام اولمق قابلیت کورمش ، « ژان ژاق روصو » قرق یاشنه قدر بر محرر اولدیغنی آکلایه مامشدی ... « تضرع نامه » مؤلفی سنن پاشا ایسه ناصل بر قابلیت تحریریه مالک اولدیغنی ، آنجق قرق سنه ک اوزون بر موجودیتدن صکره ، عاداتا بر اثر تصادف اوله رق حس ایده بیلیمشدی . . دیمک اولیورکه انسان، حتی اکثریتله ، ناصل بر تخم استعداد مالکیتدن بیله بی خبردر . . مساعد بر زمین انکشاف بولدیغنی تقدیرده بلکه شایان حیرت ثمره لر

[*] کوستاولانسون : صنعت تحریر حقنده نصایح .

مع مافيه نفائس قديمه صنعتك ، اسكى آبدات ادبيهك تدقيق و تتبعى هيچ بر زمان اهميتى غائب ائمه مشدر . كوزل يازمق ، كوزل يازيلان اثرلردن ذوقياب اولمق ايچون بر تربيه ذوقه آلمق ايسته ين هر كس ، كندى ادبياتك بويوك استادلرني كال دقتله اوقومق مجبور يتنده در . بو كون سنان پاشاني ، فضولى يي ، نعي يي ، نديمي ، شيخ غالبي اوقومه ين ، اونلرك اسلوب صنعتندن ، قوللاندقلى تشبيهات و استعاراتدن بر ذوق طويمه ين كيمسه لر ، اي و كوزل يازمغه اكثر يتله موفق اوله مازلر . آلبالانك ديديكى كبي « آثار نفيسه يي اوقومق انساني حيرت و تقديره ، حيرت و تقدير تقليده سوق ايدر ؛ تقليد ايسه باشقه لر ينك محاسنى تمثيل ايچون بر واسطه در . »

آثار ادبيهك يالكز كوزللكلرني كوروب اكلامق ، اي يازمق ايسته ينلره كفائت ائمز ؛ بناء عليه معلم بر طرفدن نفائس ادبيهك احتوا ايتديكى محاسنى تشريح و ايضاح ايدر گن ، ديكر جهتدن ، اجتنابي لازم كلن قنالقلى لايقيه آكلاته بيلمك ايچون باياغى محررلرك ارائه آثاريني ائمه كه مجبور در . فنا و عليل بر اسلوب ناصل اولور ، افاده نه كبي نقائضله معلولدر ، بونلرى شا كرد تماميله كورمه ليدر كه يازى يازار كن اونلردن اجتنابه موفق اولسون .

بر چوق كيمسه لر ، حسن تحرير قابليتك فطرى اولديغى ، وبناء عليه قواعد ادبيه ايله اشتغال ايدر ك اي يازمق ايستينلرك هيچ بر زمان موفقيت كوسترمه جكلرينى ادعا ايدرلر ؛ و قواعد ادبيه اوقومق حتى اوقومتقه هيچ بر كيمسهك بر فضولى ، بر شكسپر ، بر عبدالحق حامد اولامه يه جغنى متمادياً تكرار ايلرلر . بو ، اوقدر

بدیعی اویانديره بيلمك ايجون اسكیدن بری رعایتیه مجبوریت کوریلن بوقاعده لرك لزوم تدریسی وبونك درجه اهمیتی بالخاصه شوصوك سنه لرده اپی موضوع بحث و مناقشه اولمشدر .

منقیدیندن «ره می دوغورمون» کی غرابت و خصوصیتیه معروف و فرط شخصیت طرفدارى بعض ذوات استئنا ایديله جك اولورسه ، سائر بالعموم ارباب تحریر و تفکر ، قواعد ادبیه نك ، اصول تحریرك لزوم تدریسنه قائلدرلر . یالکز ، بونك طرز تدریسی اسکیلر ککندن پك چوق دكیشمش ، بوسبوتون بشقه برماهیت آلمشدر . اسکی عصرلره منسوب اولان ارباب تحریر ، مثلاً «بووالو» ، هر کس ايجون واجب الاتباع و ناقابل تغییر برطاقم قواعد ادبیه نك موجودیتیه قانعدیلر؛ صنعت تحریرك اسرار دقیقه سنه کسب وقوف ایتك ایسته ینلر اواقعه لره صورت مطلقه ده اتباعه مجبور اولورلردی؛ چونکه عکس حالده عدم موفقیت محققدی .

بوکون ، بوکی افکار قدیمه بالطبع تمامیه دكیشمشدر . صنعت تحریر حقنده کی آثار متعدده سیله معروف «آنتوان آبالا» اسکی قواعد ادبیه کتابلرندن بحث ایدرکن ، اونلرك نواقص اساسیه سی حقنده شویولده سرد مطالعات ایدیور :

«اسکی ادبیات کتابلری ، اسلوب ساده ، اسلوب مجازی ، اسلوب متوسط کی اسالیب مختلفه نك فرقلرنی آکلامقده برچوق زمان غائب ایدیورلردی . افاده لرك قوتی ، خیال لرك ماهیتی موضوع بحث و مناقشه اولور؛ و انواع متعدده نك یکدیگرندن ناصل تقریق ایديله جکی اوکره تیله لرك ، بر داستانه رقصده نك صفات ممزه لری حقنده تطویل مقال ایدیورلردی . حالبوکه بوتون بولر بی فائده در ؛ بز بولرله اشتغال اتمیه جکزر . [*]»

[*] آنتوان آبالا : صنعت تحریر .

صنعت مسائلی کبی - ذوقه عائدتی جہتیلہ بوسبوتون سیال و بیقرار
اولان - مسئلہ لردہ اصلا التزام مطلقیت ایدلمہ مسی فکرندہ اولانلر ،
« ادبیاتک تعریف بدیعینندن خارج » اثرلرک غیر ادبی عد ایدلمہ سنی
قبول ایتیمورلر ؛ اونلرہ کورہ : هرکس ذوقیاب تحسین اولدینی اثرلرہ
بر ماہیت ادبیہ عطفندہ مختاردر ؛ آثار قلمیہ ادبی صفتی احراز
ایچون هیچ بر شرطہ تابع اولاماز .

بزم نقطۂ نظر مزجہ ، بو ادعا پک افراط پرورانه در . صنعت
مسئلہ لرنده مطلقیت موجود اولمادینی و آثار قلمیہ نک ادبی صفتی
احراز ایچون هیچ بر شرطہ تابع طوتولہ مایہ جنی غایت طبعیدر .
یالکز ، « آثار قلمیہ ادبی عد ایدلمک ایچون شرائطہ تابع دکلدر »
دیمک ، « لاعلی التعین هر محصول قلم بر اثر ادبیدر » طرزندہ یا کلش
تفسیر ایدلمہ ملیدر . مقصد صنعتی کوزہ تمیہ رک ، غایۂ خیالی یہ دوغرو
توجیہ فکر و نظرایتمہین بر صاحب قلمک اثرلری ، اصلا دائرۂ ادبیاتہ
داخل اولاماز . ادبیاتندہ قوانین مطلقہ اولماقلہ برابر بر طاقم قواعد
مقررہ موجوددر ؛ اگر بویلہ اولمایوبدہ افکار ادبیہ تمامیلہ نسبی
اولسہیدی ، سروری یی ندیمہ ، معلم ناجی یی عبدالحق حامدہ ، اوژنہ
سوی و یقتور هوغویہ ترجیح ایدنلرہ اصلا اعتراض ایدیلہ مزدی .



قواعد ادبیہ کتابلری و درجہ ضمیمہ لری . — ادبیاتک تعریفات
ثلثہ سی آرہ سندہ ، قواعد ادبیہ نک ہیئت مجموعہ سندہ ادبیات نامی
ویرلدیکنی سویلہ مشدک . ای ، درست یازہ بیلیمک و او قویانلرہ بر حفظ

بونلرک بر قسمی محصول صنعت عد ایده رک ادبیات ساحه سنه ادخال ، دیگر قسمی ایسه اورادن اخراج ایدیور. عالم ادبیاتده دائماً تصادف اولنان « ادبیات، خارج از ادبیات » کورولتولری ، بوتقسیم وتحدیدک بر نتیجه سیدر. ادبیاتک تعریف بدیعسنه داخل واو اوصاف ایله متمایز اثرلر ، — مثلاً سنان پاشانک ، ندیمک ، عبدالحق حامدک آناری — بر اثر ادبی عد ایدلکلری حالده ، دیگر بر چوق محصولات قلمیه بوصفته کسب استحقاق ایده مزلر. هر مملکتک بویوک و ذی نفوذ منقدری ، ناصلسه شهرت قازانابیلن بعض آثار قلمیه یی نهایت دائره ادبیاتدن اخراجیه موفق اولارق اولنردن ادبی صفتی نزع ایدرلر. فرانسه مشاهیر منقدیندن ژول لومه تر ، « ژورژاونه » نامنده کی بر رومانجینک اثرلرینی شدتلی بر مقاله سیله ساحه ادبیاتدن طرد ایتدیکی کبی ، نامق کالده عرفان پاشایه یازدیغی مکتوب معروفیه بوزواللی مشیرک بوتون ماهیت ادبیه سنی محو ایده بیللمشدی.

اسکی مؤلفلردن بعضیلرینک ظن ایتدیکی کبی ، هر محصول قلم بر اثر ادبی اولسه یدی ، اوزمان « ادبیات، خارج از ادبیات » غوغالرینک ظهور ایتمه سی ، ومثلاً خالدضیا بکک « قیریق حیاتلر » ی ایله ، هر صحیفه سی یوزلرجه وقایع جنائیه ایله دولو عوام رومانلرینک عین ماهیته مالک اولسی ایجاب ایدردی. حالبوکه ادبیاتک تعریف بدیعسی نظر اعتباره آلدیغی تقدیرده ، بونک هیچ بر وقت بویله اوله مه یجنی درحال تظاهر ایدر. چونکه بر اثر صنعت ، بر اثر ادبی عد اولنق ایچون لازم کلن اوصاف ، برنده موجود اولدیغی حالده دیگرنده معدومدر. علوم طبعیه ده بیله قوانین مطلقه موجود دکل ایکن ، بالخاصه

برطرزده تقلید ، واقسام و تفرعاتی آرده سنده کی مناسبات و ارتباطاتی صنعتکارک غایه خیالسنه کوره تعیین ایدرک ، برهیجان بدیعی تولید ایلنه بیلیمکدر .

شو تعریفه کوره ، اصوات ایلنه اشتغال ایدن موسیقی ، الوان و اشکال ایلنه اوغراشان رسم ، خطوطک ناظمی اولان هیکل تراشی و معماری ، حرکاته بر آهنگ مخصوص ویره بیلن رقص ، کلمات و الفاظک تأثیراتی نظر اعتباره آلمدقلرینه ، اوندن محروم اولدقلرینه بناءً ادبیاتدن معدود اوله میه جقلری کبی ، مخیله و حساسیت صنعتکارانه نک تأثیراتندن معرا بولونان کتابت نامیله موسوم محدود الشکل اوراق عادیه ، معاملات رسمیه ده بو حدودک خارجنده در . ادبیات اقتصادیه ، ادبیات عسقلریه ، ادبیات سیاسییه کبی تصنیفات ایسه اساس مقصدلری اعتباریله ادبیاتدن خارجدر ؛ زیرا بونلرده مخیله و حساسیتک مفقودیتندن طولایی بر ذوق ، هیجان بدیعی تولید ایده بیلیمک خاصه سی معدومدر . حالبوکه ادبیاتک مقصدی ، کندیسنه خاص وسائط ایلنه هیجان بدیعی بی تأمین ایتمکدن باشقه برشی دکلددر .

شمدییه قدر ادبیات معلملری ، لغت متخصصلری ادبیاتک تعریف علمی و بدیعیسنی ذکر و نقل ایتمه مش اولدقلرندن ، افکار عمومیه ده بونک معنای بدیعیسی آکلاشیله مه مش ، خارج از ادبیات اولان آثار قلمیه « اثر صنعت » تلقی ایدیلهرک اوقونمشدر .

۴

ادبیات ، خارج از ادبیات . — ادبیاتک حکمت بدایع نقطه نظرندن تعریفی ، محمولات فکریه قلمیه بی ایکی مختلف قسمه آیریور ؛

غیر ثابت و متغیر در، مثلاً مولیہ رده، بالزاق دہ اثر لرنده برر خسیس تپی
کوستر مشلردر؛ فقط خست هر ایکسندده باشقه باشقه شکل رده
اظهار و اراده اولومش در.

ایشته، بالاده کی شرائطی حائز اولمیان آثاره اثر صنعت دینیه میه جکی
کبی آثار قلمیه یه ده آثار ادبیه دینیه مز.

۳

ادبیاتک اریغچی تعریفی: تعریف بریمی. — شمدی یه قدر صنعت
حقنه ذکر ایدیلن افکار و مطالعاتدن صنایع نفیسه سائر یه عائد
اولان جهتلی بر طرفه ترك ایده جک اولور سهق « ادبیات » ک
تعریف بدیعینی حصوله کتیر مش اولور ز. بوتعریف، قواعد علمیه یه
مطابقتی اعتبار یله ادبیاتک اک معقول تعریفدر.

شمدی المزده کی معلوملی برر برر تدقیق ایده لم: انسان حسنه
تابع، بناء علیه حساس بر مخلوقدر؛ حقیقت ساحه سنده یورویه بیلدیکی
کبی مخیله سنک معاونتیه خیال سمالرنده ده اوچه بیلیر. تأثرات و انفعالاتی
خارجاً اظهار ایتک احتیاجنه مغلوب اولغله برابر « تحری حسن »
قانوننک ده منقادیدر؛ هیجاناتی خارجاً کوستره بیلک ایچون محیطنده کی
شیلری تقلیده، اقسام و تفرعات آره سنده کی مناسباتی تعینیه، اوصاف
اساسیه بی نظر اعتباره آلمغه محتاجدر؛ بناء علیه — بوتون بوتقاط نظر
اعتباره آلمق شرطیله — ادبیاتک حکمت بدایع نقطه نظرندن تعریفی
شودر:

« ادبیات : حساسیت و مخیله نك معاوتی و الفاظ و کلمات
واسطه سیله، محیط خارجیدن بر شیشی وصف اساسیسنی کوستره جک

مجبوریتی تولد ایدیور. ایشته صنعت بونکه میخانیکی برایش اولمقدن قورتولیور، وبر اثر ذکا حالنه کیریور.

بوکا : اقسام وتفرعاتک مناسبات وارتباطات متقابله لریخی تعین ایتک، دیرلر. مثلاً : بررومانجی حیات حقیقه وخارجیه دن برشیئی، اوراده ایشتدیکی، کوردیکی تکمیل مکالماتی، وقایعی، اوضاع وحرکاتی کاغدلر اوزرینه نقل ایتمز. تصویر ایتک ایسته دیکی شخص اکر خسیس ایسه اونک بو طبیعتی اثبات وارائه ایدن خستکارانه افعال وحرکاتی جمع ایده، وبونلرک یکدیگریله اولان مناسبت وارتباطی نظراعتباره آلیر. اولجه ویریلن بر جوابه کوره بر جواب، برقراره کوره بر قرار، بر فکره کوره بر فکر تولیدایلر.

اقسام آره سنده کی ارتباطات ومناسباتی تعین ایتکده بر اثر صنعتی افاده ایچون کافی دکلدر. هر صنعتکارک بر اثری وجوده کتیرمسنده بر مقصد، بر فکر موجوددر. صنعتکار بر شیئی کوریر، تدقیق ایدر. اونده بوتون طبایع واوصاف سائرهنک ثابت ارتباطلره تبعاً اشتقاق ایتدیکی بروصف اساسی، - ویاتعیر دیگرله - بر طبیعت اساسیه بولور؛ بونی تمامیه کوستره بیلیمک ایچون اشیانک مناسبات وارتباطات متقابله لریخی تغیر وتعدیله مجبور قالیر. حیاتده بر طاقم اسباب خارجیه وصف اساسینک کمال وضوحله کوریه بیلیمسنه مانع اولمقدهدر. صنعت بو اسباب طفیلیه یی ازاله ایدرک مذکور نقصانی اکمال ایلر.

اکمال وتعدیل فعلی، صنعتکار کندی مخیله سنه کوره، اونک التجا آتته تبعاً ایفا ایدر. اشیا آره سنده کی مناسباتک تغیریه حصوله کلن شیئه « غایه خیالی» اطلاق اولنور. غایه خیالی یه کلنجه، بوده هر صنعتکاره کوره

ايدەمز ؛ محقق بونلرڭ خارجى بر طاقم نقاط خصوصيه استناد
ايتلىرى ضروريدر .

اولا هر نه ي دوشونيرسهك دوشونه لم ، بونى يالكرز مخيله مزك
تأثيريله تصور واجرا ايدەمه يز . « سكون دماغى » قانونى بوكا تماميله
مانعذر . دماغمز ، بالذاتجه مخيله مز ايشله يه بيلمك ، اجراى فعاليت
ايدە بيلمك ايچون خارجى تأثيراته معروض قالميدر ؛ باخصوص
ادبيات ، رسم ، هيكل تراشى تقليد اوزرينه مؤسس يعنى تأثيرات
خارجيه نك تحت تأثيرنده تولد ايدە بيلن صنايع نفيسه دندر .

بونك ايچون نظرلر مزي محيط خارجيه دوندير مكه ، طبيعى
آز چوق تقليد ايتمكه مجبورز . مثلاً : بر رومانجى افعال وطبايع
بشريه يي نظر اعتباره آير . ممكن اولديغى قدر بونلردن صحيح
و واضح بر فكر چيقارمق ايستر . رومانك غايه سى ده بشرىتى ،
بشرىتك معيات و خطيائى ، فضائل و مزياتى تصوير واره ايتمكدر .
خلاصه رومانجى طبيعى تقليده مجبوردر .

فقط مسئله بو قدرله بتمه يور ؛ اكر صنعت ، تقليد تامدن عبارت
اولمش اولسه يدى ، فوطوغرافيلرڭ ، قابله آلنان هيكللرڭ ، محكمه لرده
طوتيلان ضبط ورقه لرنده كى مكالماتك آثار صنعتدن معدود اولماسى ، و بناءً
عليه صنعتك عادتاً ميخانيكى بر شى حكمنه كيرمه سى لازم كليردى .
خصوصيله صنعتك تقليد تام اولديغنه اك بويوك دليل هيكللردر . بونلر
بررنكه مالك اولما مقله برابر كوزلرنده حدقه لرده يوقدر . معافيه
حس بديعى يي ، هيجان بديعى يي ينه تأمين ايدرلر . ديمك كه صنعتده
اشيا و اشخاصك ، خلاصه موضوعك بعض اقسامنى تقليد ايتمك

وطبیعتنده ، ولو مسرور و محظوظ ، ولو مأیوس و محزون اولسون ،
خارجی بر طاقم اوضاع و حرکاته حسیات درونیه سنی اظهار واره
ایتمک خاصه سی واردر .

ایشته بونلرک کلمات ایله ، الفاظ ایله ، آهنگ لفظی ایله افاده سی
شعری وجوده کتیریر .

انسان فضله اوله رق کندی فلا کتدن باشقه هم جنسنگ ده
آلام و مصائبه متأثر اولور ؛ اونلرکده یأس و حزننه اشتراک ایلر .
بو صورته حسیاته تابع بر مخلوق دیمکدر . برده خیله سی واردر که
برچوق خیال لرله مالامالدر . هر شیئک حدود و اشکال اصلیه سنی
خیله مبدعه سیله توسیع و اکمال ایلر . بناء علیه همجنسنگ یأس
و فلا کته و یا حظ و مسرتله تولید ایتدیکی اوضاع و حرکاتندن
متأثر اوله جفی کبی خیالیله نتیجه تأثراتی توسیع و تزین ایتک
خصوصنده ترده ایتمز .

و بو فعالیت دماغیه نک مؤمنی ، ناظمی ایسه « تحری حسن »
یعنی احتیاجات مادیه و معنویه نک دها قولای ، دها نفیس ، دها کوزل
بر صورته تأمین و استحصالدر .

بو نقطه تحلیل قدر کلد کدن صکره اصوات ، کلمات ، حرکات ،
الوان ، اشکال واسطه سیله نقل و تبلیغ اولنان هیجاناتک نفیس ،
ظریف ، کوزل اولسی شرطیه قارشلاشمش اولورز که بوده صنعتک
حظ معنوی بی ، هیجان بدیی بی تأمین ایتمه سی قاعده سنی تولید
ایتمش اولور .

بوغایه ، بو مقصده وصول ایچون یالکز خیال و حس کفایت

اقلامی مقید اوراقہ ، تیاترو اعلانرینہ قدر ہر نوع محصولات فکریہ قلمیہ ادبیاتدن معدود اولوق لازمکلیر . فی الحقیقہ افکار ونظریات صنعتہ واقف اولمیان بر چوق کیمسہلر، غزتہلردہ کی باش مقالہلری، وقایع ضابطہی، شئونائی بیلہ ادبیاتدن تلقی ایدرلر .

ادبیاتی ؛ ادبیات اقتصادی ، ادبیات سیاسیہ ، ادبیات عسکریہ

کبی برچوق عندی ، فرضی تقسیمات وتصنیفاتہ معروض طوتارلر .

حالبوکہ باصمہ قالب ، برالدن دیگر برالہ ، بر قلمدن دیگر بر قلمہ منتقل وحس وخیالندن عاری مقالات وآثاری ادبیاتدن عدا یتک طوغری اولہمیہجنی کبی ، اولجہ ذکر ایدیلن تقسیمات وتصنیفاتدہ « حکمت بدایع » نقطہ نظرندن مردوددر .

بلیغ ولطیف سوزلری تألیف ایچون طوتیلن اصول وقواعددن باحث کتابلرہ کانجہ ، بودہ مکتبلرہ کی « ادبیات » درس لرنندن باشقہ برشی دکلدرد .

ادبیات صنایع نفیسه نک بر شعبہ سی اولدیغہ بناءً بوکا بر تعریف بدیی ویرہ بیلیمک ایچون ابتدا صنعتک نہ دیمک اولدیغنی آ کلامق ضروریدر . « حکمت بدایع » محری «اوژہن وەرو» صنعتی : « آھنکلنی سوزلر ، حرکات و اوضاع ، اصوات و خطوط ، الوان و اشکال واسطہ سیلہ خارجاً بر ہیجانک افادہ سیدر . « دیہ تعریف ایدیور . اساساً انسان دینیلن مخلوق بر طاقم احتیاجات و آمالہ مربوط اولہرق یاشار ؛ بونلرک تسکین و تأمینی آنندہ درین بر حظ سعادت و حضور حس ایلر ؛ مغلوبیت و محرومیتنی متعاقبہ براندیشہ سیاه ، بر بدینی عمیق ، بر خوف بی انصاف ایلہ صارصلیر .

تحریرى بولنان مترجم عاصم ده «ادبیات» معناسنى حائز «ادب» کلمه سى ایچون «دولت اسلامیه دن برمدت مرورنده علوم عربیه واشعاره ادب اطلاق ایلدیلر، باعث تأدیب اولدیغیچون...» تعریفی قوللانیور. استاد محترم اکرم بک افندی، بزده ایلک صنعت تحریر کتابی

اولان «تعلیم ادبیات» نده ادبیاتی شوصورتله تعریف ایدیور :

«بک واسع یعنی عمومی پر نظرله باقلیرسه «ادبیات» تعریفی محصولات افکارک کافه سته شامل طو تلیق اقتضا ایدر. چونکه هنر نوع محصولات فکریه بی ضابطه و رابطه تحتنه آله جق شی فن کتابتدر. بو حالده فن کتابت دخی علی الاصول ادبیات اعتبار اولمش اولور و بوکا تعلق ایدن هرشی ادبیاتدن معدود بولنور. حالبوکه ادبیاتی اک فیاذه ذوق و حسن و خیال دن متولد ورد و قبولی ینه اک چوق بولنره عائد بر صنعت نازکه اولق اوزره تلقی و حیثیت و مزیبتی او صورتله تقدیر ایلین ارباب تدقیق بونک تعریفنده : اک مشهور ارباب قلامک اک منتخب، اک مقبول اثرلرندن استنباط و اخذ اولان اصول و امثالك معرفتدر، دیورلر.»

شو تعریفه دقتله باقلدیغی زمان آکلاشیلورکه ادبیاتی استاد محترم ایکییه تقسیم ایدیور: بری واسع بر معناده اولق اوزره بوتون محصولات فکریه بی، یاخود - معنای ترکیبک افاده ایتدیکی شی طوغری اوله بیلیمک ایچون - محصولات فکریه قلمیه بی شامل آثار؛ دیکری ده قواعد ادبیه بی محتوی بولنان آثار تدریس.

۲

بو تعریفک حکمت برابع نقطه نظر منه نقضانی. - کرک ادبیات معلملرینک، کرک لغت متخصصلرینک بو تعریفلرینک برنجی قسمنه کورده، توقیف مذکره لرینه، ضبط ورقه لرینه، معاملات رسمیه

مدخل

ادبیاتك ایکی تعریفی .- حکمت بدایع نقطه نظرندن نقصانی .- ادبیاتك اوجنچی تعریفی: تعریف بدیی .- ادبیات ، خارج از ادبیات .- قواعد ادبیه کتابلری ودرجه خدمتلری .- آثار ادبیه و فوائدی .- ادبیات و صنایع نفیسه .- ادبیاتك هیئت اجتماعیه ده کی موقی واهمیتی .

۱

ادبیاتك ایکی تعریفی .- قواعد تحریر ایله اشتغال ایدن محرر لر، معلم لر و لغویون ، ادبیات کلمه سندن اینکی معنا استخراج ایتشلر در . اونلره کوره ادبیات دینلدیکی زمان بری آثار ادبیه یی ، یعنی کلمات و الفاظك معاونتیه حصوله کلن محصولات فکریه یی شاملدر ؛ دیکری قواعد ادبیه یی ، یعنی افکار ناسده بر موقع مخصوصه مالک ، مرور زمانله قیمت صنعتکارانه لری اسکیمه مش و تقدیر اولنش استادان ادبك مقبول، اککزیده آئارندن استباط اولنان اصول و تعریفاتی محتوی مؤلفات نظر اعتباره آلینیر .

مثلا : « لاروس » ه مراجعت ایدلدیکی تقدیرده « ادبیات : آثار و قواعد ادبیه و وقوف و معلومات .- بر دورك مجموع محصولات ادبیه سی .» سوزلری کورولدیکی کبی ، مملکت مزده لغت کتابلرینك اب

اهمیتی تقدیر ایدله‌ین اسلوب مسائلی ایله آهنگ و وضوح کی مباحث اساسیه
دها واسع بر مقیاسده موضوع بحث ایدلشدیر .

مکتبلر مژک حال حاضر ی و طلبه‌نک عدم تجانسی حسبیه اثرک طرز
ترتیبه فوق‌العاده اعتنا ایدلدی ؛ بناءً علیه طلبه‌نک سویه‌سنه کوره ، وحدت
اثره خلل کلکسزین ، بعض مباحثک ترک و تعدیلی معلملرایچون غایت قولای
اولاجقدر . بونقطه نظر دن ، اثر اساس اعتباریله مکتب سلطانیه پروغراملرینه
کوره ترتیب ایدلدیکی حالده ، معلملرک اجرا ایده‌جکی بعض تعدیلات ایله مکتب
اعدادیه‌ده ده پک کوزل تدریس اولونابیلیر . مکتب اعدادیه طلبه‌سی ایچون ،
بواثرک ایوم مکتب مذکورده تدریس ایدیلن کتب ادبیه دن دها مفید
ودها سهل‌الفهم اولدیغنی ارباب اختصاص طبیعی تسلیم و تقدیر ایده‌جکلر در
لسان و ادبیات خصوصنده کرک عالم تدریسده و کرک عالم تحریرده اوزون
سنه لردنبری چالیشان محررلری ، بویکی اثرلرینی او دوره مدیده تبعک بر
خلاصه‌سی ، برزیده‌سی عدا یتکده درلر . اونلر ، دردست نشر ازلان ایکنجی
جلدی ایله برلکده «معلومات ادبیه» نک انسال آنیه ایچون ناچیز فقط شایان دقت
بررهر مساعی اولاجغنی امید ایدیورلر . بو کون یا کلش نظریه‌لر ، یا کلش
فکرلرله تغلیط ایدلک تهلکه‌سنه معروض قالان نسل حاضر ، بواثرله « ادبیات
حقیقه » نه اولدیغنی او کره نه بیله جکدر . قارئلر یالکیز شو حقیقتی ده بیلمه لیدرلرکه :
اکر پروغرام دها مساعد اولسه‌یدی ، نظریات جدید علمیه اثرده دها واسع
برساحه آیریلاجق ، و محررلرک اعتقادنجه تمامیه بی لزوم اولان برچوق مباحث
لغو ایدیله‌جکدی . مع‌ما فیه ، اثرک ایکنجی طبعنه قدر افکارده - وبالن نتیجه
رسمی پروغراملرده دها بیوک برتحول حصوله کلهرک طبع مذکورک شیمدیکی
کتابده کوزه چارپان نقائصدن بوسبوتون قورتولاجغنه محررلری امین و قانعدرلر .

۲۳ مایس ، ۱۳۲۸





تأثيره :

شیمدی به قدر نشر اولنان ادبیات کتابلری ، نظریات قدیمه بی فرط اعتنا ایله محافظه ایندکارندن دولایي جداً شایان تنقید و ادبیاتمز ایچون فوق العاده شایان اعتنا اولان نظم و اشکال نظم مباحثی اصلاً نظر اعتباره آلامدقلرندن ناقص برحاله بولونیورلردی . صوک زمانلرده منتشر بعض آثار ، غرب نظریات اخیرۀ ادبیه سندن اقتطافده بولنمق صورتیه برنجی نقصانی قسماً ازالهیه موفق اولدی ؛ فقط ابکنجی واک مهم نقصان حالا هیچ کیمسه نك انظار دقته جاربادی . حالوکه مکاتب اعدادیهده ادبیات اوقویان برشا کرد ، بزم پک خصوصی اولان اصول و اشکال نظمزی بیلمزه ، اسکی و یکی ادبیات منظومه مزى لایقیه آکلامغه ناصل موفق اوله بیلیر ؟

اخیراً تنسیق ایدیلن مکاتب سلطانیه پروگراملرینه موافق اولارق یازیلان بو کتابده ، محررلر هر ایکی جهتی ده امکان درجه سنده نظر اعتباره آلدیلر ، و بوخصوصه دائر انشار ایدن آثار سابقه ده کی خطیئاتدن قور تولغه چالیشدیلم . بناءً علیه شاگردانه ادبیات حقنده عمومی و مجمل بر فکر ویره بيله جک قیصه بر « مدخل » دن صوکر ، نظم و اشکال نظم بحثی لزومی درجه سنده توسیع ایدرک بوخصوصه غربک الک یکی نظریات علمیه سنه اتباعاً سرد مطالعاته صرف غیرت ایندیلم . کرک حکمت بدایع و کرک تاریخ ادبیات خصوصنده کی تدقیقات عمیق و تشخیصه لرینک محصولی اولان بو قسمک ، ارزو ایندکلری درجه قیمته اولمادیغی اعترافدن محررلری اصلاً چکینمزلر ؛ آنجق نظم و اشکال نظم مسائلنک بویه یکی بر نقطه نظرندن تدقیق برنجی دفعه بوئارده ممکن اولایلمدیکی دوشونیلیرسه ، معذرتلری تسلیم اولنور ظننده درلر .

رسمی پروگرامدن تمامیه آیرلامق ایچون « صنایع لفظیه » مباحثی کبی زائد و بی لزوم مبثتل درون اثرده پک مختصر کیلمش ، و بالعکس شیمدی به قدر

PL
205
K67



مَعْلُومَاتِ ادَبِيَّةٍ

Köprülü, Mehmet Fuat
برنجی جلد

مردلو

کوبرلی زاده محمد فواد شهاب الدین سلیمان

MacLūmāt-ı edebīye

مدخل — نظم و اشکال نظم — قواعد تحریر

صاحب و ناشری : قناعت کتابخانه سی صاحبی الیاس



در سعادت — قناعت مطبعه سی

۱۳۳۰

2283



PL
205
K67

Köprülü, Mehmet Fuat
Ma'lumāt-ı edebiye

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY
